

მზის ერცევი

ანა პუჩინა

ქიქვილი  
რუათასიანი

პიმაღაის მთები ჩვენი პლანეტის უმაღლესი მთებია. აქ თოთხმეტი მწვერვალია, რომელთა სიმაღლე 8 000 მეტრს აღემატება. აქვეა მსოფლიოს მესამე პოლუსი — მწვერვალი ჯომოლუნგმა, რომლის სიმაღლე 8888 მეტრია.

ოცდარმა ექსპედიციამ სცადა დაეპყრო თუნდაც ერთი ამ უმაღლეს მწვერვალთაგანი და მხოლოდ 1950 წელს შეძლო პირველად ადამიანმა 8000-იანი მწვერვალის ანაპურნას დაძლევა.

ამ წიგნის ავტორია ცნობილი ფრანგი ალპინისტი... იგი მოგვითხრობს არაჩვეულებრივ სიძნელეებსა და თავდასასვალზე, რომელიც წილად ხვდათ ამ ასვლის მონაწილეებს. მეტად საინტერესოა ავტორის პირადი დაკვირვებანი „განდეგილთა სამეფოს“ ამ ნაკლებად ცნობილი რაიონის, ნეპალის მკვიდრთა ყოფა-ცხოვრებაზე. ერცოგი გულმართლად აღწერს მწვერვალზე გადამწყვეტ იერიშსა და ასვლის დრამატულ დასასრულს.

ბუნებაზე ადამიანის ბრწყინვალე გამარჯვების დამადასტურებელი დრამატიზმით აღსავსე ფურცლები გვახარებს და გვტანჯავს ამ განსაცვიფრებელი მოთხრობის გმირებთან ერთად.

თარგმნა ალექსანდრა ჯაფარიძემ

## წი ნ ა ს ნ ი ტ ყ ვ ა ო ბ ა

ანაპურნაზე ასვლამ მთელ მსოფლიოზე წარუშლელი შთაბეჭდილება მოახდინა, რაც დროთა მსვლელობაში კიდევ უფრო გაძლიერდა. ეს გამარჯვება უმეტესად ჩვენი დროის ერთ-ერთი ყველაზე დიდი და ამაღლებული ამბავია.

მრავალი ცდის, დიდ და მცირე წარმატებათა თანდათანობით მოპოვების შემდეგ მორის ერცოგმა და მისმა ამხანაგებმა დაიპყრეს არა მარტო ადამიანის მიერ მანამდე აღებულ ყველა მწვერვალზე უმაღლესი, არამედ პირველი მწვერვალიც, რომლის სიმაღლე 8000 მეტრს აღემატება, ერთ-ერთი უმაღლესთაგანი მსოფლიოში.

სრულიად გამოუკვლევებელ მხარეში პირველი ცდისთანავე წარმატების მოპოვებით, ფრანგმა მთამსვლელებმა ისეთი გმირობა ჩაიდინეს, რასაც მანამდე კიმალაის საუკეთესო მცოდნეები შეუძლებლად თვლიდნენ. კიმალაის ხუთი ექსპედიციის მონაწილე, სახელგანთქმული ინგლისელი მთამსვლელი, აწ განსვენებული ფრენკ სმიტი, რომელიც კამეტზე ავიდა და ვვერესტის კალთებზე 8500 მეტრ სიმაღლეს მიაღწია, წერდა: „კიმალაიში ასვლები ისეთ სიძნელებთანაა დაკავშირებული, რომ ალბათ ვერც ერთი ექსპედიცია ვერ შეძლებს პირველი ცდისთანვე დაიპყროს რომელიმე, მსოფლიოს თორმეტ<sup>1</sup> უმაღლეს მწვერვალთაგან“. მიუხედავად ამისა, 1950 წლის ექსპედიციამ ანაპურნაზე შეძლო შეუძლებელი.

კიმალაის პირობებში წარმატებით ასვლა მთელი გუნდის გამარჯვებაა. ექსპედიციის ყველა მონაწილემ, თავ-თავიანთ პოსტებზე, მეტად თუ ნაკლებად ძნელ პირობებში, ცხადყო, რომ ღირსია იმ ნდობისა, რომლითაც აღკურვებს. ისინი პატიოსნად ასრულებდნენ თავის მოვალეობას და ყველაფერი იღონეს, რაც კი შეეძლოთ ორი დამავებული ამხანაგის გადასარჩუნად. მაგრამ ჯეროვნად ვაფასებთ რა ექსპედიციის ყველა მონაწილის დამსახურებას,

---

1 ნამდვილად დედამიწის ზურგზე 14 „რვაათასიანია“, ე. ი. მწვერვალები, რომელთა სიმაღლე ზღვის დონიდან 8000 მეტრს აღემატება.

დაბეჯითებით შეიძლება ითქვას, რომ გუნდის გამარჯვება, უწინარეს ყოველისა, მისი ხელმძღვანელის გამარჯვება იყო.

ჩვენი დასკვნის სისწორეს პირველ რიგში ადასტურებს ის სიყვარული და მოწინააღმდეგეობა, რომელიც გრძნობენ ერცოგისადმი მისი ამხანაგები.

ჰიმალაის არ აღმოუჩენია ჩვენთვის რაიმე ახალი მორის ერცოგის პიროვნებაში — მთელი მისი წარსული თავდები იყო იმისა, რომ ექსპედიციის ხელმძღვანელობა მიენდო ჭეშმარიტად ყველაზე ღირსეულს. მაგრამ ამ ექსპედიციამ მისი მას შესაძლებლობა, ბრწყინვალედ გამოეჩინა თავი ყველაზე უმძიმეს პირობებში, ერვენებინა, რომ ის ნამდვილად სული და გულია ამ დიდი საქმისა და საუკეთესო ადამიანური თვისებები გააჩნია.

თავისი ხასიათისა და გამჭვრიახობის გამო იგი შინაური კაცი იყო ცხოვრების მრავალ სფეროში. პრაქტიკული გონების ადამიანს შეეძლო დამტკბარყო მალარმეს პოეზიით ან პასკალის „ფიქრებით“. იგი ისევე თავისუფლად გრძნობდა თავს რომელიმე ფირმის კანტორაში, როგორც მონბლანის იტალიურ თხემზე.

განსაკუთრებულმა გულითადობამ და გულკეთილობამ საყოველთაო სიმპათია მოუპოვა. ამასთანავე მას შეეძლო სწორად შეეფასებინა ადამიანები და აუცილებელ შემთხვევაში მტკიცე გადაწყვეტილება მიეღო. ჯანსაღი გონება აკავებდა მისი განსაცვიფრებელი ენერჯის სწრაფვას.

ფაქტები თავისთავად ღაღადებენ.

ექსპედიციის მთელ მანძილზე იგი განსაკუთრებულ სპორტულ ფორმაში იყო და თავისი ჯან-ღონითა და გამძლეობით უბადლო ოსტატებს ლიონელ ტერაისა და ლუი ლაშენლასაც კი ჯობნიდა. ერცოგი შეუდრეკლად მიისწრაფოდა გამარჯვებისაკენ და მტკიცედ სწამდა წარმატებისა. ეს რწმენა მან გადასდო არა მარტო ექსპედიციის ყველა მონაწილეს, არამედ ჩვენც, ათასეული კილომეტრების მოშორებით მყოფთ.

თავს არ იზოგავდა, ირჩევდა ყველაზე ძნელ სამუშაოს, პირადი მაგალითით იმტკიცებდა ავტორიტეტს, მუდამ წინ უძღოდა გუნდს და კიდევაც უზრუნველყო გამარჯვება.

ასეულის დამავიჯრვენიებელი ხანგრძლივი ეტაპის განმავლობაში მთელი სისრულით გამოვლინდა ერცოგის საღი აზროვნება და სიმტკიცე. ჩვეულებრივ პირობებში, კიდევ ერთი, შეექმნა ბანაკი უნდა გამართულიყო, მაგრამ მორისს შეგნებული ჰქონდა, რომ ერთი დღით დაყოვნება შესაძლოა მწვერვალის ფასად დამჯდარიყო და უყოყმანოდ გადავიდა იერიშზე.

ცნობილია, თუ რა ძვირად დაუჯდათ გამარჯვება. აქ მორისმა კიდევ უფრო მეტი სიმტკიცე და ვაჟკაცობა გამოამჟღავნა, ვიდრე იერიშის დროს. ერთი წუთიც არ უფიქრია თავის თავზე. აი, ერთი დამახასიათებელი მომენტი: როდესაც ჯგუფმა ამოაღწია ნაპრაღიდან, სადაც ღამე გაათიეს, პირველი აზრი ერცოგისა იყო ზრუნვა ამხანაგების გადარჩენაზე. მან სთხოვა აქ დაეტოვებინათ, რათა სხვების გადარჩენა გაადვილებულიყო.

უკან დარჩა დაუსრულებელი გზა, დაშვებისას — მუსონური, კოკისპირული წვიმები, მრავალრიცხოვანი ოპერაციები, გრძელი თვეები ტანჯვისა, როდესაც საწოლზე მიჯაჭვული ერცოგი პოსპიტალში იწვა, და, აი, ახლა იგი



გვალელებს თავისი სისადავითა და გასაოცარი შინაგანი გულისხმიერებით, აღფრთოვანებით თვალს ვადევნებთ, როგორ უბრუნდება ცხოვრებას, რომელშიაც იგი ახლა უფრო მეტ კარგს ხედავს. რადგან თვითონაც უკეთესი გახდა.

და, აი, ხელთა გვაქვს წიგნი, რომლის შეუდარებელი წარმატება გულისა და შემოქმედებითი გონების გამარჯვებაა.

ის არა ჰგავს არც ერთ სხვა წიგნს. იგი რომანად ჩაფიქრებული სიმართლეა. ის სიმართლე, რომლის ასახვა და სიტყვებით გადმოცემა მეტად ძნელია ხოლმე. უბრალო, მეგობრული თხრობის კილო, ამბის გულწრფელი, ობიექტური ასახვა და მოქმედ პირთა დახასიათება ამ ნაწარმოებს ამაღლებულად სარწმუნოს ხდის.

ჩვენს სიცოცხლეში პირველად ყველანი ვმონაწილეობთ კიშალაის ექსპედიციამში, ხელმძღვანელისა და მისი ამხანაგების მხარდამხარ. წინ შენ მიგვიძღვი, ძვირფასო შორის, სულ ბოლომდე მკაცრი გამოცდილებისა და აუწერლად მძიმე განსაცდელის დასასრულამდე.

შეუძლებელია აუღელვებლად წაიკითხოთ ეს ფურცლები, სულს შეგიძრწუნებთ მთრთოლვარე კუმანიზმით აღსავსე გულისხმიერება, რომელიც შეხამებულია განსაკვიფრებელ ვაჟკაცობასა და უდრეკ ნებისყოფასთან.

მადლობას გიხდით იმისათვის, რომ გაიგე, თუ როგორ შეიძლება იყო გულახდილი და არც უღალატო თავმდაბლობას! ამ გულწრფელობის გარეშე გონების ყოველგვარი ცდა ამაო იქნებოდა. საჭირო იყო გამბედაობა, რათა გულმართლად გადმოგვეყა ის მღელვარე წუთები, როდესაც პირადული ერწყემის საერთოს.

კლდეებითა და ყინულით მოელვარე მწვერვალთა მომჭადოებელი სამყარო თავისებური კატალიზატორია: თუმც უსასრულო არ არის, მაგრამ გვაგრძნობინებს უსასრულობას. მწვერვალები გვაძლევენ მხოლოდ იმას, რასაც ჩვენ თავად შთაგებურავთ მათ.

ალპინიზმი — ეს არის ადამიანის გრძნობათა გამოვლენის საშუალება. ის პოულობს გამართლებას თავის გმირებში — იმ ადამიანებში, რომელთაც თვითონვე აქანდაკებს.

სწორედ ეს ძირითადი შეიგრძნო ჩვენთან ერთად მთელმა ხალხმა, ვინც დიდებითა და აღფრთოვანებით შემოსა ანაპურნას დამპყრობნი.

მწვერვალთან ბრძოლაში, უსაზღვროებისაკენ სწრაფვაში ადამიანი იმარჯვებს, ჰპოვებს და განამტკიცებს, უპირველეს ყოვლისა, თავის თავს.

ბრძოლის უკიდურესი დაძაბულობისას, სიკვდილ-სიცოცხლის მიჯნაზე, სამყარო ქრება, თავდება ჩვენს გვერდით. სიერცე, დრო, შიში, ტანჯვა უკვე აღარ არსებობს. და მაშინ შესაძლოა ყველაფერი მისაწვდომი აღმოჩნდეს. როგორც ტალღის თხემზე, მძინვარე ქარიშხლის დროს, უეცრად უჩვეულო სიმშვიდე გვეუფლება. ეს არ არის სულიერი გამოფიტვა, პირიქით, ეს არის სულის სიცხოველე, მისი აღზევება და სწრაფვა და მაშინ ღრმად ვირწმუნებთ, რომ ჩვენში არის რაღაც ურყევი ძალა, რომელსაც წინ ვერაფერი აღუდგება.

ამგვარად ანთებული ცეცხლი არასოდეს არ ჩაქრება. აუწერელ ტანჯვაში წარმოჩინდებიან ფასდაუდებელი საუნჯენი.

უკეთესი მერმისის მტკიცე რწმენა ხომ არ ამხნევებდა ერცოგს, მშვიდად დაეძლია თავისი გოლგოთა?!

და აი, მწვერვალი ჩვენს ფერხთაა. ოქროცურვილ ღრუბელთა ზღვაში ჩაძირულ მთებს მწვერვალები ცის ლაგვარდში აუტყორცნიათ. ჰორიზონტს თვალს ვერ გაუწვდენ.

დაპყრობილი მწვერვალი უკვე კარგავს თავის ხიდიადეს. მართლაც ჩაითვლება თუ არა დასასრულად, ჩაითვლება თუ არა საბოლოო პასუხად დასახული მიზნის მიღწევა?

*ლუსიენ ღვივი*

პიმალაის კომიტეტისა და საფრანგეთის  
ალპინიზმის ფედერაციის თავმჯდომარე.

**ლუსიან დევიზი,**  
**რომელიც ერთი ჩვენთანაგან იყო.**

**შესავალი**

წიგნის დაწერა პირველად მომიხდა ჩემს ცხოვრებაში. წარმოდგენაც არ მქონდა, თუ ეს ასე ძნელი იქნებოდა.

ზოგჯერ სამუშაო დაუძლეველად მეჩვენებოდა, მაგრამ იმიტომ უფრო შევეჭიდე ამ საქმეს, რომ ამხანაგების სახელით მომეთხრო ჩვენს ტრაგიკულ ეპოპეაზე, იმაზე, რომ მხოლოდ სასწაულების წყალობით, რომლებიც ახლა დაუჭერებლად მეჩვენება, შევძელით სიცოცხლის შენარჩუნება.

ამ წიგნის ფურცლები მოგითხოვრებენ ადამიანთა გმირობაზე უღმობელ ბუნებასთან ბრძოლაში, მათს მღელვარებაზე, იმედსა და სიხარულზე. მე შეგნებულად მკაცრად ვიცავდი სინამდვილეს, ვცდილობდი გადმომეცა გარემომცველი ვითარების უჩვეულო ზასიათი და გამოემსახა მომხდარი ამბები ადამიანის მიერ მისი აღქმის თვალსაზრისით.

\* \* \*

მთელი ეს წიგნი ჩემი კარნახითაა ჩაწერილი ნეიის ამერიკულ ჰოსპიტალში, სადაც ამჟამადაც უსიხარულო დღეებს ვატარებ.

რა თქმა უნდა, თხრობას საფუძვლად უდევს ჩემი პირადი მოგონებანი. თუ ეს თხრობა საკმაოდ ზუსტი და სრულია, ეს პირველ რიგში მარსელ იშაკის დამსახურებაა, რომელიც ისეთი გულმოდგინებით აწარმოებდა ექსპედიციის დღიურს, ამ მნიშვნელოვან დოკუმენტს, რომ ზოგჯერ სწორედ მოვლენათა მიმდინარეობის ქარცეცხლში ახერხებდა წერას. დიდი სარგებლობა მომიტანა ლუი ლაშენალის პირადმა დღიურმა.

გარდა ამისა, თითქმის ყველა ამხანაგი დამეხმარა ცნობების დაზუსტებაში. ამგვარად, ეს წიგნი კოლექტიური ნაშრომია.

მისი ენა, რომელიც ხშირად სასაუბროში გადადიოდა, გაასწორა და დახვეწა ჩემმა ძმამ ჟერარ ერცოგმა. ჟერარს ვუზიარებდი როგორც მთამსვლელობაში განცდილ პირველ სიხარულს, ისე ჩემი ცხოვრების პირველ მძიმე განცდებს.

მისადმი რწმენა და მისი ყოველდღიური მხარდაჭერა რომ არა, მეექვსეა, ოდესმე ეს სამუშაო დამემთავრებინა.

ამ წიგნში მკითხველი ვერ იპოვის რობერტ ბუაიეს სახელს. მან კი ესოდენ ბევრი გააკეთა ჩვენი ექსპედიციისათვის. მისი მეგობრობა, მისი გულისხმიერება ჩემთვის ფასდაუდებელი დახმარება იყო უმძიმესი განსაცდელის დღეებში.

\* \* \*

ჩვენთვის, ექსპედიციის ცხრა წევრისათვის, ეს წიგნი, მრავალ გარემოებათა გამო, მუდამ ძვირფასი იქნება.

თანასწორად ვიყოფდით შრომას, სიხარულსა და მწუხარებას. და ჩემი მხურვალე სურვილია, ძმებად დავრჩეთ მთელი სიცოცხლის განმავლობაში, თვით სამარის კარამდე.

საკუთარი ძალების მიჯნას რომ გავცდით და შევიცანით ადამიანის სამყაროს საზღვრები, სწორედ მაშინ ჩავწვდით ადამიანის ჭეშმარიტ სიღიადეს.

აგონიის ყველაზე საშინელ წამებში მომეჩვენა, რომ მე შევიცანი ცხოვრების ღრმა აზრი, ჩემთვის მანამდე იღუმალი. გავიგე, რომ სიმართლეს ვერავითარი ძალა ვერ შეედრება. უმძიმეს განსაცდელთა კვალი აჩნია ჩემს სხეულს, მაგრამ გადავრჩი და მოვიპოვე თავისუფლება. თავისუფლება, რომლის შეგრძნება აქამდე თან მღევს და მანიჭებს ვალმოხდილი ადამიანის რწმენასა და სიმშვიდეს. ის ავსებს ჩემს არსებას უსაზღვრო სიხარულით, მინერგავს იმის სიყვარულს, რაც აღრე მეზიზღებოდა. ახალ მშვენიერ ცხოვრებას ვიწყებ.

ეს წიგნი რაღაც მეტია, ვიდრე მოთხრობა, ეს დოკუმენტია. ზოგჯერ ის, რაც უაზრობად გვეჩვენება, ღრმა მნიშვნელობის შემცველია. ასეთია ერთი შეხედვით უმიზნო მოქმედების ერთადერთი გამართლება.



---

## რეკომლენცია სასახლუში

**გ**ამგზავრების დრო მოახლოვდა. მოვრჩებით კი ოდესმე ამ სამზადისს? საფრანგეთის ალპინისტური კლუბის მთელი პერსონალი ფუსფუსებს.

ერთი თავისუფალი წუთიც არ რჩება, რომ რაიმე მოაწესრიგო. კორესპონდენციებით ავივსეთ. მაგიდებზე უამრავი ქაღალდია დახვავებული.

გამაყრუებელი რახარუხით იღებენ მანქანებიდან მძიმე ყუთებს, ისინი საესეა მაღალ მთებში საჭირო ტანსაცმლითა და ფეხსაცმლით, ჟანგბადის ბალონებით, ნამცხვრით, ყველა ზომის ლურსმნით, კონსერვის გასახსნელი დანებით, კარვის შალითებითა და სხვა აღჭურვილობით.

ლა ბოეტის ქუჩაზე, № 7 სახლში, ყოველდღე ნაშუაღამე-

ვამდე ანთია სინათლე. ყველა ღელავს. ჰიმალაის კომიტეტი თითქმის ყოველ საღამოს თათბირობს. სრულ 9 საათზე ერთმეორის მიყოლებით შემოდინან წარჩინებული პირები, მათზეა დამოკიდებული ექსპედიციის ბედი გამგზავრების პერიოდში. ამ საიდუმლო თათბირებზე სერიოზული გადაწყვეტილებანი გამოაქვთ. კომიტეტი ამტკიცებს ხარჯთაღრიცხვას, იხილავს მოსალოდნელ შემთხვევებს, წინასწარ ითვალისწინებს სარისკო სიტუაციებს და ბოლოს ნიშნავს მონაწილეებს.

უკვე რამდენიმე დღეა ექსპედიციის შემადგენლობა ვიცით. კარგი კოლექტივი გვეყოლება!

27 წლის მაღალ-მაღალი, სანდომიანი სახის ჟან კუზი ჩვენ შორის ყველაზე ახალგაზრდაა, იგი ბრწყინვალე ინჟინერია, ავიაციის სპეციალისტი. მიუხედავად იმისა, რომ ჟანი ახლადდაქორწინებულია, უყოყმანოდ ტოვებს ცოლს ლიზის, რათა მონაწილეობა მიიღოს ამ ამაღლევებელ ექსპედიციაში. ხანდახან თვალი გაუშტერდება ხოლმე, გეგონება, ელექტრონიკის თანამედროვე რთულ პრობლემებზე ფიქრი გონებიდან არ შორდებაო. როგორღაც ერთხელ, სწორედ გახურებული მზადებისა და საერთო ციებ-ციხელების დროს, ჟანი მოვიდა ჩემთან და სამხრეთული ტემპერამენტით (იგი წარმოშობით ნერაკიდანაა), ხელების მოშველიებით გამიბა ლაპარაკი იმაზე, თუ როგორ უნდა გაკეთდეს მარშრუტის სირთულის კლასიფიკაცია ასვლის დროს.

— დახედე ამ გრაფიკს, — მეუბნება იგი.

— მშვენიერი კიბეა!

— ეს დრიუს ჩრდილოეთი კედელია, — დიდის ამბით აცხადებს იგი, — ყველაფერი ნათელია!

— კი მაგრამ, შუა გზაზე რომ ქარიშხალი წამოგვეწიოს?

— შესაძლოა, მაგრამ... მერე რა, მაშინ გრაფიკს შევცვლით!

კუზის მუდმივი პარტნიორი მარსელ შაცი წამოვა ჩვენთან. ესენი შესანიშნავ ჩაბმას ქმნიან. შაცი ორი წლით უფროსია თავის მეგობარზე და უფრო ჩასკვნილი. მაგრამ ყოველთვის ელეგანტურია. არცაა გასაკვირი, რადგან იგი მამამისის მზატანსაცმლის ერთ-ერთი დიდი მაღაზიის მმართველია. მარსელს კარგი ორგანიზაცია, ყველაფერში წესრიგი და მეთო-

დურობა უყვარს. ასვლების დროს ხალისით კისრულობს ხოლმე ბანაკის მოწყობის საქმეს.

მარსელ შაცი ძალზე გატაცებულია ალპინიზმით და, რადგან უცოლშვილოა, არაფერი უშლის ხელს, შვებულება მთებში გაატაროს. თუმცა პარიზელია და, მაშასადამე, თავისი ალტკმული ქვეყნიდან მოშორებით ცხოვრობს, მაგრამ შაბათობით ქალაქში იშვიათად ნახავთ.

რაც შეეხება ლუი ლაშენალს, ის ჯერ კიდევ რამდენიმე წლის წინათ მხოლოდ მოყვარული იყო, ე. ი. ასვლებს საკუთარი სიამოვნებისთვის აწყობდა. ამჟამად იგი ალპინიზმისა და სათხილამურო სპორტის ეროვნული სკოლის მასწავლებელია. ლაშენალი „ხეობის“ მკვიდრი არ არის, ანესიდანაა, ამიტომ შამონის მკვიდრთათვის ის „უცხოელია“. თავისი მთების პატრიოტ ადგილობრივ მცხოვრებთა აზრით ასეთი წარმოშობა „არაწმინდად“ ითვლება. მიუხედავად ამისა, ლუიმ ლიონელ ტერაისა და გასტონ რებიუფასთან ერთად მოახერხა შესულიყო შამონის გიდების სახელგანთქმულ კომპანიაში, რომელსაც წევრთა რაოდენობისა და მათი დაოსტატების მხრივ ტოლი არა ჰყავს მსოფლიოში.

ლუი საშუალო ტანისაა, სწრაფი და გამქოლი მზერა აქვს. შეუძლია ლაპარაკის დროს ზოგჯერ რაღაც დაუჯერებელი რამ წამოისროლოს. უსაზღვროდ უყვარს ყველაფრის გაზვიადება, ზოგჯერ განსაცვიფრებლად მსჯელობს, მაგრამ ჰირდაპირია და გულწრფელი, უყოყმანოდ აღიარებს ხოლმე თავის შეცდომებს. ის და ლიონელ ტერაი შემთხვევას არ უშვებენ, რათა, როგორც „მოყვარულებმა“, ალპების ყველაზე უფრო რთული მარშრუტები დალაშქრონ.

ლიონელ ტერაი თუმცა გრენობლის მკვიდრია, მაგრამ ისიც მეგზურად მუშაობს შამონში. ტერაი და ლაშენალი ერთად უძღვევლ ჩაბმას ქმნიან. მათთვის დაბრკოლებები არ არსებობს. ტერაის უყვარს კატეგორიული და გადაჭარბებული მტკიცება. ისინი სულ ერთთავად ეჯიბრებიან ერთმანეთს — ვინ უფრო გააზვიადებს რამეს. უკანასკნელი სიტყვა ყოველთვის ტერაის ეკუთვნის. ლიონელი ინტელიგენტია, ექიმის შვილი. მიუხედავად ამისა, მოსწონს თავის მოჩვენება „ველურად“, რომლის იდეალი მხოლოდ მუსკულატურაა. გატა-

ცებულია თავისი პროფესიით. ომის დროს ლიონელს უშში ფერმა ჰქონდა და სამუშაოდ მხოლოდ იმას იღებდა, ვისაც მთები უყვარდა და შრომისა არ ეშინოდა. ეს პირობა არც თუ ისე ადვილი იყო, რადგან იგი ადამიანებზე თავისი თავის მიხედვით მსჯელობდა. ამჟამად ლიონელი კანადაშია. უკვე გასულ წელს ასწავლიდა იქ სათხილამურო სპორტის უახლეს ტექნიკას.

„ამჟამად, — მწერდა იგი, — თხილამურებით დავსრიალებ სამოთხეში“. გამგზავრებამდე რვა დღით ადრე ლიონელი აქ გაჩნდება. ახლა მასთან მხოლოდ მიმოწერა გვაკავშირებს. ეს კი არც ისე ადვილია.

გასტონ რებიუფას ალპინისტიკისათვის და, მით უმეტეს, მეგზურისათვის „სამარცხინო“ წარმოშობა აქვს. ის დაიბადა ზღვის პირას. გიღების კომპანია კარგა ხანს ვერ ჩამორიყვხავს ამ „ლაქას“. მაგრამ სწორედ კალანკის სანაპიროს ციკაბოებზე, მარსელსა და კასის შუა ეზიარა გასტონი კლდეზე ცოცვის ხელოვნებას. ექსპედიციის წევრთა შორის ის ყველაზე „სიმაღლოვანია“ — ერთი თავით მაღლა დგას ყველა ჩვენგანზე. ალპების ყველაზე რთული კედლები აქვს გავლილი, თანაც ხშირად ერთიმეორის მიყოლებით. ახალგაზრდა ცოლი ფრანსუაზა და ქალიშვილი იშვიათად ხედავენ მას ალპინისტური სეზონის პერიოდში: ხან შამონშია, ხან კორტინა დამპეცოსა და ცერმატში... ამჟამად ლექციებს კითხულობს იტალიაში, მაგრამ მივწერ, რომ დაუყოვნებლივ დაბრუნდეს.

ეს ადამიანები შეადგენენ საიერიშო ჯგუფს. საფრანგეთში უკეთესებს ვერც იპოვიდით. სხვათა შორის, არავითარი, თუნდაც ჩუმი პროტესტი, ექსპედიციის ამ შემადგენლობას არ გამოუწვევია. ალპინისტთა შორის რომ პლებისციტი ჩატარებულ იყო, ალბათ ამავე პირებს დაასახლებდნენ.

რაც შეეხება კინო-გადაღებას, აქაც არაფერია საყოყმანო. ჩვენთან მარსელ იშაკი მოემგზავრება და ეს მნიშვნელოვანი კოზირია ჩვენს თამაშში.

1936 წელს მარსელმა უკვე მოიარა ჰიმალაის მთები, მონაწილეობდა მრავალ ექსპედიციაში. მოუთმენლად ველით მის ჩამოსვლას, რადგან მისი რჩევები ჩვენთვის ფასდაუდებელი იქნება. ამჟამად იშაკი ისევ გრენლანდიაშია, პოლ ემილ ვიქ-



ტორთან<sup>1</sup> ერთად. შემდეგ ამერიკის შეერთებულ შტატებში გაემუშრება, რომ ასპენაში მსოფლიო პირველობა გადაიღოს სათხილამურო სპორტში, აქ კი დაბრუნდება მხოლოდ რამდენიმე დღით ადრე, ინდოეთში გამგზავრებამდე. ათასნაირი საქმე ექნება მას ჩვენთან. ჯერ ერთი. უნდა გადაიღოს ფილმი ექსპედიციის შესახებ, მეორეც — პასუხისმგებელი იქნება ყველაფერზე, რასაც კი რაიმე კავშირი აქვს ფოტოსთან. ყველას მოგვაქვს ჩვენ-ჩვენი ფოტოაპარატი, მაგრამ ზრუნვა ფოტოაპარატურაზე, ფოტო-მასალებზე, გადაღებული ფოტოფირების გამომყლავნებაზე, მას დაეკისრება. ინიციატივიანი და ცნობისმოყვარე მარსელი ჭკუითაც გამოირჩევა. და ამიტომ მასვე აქვს მინდობილი მთელი მეცნიერული დოკუმენტაციის წარმოება.

ალპინისტისათვის მთავარი საფრთხე ქალია. ეს უდავო ჭეშმარიტება ყველა ჩვენგანმა კარგად იცის. რაც შეეხება რ.შაკს, მან წარმატებით მოაგვარა ეს საკითხი... შეირთო მთამსვლელი ქალი.

ჩვენი ექიმი პირველხარისხოვანი ქირურგი ჟაკ უდო იქნება. ასე რომ თითოეულ ჩვენგანს უფლება აქვს, „რაც უნდა ის მოიტეხოს“. ჟაკი ძალიან მოუცლელია და აგვიკრძალა შეგვეწუხებინა იგი სალპეტრიერის ჰოსპიტალში, სადაც თავისი შეფის მონდორას ხელმძღვანელობით სისხლძარღვების ქირურგიაზე მუშაობს. მისი გაბედული ოპერაციები დაუჭერებლად მეჩვენება ხოლმე და ნიადაგ ვეკითხები: „როგორაა საქმე?.. არ მომკვდარა?“ უვიცის გულუბრყვილობა! ჩემი შეკითხვები ქირურგიაზე ყოველთვის მხიარულ გუნებაზე აყენებს უდოს. ქირურგი — ალპინისტები იშვიათად გვხვდებიან. უდოს კარგად ვიცნობ და ვიცი, რისი უნარიც შესწევს. ჰიმალაიში მისი წამოსვლა პირდაპირ მისწრება ჩვენთვის.

— აბა, რას იტყვი, უდო, გადაწყვიტე?

— რა თქმა უნდა, მომხიბვლელი წინადადებაა, მაგრამ იცი... ხვალ გეტყვი პასუხს, — მპირდება იგი.

ეს ჭანჭლობა უკვე მთელი კვირაა გრძელდება. მე და დევი, თითქოს ეკლებზე ვსხედვართ. ბოლოს, გამგზავრებამდე

<sup>1</sup> არქტიკის ცნობილი ფრანგი მკვლევარი.

ორი დღით ადრე, როგორც იქნა გამოვეგლიჯეთ მას დიდი ხნის ნანატრი თანხმობა.

ეკმა თვალყური უნდა ადევნოს ექსპედიციის მონაწილეთა ჯანმრთელობას, საპირო შემთხვევაში უმკურნალოს მათ, გამუდმებით მაცნობოს ამხანაგების სპორტული ფორმისა და აკლიმატიზაციის მდგომარეობა... მეორე მხრივ, ის შეძლებისდაგვარად უმკურნალებს კიდეც ადგილობრივ მოსახლეობას.

ყველაზე ძნელია მეკავშირე ოფიცრის შერჩევა. სჯობდა ფრანგი აგვეყვანა, უფრო იოლად გავუგებდით ერთმანეთს. გვირჩიეს კიდეც ნიუ-დელის ჩვენი საელჩოს ვიღაც ახალგაზრდა დიპლომატის აყვანა. მეკავშირე ოფიცრის მოვალეობანი მეტად რთულია: გარდა ინგლისურისა, იგი უნდა ლაპარაკობდეს ძირითად ადგილობრივ კილოებზეც — გურკალზე, ტიბეტურზე... მანვე უნდა მოაგვაროს ტრანსპორტის საკითხები და დაამყაროს დიპლომატიური ურთიერთობა ნეპალის ხელისუფლებასთან, როგორც დედაქალაქ კატმანდუში, ისე იმ რაიონებშიც, სადაც ექსპედიცია გაივლის. ამ თვალსაზრისით ფრანსის დე ნუაელი იდეალს წარმოადგენს. თვითონაც თავგამოდებული მთამსვლელია და კარგად იცნობს მთებს, ამას კი ჩვენი გუნდისთვის, რა თქმა უნდა, არსებითი მნიშვნელობა აქვს.

იგი ექსპედიციის ერთადერთი მონაწილეა, რომელსაც პირადად არ ვიცნობ, თუმცა მისმა მშობლებმა და დებმა ისე მიქვს, ასე მგონია, მთელი სიცოცხლე ვმეგობრობდით. ჯანლონით საესე თვალეციმციმა ჭაბუკი უცებ პოულობს ხოლმე გამოსავალს ყოველგვარი მდგომარეობიდან, ენაზეც ჭალი არ მოედება. სულ ახლახან ფრანსისი კატმანდუში იყო, თან ახლდა ინდოეთსა და ნეპალში მოგზაურობისას ჩვენს დიპლომატიურ წარმომადგენელს დანიელ ლევის, რომელიც ამ ქვეყნებში დიდი ავტორიტეტით სარგებლობს. ფრანსისი მონაწილეობდა მოლაპარაკებაში, რომლის შედეგად ექსპედიციას ნეპალის შიდა რაიონებში შეღწევის ნება დართეს, ხოლო ინდოეთში, ჰიმალაის რამდენიმე ექსპედიციის მონაწილე, პროფესორი რაოლი დაეხმარება ფრანსისს, დაიყაბულოს დარჯი-

ლინგუელი შერპები', რომელთა უმრავლესობას იგი პირადად იცნობს. ასეთია ჩვენი გუნდი.

მისი ყველა წევრი გამოცდილი მთამსვლელია. თითოეულ მათგანს მკაფიოდ გამოსახული ინდივიდუალობა და თავისებური ხასიათი აქვს. ყველას სწყურია, მოხვდეს „კუნძულებზე“<sup>2</sup>, რომელზედაც წლობით ვოცნებობთ, სანუკვარი ოცნების განხორციელებისათვის არაფერს იშურებენ. მშვენივრად გაჰმოთქვა ეს აზრი ლაშენალმა:

— შზად ვარ იქამდე მუხლებზე ფორთხვით ვიარო!

— სიხარულით! — უმატებს რებიუფა.

მართლაც, უნდა გამოეტყდე, რომ ისინი ამ იდეამ სრულიად უანგაროდ გაიტაცა. გამგზავრებამდეც იციან, რომ მათი აქ არაფერია და დაბრუნების შემდეგაც არაფერს მიიღებენ<sup>3</sup>.

უანგაროა ამ ადამიანთა მიზანსწრაფვა და ეს უზრუნველყოფს სხვადასხვა წარმოშობისა და თითქმის საწინააღმდეგო ხასიათების მქონე ალპინისტთა ერთსულოვნებას.

გამგზავრებამდე თითზე ჩამოსათვლელი დღეებიღა დარჩა. მე და შაცი მომწოდებლებთან სირბილს ვუნდებით. დიდი ბრძოლის ფასად ვღებულობთ, რაც გეკვირდება. ყოველ საღამოს მოდის, იტვირთება და ლაგდება სრულიად წარმოუდგენელი ნივთები, რომელთა წონა რამდენიმე გრამიდან ასეულ კილოგრამამდე აღწევს.

მკლავები გეტკივა უამრავი აცრისაგან: ყვითელი ციებცხელებო, ქოლერაო, ყვავილიო... მაგრამ ვინ უყურებს

---

1 შერპები ნეპალის აღმოსავლეთ ნაწილის ერთ-ერთი მთიანი რაიონის მცხოვრები ეროვნებაა, რომელიც ბუდისტურ სარწმუნოებას აღიარებს. ეს მთიელები „სანახევროდ პროფესიონალები“ არიან ჰიმალაის ექსპედიციებში. მათ დაიქირავებენ ხოლმე ხელშეკრულებით.

2 არც თუ ისე მოხერხებული სიტყვების თამაშია. ფრანგმა მთამსვლელებმა ალპინისტურ ჟარგონზე ლაპარაკისას „J' Hymalaya“ შეამოკლეს „iles-ად“, რაც ნიშნავს „კუნძულებს“. ამით ხაზს უსვამენ, რომ ალპინისტებისათვის ჰიმალაის მთები დანარჩენი სამყაროდან ბუნებრივად გამოყოფილი, რაღაც საშთხის მსგავსი მხარეა.

3 მთელი შემოსავალი უკლებლივ შემდგომი ექსპედიციების დაფინანსებისათვის განკუთვნილ ფონდში უნდა შექალდეს.

ამას! ძალ-ლონეს არავინ იშურებს, რომ ყველაფერი დროულად მომზადდეს.

28 მარტს, სალამოს, ჰიმალაის კომიტეტის უკანასკნელი სხდომაა, რომელსაც ექსპედიციის ყველა მონაწილე ესწრება.

კომიტეტის თავმჯდომარე და ექსპედიციის ინიციატორი ლუსიენ დევი, ჰიმალაის ეპოპეის მოკლე ისტორიული მიმოხილვის შემდეგ, ჩვენს ამოცანებს აზუსტებს.

— თავისი სიდიადის გამო<sup>1</sup> სრულიად სამართლიანად შეარქვეს ჰიმალაის მსოფლიოს მესამე პოლუსი. სხვადასხვა ქვეყნის ოცდამდე ექსპედიციამ სცადა რვაათასიანის დაპყრობა, მაგრამ ვერცერთმა ვერ მიაღწია ამას.

შემდეგ მან განსაზღვრა ჩვენი ექსპედიციის მიზანი:

— დჰაულაგირი (8167 მეტრი), ან ანაპურნა (8075 მეტრი) შუაგულ ნეპალში. თუ მათი დაპყრობა არ მოხერხდა, რაშიც სამარცხვინო არაფერი იქნება, ასვლა „მანუგეშებელ“ მწვერვალებზე უნდა მოეწყოს.

ექვსი ტონა სანოვაგითა და საჭურვლით დატვირთულმა ექსპედიციამ უნდა გადაკვეთოს ინდოეთის საზღვარი და შეაღწიოს ნეპალის ტერიტორიაზე, რომელიც აქამდე აკრძალულ ზონად ითვლებოდა. მაღალმთიანი ხეობების მიმართულებით სამი კვირის მგზავრობის შემდეგ, ექსპედიცია მიაღწევს ტუტუჩას — ნეპალის ამ „შამონს“, რომელსაც შესანიშნავი გეოგრაფიული მდებარეობა აქვს. მართლაც ეს სოფელი დჰაულაგირსა და ანაპურნას შორისაა გაშენებული.

ჰიმალაის წინანდელი ექსპედიციები ასვლის ობიექტებს ცნობილ და უკვე გამოკვლეულ რაიონებში ირჩევდნენ. ჩვენი კი არავითარი მონაცემები არა გვაქვს ჩვენი ორი „რვაათასიანის“ შესახებ. მისასვლელი გზები სრულიად უცნობია. რუკები, რომლებიც ექსპედიციას გააჩნია, არაზუსტია და მაღალმთიანეთში პრაქტიკულად გამოუყენებელი. ამგვარად, ჩვენს ამხანაგებს ძირითად ბაზაში — ტუტუჩაში მისვლისას, პირველ რიგში, ორივე მასივის დაზვერვა მოუხდებათ. როდესაც ისინი გაეცნობიან ადგილს და იერიშის გეგმას დასახა-

<sup>1</sup> ჰიმალაის მთაგრებილი ვრცელდება დაახლოებით 3000 კილომეტრზე. მასში შედის 200 მწვერვალი, რომელთა სიმაღლე 7000 მეტრს აღემატება, ხოლო 14 მწვერვალი 8000 მეტრზე უმაღლესია.

ყენ, მხოლოდ ამის შემდეგ გახდება შესაძლებელი, რომ ასვლა სცადონ.

ჩვენი მეგობარი ლუსიენ დევი განაგრძობს:

— აუცილებელი იქნება სამედიცინო, გეოლოგიური, ეთნოგრაფიული, მეტეოროლოგიური და გეოგრაფიული გამოკვლევების ჩატარება...<sup>1</sup> ვეებერთელა ამოცანაა!

მე სავსებით მჭერა ამხანაგებისა. უკეთესი გუნდის შეკრება ამეამად შეუძლებელია. ყველამ იცის ერთიმეორის ღირსება. ჩვენი საჭურველი და სხვა ილტურვილობა აგრეთვე წარმატების რწმენას გვინერგავს. საფრანგეთის მრეწველობამ დაუფასებელი დახმარება გაგვიწია. რამდენიმე თვის განმავლობაში დააპროექტა და დაამზადა უაღრესად მსუბუქი, გამძლე და მოხერხებული საჭურველი.

რის დამატება შეიძლება? არის რამე გაურკვეველი?

ბნელი, პირქუში ოთახი, სადაც ჩვენ შევიკრიბეთ, დღეს დიდებული და საზეიმო მეჩვენება.

ყველაფერი ითქვა! ამ პაუზის შემდეგ ჩვენთვის იწყება ჟამი ჩვეულებრივი თავგადასავლებისა, რომელთა წარმოდგენა ჯერ არ შეგვიძლია, მაგრამ როგორც მთამსვლელები, უკვე ვითვალისწინებთ.

წყდება კავშირი ამ წარჩინებულ, გონებადამჭდარ პიროვნებებსა და მზემოკიდებულ, სიცოცხლით სავსე ექსპედიციის წევრთა შორის.

შემდეგ დგება ლუსიენ დევი. მცირე პაუზის შემდეგ მკაფიოდ ამბობს — ბატონებო, აი ფიცი, რომელიც თქვენ ისევე უნდა დასდოთ, როგორც თქვენმა წინამორბედებმა 1936 წელს: „ვფიცავ პატიოსნებას, რომ დავემორჩილები უფროსს ყველაფერში, რასაც კი იგი ექსპედიციის წარმატებისათვის საჭიროდ მიიჩნევს!“

მთამსვლელებს არ უყვართ ცერემონიები. ჩემი ამხანაგები დგანან დარცხენილნი და აღელვებულნი. რა უნდა გააკეთონ?

<sup>1</sup> 1951 წლის 23 აპრილს საფრანგეთის მეცნიერებათა აკადემიის სხდომაზე შედგა მოხსენება ექსპედიციის მიერ ჩატარებული გეოლოგიური გამოკვლევების შესახებ. ამ დაკვირვებებმა შესაძლებელი გახადეს ცენტრალური ჰიმალაის ძირითადი გეოლოგიური სტრუქტურის დაზუსტება.

— მაშ ასე, ბატონებო! დაიწყე, მატა!<sup>1</sup> შენ ხომ ვეტერანი ხარ!

ანრი დე სეგონა — ჰიმალაის 1936 წლის ექსპედიციის უფროსი — თავის სიმალლეზე აღმოჩნდა, მისი დახმარებისა და რჩევა-დარიგების წყალობით ჩვენმა ექსპედიციამ მოიგო პირველი ბრძოლა — გამგზავრება. ახლა იგი კვლავ იჩენს ინიციატივას:

— აბა, მატა!

იშაკის ფიცთან თითქმის ერთდროულად გაისმის ტერაის გაუბედავი ხმა. რიგრიგობით ყველა ფიცს დებს, რომ დაემორჩილება ექსპედიციის უფროსს ყოველგვარ ვითარებაში და განსაკუთრებით გადამწყვეტ მომენტებში.

იქნება მათ სიცოცხლეზეა ლაპარაკი.

მათ ეს იცოან და სავსებით მენდობიან.

მინდა ორიოდ სიტყვა ვთქვა, მაგრამ არ შემიძლია. ვერავითარი გრძნობა ვერ შეედრება ამ უსაზღვრო ნდობას ადამიანისა ადამიანისადმი, ვინაიდან ის ყველა სხვა გრძნობას მოიკავს.

ამ წუთში დაიბადა ჩვენი ამხანაგობა. მე მოვალე ვარ გავუფრთხილდე მას.

კომიტეტი ფართოდ წყვეტს საკითხებს, მე მაკისრებს მთელ პასუხისმგებლობას ექსპედიციაზე და ამავე დროს მანიჭებს მოქმედების სრულ თავისუფლებას.

კრება თავდება, მაგრამ ეს სალამო უკვე ჩამშხამდა: საფრანგეთის ალპინიზმის წარმომადგენელი პიერ ალენი, რომელმაც ესოდენ ბევრი გააკეთა ყველა ჩვენგანისათვის, ვერ მოემგზავრება ჩვენთან, ომის წლებით შერყეული ჯანმრთელობა საშუალებას არ აძლევს მონაწილეობა მიიღოს ხანგრძლივ ექსპედიციებში. ყველაზე უკეთ მე ვიცი, რას ნიშნავს მისთვის ჰიმალაი, დღეს — ეს დაკარგული სამოთხეა. ალენი არ იმჩინევს შინაგან განცდებს, ილიმება კადევაც, უხარია ჩვენი გამგზავრება. იქ, შორს, აზიაში, არაერთხელ მოვიგონებთ ახლო მეგობარს, რომელსაც ბედმა დაგვაშორა.

დღეს 29 მარტია. ყველანი, ვინც კი ეხმარებოდა ექსპედიციას, შეიკრიბნენ აქ, ამ დარბაზში, ბოეტის ქუჩაზე, რათა გა-

<sup>1</sup> მარსელ იშაკი.

გვამხნეონ გამგზავრების წინ. ანრი დე სეგონი რალაცას გვიხსნის. მე ხან ერთთან ვარ და ხან მეორესთან.

ლუბრი, ავიაკომპანიის შეფ-პილოტი ტელეფონთან მახმობს.

— ალო! ლუბრი ვარ, ბურჟედან<sup>1</sup> გელაპარაკები! იცით, რამდენს იწონის თქვენი ბარგი?

— სამტონანახევიარზე ცოტა მეტს!

— ოთხნახევიარს!

— ...!

— როგორც გინდათ, ისე მოეწყვეთ, მე მხოლოდ სამნახევიარ მიმაქვს. დანარჩენი ტვირთი სასწრაფო მედიკამენტებია ინდოჩინეთისათვის.

სასოწარკვეთილება მიპყრობს. თითოეულს მიცემული ჰქონდა წონის გარკვეული ლიმიტი. ყველა ბარდანა, ყუთი, ტომარა — გადათვლილა, აღწერილია... მაგრამ ფაქტი ფაქტად რჩება — ზედმეტი ტონა თვითმფრინავ DC-4-სათვის, რა თქმა უნდა, ბევრია.

მაგონდება შემფუთველი რომ მეუბნებოდა: „მუსიე, ყველაფერი საიმედოდ უნდა იყოს!“ როგორი ვაივაგლახით დეარწმუნე იგი, რომ ყუთები თუნუქით არ შეეკედა! რაც შეეხება უდოს, მე ის არაერთხელ გავაფრთხილე, რომ არავითარ შემთხვევაში არ გადაეკარბებინა 80 კილოგრამისათვის.

— შესაძლოა რამდენიმე კილოგრამით მეტი დამიგროვდესო, მითხრა. დღეს დილით კი გამომიტყდა:

— იცით, რამდენი მიმაქვს თან?

— ალბათ ას კილოზე არანაკლები...

— ორას ორმოცდაათი!

ამ განცხადებას არც თუ ისე აღფრთოვანებით შევხვდი. განა შემეძლო მეფიქრა იმ დროს. რომ მე ვიქნებოდი მისი ფარმაცევტული მარაგის მთავარი მომხმარებელი?

— დაიცადეთ, მაიორ... იქნებ რაიმე ვიღონოთ! — სული მეხუთება მღელვარებისაგან, ავიაკომპანიის მმართველი აქაა! დაიცადეთ, მაიორ, არ დადოთ ყურმილი!

როგორც იქნა, ვიპოვეთ გამოსავალი. მედიკამენტები გაი-

<sup>1</sup> აეროპორტი პარიზის ახლოს.

გზავნება მეორე სარეისო თვითმფრინავით და ბივა თავის დროზე.

ძლიერი მღელვარების შემდეგ ჯერ კიდევ სულმოუთქმელი დარბაზში დავბრუნდი. მოწვეულებმა წარმატება გვისურვეს და უმრავლესობა წავიდ-წამოვიდა. გამგზავრების წინააღმდეგ ძალიან გამიგრძელდა.

გავწამდი. ნერვები უკიდურესობამდე მაქვს დაძაბული. ამოდ ვცდილობ დავიძინო. დიდხანს ვსინჯავ გუნებაში მთელ საჭურველს, რომელიც თან მიგვაქვს. ხომ არ დაგვაფიწყდა რაიმე მნიშვნელოვანი? საკმარისია დაიკარგოს წრიაპებიანი ყუთი და ექსპედიცია ჩაიშლება.

ვცდილობ წარმოვიდგინო ჩვენი ცხოვრება ამ გამოუკვლეველ მხარეში, სადაც ბევრი აუცილებელი რამ არ გვექნება.

ძილი ცხრა მთას იქით დაიკარგა.

მეხსიერებაში ამოტივტივდა საფრანგეთის ალპური კლუბის ვესტიბიულში მედიკამენტებთან მოფუსფუსე, ოფლში გაწურული უდოს სასაცალო ფიგურა. ნეტავი მოაქვს თუ არა ყველაფერი? ხომ არ დაავიწყდა მისთვის რაიმეს თქმა დოქტორ კარლოს, რომელსაც მდიდარი გამოცდილება აქვს მიღებული 1936 წლის ექსპედიციაში? ექნება თუ არა ჟაკს ადგილობრივ მკვიდრთა სამკურნალოდ საჭირო წამლები და ყველაფერი, რაც აუცილებელია „დოქტორი საპიბის“ პრესტიჟის დასაცავად?

ძილი კი კვლავინდებურად არ მეკარება.

კარგად აუტრეს თუ არა ლუი ლაშენალს, გასტონ რებიუფასა და ლიონელ ტერაის? წესრიგში აქვთ საბუთები? უამისოდ ყარაჩზე გავლის დროს შეუძლიათ დაგვაკავონ, ვიშოვით თუ არა კოლოებისაგან დასაცავ ისეთ საიმედო ბადეებს, რომ მაღარაის გადავურჩეთ?

ისევ და ისევ ამოდ ვცდილობ დავიძინო.

ეს მთებიც... ნეტავი როგორები არიან ისინი?

ტუკუჩა მღებარეობს 2500 მეტრზე ზღვის დონიდან, მწვერვალები 8000 მეტრს აღწევენ. ვარდნილობა ხუთნახევარი კილომეტრია და ამ მანძილზე ბუნებას უთვალავი დაბრკოლებანი და საშიშროებანი დაუგროვებია.



გვეყოფა კია ფიზიკური და მორალური გამძლეობა, ამხანა-  
გური ერთსულოვნება, რომ სიმაღლის გავლენა და მისგან გა-  
მოწვეული ყველა შედეგი დავძლიოთ? ნაადრევად ხომ არ  
დადგება მუსონი?

არ მეძინება, მართლაცდა რა დამაძინებს!

განთიადი წყვეტს ჩემს მოუსვენრობას. უკანასკნელი ღამე  
ევროპის კონტინენტზე დამთავრდა — დროა ავდგეთ და ლე  
ბურჟეს აეროდრომისაკენ გავემგზავროთ.

---

ს აშინლად დაღლილ უდოს აფრენისთანავე ჩაეძინა. ასე იძინებს იგი დღემდე. დროგამოშვებით ჩვენი ექიმი ცალთვალს ოდნავ ახელს და ბუზღუნებს — ჯანდაბას ეს დაფრენები! ხანდახან იშაკს ეკითხება: როგორაა ჩემი წრუწუნა? ყური უგდე, არ გაიპაროს!

ამ წრუწუნას ინდოელი ექიმებისათვის უდიდესი მნიშვნელობა აქვს. მას აუცრეს ბაქტერიების კულტურა, რომლის წმინდა ნიმუშები, მალარიის ზოგიერთი ნაირსახეობის გამოსაკვლევად აუცილებელი, ინდოეთში უკვე მოიპო.

ინდოეთი! თვითმფრინავის ფანჯრიდან ჩემ თვალწინ გადაშლილი ხედი ძველ ქალაქს მოხენჯო დაროს მაგონებს, არიელთა თავდასხმას, ვედის ტაძარს — კაცობრიობის ამ პირველ ძეგლს.

ჩვენი ელჩი დანიელ ლევი და საელჩოს მთელი შემადგენლობა პალამის აეროდრომზე გვხვდებიან და გვეხმარებიან ადმინისტრაციული საქმეების მოგვარებაში. ინდოეთის საბაჟოს მოხელეები პირველად ხედავენ ციდან<sup>1</sup> ჩამოფრენილ ექსპედიციას, რომელსაც მთელი ბარგი და იარაღი თან მოაქვს.

— გთხოვთ მოგვცეთ თქვენი ბარგის სია ინგლისურ ენაზე, სადაც ნაჩვენები იქნება წონა, ღირებულება, ზომები...

— მომითმინეთ, აქ ხომ ორმოცდაათი ათასზე მეტი დასახელების ნივთია.

<sup>1</sup> თვითმფრინავით.

მოხელე წარბშეუხრელად განაგრძობს:

— თქვენ ნებადართული გაქვთ გაიაროთ მხოლოდ ტრანზიტით. უკანდაბრუნებისას იგივე ბარგი თან უნდა იქონიოთ.

— მაგრამ ნებალში ხომ რალაც უნდა ვკამოთ და თუ რაიმე გავასაჩუქრეთ ან დავკარგეთ, ვთქვათ, თოფი ან კარავი?

ჩანს, ამოცანა არც ისე იოლია. საბაჟოს უფროსი კეთილი ღიმილით გვეუბნება.

— ბარგს, თუ გნებავთ, საწყობში შევინახავთ ექსპედიციის მთელი დროის განმავლობაში. ნუ ჰწუხხხართ, ხელს არავინ ახლებს.

— მაგრამ ჩვენ უბარგოდ რა ვქნათ?

— შეგიძლიათ გაემგზავროთ ნებალში. როცა დაბრუნდებით, ბარგს უკანვე წაიღებთ.

მდგომარეობა იძაბება.

„რა დაგრჩენიათ ამ ჰიმალაიზე? — ვკითხულობ მეზაჟის თვალეზში, — დაე, იქ ღვთისმოსავეზბმა იარონ...“

„ჩვენც ღვთისმოსავნი ვართ, — ვუპასუხებ გუნებაში, — თაყვანს ვცემთ მთებს...“, მაგრამ ვერ ვბედავ, ჩემი მოსაუბრე ღრმა ფიქრებიდან გამოვარკვიო.

— რა გაეწყობა!.. (მგონი გვეშველოს რალაც), მაშინ თვით-მფრინავსაც დავაყოვნებ!

უკან ვიხედვები: ნეტავ ლუბრის გული ხომ არ შეუღონდა?

რა თქმა უნდა, ეს საქმეც მოგვარდება, როგორც ყოველთვის ხდება ხოლმე, როცა არ გეჩქარება.

იშაკი კუთხეში მიმდგარა და ძლივს იოკებს თავის მშფოთვარე ტემპერამენტს. გაბრაზებული, მეზაჟის თავის ქალას ხატავს და ამაში აქსოვს მთელ გულისწყრომას.

— იდეალური გეომეტრიული ფიგურაა, მაგრამ განტოლებით ვერ გამოხატავ! — ჩასჩურჩულებს კუზი.

ორდღიანი მოლაპარაკების შემდეგ საბაჟოს სიძნელეები მოგვარდა და ოლდ-დელის<sup>1</sup> ვაგზალზე გადმოვბარგდით. ეს ადვილი როდია. მით უმეტეს, რომ დამე გვიხდება მუშაობა. ძლივს მოჩანს პატარა სავაჭრო ფარდულების ბნელი ფასადები;

---

<sup>1</sup> ოლდ-დელი — ძველი ქალაქი, ნიუ-დელი ახალი ადმინისტრაციული დედაქალაქი.

იქით აცეტილენის ფარნის კაშკაშა, თვალისმომკრელი შუქი, აქეთ მოლიცლავე კრაქები ანათებენ გამვლელთ და ფანტასტიკურ ჩრდილებს აფენენ. საძაგელი სუნი გულს მიირევს. ირგვლივ ჯოჯოხეთური ხმაურია. ძლივს აღწევ თავს უამრავ „ტონგას“<sup>1</sup>.

ვაგზალზე, წარმოუდგენელ ქაოსში ოფლით გახვითქულ შაცს ვპოულობ. იგი ყუთების გროვაზე. მოკალათებულა და ორმოციოდე მზიდავის გასაგონად გაჰყვიროს. ზოგიერთ მათგანს, ბეტელის ხანგრძლივი ღეჰვის შედეგად, სისხლივით ჩასწითლებია კბილები. წითელ დოლბანდებსა და ტყავის დამსკლარ ღვედებზე დაკიდებულ ბალთებზე ეტყობათ თავისი ხელობა.

— ცხრა, ათი ანა!<sup>2</sup> ო, კეი! ეს შენ!.. დაიცადე... შენ ხომ უკვე იყავი! აბა, ჩქარა, შემდეგი!..

ირგვლივ უკუნეთია. შაცი სულ ოფლად იღვრება: „როგორ, გეცოტავენბა?“ მზიდავები ყვირიან, ხელებს იქნევენ. ჩანს, დათმობაზე უნდა წავიდეთ.

— სამი ანა! — ყვირის შაცი და ჰინდის ენის მთელ ცოდნას იყენებს. ის იყო, ყველა გაისტუმრა, რომ ხმაურიანი „კონცერტი“ თავიდან დაიწყო.

— ისინი ბაკშიშს (დამატებითი საჩუქარი) მოითხოვენ, — მიხსნის სრულიად თავგზააბნეული შაცი, — ჩქარა მოვეუსვათ აქედან!

რებიუფა, ტერაი და შაცი უნდა გამოყვენენ იმ ბარგს, რომელსაც ამას იქით ჰაერით ველარ გადავიტანთ.

შემდეგ თვითმფრინავით ლაკჰნაუში მივემგზავრებით. ვერ მოვასწარით „ბაჰარატ ერუეიზის“<sup>3</sup> მანქანაში მოვკალათებულიყავით, რომ სამი შესანიშნავი სიკჰი<sup>4</sup> — კეთილშობილი გარეგნობისა და საუცხოო წვერიანი სამი გოლიათი გამოგვეცხადა.

<sup>1</sup> ველორიქშა.

<sup>2</sup> რუპიაში 16 ანა. 1950 წელს რუპია უდრიდა 74 ფრანკს.

<sup>3</sup> ინდოეთის ავიაკომპანია.

<sup>4</sup> რელიგიური ზნე-ჩვეულების თანახმად სიკჰებს უფლება არა აქვთ თუნდაც ერთი ღერი თმა მოიკრან.

მუქკანიანი, დიდებული დოლბანდებით თავშემკული დიდრონ-თვალემა სიკვები წარუშლელ შთაბეჭდილებას ტოვებენ ჩვენზე. მათთან შედარებით მოკლეშარვლიან ბიჭუნებს ვგავართ.

— შეხედე, — ამბობს კუზა, — ისინი სადაცაა ტანსაც-მელში გაიხლართებიან.

— დიდებული ტიპაჟია! — აღტაცებით შენიშნავს იშაკი.

— ღმერთო მომკალი! ესენი ხომ პილოტები არიან! — წა-მოიძახა უდომ.

დელიდან ლაკჰნაუმდე ხანმოკლე ფრენისას განცვიფრე-ბულნი ვრჩებით უჩვეულო პილოტების მაღალი ოსტატობითა და ფრენის სინარჩარით.

აქ, ლაკჰნაუში, პირველად ვხვდები ჩვენი შერპებიდან ყვე-ლაზე ახალგაზრდა ანგავას და მათ სირდარს.<sup>1</sup> ვიწროლიანდა-გიანი რკინიგზის ბოლო სადგურში და ნეპალის საზღვარზე ვე-ცნობით დანარჩენ შერპებს.

ცნობისმოყვარეობითა და მღელვარებით შეეცქერი, პირ-დაპირ თვალებით ვკამ ამ ტანმორჩილ, კუნთმაგარ ადამიანებს, სწორედ ამ თვისებებით განსხვავდებიან ისინი მეტწილად გამხ-დარი ინდოელებისაგან.

შერპების ერთგულება და თავგანწირვა საყოველთაოდ ცნობილია. ისინი ჩვენი სრულუფლებიანი ამხანაგები იქნებიან ასელის დროს. გზადაგზა თვალყურა უნდა ვადევნო, რომ ისინი არავენ დაჩაგროს.

ჩვენი საჭურველი ერთნაირი იქნება. ცხოვრებითაც ჩვენს ხვედრს გაიზიარებენ, მათ უსაფრთხოებაზეც ისევე ვიზრუნებ, როგორც ჩემი ამხანაგების ბედზე.

შერპების სირდარა ანგ-თარკე ყოჩალი კაცია. ის უცილო-ბელი ავტორიტეტით სარგებლობს ამხანაგებსა და მზიდავებში, მტკიცე და თავგამოდებული ბუდისტი დიდ მორალურ გავლენას ახდენს მათზე.

სხვა შერპებიც, პანზი, დავატონდუპი, სარკე, ფუთარკე, აილა, ანგავა და აჭიბა საკმაოდ გამოცდილები არიან; ექსპე-დიციისაში ყოფნისას არაერთხელ გამოჩნდება მათი სიყოჩაღე და უნარიანობა.

<sup>1</sup> სირდარი — უფროსი, შეფი.

ჩვენი ახალი ამხანაგების, შერპების დახმარებით პაპანაქება სიცხეში ნაუტანვაში გადმოვბარგდით; ოთხნახევარი ტონა საკურველი დაემატა ტონანახევარ სურსათს, რომელიც დე ნუაელის წინდახედულობის წყალობით უკვე გველოდება ბაქანზე.

როგორც იქნა, 5 აპრილს, ნეპალის სამეფო გვიღებს თავის კარს.

ტიბეტით ნეპალიც, მსოფლიოს სხვა ქვეყნებთან შედარებით, უფრო მალა მდებარეობს. დედამიწის სფეროს ოთხმეტ უმალეს მწვერვალთაგან რვა ნეპალშია. დაუმკვიდრე ბია რა დიდი ჰიმალაის კედელი, ეს შვიდმილიონიანი სახელმწიფო სიგრძით ექვსას, ხოლო სიგანით ორას კილომეტრზეა გადაქიმული. ტერაი<sup>1</sup>, — რაიონი, რომელიც ეკვრის ინდოეთს. დაფარულია ჯანმრთელობისათვის მავნე, უხვი ტროპიკული მცენარეულობით.

ხან მწველი, გავარვარებული მზით გადახრუკული, ხან კი, მუსონის დროს, ნიაღვრებით წალეკილი ეს ადგილი, გასაოცარ სანახაობას წარმოადგენს.

ამ მრისხანე ბუნებრივ სიმაგრეს შეფარებია გურკების ტომი. ჩრდილოეთის გურკები ბუდისტები არიან, სამხრეთისა — ინდუსები, მაგრამ ერთნიცა და მეორენიც ექვის თვალთ უყურებენ უცხოელებს, გულმოდგინედ მისდევენ ტრადიციებს და ხელშეუხებლად ინახავენ თავისი წინაპრების სულიერ მემკვიდრეობას. ამ მთიელებს მტკიცე ნებისყოფა და თანდაყოლილი კეთილშობილება ახასიათებთ.

ჩვენი „ჯიპი“ მტვრიან ოღროჩოღრო გზას მიჰყვება. აქედან ათი კილომეტრის დაშორებით, კიპლინგისათვის ესოდენ ძვირფას სივალის მთების ძირას, მდებარეობს სოფელი კაპილავასტუ (ამჟამად რუმინდვი). აქაური ბუნება თავისი სიდიადით ვერ გაგაკვირვებთ. ამ სოფელში ათასი წლის წინათ დაიბადა ადამიანი, რომლას სიჭაბუკე პოეზიით იყო მოსილი, ხოლო ცხოვრება — სიბრძნით აღსავსე. გაუტამა ბუდამ თავისი ახალგაზრდობა სწორედ აქ გაატარა, ქვეყანაში, რომელიც ახლა ჩემ თვალწინაა გადაშლილი. შესაძლოა ერთ-ერთი ყველაზე ბრძნული და მშვენიერი სარწმუნოებას ფუძემდებელი ოდეს-

<sup>1</sup> არაჯანსაღი ადგილი, რომელიც გაშლილია ჰიმალაის პირველი ქედების ძირას და „ჰიმალაის ტროტუარად“ იწოდება.

დაც ამავე ბილიკებზე დადიოდა, რომელზეც ახლა ჩვენ მივაბიჯებთ.

ნეპალის პირველი სოფელი ბუტვალი განგის ვრცელი ვაკისა და მთების მიჯნაზეა გაშენებული. აქ ვცვლით ფულს, რადგან მთებში, და განსაკუთრებით შორეულ რაიონებში, ადგილობრივი მკვიდრნი არ სცნობენ ბანკნოტებს და მოითხოვენ ვერცხლს, რომელიც აზიური ქვეყნების უმრავლესობისათვის კტალონური ლითონია.

ლაშენალი და ტერაი, რომლებიც წინდაწინ უნდა გაემგზავრონ, უნდობლად ათვალეირებენ მათთვის მოყვანილ საბრალო ჯაგლაგ ცხენებს. გამდნარ ტყვიად ქცეულ შუის სხივების ქვეშ, ქარაგნის ძირითადი ნაწილის შზადებას ბოლო არ უჩანს. როგორც იქნა, მთელი ბარგი თითო მაუნდიან<sup>1</sup> თანაბარ ნაწილებად დავყავით და ორ ასეულ მზიდავს ჩამოვეურჩევით.

— Bara Sahib, umbrella please?<sup>2</sup>

მოხდენილი ტანადობის ნეპალელი თავაზიანად მაწვდის თავის ქოლგას. ასე, თითქმის შემთხვევით, ვეცნობი ე. ბ. რანას. რამდენიმე დღის შემდეგ ე. ბ. (ასე დავუძახებთ მერე მას შინაურულად) ძლიერ დაგვიმეგობრდა. მრავალი წლის მანძილზე ოფიცრად უმსახურია გურკების პოლკში, ამჟამად კი ნეპალის მაპარაჯამ მას ჩვენი ექსპედიციის გამყოლობა დაავალა.

უეცრად პაპანაქება სიცხისაგან დამსკდარ-დაშაშრულ მიწაზე ცხენების თქარა-თქურმა მოაღწია. ლაშენალისა და ტერაის გაოფლიანებული უბელო ცხენები ტინაუ-კპოლას<sup>3</sup> ხეობიდან მორბიან და თავის მშობლიური თავლებისაკენ მიეშურებიან.

— გესმის, — ღირსეულად მიხსნის შემდეგ ტერაი, — მოგზაურობის ასეთი ხელოვნური ხერხი ზიზღსა ჰგვრის ნამდვილ მთამსვლელებს...

სალამოს, პირველი გადასასვლელის შემდეგ, ე. ბ.-ს მიყვავართ სოფლია რესტ-პაუნში<sup>4</sup>.

<sup>1</sup> დაახლოებით 40 კგ.

<sup>2</sup> ბარა-საჰიბ, გნებავეთ ქოლგა? ამ ქვეყანაში ქოლგას წვიმაშიც ხმარობენ და მზეშიც.

<sup>3</sup> განგის პატარა შენაკადი (კპოლა ნიშნავს მდინარეს ან ნაკადს).

<sup>4</sup> ბუნგალო.

— Of His Highness,<sup>1</sup> — ზეიმით აცხადებს იგი.

— ფრიად მოხიბლული ვარ!

შემდეგ გავიგე, რომ ნეპალში ყველაფერი პირადად მაჰარაჯას ეკუთვნის!

ათ აპრილს ქარავანი სამი დღით პროვინციის ცენტრში — თანსინგში ჩერდება. აქ უნდა გადაეაჯგუფოთ ჩვენი ძალები, გადავარჩინოთ ბარგი და დავიჭიროთ ახალი მზიდავები.

დავბანაკდით და ცნობისმოყვარე უქნართა ბრბოსაგან დასაცავად ბანაკის ირგვლივ თოჯის მოაჯირი შემოვავლეთ. დიზენტერიით ავადმყოფ იშაკს შერპებს ვუტოვებთ და ავდივართ გორაკზე, რომელიც ქალაქს დასცქერის თავს. აქედან შორეული მთები მოჩანს. რა შეედრება იმ მღელვარებას, რომელიც დაგვეუფლება ხოლმე, როცა საოცნებო საგანს ვუყურებთ!

ჩვენ ბევრი წაგვიკითხავს ჰიმალაიზე, დიდხანს ვსაუბრობდით ხოლმე ამხანაგებთან, ვინც უკვე მოინახულა ყარაყორუმში 1936 წელს. მარსელ იშაკს, ჰიმალაის ერთადერთ ვეტერანს ჩვენ შორის ზოგჯერ სრულიად უაზრო შეკითხვებს ვაძლეოდით. თითოეულს საკუთარი წარმოდგენა შეგვექმნა ამ მთებზე. იმედგაცრუება ხომ არ მოგველის?

სინამდვილეში კი სანახაობა, რომელიც გორაკიდან თვალწინ გადაგვეშალა, ყოველგვარ მოლოდინს აჭარბებს. ერთი შეხედვით მსუბუქი ბურუსი ჩანს, მაგრამ, თუ ყურადღებით დავაკვირდებით, შორს მძლავრი ყინულოვანი კედლების გარჩევა შეიძლება; ისინი ნისლიდან ვეებერთელა სიმალლეზე აზიდულან და ჩრდილოეთით ასეული კალომეტრის მანძილზე ფარავენ ჰორიზონტს. ეს ელვარე კედელი უზარმაზარი გვეჩვენება, არც ერთი დადაბლება არა აქვს, რვაათასიანებს შეიღიათასიანები მისდევს. პირდაპირ დატყვევებულნი ვართ ამ სანახაობის სიდიადით.

— ჰიმალაი! ჩვენი „კუნძულები!“

ამიერიდან ზღაპრული მოჩვენება აღარ დაგვტოვებს. ახლა ამოცანა მარტივი ჩანს: რაც შეიძლება ჩქარა მივალწიოთ ამ მწვერვალებამდე და შევებრძოლოთ მათ.

<sup>1</sup> ეკუთვნის მის უმაღლესობას (მაჰარაჯას).



სალამოს ყველა საკუთარმა ფიქრებმა წაიღო. ვწევართ კარებში და ხმას არ ვიღებთ.

ექსპედიცია ტოვებს თანსინგს. მოწინავე ჯგუფი ერთი დღით ადრე მიემგზავრება.

დაახლოებით შუაღლისას უეცრად ვხედავ, ვიღაც უცხო ვეება ნაბიჯებით მოაბოტებს ჩვენსკენ. რომ მოგვიახლოვდა, მაშინლა ვიცანით — ჩვენი მეგობარი ტერაი იყო. მეტად მსუბუქად ეცვა და თავმოსვლებილი მთლად ოფლში გაცურებულყო. თვლებში სიბრაზე გამოკრთოდა.

იგი ისე ენერგიულად იქნევედა წერაყინს, რომ აქეთ-იქით ყველა გზას უთმობდა.

გულმა რეჩხი მიყო. რაშია საქმე? უბედურება ხომ არაფერი მოხდა? უეცრად ლაშენალისკენ გამექცა გული და ტერაის მივაძახე:

— ბისკანტი<sup>1</sup> სადლაა?

— ბისკანტი? — გაკვირვებით იმეორებს იგი კითხვას.

— ჰო, ჰო! რა მოხდა?

ამასობაში ტერაი უკვე მოგვიახლოვდა.

— რა, ბისკანტი? ის იქაა...

— ოჰ, რა გული გამიხეთქე!

— რა გაცინებს, ცუდადაა საქმე!

— მაინც რა ხდება ასეთი?

— მათ გაფიცვა გამოაცხადეს...

— ვინ, მზიდავებმა?

— აბა, ჩვენ ხომ არ გავიფიცებოდით! ამ დილას ყოველგვარი გაფრთხილების გარეშე გაიფიცნენ.

— ბარგი მთელია?

— ბისკანტი დარჩა მის სადარაჯოდ. სხვათა შორის, არა მგონია, რაიმე ცუდი ედოთ გულში. უბრალოდ, უნდათ, რომ ცოტა მეტი მივცეთ. უნდათ... არ ვიცი, რა უნდათ, მათი არაფერი მესმის... ასეა, თუ ისე, ისინი გაჩერდნენ გზის პირას, ვაიგის ახლოს, უარს ამბობენ წინ წასვლაზე, დაყარეს ბარგი და ადგილიდან არ იძვრიან.

---

<sup>1</sup> ბისკანტი — ლაშენალის მეტსახელი. ადგილობრივ კილოზე — სავოი, რაც სიდრს ნიშნავს.

ლიონელი ბრაზიანად ივინება. საგონებელში ვვარდებით. ტერაი დასძენს:

— ეს წმინდა შანტაჟია! ესლა გვაკლდა!

— ყველაფერი ეს ე. ბ.-ს უფლებამოსილებაში შედის, — ვამბობ მე.

— ვერ წარმომიდგენია, როგორ გაართმევს თავს ამ ამბავს!

— რა გაეწყობა, ახლა გამოჩნდება, რამდენად პატივს სცემენ მას ეს ბიჭები. ხელშეკრულებები ყველა წესის დაცვითაა გაფორმებული და ხელმოწერილი — მზიდავებმა იგი უნდა შეასრულონ.

— კი, ვალდებულნი არიან, შეასრულონ!.. ერთი სიტყვით, სასწრაფოდ უნდა გავეშუროთ!

დაუყოვნებლივ გავდივართ.

სალამოსთვის, როგორც იქნა, მივალწიეთ „გაფიცულებამდ“. ჩვეულებრივ მხიარულ ლაშენალს ახლა ცხვირ-პირი ჩამოსტირის. ე. ბ.-ს დანახვაზე მზიდავები უფრო შემკიდროვდნენ. ხმამაღლა ყაყანებენ, ჩანს, რაღაცას მოითხოვენ მისგან. ჩვენ კი უშფოთველად ვსხდებით დასასვენებლად, აუჩქარებლად შევექცევით საჭმელ-სასმელს. სიმშვიდე მხოლოდ გაზრდის ჩვენს პრესტიჟს. შესაშური გულგრილობით ვიხდით ფერხთ, რათა დადლილ ფეხებს ქარმა გაუაროს. ჩვენი ყოველი მოძრაობა განზრახ აუჩქარებელია.

ე. ბ. შეტვევაზე გადადის. კაციშვილი ვერ გაიგებს, რას ეუბნება იგი მათ. ნახევარი საათის განმავლობაში ე. ბ. მკვერმეტყველების სასწაულებს გვიჩვენებს. დასაწყისში მშვიდად და ძალდაუტანებლად ლაპარაკობს, მერე თანდათან იმაღლებს ხმას, შემდეგ მისი ყოველი სიტყვა ქარიშხლად იქცევა და ამ ვიწრო კანიონში ისე ქუხს, როგორც ტაძარში. თითქოს ჯადო უყვესო, მზიდავების უკმეხი მოთხოვნილებები მოკრძალებულ ახსნა-განმარტებად იქცევა. ე. ბ. ენერგიულად და მტკიცედ პასუხობს. მისი ავტორიტეტი აშკარად ჩანს. უეცრად ერთმა უკმაყოფილოთაგანმა რაღაც წარმოსთქვა, რამაც მწარედ გაკენწლა ე. ბ. თვალბდაჭყეტილები ვუყურებთ, როგორ მივარდა ჩვენი ოფიცერი მზიდავს და სეტყვასავით დააყარა მუშტები, ვიდრე „მეამბოხემ“ არ მოკურცხლა. ახლა კი მუშები ერ-

თი მეორის მიყოლებით იკიდებენ ზურგზე ტვირთს და გზას განაგრძობენ.

მეორე დღეს, მდინარე სედი-კჰოლას რომ მიეუახლოვდით, წინ სადღესასწაულო ტანსაცმელში გამოწყობილი ეშხიანი და მოხდენილი ნეპალელი ქალები შემოგვხვდნენ. ფეხშიშველა მოდიოდნენ და სწრაფად ჩაგვიარეს. რაც უფრო წინ მივდივართ, უფრო და უფრო გახშირდნენ. თითქმის ყველა ახლომახლო ბილიკზე მოფრიალებს ხასხასა ფერებით მოელვარე უამრავი „სარი“<sup>1</sup>. ქალები ერთი ადგილისაკენ მიეშურებიან. ანგ-თარკე გვიხსნის, რომ დღეს აქ დიდი რელიგიური დღესასწაული „კუმბჰ-მელაა“<sup>2</sup> რომელსაც თორმეტ წელიწადში ერთხელ იხდიან.

ბედი გვწყალობს! ვუახლოვდებით და მალე დიდის ვაივავლახით ვახერხებთ ამ აჭრელბულ მღვლვარე და ხმაურიან ბრბოში გაღწევას. ფრიალო კლდის ძირში სადღუ<sup>2</sup> ხმამაღლა ქადაგებს. ყურადღებიანი მსმენელებით გარშემორტყმული მღვდლები ხმამაღლა კითხულობენ ვედურ ტექსტებს. ბევრი მორწმუნე მიემართება ნაკურთხ მდინარე კალი-განდაკისაკენ. მამაკაცები და ქალები ტანთ იხდიან, რიგრიგობით შედიან მდინარეში, ასველებენ წყალში ლოტოსის ფოთლებს, შემდეგ კი რამდენჯერმე შუბლზე ირტყამენ მათ.

ზოგიერთები ფოთლებისაგან აკეთებენ პატარა ნავებს, მათ შუაგულში ანთებულ სანთლებს ამაგრებენ, ამ მცურავ ლამპრებს ფრთხილად უშვებენ წყალში და მდინარეს მიაქვს ისინი შორს, განგის მიმართულებით.

სამწუხაროდ, ექსპედიციამ გზა უცდა განაგრძოს.

მეორე დღეს იშაკის შეძახილი მოისმის: „პოლიცია!“ რა სისულელეა, მაგრამ შიშისაგან გული გადამიტრიალდა.

ეს უკვე ხუმრობა აღარაა! მოსახვევში თორმეტიოდე შეიარაღებული კაცი მწყობრად, სამხედრო ნაბიჯით მოემართება ჩვენკენ.

— ზედ დანაშაულის ადგილზე წაგვასწრეს, — ამბობს იშაკი. — ეს ბაგლუნგის მილიციამ დაგვლო სამხედრო პატივი!

<sup>1</sup> ინდიელი ქალების ტანსაცმელი.

<sup>2</sup> ღვთისმსახური.

ბაგლუნგში ხვალ, კვირას, 16 აპრილს ვიქნებით; ეს არის უკანასკნელი დიდი სოფელი მაღალმთიანი ხეობების წინ.

ტუეუჩამდე სამი თუ ოთხი გადასასვლელია დარჩენილი, მაგრამ ეს ყველაზე მძიმე გზაა, ვინაიდან ასვლა გვიხდება დაახლოებით 700 მეტრის სიმაღლიდან 2500 მეტრამდე ზღვის დონიდან.

დღეს ადრე უნდა ავდგეთ, ანგარიში გავუსწოროთ მზიდავებს, დავიჭიროთ ახლები და გადავსინჯოთ მთელი ჩვენი ბარგი.

— კჰანა! კჰანა! კჰანა!<sup>1</sup>

ნუაელი ყველაზე ადრე დგება ხოლმე. ახლაც ველური მემარირით დასჭყვივის და აღვიძებს მძინარე ბანაკს.

მის ყვირილს აქეთ-იქიდან ეხმაურებიან:

— ეშმაკმა წაგიღოს! — ბუზღუნებს კუზი და იშველიებს თავის სტუდენტურ ლექსიკონს.

— მხეცო! — ყვირას რებიუფა.

— დამეკარგე აქედან! ისე მტკივა მუცელი, რომ სადაცაა ფეხებს გავეჭიმავ, — ღრინავს ტერაი.

— მეტი მოგვლია, — მთქნარებით შენიშნავს უდო.

— უდო მკვლელია! ყველაფერი ამ ქლორის<sup>2</sup> ბრალია, — მუცელზე ხელებს იჭერს ლაშენალი.

— რა ამბავია გარეთ, ისევ ბნელა?

— მზიდავები მოვიდნენ?

— ბიჭებო, დჰაულაგირი! დჰაულაგირი! — ყვირის ნუაელი და სიხარულისაგან ცმუკავს.

— რა? შეუძლებელია! თვალისდახამხამებაში ყველანი გარეთ გამორბიან და, რითაც შეუძლიათ, იფარავენ სიშიშვლეს. ზოგიერთები საძილე ტომრებშივე ხტუნავენ, სხვები ლელვის ფოთლის მაგიერ ცხვირსახოცს იფარებენ. ლაშენალმა ამ მიზნით თავისი კეპი გამოიყენა.

— ჩვენ ზემოთ. 7000 მეტრზე უფრო მაღლა აზიდულა გრანდ-დოზული ყინულოვანი პირამიდა. იგი მზეზე კრისტალივით ბრწყინავს. დილის ნისლში გახვეული მტრედისფრად მოელვარე მისი სამხრეთი კედელი ზღაპრული სანახავია.

<sup>1</sup> მაგიდასთან... (სიტყვასიტყვით — ჰამა)

<sup>2</sup> უდო ღეზინფექციას უკეთებდა წყალს ჰიპოქლორიტის აბებით.

მოჯადოებულები შევცქერით ამ ბუმბერაზ მწვერვალს. ათასჯერ გამეორებული მისი სახელწოდება ესოდენ ნაცნობია ჩვენთვის, მაგრამ თვალთ ნანახი იმდენად ძლიერ შთაბეჭდილებას ახდენს, რომ კარგახანს დამუნჯებულები ვდგავართ.

მერე ნელ-ნელა გვაგონდება ექსპედიციის მიზანი, გრძნობისა და ესთეტიკის საკითხები მეორე რიგში გადადის და გიგანტურ მოჩვენებას ახლა უკვე პრაქტიკული თვალსაზრისით ვათვალისწინებთ.

— გინახავს აღმოსავლეთი თხემი მარჯვნიდან?

— მინახავს. იქით წასვლაზე ფიქრიც არ ღირს!

— ცაღი შხაპია!

დამატყვევებელი სურათია, მაგრამ საეჭვოა, რომ სამხრეთის კალთაზე ჩვენთვის გამოსადეგი გზის პოვნა შეიძლებოდეს.

— თუ ჰკუთით იქნებით, ორი დღის შემდეგ ანაპურნას დაგანახებთ, — გვეუბნება იშაკი. იმან და კუზიმ ეს-ესაა რაღაც გაიანგარაშეს.

ვზივარ უზარმაზარი ბანანების ქვეშ და მთელი დღე მზიდავების შრომის ანაზღაურებას ვხელმძღვანელობ. ცნობისმოყვარეობითა და უნდობლობით შესცქერიან სასწორს. თითოეული ღებულობს ავანსად რ რუპიას და ერთ კოლოფ სიგარა „რედ-ლემპს“, შემდეგ, ინდურა ჩვეულების თანახმად, ხელისგულებს ერთიმეორეზე ადებს, რითაც მადლობას გვიხდის და ხელს აწერს<sup>1</sup> უწყისზე ე. ბ. რანასთან. სია იზრდება. ქალღმერთი რომ გათავდება ხოლმე, დამატებით ფურცლებს აწებებენ და აგრძელებენ. ოპერაციის დამთავრების შემდეგ ამ დოკუმენტის სიგრძე 4 მეტრს აღემატება.

სანამ მზიდავებს შეამოწმებდეს, ტერაი ანაწილებს ტვირთს. ის უსინჯავს მათ წვივებს, კუნთებს, უზომავს გულმკერდის მოცულობას, როგორც ალბათ თავის ფერმაში — უშში აკეთებდა. „ღონიერი კაცი“, როგორც მას შერაბებმა შეარქვეს, უმძიმეს ტვირთსაც კი ბუმბულივით აიტაცებს ხოლმე. მზიდავები დაუფარავი პატივისცემით შესცქერიან მას.

რიგრიგობით მოდიან, ერთი თვალისშეგლებით აფასებენ ტვირთს და ვარაუდობენ მის წონას. თითოეული მალულად,

<sup>1</sup> თითოეული მზიდავი ნაჩვენებ ადგილზე ბაბუს (მწერალის) მიერ დაწერილი სახელის პირდაპირ, ადებს წინასწარ მელანწანულ ცერს.

ექვიანად უთვალთვალეებს მეორის ბარგს. ისინი სწრაფად და მარჯვედ წნავენ ბამბუკისა და ლიანებისაგან ლასტს, რათა ტვირთი უფრო მოხერხებულად ატარონ.

შვიდავები ერთიმეორის მიყოლებით იღებენ ბარდანებს და იკიდებენ შუბლზე შემორტყმული ღვედის დახმარებით. ამგვარად, ჩვენი შვიდავები მთის ბილაკებით 250 კილომეტრს გაივლიან და ჩვენს ექვს ტონა ტვირთს თავებით აიტანენ დანიშნულ ადგილას.

— წინ, ტუკუჩისაყენ!

ჩვენ წინ თვალსაწიერზე შვიდავები გამწკრივებულან კალიგანდაკის ნაპირზე. მალე დიდ შენაკადს მივადექით. ეს მაიანგდი-კპოლაა. მარსელ იშაკი საგონებელშია ჩავარდნილი:

— ეს მდინარე არაფრით არ ჩამოუვარდება განდაკს. რუკას მიხედვით მას დჰაულაგირის მხოლოდ სამხრეთის კალთა კვებავს. მაგრამ მაშინ ის ჩვეულებრივ მთის ნაკადზე უფრო დიდი არ უნდა იყოს!

მართლაც, რუკას თუ დაეუჭერებთ, დჰაულაგირის მარშრუტი ჩვენი ბაზიდან, ტუკუჩიდან იწყება და დაუბრკოლებლად ასდევს ჩრდილოეთ კალთიდან ჩამომავალ ხეობას. იმ მდინარის სიდიდის მიხედვით, რომელიც ხეობიდან გამოდის და მაიანგდი-კპოლას ერთვის, ეს ხეობა ალბათ დასავლეთით ეშვება და არა ტუკუჩის მიმართულებით. თუ ეს ასეა, მაშინ ტუკუჩისა და დჰაულაგირის ჩრდილოეთ კალთას შორის უნდა არსებობდეს თხემი, რომელიც რუკაზე არ არის აღნიშნული, ამას კი შეუძლია სერიოზულად შეუშალოს ხელი ჩვენს გეგმებს.

— დიახ!.. იძულებული ვარ ვადიარო, — მუსონისწინა პერიოდში მაიანგდი-კპოლა მართლაც ბევრად უფრო ნაკლებწყალუხვი უნდა ყოფილიყო.

— მე ვხვდები, — გასაოცარი ინტუიციით შენიშნავს იშაკი, — ყველა წყალი ჩრდილოეთიდან და დასავლეთიდან აქით მოედინება.

— კი, მაგრამ რუკა?

— რუკა ტყუის! ეჭვი არ არის!

მსჯელობა ლოგიკურია.

1 იხ. რუკები 52 და 53 გვ.

მაგრამ, სანამ რუკას უარყოფდეთ, უფრო საფუძვლიან დამამტკიცებელ საბუთებს დავეუცდი.

წინასწარ გეტყვით, რომ ეს დამამტკიცებელი საბუთები მართლაც მივიღეთ და ერთი თვის შემდეგ საიდუმლოებას ფარდა აეხადა...

მეორე დღეს, 20 აპრილს, დანაზე გავლისას, ანაპურნას თხემებსა და მწვერვალებს შევათვალეირებთ.

— პირობაზე როგორა ხარ, ანაპურნას გვაჩვენებ? — მოვავონე იშაკს.

ანაპურნას ვერ ვხედავთ, მაგრამ ჩვენ წინ ღრმა და დაკლაკნილი მირისტი-კპოლას ხეობა იშლება. მასზე გადის რუკაზე მკაფიოდ ნაჩვენები ბილიკი, რომელსაც ტილიჩოს გადასასვლელისაკენ მივყავართ, საიდანაც, მოკლე თხემით ანაპურნის მწვერვალზე გასვლა შეიძლება.

— არცთუ ძალიან სიმპათიური ხეობაა ეს ტილიჩო, — მეუბნება შაცი.

— რუკის მიხედვით აქ ბილიკია...

შეიკარებთან' მოლაპარაკების შემდეგ ნუაელი დაღვრეზილი ბრუნდება.

— ტილიჩოს უღელტეხილი? აქ მისი სახელიც კი არ გაუგონიათ.

— ეს უკვე მეტისმეტია! „რუკის“ კიდევ ერთი ფოკუსია!

— ეს ძალზე ზორბა რამე იქნებოდა, — აცხადებს რებიუფა, — 6000 მეტრზე უმაღლესი გადასავალი მშვენიერი მისასვლელი ბილიკით. იქიდან კი თითქოს ცხვირწინაა რეაათასიანი!

შემდგომში რაიონის გამოკვლევამ ცხადჰყო, რომ მირისტის ხეობა გაუვალია, ხოლო ყბადაღებული ტილიჩოს უღელტეხილი სულ სხვა ადგილასაა.

ბილიკი უფსკრულის კიდეს გასდევს. წიწვიან ხეებს შორის ძლივს მოჩანს კრიშნა-განდაკის მშფოთვარე, მგრგვინავი წყლები, დროდადრო გვერდს ვუვლით კირქვიანი კედლებიდან გადმომჩქეფარე ხმაურიან ჩანჩქერებს. აღმართი თვალთ შეუმჩნეველია, მაგრამ მას შეიგრძნობთ არაპირდაპირ, სხვადა-

1 მონადირე—მეგზურები.

სხვა ნიშნების მიხედვით: სიარული ჭირს, მოძრაობის ტემპი ნელდება.

გასაში ლაშენალი და ტერაი განცვიფრდნენ, როცა ფეხსაცმლის „ფაბრიკას“ წააწყდნენ. რამდენიმე შინამრეწველი კარიკარგამავალ ქოხებში სულმოუთქმელად კერავდა შარღით მოთრიმლულ ტყავებს.

— უწებოდ მუშაობენ, — ასკვნის ლაშენალი.

— შეამჩნიე, ბასკანტ, ეს ნამდვილი ნაკერავები არაა. ისინი გასანთლული ძაფის მაგიერ ტყავის წვრილ თასმებს ხმარობენ.

— შერე სად ბააქვთ ეს ფეხსაცმელები?

სიმაართლე რომ ვთქვათ, აქ მხოლოდ წარჩინებული მოქალაქეები ატარებენ ფეხსაცმელს. განსაკუთრებით მოდაშია ყელიანი ფეხსაცმლის ზონარშეუკრავად ტარება. სხვათა შორის წყვილმა სამთო ფეხსაცმელმა, რომელიც ე. ბ.-ს ვაჩუქეთ, არაჩვეულებრივად აამაღლა მისი პრესტიჟი.


შესამჩნევად აგრილდა. ჩვენ უკვე 2000 მეტრის სიმაღლეზე ვართ. ტუკუჩამდე კიდევ ხუთასმეტრიანი აღმართი გვაქვს ასავლელი. აქ უკვე აღარც ბანანებია და აღარც ბრინჯი, მხოლოდ უღიმღამო მარცვლეულია, ძირითადად ქერი. შორს მოჩანს მტრედისფერი ყინულის ზოლებით აჭრელებული დჰაულაგირის ზემო კალთები. სამხრეთ-აღმოსავლეთი თხემი, რომელზედაც, ასე თუ ისე, იმედს ვამყარებდით, ძალზე გრძელია, დანოსპირივით მახვილი, უთვალავი ყინულის „ქანდარმებითა“<sup>1</sup> და თოვლის ლავგარდანებითაა სავსე. აქედან იგი დაუძლეველი ჩანს.

კისრის ღრძობამდე ვცდილობთ გულდასმით დავათვალიეროთ ეს გიგანტური კედლები, რომლებიც, სადღაც, ექვსიოდე კილომეტრზე მალა, ცის ლაქვარდში იკარგებიან. მუქი ყავისფერი კლდის შვერილები მკაფიოდ გამოირჩევიან მოელვარე თოვლის-ფონზე. საკაშკაშე იმდენად დამაბრმავებელია, რომ თვალებს გვახუჭინებს.

გამბედაობა არ გვეოფნის, აქ ასვლის გეზი ~~დავსახოთ~~ და მაინც ვერ ვფარავთ აღტაცებას. გვიხარია, რომ კვლავ მთებში ვართ, რომ შეგვიძლია მთელი ჩვენი ძალ-ღონე ექსპედიციის ძირითადი მიზნის განხორციელებას მოვანდომოთ.

<sup>1</sup> „ქანდარმი“ — თხემზე ცალკე მდგომი კლდე. (ავტ.)





ცენტრალური ნეპალის რუკა.

მეც, ბოლოს და ბოლოს, დავაღწევ თავს ტრანსპორტის უფროსისა თუ რეჟისორის როლს და-აღიზინსტური ექსპედიციის ხელმძღვანელად გარდავიქმნები.

სოფელ ლეტეს მახლობლად გაკვირვებითა და ერთგვარი მღელვარებითაც გადავჭერათ ფიჭვნარი, რომელიც გასაოცრად ჰგავს ჩვენს ალპურ ტყეებს. იგივე ხეები, იგივე კლდეები და იგივე ცოცხალი ხავსი. განა შემეძლო წარმომედგინა, რომ სულ რაღაც ორ თვეში ეს მომხიბლავი, პოეზიით აღსავსე კუთხე ჩემი სულთმობრძაობის მოწმე გახდებოდა?

მალე ჩვენი რაზმი ვრცელ, ქვიან ვაკეზე გავიდა, რომელიც საუკუნეების მანძილზე განიცდიდა კირვეულ და მშფოთვარე ვანდაკის ზემოქმედებას. მდინარემ შეძლო ჰიმალაის უზარმაზარი ქედის სისქეში ვეებერთელა დერეფანი ჩაეჭრა. მასში მთელი ძალით ეშვება მძლავრი, ვეება გრიგალი, რომელიც ლამის მიწაზე გვაკრავს. აქ მთელი წლის განმავლობაში მძვინვარებს ქარი და ყოველგვარ მცენარეულობას ანადგურებს. მტერის ბოლქვები ცამდის აღწევს. ირგვლივ პირქუში, ქვიანი ჯოჯოხეთია. იშაკი ცდილობს როგორმე დაიფაროს თავი საზარლად მოზუზუნე ქარისაგან და ყურში ჩამყვირის:

— შეიძლება ითქვას, რომ უკვე ყარაყორუმში ვართ!

ფეხშიშველა, წელში მოხრილი მზიდაეები პატარ-პატარა შემეჭიდრობულ ჯგუფებად მიიწევენ წინ და ცდილობენ ერთიმეორეს უკან ამოეფარონ. ყველას ერთი სული აქვს, სანამ ტუკუჩას მიაღწევენ.

თავგამოდებული ბუდისტი ანგ-თარკე თავს ისე გრძნობს, თითქოს შინ იყოს. მან უკვე დაინახა ლარჯუნგის სახლის თავებზე მოფრიალე წმინდა ალმები. ისინი ისე შრიალებენ ქარის ქროლვაზე, თითქოს ღვთისადმი უსასრულო ლოცვებს აღავლენნო.

შორს, ქვიანი უდაბნოს კიდეზე, მოჩანს სოფელი, რომელიც ასეულობით სამლოცველო ალმებშია ჩაფლული და, როგორც ჩანს, სიმაგრეებითაა გარემოცული.

— ტუკუჩაა, საპიბ!

ყველამ ნაბიჯს აუჩქარა.

ფონით გავედით ბობოქარ ნაკად დამბუშ-კპოლაზე, რომელთანაც კიდევ მოგვიხდება მობრუნება, და ტუკუჩაში შევედით.

საერთოდ, უნდა ითქვას, რომ აქ არც ისე ბევრი ხალხია, როგორც გეგონა. დაუყოვნებლივ გარს შემოგვეტყუენ ბავშ-

ვები, ცნობისმოყვარეობით ადევნებენ თვალს ყოველ ჩვენს ნაბიჯს, ჭყუმპალაობენ შუა ქუჩაში გამავალ არხში, სადაც ქალები ქურქელსაც რეცხავენ და ჩაისთვის წყალსაც იღებენ. პარმალეებზე მოხუცები სხედან. ისინი უნდობლად და ეჭვიანად შესცქერიან ამ თეთრ ადამიანებს, რომლებიც არავენ უწყის, რისთვის ჩამოსულან აქ. რამდენიმე წუთში გავიარეთ სოფელი. ჩვენ წინ ფართო მოედანი გადაიშალა. ბუდისტური ტაძრის ვარდისფერ კედლების თავზე ალმები ფრიალებენ. არც ისე ძალიან მოგვწონს აქაურობა, მაგრამ ბანაკისათვის ამაზე უკეთეს ადგილს ახლომახლო ვერ ვიშოვით. ჩვენს ზემოთ აღმართული ფრიალო კლდეების პირქვეში შიშველი კედელი, სევდიან იერს ჰყენს მთელ მიდამოს.

მისადგომები გათავდა. დღეს 21 აპრილია; ამგვარად, ჩვენ დაგვკირდა 15 დღეზე ცოტა მეტი, რომ მთლიანად გადაგვექრა ნებალი.

სადამოს მხოლოდ რამდენიმე კარავს ვდგამთ და გემრიელ სადილს ვამზადებთ ამბოხებული კუჭების დასამშვიდებლად. ცივა. პირველად ვიცვამთ ბუმბულის ქურთუკებს. დაღლილი, გუნებაწამხდარი საპიბები და შერპები ერთად შევიკრიბეთ: ქარმა ყველა გამოგვფიტა.

ხვალ ალბათ მზის მთელი ბრწყინვალეობა დაგვკირდება, რომ გუნება გამოგვიკეთდეს.

---

## უხნოგი ხეობა

უმღგომი მოქმედების გეგმა მარტივია. უწინარეს ყოვლისა, უნდა გაიმართოს ბანაკი, გაიხსნას, აღირიცხოს, შემოწმდეს და დალაგდეს პროდუქტები და აღჭურვილობა. უახლოესი 48 საათისათვის ყოველგვარი სამუშაო განაწილებულია. ყველანი ქუჭყიანები ვართ, მაგრამ ერთი ქოთქოთითა და ხმაურით ვაწესრიგებთ ყველაფერს. ერთობ თავშესაქცევი სანახაობაა! იშაკი ფირებიტა და კინოაპარატურით სავსე თავის ძვირფას ყუთებს დასტრიალებს, უღო ბანდებსა და მედიკამენტებში იქეჭება. შერბები კარვებს დგამენ, ეხმარებიან საჭიბებს პროდუქტების გადარჩევაში, აწესრიგებენ სამზარეულოს...

საუცხოო ამინდია, მწვერვალიც შელამაზებულა ამ ჰირველი დღის პატივსაცემად, რომელსაც „გენერალურ შტაბში“ ვატარებთ. რა სიხარულით ვათვალიერებთ გარსშემოჭარულ წვეტიან პიკებს! განდაკის გრძელი ხეობა ორ უზარმაზარ მასივს ჰკვეთს: დასავლეთით დჰაულაგირს, რომლის სიმაღლე 8167 მეტრია, ხოლო აღმოსავლეთით 8075 მეტრიან ანაპურნას. ხშირად ხეობის სიღრმეში ნისლი იხვევა, რაც კიდევ უფრო ზვიადს ხდის გარემომცველ მიუვალ კედელთა სიდიადეს. 4500

<sup>1</sup>. ცისფერი მთები — ეს გაუვალი მთაგრეხილი უზარმაზარ საფარს ქმნის ტუკუჩასა და ანაპურნას შორის. ანაპურნამდე რომ მიიღწიო, საჭიროა მოუარო ნიღვირს სამხრეთიდან, მირისტი-კპოლას გაყოლებით.

მეტრზე ჩვენს ზემოთ ნილგირის<sup>1</sup> კონტა მწვერვალები ბრწყინავენ. ჩრდილოეთისაკენ ცა გაცილებით ნათელია, მცენარეულობა უფრო გაიშვიათებული: იქ ტიბეტია.

ტუკუჩა შესახვევების ლაბირინთია. ძალიან ძნელია ქალაქის ქეშმარიტი ცხოვრების დანახვა. თითოეული სახლი ნამდვილი ციხესიმაგრეა. უფრო ხშირად ესენი ქარვასლებია, სადაც შემთხვევითი მგზავრი ღამისგასათევს იპოვის. ქალაქის 500 მცხოვრებიდან უმრავლესობა ბუდისტია. თითქმის ორმოცდაათ მეტრზე გაჭიმული სამლოცველო წისკვილების მწკრივი ადასტურებს მათ ღვთისმოსაობას. მათ ახლოს რომ ჩაივლიან, ჩვენი შერპები შემთხვევას არ უშვებენ, რომ მხიარულად არ შემოატრიალონ ლითონის ცილინდრი, რომელზედაც ამოკვეთილია საღმრთო ტექსტები. ეს ბევრად უფრო პრაქტიკულია, ვიდრე გრძელი ლოცვების კითხვა.

ბნელ ეზოებში, ან დაბალ ქოხმანებში მიჭუჭკულია კუსტარული სახელოსნოები. აქ იაკის ან ცხვრის მატყლისაგან შესანიშნავ გამძლე ქსოვილებს ამზადებენ. ჩვენთვის უჩვეულო სახანობაა: მამაკაცები ართავენ.

„კუკუ საპიბს“<sup>1</sup> და იშაკ-საპიბს ანტენა გაუშლიათ და, რაც ძალი და ღონე აქვთ, მიკროფონ „ტელკის-უელკისში“<sup>2</sup> ჩაჰყვირიან. მუხლებზე დაჩოქილი მრთველები კი დაღამებამდე მოთმინებით აბზრალებენ თავის ადამისდროინდელ თითისტრებს.

კომიკური კონტრასტია...

განთიადისას ტუკუჩა უკაცრიელია და მხოლოდ მახლობელი ტაძრის ზარის ხმა არღვევს მყუდროებას. უცნაური, დაბალი ჰარმონიული ხმები იმჭრევა ჰაერში.

რალაც გაბმული საგალობლის მსგავსი ხმა მოდის მეზობელი კარვიდან. მონოტონურ ფსალმუნს შიგადაშიგ ფშვინვა ახლავს, შორიდან გეგონება ვილაც ჩივისო. სხვა ხმები იმავე ტონით უპასუხებენ. ანგ-თარკე და მისი ამხანაგები ლოცულობენ.

1. ასე შეარქვეს კუხის მისი სიგამხდრისა და სახის ნატიფი ნაკვების გამო.

2. მიმღებ-გადამცემი პორტატული უმტ-რაციები. მათი მოქმედების რადიუსი დაახლოებით ორი კილომეტრია.

Good morning, Sirl

Good morning, Panzi, — ვეუბნები თავის აწევისას.

Tcha for, Bara Sahib?<sup>1</sup>

კარვის შემოსასვლელში ვილაც გულკეთილად იღიმება.

— Jes, thank you.

მოედანზე ბავშვებით გარშემორტყმული უცხო მოქარავენ-  
ნი გაცხოველებით მსჯელობენ: ალბათ ტიბეტელები არიან.

ქალებს ხასხასა ფერის წინსაფრები ამშვენებთ. ტიპურ  
მონღოლურ სახეზე რაღაც წაუსვამთ. ლამაზმანები დარწმუნე-  
ბულები არიან, გარშემო ყველას ვაჭადოებთო და მხიარულად  
კისკისებენ. ჩემი ამხანაგები მაშინვე ზეზე წამოცვივნენ.

— რა მშვენიერები არიან! — მიზიარებს შთაბეჭდილებას  
გოცებული ტერაი.

— მე მათი ჩექმები უფრო მომწონს, — პრაქტიკულად  
მსჯელობს ლაშენალი.

მალე ტიბეტელების გარშემო წრე შეიკრა და გაჩაღდა ცე-  
კვა-თამაში.

მოცეკვავენი მკვეთრად გამოირჩევიან თოვლიან მწვერვალ-  
თა დიდებულ ფონზე. საუცხოოდ დამუშავებული ბალეტი  
მწუხარებისა და სიხარულის, სიცოცხლისა და სიკვდილის მა-  
რადიულ დუალიზმს გამოსახავს. მისი სილამაზე მკაცრია და  
პრიმიტიული. ცეკვა მუდამ ხალხის სულის ამსახველია. ეს  
ცეკვაც უდავოდ საინტერესოა.

უცებ ყველაფერი წყდება.

წრის შუაგულში მიწაზე, ერთ-ერთი ტიბეტელი ქალი ლან-  
გარს დგამს. მოცეკვავეთა მიზიკა მეტად მჭევრმეტყველია. ისი-  
ნი ხან ჩვენ გვიყურებენ და ხან ლანგარს. ბარა-საპიბმა მთე-  
ლი თავისი ღირსების შეგნებით ჯიბეზე გაიკრა ხელი და მო-  
ცეკვავეებს რამდენიმე რუპია აჩუქა.

ეს დიდი წარმატებაა! ქალიშვილებმა კიდევ უფრო მეტი  
გაშმაგებით განაგრძეს ცეკვა.

ისევ შეწყვიტეს. ბარა-საპიბმა ხელმეორედ საქვეყნოდ და-  
ამტკიცა თავისი გულუხვობა.

<sup>1</sup> ჩაი ბარა-საპიბისათვის?

ყველანი დიდ კარავში ვიკრიბებით მცირე „შოტა-ჰაზრი-სათვის“<sup>1</sup>.

იმედი გვაქვს, ტუქუჩაში გამოცემებით ისეთ თხემს, რომელიც მწვერვალ დჰაულაგირზე ან ანაპურნაზე შედარებით ადვილად და უხიფათოდ ასელის საშუალებას მოგვცემს. რუკაზე აღნიშნული დჰაულაგირის სამხრეთ-აღმოსავლეთი თხემი, რომელიც ბაგლუნგიდან დავინახეთ, ცოტაოდნად გვამხნევებს, თუმცა სავსებით დაიმედებული არავინაა. ჩრდილოეთი თხემი, მართალია, ყინულოვანია, მაგრამ ნაკლები დაქანება და შედარებით მცირე სიმაღლე, მწვერვალის საერთო აღნაგობის მიხედვით, ასელის ცდისათვის მეტად ხელსაყრელად გვეჩვენება. შესაძლოა, თუ რამდენიმე ბანაკს გავმართავთ... რაც შეეხება ანაპურნას, რადგანაც ტილიჩოს უღელტეხილისაკენ ბილაკი არსებობს. ეს მწვერვალი ადვილად მისაწვდომია და სწორედ ამიტომ, ჩვენთვის არც თუ ისე დიდი სპორტული ინტერესი აქვს..

მეორე დღეს კუზიმ პანზი გაიყოლა და დაზვერვაზე წავიდა. ის უნდა დაკვირვებოდა ტუქუჩას საპანორამო პუნქტიდან (4000 მეტრი).

11 საათზე რადიოკავშირი დავამყარე კუზისთან.

— ლაპარაკობს კუკუ! მივალწიე მწვერვალს. ფანტასტიკური ხედია, დჰაულა მთელ მასივს დასცქერის. საშინელია სამხრეთ-აღმოსავლეთი თხემი! ძალიან გრძელია და ყინულის „უანდარმებითა“ სავსე. საბანაკო ადგილები მეტად სათუთაა.

— კარგად მესმის. ჩრდილოეთი თხემი როგორიღაა?

— მთლიანად ყინულოვანია. საკმაო დაქანებაც აქვს. ტექნიკურად ძალზე ძნელი მისადგომი იქნება. ყველაზე უფრო რთული უბანი შუაშია. თან აქ მეორე დაბრკოლებაცაა — თხემზე გამყვანი მონაკვეთი. ეტყობა, აღმოსავლეთ ყინვარზე<sup>2</sup> გასვლა შეიძლება, მაგრამ აქედან ის წარმოუდგენლად დანაწევრებული ჩანს.

1. დილით, საუზმის წინ წახემსება.

2 აღმოსავლეთ ყინვარი, ჩრდილოეთ და ჩრდილო-აღმოსავლეთ თხემებს შორის მდებარეობს. პირველი შეხედვით, ეს საერთო მისასვლელი გზა ორივე თხემისავენ.

— ჩრდილოეთ კალთას ხედავ?

— ის ძალიან სახიფათოა, დიდი ყინულოვნი ჩამონასხლე-ტების გამო. დასაწყისში ფერდობი ციცაბო არაა და იმით ალ-ბათ ჩრდილო-დასავლეთ თხემზე გასვლა შეიძლება, მაგრამ აქედან ცუდად მოჩანს.

— ნილგირზე რას იტყვი?

— ძალზე შვეულია, ამ მხრიდან თითქმის მიუვალა!

— გმადლობ, ძველო, ნახვამდის!

— ჯერჯერობით, მორის! კავშირი წყდება.

პირველი ცნობები რამდენადმე ანელებს ჩვენს ოპტი-მიზმს. კუზი რომ დაბრუნდება, მისა ჩანახატების დახმარებით შევუდგებით პირველ ანალიზს. სადამოს დიდ კარავში გაცხა-რებული კამათია. ჩაის სმის ღროს კუზი ადასტურებს იმას, რაც რადიოთი გვაცნობა.

— მწვერვალის პირაპილის ძირამდე უნდა მივალწიოთ! — იწყებს რებიუტა.

ამაზე ყველა თანახმაა, მაგრამ მისადგომების გარშემო აზრ-თა სხვადასხვაობაა.

— რა ვქნათ? ვცადოთ ასვლა დჰაულაგირის ასე დანაპრა-ლებული და ნამდვილად საშიში აღმოსავლეთ ყინვარით? შემო-ვუაროთ ტუკუჩას პიკს, რომლითაც ჩრდილო თხემი ბოლოვ-დება და რუჟაზე ნაჩვენები<sup>1</sup> ყბადაღებული მუხლიანი ზეობით გავიდეთ დჰაულაგირის ჩრდილოეთ ცირკზე?

— უნდა გავგზავნოთ მზვერავები სხვადასხვა მიმართულე-ბით, — ვამბობ მე. — ამისათვის კი, ცხადია, გაყოფა მოგვიხ-დება. დჰაულაგირისა და ანაპურნის მიდამოების კვლევისას თამაზად შეგვიძლია წყვილ-წყვილად ვიმუშაოთ.

— ანაპურნაზე მართლაც შეიძლება რაღაცას მივალწიო, — აცხადებს შაცი და ოცნებამორეული დასძენს: — ექვსიათასია-ნი უღელტეხილი, ბილიკი...

— დჰაულა ცუდად გამოიყურება, მეორე უფრო სიმპათიუ-რია, — აღიარებს კუზი.

— მაშ ასე, მეგობრებო! ხვალ საერთო გასვლაა. გასტონ, შენ და ლაშენალი გაემგზავრეთ აღმოსავლეთ ყინვარის დასა-

<sup>1</sup> იხ. გვ. 52 და 53.



ზვერად. ეჭიმი და შაცი ცხენებს წაიყვანენ, ავლენ ლეტეს თავზე და ტილიჩოს უღელტეხილსა და ანაპურნას შეათვალიერებენ. მე და მარსელი გავისეირნებთ ზევით მუხლიანი ხეობით, აქ დამბუშ-კპოლას რომ ეძახიან. იქნებ დჰაულაგირის ჩრდილოეთ კალთის დანახვაც მოვახერხოთ.

— მე? — მეკითხება გულგატეხილი კუზი.

— შენ? დაისვენე ჯერ ბანაკში, ნუ გეშინია, სამუშაო ყელამდეა. დღეს მხოლოდ 23 აპრილია. მუსონამდე კიდევ დიდი დროა! ეს შენც გეხება, ლიონელ, ეცადე, არ გაცივდე.

— და... დიეტა არ დაგავიწყდეს, — ურჩევს უღო.

— მე ცოტა უკეთ ვარ, — გვარწმუნებს ტერაი, თუმცა ჯერ კიდევ ვერ არის კარგად. ტერაი ბაგლუნგში გახდა ავად.

— მე რაღას მიბრძანებთ, წყალი ვნაყო? — მეკითხება ნუაელი.

— „თქვენმა ბრწყინვალეებამ“ კეთილ ინებოს და ხელი მოჰკიდოს შავ სამუშაოს. შენ და კუკუმ ბანაკის მოწყობა დაამთავრეთ.

5 საათზე ვიღვიძებ.

ლაშენალმა და რებიუფამ გვერდი აგვიარეს. თან ახლავთ ორი შერპი, რომლებსაც თხილამურები და სასიმაღლო კომპლექტი<sup>2</sup> მიაქვთ. დრო რომ ტყუილად არ დაკარგონ ტყე-ღრეებიან ადგილებში, ზიკარიც გაიყოლეს.

— ნახვამდის, მორის!

— ნახვამდის! კროკები არ დაგავიწყდეთ!

— ხვალამდის!

უღო და შაცი უკვე ფეხზე არიან. მათ ცხენებს შეიღი საათისათვის მოიყვანენ. იმედა მაქვს, დღის განმავლობაში იმდენად მაღლა ავლენ, რომ შეძლებენ დაინახონ ყბადაღებული ტილიჩოს უღელტეხილი და გახსნან მისი საიდუმლოება.

მე და იშაკსაც გვიხარია, რომ კვლავ მთებში გავდივართ. ვტოვებთ ბანაკს და რამდენიმე წუთის შემდეგ უკვე დამბუშ-

<sup>1</sup> მუსონი იწყება ივნისის პირველ რიცხვებში.

<sup>2</sup> ამ კომპლექტში შედიოდა: ორადგილიანი ნეილონის კარავი, ორი დამთბარი საძილე ტომარა, ორი მოკლე გასაბერი ლეიბი, სპირტის მსუბუქი სამზარეულო, კურკელი — საერთო წონით ათ კილოგრამამდე.

კპოლასთან ვართ. ამ ხეობის ღრმა და ვიწრო კანიონების შემოვლით გვინდა რაც შეიძლება შორს გავიდეთ.

— ეს ნაკადი მაინცდამაინც წყალუბვი არა ჩანს, — ვამბობ მე.

— არ მინდა თავს მოგახვიო ჩემი აზრი, მორის, მაგრამ თითქმის დარწმუნებული ვარ, დჰაულაგირის ჩრდილოეთი კალთა რომელიღაც სხვა მდინარეს კვებავს. მთის გადაღმა კიდევ უნდა იყოს ხეობა. მაშასადამე, სადღაც თხემია, რომელიც გვყოფს ჩვენ ჩრდილოეთ კალთისაგან.

— კეთილი, ვნახავთ!..

დაბურული ჭუნგლები გვაოცებენ თავისი სიდიადით. გვესალმებიან მზის პირველი სხივები. ამ სისხამ დილით ვარდისფერი ყვავილები ნაზ სურნელებას აფრქვევენ. ახლახან წაქცეული ფიჭვის ხეებიდან კარგად ნაცნობი ფისის სუნი მოგვდის. უკვე ცხელა!..

ქვიდან ქვაზე ვხტებით, მივცოცავთ გზის გადამლობავ კლდეებზე, ვცდილობთ წონასწორობის დაცვას და ყოველ წუთს მდინარეში გადავარდნის საშიშროების მიუხედავად, ვძლევთ დაბრკოლებებს და სწრაფად მივიწევთ მალა.

— პირველი თოვლი! — სიხარულით ყვირის იშაკი.

— აბა, რას იტყვი, მარსელ, აქ უკეთ წავა საქმე არა?

— რა კონტრასტებია! ეს შენ ალპები არ გეგონოს! აქ ჭუნგლებიდან თოვლამდე მართლაც ერთი ნაბიჯია.

აგდივართ მარცხენა გვერდითი ხეობით. იმედი გვაქვს, რომ ვიპოვიოთ მთებს შორის გასახედს და იქნებ ჩრდილო კალთაც დაფინახოთ. ამ კალთაზე დიდ იმედებს ვამყარებთ, რადგან ვიცით, რომ ჰიმალაიში მეტეოროლოგიური და გეოლოგიური ხასიათის ბევრი მიზეზის გამო, ჩრდილოეთიდან მომავალი გზები ხშირად უფრო დამრეცია და იოლი. ერთ ხანს კლდოვანი კედლის ძირს მივუყვებით.

— ჰავარნის ცირკსა ჰგავს, მაგრამ ბევრად უფრო დიდია მასზე, — ამბობს იშაკი,

შვიდიათასიანი ტუქუჩას პიკი ფარავს ხედს თავისი დიდებული, მრისხანე კედლებით. ჩვენს ირგვლივ ჩანჩქერები მოჩქეფენ. მთის კალთებს ლილოჭრილო მოსდებია. ზამთარი იწუ-



რება. როგორღა იჩენს  
თავს ამ ადგილებში  
გაზაფხულის იღუმა-  
ლი ძალა? მოკუნტუ-  
ლი, დაღრეცილი, მი-  
წაზე გართხმული მცე-  
ნარეულობა გამოჩანს  
ალაგ-ალაგ გამლღეა-

ლი ან ჩამონაშალი თოვლიდან. ფრინველები და შწერები მალ-  
ლა-მალლა იწევენ — იქ ახლა უკვე შეუძლიათ საზრდოს შოვნა.

კიდევ რამდენიმე კვირა და ზაფხული დადგება!

— ექსპედიცია დროულად ჩამოვიდა, ხომ მართალია?

იშაკი კდევებს აკეთებს. სიმაღლის მზომი 3400 მეტრს უჩ-  
ვენებს.

— ჩრდილოეთ ნილგირი 111°-ია აღმოსავლეთისაკენ. ტუ-  
კუჩას პიკი — 270° დასავლეთისაკენ... რუკა აშკარად ტყუის!  
ყველაფერი ნათელია. დამბუშ-კპოლას უზარმაზარი ცირკი  
ჩრდილოეთიდან შეჰოსაზღვრულია თხემით, რომელიც ტუ-  
კუჩის პიკიდან ეშვება! დჰაულაგირის ჩრდილოეთი კალთის  
ძირში მეორე ცირკი მდებარეობს. ეს არის და ეს. მაგრამ თუ

ჩრდილოეთ კალთის საიერიშოდ ჯერ ამ ცირკში გადასასვლელი თხემის გადაკვეთა გახდა საჭირო, მაშინ წინ კიდევ ერთი წლის სამუშაო გეგმონია! უკვე სერიოზულად ვყოყმანობ. დღეისათვის. მგონი საქმარისია.

— აბა, დავეშვათ, თუ გვინდა, ბანაკში ვახშობამდე ჩავიდეთ! თოვლზე დიდხანს მივსრიალებთ და სწრაფად ვეშვებით. ქვემოთ დროგამოშვებით ვჩერდებით, სურათებს ვიღებთ. გეოლოგებოსათვის მინერალების ნიმუშებს ვაგროვებთ. 16 საათსა და 30 წუთზე, გარუჯულები, მაგრამ უსაზღვროდ კმაყოფილნი, ბანაკში საუცხოო რძიან ჩაის შევექცევით.

ამხანაგებს უკვირთ:

— როგორ, დპაულა არ დაგინახავთ? (ამათ ეგონათ ალბათ, რომ 1:20.000 მასშტაბის ჰორიზონტალებიან ფერად რუკას მოვუტანდით).

— ილუზიებს ნუ იქმნით, დაზვერვა ხშირად ძალიან ცოტას იძლევა. აქ ხომ ყველაფერი ესოდენ გრანდიოზულია! ალბათ რამდენიმე დღით მოგვიხდება წასვლა, რომ თუნდაც შორიდან შევხედოთ ჩრდილოეთის კალთას!

— ფოსტა არ ყოფილა? — კითხულობს იშაკი.

— არა, პასუხობს ნუაელი. — მე ველაპარაკე ე. ბ.-ს ის გარკვევს, რაშია საქმე.

— ანაპურნა როგორილა? დაინახეთ? — ვეცი უდოსა და შაცს, რომლებიც ეს-ეს არის დაბრუნდნენ.

— მხოლოდ ზედა ნაწილი...

— ეგეც კარგია!

— ის, რაც ჩვენ ვნახეთ, გვარიანად გამოიყურება, კარგ შთაბეჭდილებას ტოვებს. ხომ მართალია, უდო? აი, მისადგომები კი... მეშინია, ვაითუ თავსატეხი აღმოჩნდნენ! ჩვენ ხომ ყველაფერი ეს შორიდან ვნახეთ.

— მირისტის ვიწრობების თავზე პატარა უნაგირა შევნიშნეთ. ჩვენსკენ დაშვებულ კალთაზე თითქოს შეიძლება გადასვლა. რა ხდება მეორე მხარეს, არ ვიცით. კარგი იქნებოდა, უფრო ახლოს მივსულიყავით.

— შენ მართალი ხარ. ბოლოს და ბოლოს, ყოველივე უნდა

გაირკვეს, — ვეუბნები მარსელს, — როგორც კი დაისვენებთ, ხელახლა გაემგზავრებით, ამჯერად რამდენიმე დღით...

ჯერჯერობით კი ჩვენთვის ყველაფერი საიდუმლოებით არის მოცული. დაუსრულებლად ვმსჯელობთ, მაგრამ იოტის-ოდენაც ვერაფერი გავარკვეით.

— ეი, მორის, უფროსები მოვიდნენ!

გამოცხადდნენ ნუაელი და ე. ბ., მათ ახლავს კარგად ჩამული ორმოციოდე წლის მამაკაცი. სახეს საუცხოო გადაგრეხილი უღვაში უმშვენებს და მახვილი მზერა აქვს. ეს სუბაა, რაიონის პრეფექტი.

ამას მოსდევს ორივე მხრიდან ინდური მისალმება.

— He is of Thinigaon! — გულში ჩამწვდომი ხმით აცხადებს ჩვენი მეგობარი ე. ბ. შორიახლო მდგომ ადგილობრივ მკვიდრზე მიგვითითებს და აზუსტებს:

— A friend of the great man!<sup>2</sup>

უცნობი შიკარი აღმოჩნდა, რომელიც თათქოს მშვენივრად იცნობს ტილიჩოს უღელტეხილს. მივათრევთ მას რუკასთან და ვაყრით შეკითხვებს:

— ტილიჩოს გადასავალი ანაპურნას ქვემოთაა? არა? მაშ სად არის?

— შეუძლებელია! ნილგირიდან ჩრდილოეთით? თუ სამხრეთით? მირისტის ახლოს, არა?

— ის ალბათ ტილიჩოს უღელტეხილს სხვაში ურევს — თორუნგზეში, მუქთინათის ზემოთ!


— არა, შეხედე, ამბობს „არაო“!

— დაიცათ, ეს ხომ ძალზე მნიშვნელოვანია! თუ ტილიჩოს უღელტეხილი ნილგირიდან ჩრდილოეთითაა, მაშასადამე, ანაპურნასთან გასასვლელად საჭიროა მათი გადაკვეთა. ეს კი შეუძლებელია. ანდა გრძელი გზით უნდა შემოვუაროთ ჩრდილოეთიდან.

— მას შეუძლია, ორ დღეში მიგვიყვანოს ტილიჩოს უღელტეხილზე? ეს სხვა საქმეა, მაშინ გავარკვევთ ყველაფერს.

<sup>1</sup> იგი თინიგაონელია.

<sup>2</sup> პრეფექტის მეგობარი.




დჭაულაგირის მასივის ოროგრაფია ინდური რუკების მიხედვით

— მართლაც, რუკაზე არის ვარსკვლავი, რომელიც უჩვენებს რაღაც გადასასვლელს ნიღგირიდან ჩრდილოეთისაკენ.

— მაგრამ შეხედე, ტილიჩოს უღელტეხილი ხომ მკაფიოდაა ნაჩვენები ნიღგირისა და ანაპურნას შორის! იქნებ ტოპოგრაფებმა სახელწოდება აურიეს? მართლაცდა, ხომ უნდა იყოს აქ უღელტეხილი, რომელზეც ეს თინიგაონელი ლაპარაკობს! მაგრამ ეს ანაპურნას გამოკვლევაში შედის და იქ უფრო მოგვიანებით წავალთ. ჭერჭერობით კი დჭაულაგირს მივხედოთ.

მეორე დღეს ბრუნდებიან ენთუზიაზმით აღსავსე ლაშენალი და რეზიუფა. მეგზურმა ისინი გაიყვანა დჭაულაგირის აღმოსავლეთ ყინვარის მარჯვენა მხარეს, თათქმის ტუკუჩას პიკის ძირში.

— დიდი ბელადია ეს შიკარი, — ამბობს ლაშენალი, რომელიც კარგად სცნობს ადამიანებს.



დაჟულაგირის მასივის ოროგრაფია 1950 წლის საფრანგეთის ექსპედიციის მონაცემების მიხედვით.

— მასთან შედარებით ჩვენ ბიჭუკელებს ვგავართ, — დასძენს რებიუფა.

— რა გაეწყობა. მომავლისთვის გვეცოდინება. ყინვარის შესახებ რაღას იტყვი?

რებიუფა გვიხსნის:

4000 მეტრზე ლამისთევის შემდეგ მონბლანის სიმაღლეზე ავედით. აღმოსავლეთ ყინვარი მთლიანი ყინულვარდნილია. მისი გავლა ალბათ შეიძლება, მაგრამ კარგი ძნელი „სეირნობა“ მოგვიწევს.

ლაშენალი განაგრძობს:

— დავუშვათ თუნდაც, რომ დავძლიეთ ყინულვარდნილი. ამის შემდეგ მაინც არ ჩანს გასასვლელი ჩრდილოეთ თხემზე.

მე მგონი, ამაზე ფიქრიც კი ზედმეტია! ნამდვილი უელკერის წიბოა<sup>1</sup>, პლუს ყინულოვანი ჩამონასხლეტები.

— შესაძლოა, ცოტა სამხრეთით არის უფრო ადვილი გასასვლელი თხემზე, ამბობს რებიუფა. — თვითონ თხემი ქვემოდან არც ისე საშიში ჩანს. რა თქმა უნდა, იგი გრძელია, მაგრამ არც თუ ისე ციცაბო. დურბინდით მოჩანს ყინულის კოშკები. საერთოდ, გავლა შეიძლება.

— ასეა თუ ისე, ძალიან ვცდებოდით მასშტაბებში. რამდენად უფრო ზვიადია ყველაფერი, ვიდრე გვეჩვენებოდა. ხომ მართალია, გასტონ?

— ოო, ეს ფაქტია!

— ალბური ტაქტიკა აქ არ გამოდგება. თანამიმდევრული ბანაკების ორგანიზაციის ტაქტიკაზე უნდა გადავიდეთ. პირადად გმირობამ ადვილი უნდა დაუთმოს კოლექტიურ მოქმედებას. ახლა ყველანი ვუწევთ ანგარიშს თავს, რა არის ჰიმალაის ექსპედიცია. იგი შეიძლება ერთი სიტყვით გამოიხატოს. ესაა გუნდი!

სანამ მოსულები ხარბად შეექცევიან მოშუშული ხორცის ცხარესაწებელიან კონსერვს, ჩვენ განვაგრძობთ მდგომარეობის განხილვას.

საიმედო ჯერჯერობით ცოტაა, მაგრამ პირველმა დაზვერვამ შესაძლებლობა მოგვცა, შეგვეღწია ჰიმალაის მაღალმთიანეთში და შეგვეცნო ჩვენს წინაშე დასახულ ამოცანათა არსი. ლაპარაკიც ზედმეტია იმაზე, რომ ამ ამოცანებს 48 საათში გადავწყვეტთ. ახლა მხოლოდ ის შეგვიძლია, შევუდგეთ დასახულ ობიექტთა გეგმიან გარემოცვას.

ვიდრე კუზი, უდო და შაცი მირისტი-კჰოლას ხეობით ანაპურნის მისადგომებს გამოიკვლევენ, მე, ტერაი და იშაკი შევისწავლით დჰაულაგირის ჩრდილოეთ კალთას და მისასვლელს დამბუშ-კჰოლას ხეობიდან.

26 აპრილს, განთიადზე, ორივე რაზმი რამდენიმე დღით გადის. ჩვენ თანმხლებ შერაებს თხილამურები და სასამაღლო კომპლექტები მოაქვთ. პირველ ფირნამდე იმავე შიკარს მივყავართ, რომელიც ადრე ლაშენალსა და რებიუფას ახლდა. უფ-

<sup>1</sup> გრანდ-ეორასის ჩრდილოეთ კედლის წიბო — ალპების ერთ-ერთი უწინესი მარშრუტი.



რო მალა იგი თავის დღეში არ ასულა. მცირე საუზმის შემდეგ მას უკანვე ვისტუმრებთ.

საშინლად ცხელა. თოვლი რაღაცნაირ ფაფად გადაიქცა. მეტისმეტად რომ არ ჩავეფლოთ ხოლმე, თხილამურებს ვიკეთებთ. ასვლა განსაკუთრებით უმძიმთ შერპებს. ისინი წელამდე თოვლში ფართხალებენ. ხუთი საათია. ყველა შერპი, ანგთარკეს გარდა, ქვევითაა წასასვლელი. ჩვენ კა ბანაკი უნდა გავმართოთ.

მუქი სათვალეების მოხსნა შეუძლებელია, რადგან თოვლის ბრქყვიალი აუტანელია ჩვენი დაღლილი თვალებისათვის. აქვე ტუყუჩას პიკის გრანდიოზული ჩრდილოეთი კედელია აღმართული. იგი აღმასივით ელვარებს და პირდაპირ გვთრგუნავს თავისი მიუდგომლობით. კარვები ძალიან პატარებია. ჩვენ მათ „კუბოები“ დავარქვით. თუ შეფორთხდები შიგ, თორემ ისე ვერ შეხვალ. მათი სიკეთე ისაა, რომ ნეილონისა და ალუმინისგანაა დამზადებული, სულ ორ კილოგრამს იწონის და თავისუფლად თავსდება ზურგჩანთის ძირში. მე, იშაკი და ტერაი, საძილე ტომრებში, გასაბერ ლეიბებზე პირქვე ვწევართ და ვახშამს ვამზადებთ. თითოეული სანტიმეტრის გაანგარიშებაა საჭირო, მკვეთრი მოძრაობა დაუშვებელია. მტკიცე ნერვები უნდა გვქონდეს, რომ ესოდენ შეზღუდული სასიცოცხლო სივრცის დამჩაგვრელმა გავლენამ არ გავტეხოს.

მეორე დღეს ტერაი პირველი ნაბიჯიდანვე ჩქარ ტემპს გვთავაზობს. იქნებ რევანში უნდა აიღოს? ამ ბოლო ხანებში ისე დაასუსტა ავადმყოფობამ, რომ მოძრაობა უჭირდა. ახლა კი ძლივს ვეწევით. ფერდობი ძალზე ციცაბოა და კამოსები<sup>1</sup> ძლივს გვიჭერენ. ხანდახან ჯოხებზე დაყრდნობაც კი გვიხდება. მზე უკვე ზედ ჩვენს თავზეა. რელიეფი რთულდება. თხილამურებს თოვლში ვარკობთ, რომ დაშვებისას ადვილად ვიპოვოთ. დაახლოებით მონბლანის სიმაღლეზე ვართ, რაც უკვე იგრძნობა. მიუხედავად იმისა, რომ შიმშილით კუჭი გვეწვის, მაინც განვაგრძობთ აღმა სვლას, ეგებ დამრეც ადგილს მივაღწიოთ.

<sup>1</sup> კამოსი — სელაპის ტყუის თასმაა, რომელსაც წამოაცმევენ ხოლმე თხილამურებს უკუსრიალის შესანელებლად. (ავტ.).

ტერაი უკვე დიდი გაჭირვებით მიაბიჯებს. ზედმეტად ხომ არ ენდო იგი თავის ძალებს? არ ვიცი, ყოველ შემთხვევაში, მოედნამდე რომ მივიდეს, იძულებულია მთელი ძალები დახარჯოს. იგი მძიმედ ეშვება თოვლზე და გვეუბნება:

— მეტი აღარ შემიძლია, ასე მგონია, ახლავე სული ამომძვრება.

სიფრთხილისათვის მან ერთი ფინჯანი ცხელი ჩაი უნდა დალიოს და დაეშვას პირველ ბანაკში.

— ეს მთის ავადმყოფობაა, — შენიშნავს იშაკი. — შენ ჯერ კიდევ ვერ მოკეთდი. ქვემოთ ისევ კარგად გახდები. ანგ-თარკე დაგვეხმარება მეორე ბანაკის მოწყობაში და მერე ისიც ქვემოთ ჩამოვა.

ვეშვიდობებით ამხანავს და ირიბად ვჭრით ვრცელ ფირნის ველებს, რომლებზედაც აღმართულია დიდი ყინულოვანი კედლები. თოვლი, ცოტა არ იყოს, ზევასაშიშია. შეგნებულად მივდივართ რისკზე. ჩქარა ვაღწევთ ფერდობს, რომელსაც უღელტეხილისაკენ მივყავართ. აქედან იწყება დაუსრულებელი აღმართი. სიმაღლის მოქმედებას გამო დიდი გაჭირვებით მივიწევთ. თავს იჩენს აკლიმატიზაციის უკმარობა. უღელტეხილი ჯერ კიდევ შორსაა. გადავწყვიტეთ, ანგ-თარკე ქვემოთ დავაბრუნოთ. ფერდობის შუაში, პატარა კლდოვან კუნძულზე, შეიძლება კარვას დადგმა. ანგ-თარკე იხსნის თავის ტვირთს და სწრაფად ეშვება, რომ დაბინდებამდე მოასწროს ბანაკში ჩასვლა. 5000 მეტრის სიმაღლიდან დაწყებული თავის ტკივილი ჩვეულებრივი მოვლენაა. ჩვენც მალე გვეწყება ძლიერი შეტევები. ასპირინის აბები, რომელიც წინდახედულმა უდომ დაგვირიგა, სწორედ დროზე გამოგვადგა. თუმცა ორივენი ძალზე დავიდალეთ, მაგრამ მაინც მთელი ღამე თვალი არ მოგვიხუჭავს. მზის ამოსვლისას ვტოვებთ კარავს და გზას განვაგრძობთ. გაცილებით უფრო სწრაფად ავდივართ, ვიდრე წინააღმდეგობით და ერთ საათზე ნაკლები გვეჭირდება, რომ უღელტეხილის ძირამდე მივიდეთ. დილის მზე პეიზაჟს არაჩვეულებრივ რელიეფურობას ანიჭებს. ჩვენს უკან დარჩენილი თხემი სრულიად სუფთა ტონებშია აფერადებული.

— ეჰ, მეგობარო, ეს ჯერ კიდევ არ არის ნამდვილი უღელტეხილი, — ძალზე გუნებაწამხდარი ვეუბნები იშაკს.

ხეობის მაგიერ ჩვენს წინ მხოლოდ ცირკია — მთლიანი თოვლის დაფა!<sup>1</sup>

— მორის, შეხედე! უღელტეხილი მეორე მხარეზეა, — ორი საათის სავალზე აქედან.

უჩვეულო დაღლილობას ვგრძნობთ. მიუხედავად იმისა, რომ გრძელი გზა გავიარეთ, აშკარაა, წვრთნა და აკლიმატიზაცია გვაკლია.

— აუცილებელია, რომ ყველა (შერპების ჩათვლით) მონაწილეობდეს დაზვერვაში და 5000—6000 მეტრის სიმაღლეზე ათევდეს ღამეს, — ვეუბნები იშაკს. სრულიად ნათელია, რომ წინასწარი აკლიმატიზაციის გარეშე დიდ სიმაღლეებზე ასვლა შეუძლებელია.

უღელტეხილზე ყინულივით ცივი ქარი უბერავს. იძულებული ვართ, ქარისა და თოვლისათვის გაუმტარი ცისფერი ნეილონის საშტორამო კოსტიუმები ჩავიცვათ.

— ესეც ახალი ამბავი! კაი გეშველოს! აქედან იწყება ხეობა!

— რუკაზე აღნიშნული არ არის, — მარწმუნებს იშაკი, — ეტყობა უცნობი ხეობაა.

— იგი ეშვება ჩრდილოეთისაკენ და ორ ვეებერთელა ტოტად იყოფა.

— დჰაულაგირისა კი კვალიც არა ჩანს! თუ არ ჩავთვლით ამ საცოდავ ყალბ იმიტაციას. — მეუბნება მარსელი და მაჩვენებს რომელიღაც შვიდიათასიანს, რომელიც საოცრად ჰგავს დჰაულაგირს.

არც თუ ისე ღრმა „უცნობი ხეობა“, რომელსაც ასე უწოდა სახელების დარქმევის დიდმა მოყვარულმა იშაკმა, დამრეცად ეშვება ჩვენს წინ. იგი საკმაოდ განიერია, ალპური ტიპისა. თოვლისა და გაყვითლებული ბალახის ლაქები ისე ენაცვლება ერთმანეთს, ვეფხის აჭრელებულ ტყავს მოგაგონებს.

— დჰაულას ჩრდილოეთ კალთის დასანახავად მარცხნივ უნდა წავიდეთ, ხეობის მეორე ბოლომდე, იქითა მხრიდან ალბათ გასაოცარი ხედი იშლება.

---

<sup>1</sup> თოვლის დაფა — ქარისა და მზის მოქმედებით გამაგრებული თოვლი.

მაგრამ ჩემ სიტყვებს იშაკი არც ისეთი ალტაცებით ხვდება.

— უკვე ძალიან გვიანაა, — მეუბნება იგი, — და კარავიც არა გვაქვს თან.

მართალი ხარ.

— ჩადი ცოტა ქვემოთ, პანორამას გადავიღებ და დავეშვათ!

ტუჟუჩის მეორე მხარეს, ნილგირის მწვერვალებზე უფრო მაღლა, აღმართულია მძლავრი პიკი. იშაკი საზღვრავს: ეს ანაპურნაა. ვიდრე მისკენ მივდივართ, იგი სწრაფად ხატავს კროკებს. გამკოლი ქარი უბერავს. იგრავნებიან ღრუბლები. ნაჩქარევად ვყლაპავთ თითო ტუბ შესქელებულ რძეს და უკან ვბრუნდებით...

მივაბაჩებთ მდუმარედ, ავტომატებივით გაშტერებულები. სუნთქვა გვეკვრის. ტუბილ ოცნებაში წასულებს გვახსენდება შამონის ველი, სიამისმომგვრელი, მწვანედ მოშრიალე ტყეები და ჩრდილიანი ბილიკები. ვგრძნობ, ძალა მელევა. უკანასკნელი აღმართი უღელტეხილის წინ მძიმე განსაცდელია. იშაკი მიიკვლევს გზას. ვცდილობ, მეც მივსდიო, მაგრამ ამაოდ. ყოველი ათი ნაბიჯის შემდეგ თოვლზე ვეშვები.

მეტი აღარ შემიძლია!

მარსელი უკანასკნელი სიტყვებით მლანძღავს — ასეთ შემთხვევებში მხოლოდ ეს შველის ხოლმე ადამიანს.

როგორც იქნა, გამოჩნდა თხემი! რა ბედნიერებაა! მაგრამ წინ კიდევ მთელი დაღმართია.

ჩემდა გამსაცვიფრებლად, პირველი ნაბიჯებისთანავე ვგრძნობ, თითქოს ფრთები გამომესხა. პირდაპირ კოტრიალ-კოტრიალით ვეშვებით ქვემოთ. რამდენიმე წუთის შემდეგ უკვე ბანაკში ვართ. ერთი რამ აღმოვაჩინე: ასელის დროს იტანჯები სიმაღლის, ჟანგბადის სიმცირისა და ქოშინისაგან, დაშვებისას — მსგავსი არაფერი ხდება, პირიქით, ყველაფერი გიაღვილდება.

სანამ ჩაი აღუღდება, იშაკი მიაბობს საინტერესო მოვლენაზე, რომელიც სულ ახლახან შეამჩნია, როდესაც პლატოზე მივდიოდით.

— მივჩანჩალებდი გაშტერებული და სულ მეჩვენებოდა, რომ უკან ვიდაცის ნაბიჯების ხმა ისმოდა. ასე მეგონა, ვილაც მესამე მოგვედევდა. მინდოდა შენთვის დამეძახნა, მაგრამ ენა არ მემორჩილებოდა. მალულად უკან-უკან ვიხედებოდი, რომ დავმშვიდებულაყავი. მაგრამ ეს შეგრძნება ისევ და ისევ მიბრუნდებოდა, როგორც აკვიატებული იდეა. შემდეგ ყველაფერმა გაიარა. სწორედ ამ დროს გქონდა შენ დეპრესიის შეტევა.

— დიახ, ეს ამტკიცებს, რომ დიდ სიმაღლეზე აზროვნების უნარი კატასტროფულად ქვეითდება.

სულ დათეთქვილები ვართ. მუხლები გვიკანკალებს, თავი ტყვიასავით გაგვიხდა. ღრუბლებიდან მზე გამოკრთის.

— ანგ-თარკე მოდის! — ყვირის იშაკი, რომელმაც ძველ ნაკვალევზე ამომავალი პატარა შავი წერტილი შეამჩნია.

— ვაშა! იგი დაგვეხმარება მთელი ამ ხარახურის თრევაში. ძლიერ აღზნებულებს გვაფიწყდება საძილე ტომრების სიამენი. რის ვაივავალახით ვიცვამთ გაყინულ ფეხსაცმელებს, ხოლო კარავს სარეკორდო დროში ვხსნით და ვახვევთ. აქლემებივით დატვირთულნი, ფრთხილად ვეშვებით არც თუ ისე საიმედო თოვლზე.

— სალამი, ანგ-თარკე!

— Tired, Sir?!

მას უნდა, ყველაფერი თვითონ აიკიდოს! ბეჭები თითქმის გადახერხილი მაქვს ღვედებით და ცთუნების უარყოფა პირდაპირ წამებაა, მაგრამ უფრო კეთილგონიერულია, ტვირთი თანაბრად განაწილდეს.

— წინ!

მივგორავთ ზეავსაშიშ ფერდობებზე, რომლებიც ამჟამად არავითარ ნდობას არ მინერგავენ. აი, თხემიც—ტერაის კოშმარი. თხილამურები ადგილზეა. ანგ-თარკე ფეხდაფეხ ეშვება ბანაკამდე, ჩვენ კი აუჩქარებლად ვაკეთებთ მშვენიერ მოსახევეებს-ირასაიმედო თოვლზე.

შეორე დღეს ერთი ამბით გვხვდებიან ტუკუჩაში. ტერაი,

1. დაილაღეთ?

რომელიც წინააღმდეგობით ჩაეიდა, უკეთ გრძნობს თავს, მაგრამ მის დაღლილობას კიდევ არ გაუვლია. ამხანაგები კითხვებს გვაყრიან:

— აბა, რას იტყვით დეპულაგირზე, როგორი პერსპექტივები?

— საათ ეშვება ეს ჩრდილოეთის კალთა?

— მთვარეზე!..

-----

## აღმოსავლეთ ყინვარი

ყველანი შევიკრიბეთ, მხოლოდ კუზი და შაცი გვაკლია. მშვენიერი შემთხვევაა შექმნილი მდგომარეობის განსახილველად.

უღო გვაცნობებს, რომ 27 აპრილს იგი ავიდა თხემის უნაგირაზე, რომელიც ესოდენ საიმედოდ მოგვეჩვენა პირველად, ლეტედან რომ დავინახეთ.<sup>1</sup>

— ძნელია, რა თქმა უნდა, მაგრამ მზიდავები მაინც გაივლიან. იქიდან ანაპურნაც მოჩანს... თუმცა ძალზე შორს!

ზემოთ თხემებია, ნირისტი-კპოლას ხეობაში წიბო ეშვება. შესაძლოა...

— უღელტეხილი სადღაა?

— არავითარი ტილიჩო არა ჩანს! იმ ადგილას მე ფეხი ავითრიე, სხვები წინ გავუშვი.

— ბოლოს და ბოლოს,— ვამბობ მცირე პაუზის შემდეგ, — ჩვენს წინაშე სამი ამოცანაა. რაც შეეხება დჰაულაგირს, საკიროა გამოვიკვლიოთ ჩრდილოეთი ნაწილი და მისი მისადგომები. ჩვენმა დაზვერვამ მხოლოდ ოდნავ ასწია ფარდა, მაგრამ საკითხი მთლიანად ჯერ კიდევ არ არის გადაწყვეტილი.

— ეს საკითხი კი არა, საიდუმლოებაა, ამბობს იშაკი. ამაზე მე ცოტა რაღაცეებს ვფიქრობ, მაგრამ. ცხადია, ადგილზე ნახვა ყველაფერს აჯობებს.

— მაშასადამე, ერთი დაზვერვა კიდევ უნდა ჩავატაროთ. ეს შორსაცაა და მალღაც. კარგი მაგარი დაწოლა მოგვიხდება.

<sup>1</sup> შემდგომში ამ უნაგირას დაერქვა „27 აპრილის უღელტეხილი“.

— როგორც კი გამოვჯობინდები, მეც შემიყვანე ჯგუფში, — ამბობს ტერაი. — მომბეზრდა ავადმყოფობა. უკანასკნელად მორისს და იშაკს რომ წავყუევი და „დავეში“, ახლა რევანში მინდა. ორი დღის შემდეგ სრულ ფორმაში ვიქნები...

— არ მინდა, ძალად აგეილო, — ერევა ლაპარაკში უდო, მაგრამ უნდა გამოვტყდე, რომ მეცა მაქვს წამოსვლის სურვილი. აქ მაინც არაფერს ვაკეთებ, გარდა იმისა, რომ წამლებს ვურიგებ ტუქუჩელ „პაციენტებს“.

— პრესტიჟი, ძველო, ჩვენი პრესტიჟი არ დაივიწყო! გარდა ამისა, შენ ხომ ახლახან დაბრუნდი.

— ჩვენი პრესტიჟი იმდენად დიდია, რომ ორ დღეს უჩემოდაც იოლად გავა.

— როგორ, შენ უკვე მოგბეზრდა ნებალეული ლამაზმანების პასუხები, როცა ეკითხები ხომ არ გაციებთო? — სიცილით ეუბნება ნუაელი.

— იცი რა? ეგზოტიკა თანდათან კარგავს თავის მიმზიდველობას.

— მაშ, თუ აგრეა, ორივენი წავიდეთ, — მტკიცედ ამბობს ტერაი.

— კეთილი!

— ოღონდ გაფრთხილებთ, — ამბობს ტერაი, — მე ბოლომდე წამოვალ!

— შენ იცი!

— რაც არ უნდა შორს დაგვკირდეს წასვლა, რამდენი უღელტეხილის დაძლევაც არ უნდა მოგვიხდეს, რა სიძნელეებიც არ უნდა შეგვხვდეს, არ შეეჩერდები.

— საკმარისია, ისეთ ადგილამდე მივალწიოთ, საიდანაც დაუღალავირის მთელი ჩრდილოეთი ნაწილის ჩახატვა იქნება შესაძლებელი, — ვეუბნები მე.

— კეთილი, — მიბასუხებს ტერაი, — ოღონდ სრული აღჭურვილობა უნდა გქონდეს. მე მჭირდება ორი შერპი-ექვსი მზიდავი, რომელთა დაქირავება აქვე შემიძლია, და რვა დღის საგზალი მაინც...

— ამას ყველაფერს დაწვრილებით განვიხილავთ.

— მეორე ამოცანა? — მეკითხება ლაშენალი. ეტყობა ტერაის აღზნება მასაც გადაედო.



— მეორე ამოცანა — ანაპურნაა. უნდა გამოირკვეს მისი საკითხი, მაგრამ სანამ ამ საქმეს შევეუდგებოდეთ, აუცალებელია კუზისა და შაცის დაბრუნებას დავუცადოთ. რაც შეეხება მესამე ამოცანას...

— აი, ეს კი ჩვენი საქმეა, გასტონ! — მიმართავს ლაშენალი რეზიუფას.

— ეს საკითხი ჯერ სრულიად ბუნდოვანია...

— მხოლოდ ცოტა ხნით! — ყვირის ლაშენალი.

— შენ ხომ არც კი იცი, რაზეა ლაპარაკი!

— ვინ მოგახსენათ, რომ არ ვიცი?

— დჰაულას აღმოსავლეთ ყინვარი? — კითხულობს გასტონი.

— დიახ, სწორედ ის! შეიძლება თუ არა მასზე ავიდეთ, მარცხნივ მოვუხვიოთ და სამხრეთ-აღმოსავლეთ ან მარჯვნივ ჩრდილოეთ თხემამდე მივალწიოთ? ის, რაც შენ და ბისკანტმანახეთ, როდი კმარა იმისათვის, რომ ნათელი წარმოდგენა ვიქონიოთ.

— მაგრამ მგონი იმისთვის კი იკმარებს, რომ უიმედობამ მოგვიცვას, — მპასუხობს გასტონი. — მე ვფიქრობ, ყინვარით პირდაპირ ასეღა ძნელი იქნება. იმის მიხედვით თუ ვიმსჯელებთ, რაც ჩვენ ვნახეთ, ეს არის სერაკებით<sup>1</sup> სავსე, უთვალავი ნაპრალებით დასერილი ვეება ყინულვარდნილი, ზედიზედ ჩამოდის ზევაები, ყველაფერი ეს არცთუ ისე მიმზიდველია.

— მე თქვენთან წამოვალ, — ვეუბნები ლაშენალსა და რეზიუფას. ჩვენ ავალთ ცხენებით, რაც შეიძლება მალა, და გავმართავთ პატარა საბაზო ბანაკს ყინვარის ენასთან. ეს კისერი მომკვებით, თუ ამ საიდუმლოების გახსნა ვერ შევძლოთ.

მეორე დღეს მთელი ექსპედიცია ისვენებდა. მე, იშაკმა, ნუაელმა და რეზიუფამ დრო ვიხელთეთ და დილაადრიან ტუკუჩას სამხრეთით მდებარე პატარა ბორცვზე ავიდით. აქედან მშვენივრად ჩანს დჰაულაგირი. დურბინდით ვათვალიერებთ საშინელი აღმოსავლეთ ყინვარის ყოველ კუნკულს. თუ მარცხნივ, ე. ი. ოროგრაფიულად მარჯვენა ნაპირით წავალთ, სერაკების უმეტესობას იოლად ავუვლით გვერდს მთელ მანძილზე,

<sup>1</sup>. სერაკები — სხვადასხვა ფორმის ყინულის კოშკები.

ყინვარის ზემო ნაწილის გარდა. ძირითადი ამოცანაა — გავიღეთ ერთ-ერთ თხემზე.

აქედან შესანიშნავი ხელი იშლება დჰაულაგირზე; ხეობებში კიდევ მიმოცურავს დილის მშრალი ბურუსი. ყინულისა და თოვლის დამაბრმავებელი ბრკვევიალი თვალებს გვეჭრის. ცის კამარას ნაზი მტრედისფერი გადაჰკვრია. ორასიოდე მეტრის მოშორებით, ციცაბო კლდის წვერზე, ძერა წამოსკუბულა და ზანტად გვადევნებს თვალს.

\* \* \*

აი, უკვე მთელი თვეა აზიაში ვართ!

დილდილობით ყველას მთელ სხეულში გვამტკრევს.

— როდისღა მოვლენ ჩვენი ჯაგლაგები? — ეკითხება ბისკანტი ე. ბ.-ს. — აღეჭი, მორის, ყველაფერი მზადაა!

ვალიარებ, რომ დღეს მხოლოდ ფიქტიურად ვმონაწილეობ მზადებაში.

ცხენებით გავდივართ ვრცელ, ქვიან განდაკის ვაკეზე. შერპებს მივყავართ ლარეუნგზე, ალბათ უნდათ, ერთხელ კიდევ დაატრიალონ სამლოცველო წისქვილები. ეს სოფელი, თავისი ვიწრო და გადახურული პატარა ქუჩებით (ზამთრის უხვთოვლიანობისაგან დასაცავად), ძალზე თვალწარბაცად გამოიყურება. დაახლოებით ერთი კილომეტრის შემდეგ ვტოვებთ ცხენებს. ქარავანი გაიწელა მწვანედ მოზიბინე ფერდობებზე. უამრავი იაკი და ძროხა მადიანად ძოვს დაპურებულ ბალახს. მთის ფერდობებზე ათასგვარ სურნელს აკმევენ სხვადასხვა ელფერის მქონე წითელ და ვარდისფერ ყვავილებიანი ხეები. გვიჭირს მოძრაობის გრაფიკის დაცვა ამ მიწიერ სამოთხეში. შერპები გაოცებული არიან, რომ დღეს ასე ხალისით ვასრულებთ მათ სურვილს — სადაც იტყვიან, იქ შევისვენებთ ხოლმე. ვერაფრით ვერ დაგვიჯერებია, რომ გაივლის რამდენიმე საათი და ამ ვეებერთელა ყვავილებისა და მოალერსე სიმწვანის ნაცვლად თავს იმდენად გრანდიოზულ მყინვარებში ამოვყოფთ, რომ ჩვენი გამბედაობისგან კვალიც აღარ დარჩება მთელი დღე მალლა მივიწვეთ.

გავცდით ტყის ზონას. დაბეჩავებული მეჩხერი ბალახი — ერთადერთი მცენარეულია ამ სიმაღლეზე.

ჩვენი ქარავანი მალა-მალა მიიწევს. სულ უფრო ხშირად გვხვდება ფირნის მონაკვეთები. სადამოთი ვმართავთ ბანაკს მიწის უკანასკნელ ნაგლეჯზე. ვდგამთ რადიოსადგურს, რომელიც საშუალებას გვაძლევს ორმხრივი კავშირი დავამყაროთ ათ კილომეტრზე უფრო შორს.

მალე ტუქუჩას ვესაუბრებით. ბავშვური აღტაცებით ვუსმენ იშაკს, რომელიც გადმომცემს უკანასკნელ ცნობებსა და ქალაქის ქორებს.

— ალო, მარსელ! კარგად ვიმგზავრეთ. საკმაოდ პირქუში ადგილია ასეთ ამინდში. ყველანი დაწვენენ...

— ნუაელი მოდის ხვალ თქვენსკენ, კუზი და შაცი დაბრუნდნენ.

— ოჰო! რას ამბობენ ანაპურნაზე?

— საში დღე უვლიათ და მირისტი-კპოლას სათავეებში შეუღწევიათ.

— ყოჩად, ბიჭებო!

— მის ბოლოში წაწყდომიან ანაპურნიდან დაშვებულ წიბოს.

— რომელ წიბოს, უდოსთან რომ ნახეს 27 აპრილს?

— ჰო. ამბობენ, ვეებერთელააო. დასაწყისში თითქოს იმოდენა არა ჩანს, შემდეგ ალბათ მწვერვალის თხემს უერთდება მაგრამ, ზუსტად რა ადგილას, ქვემოდან არ ჩანს.

— უფრო შორს აღარ წასულან?

— არა! უფიქრიათ, ჩრდილოეთ კალთის დასანახად წიბოს შემოვლა გაგვიჭირდებაო.

— მაშასადამე, მათ არც კი უნახავთ ტილიჩოს უღელტეხილი?!

— არაფერი მსგავსი! თუ მართლა არსებობს ტილიჩოს უღელტეხილი, საიდანაც ანაპურნის ჩრდილოეთ კალთის ძირში გასულა შეიძლება, მაშინ ის სადღაც სხვა ადგილასაა.

— მაშასადამე, ის თინიგაონელი კაცი მართალი ყოფილა ძალიან დაღლილან?

— გვარიანად. ახლა ისვენებენ.

— როგორი ამინდია მანდ, თქვენთან?

— ძალიან ცივა. ჩამობუდულია. მოიკითხე ყველანი!

— შენც მოიკითხე... გისურვებთ წარმატებას!

უეცრად მაგონდება ჩვენთან ერთად ამოსული მზიდაც-  
ბი. რა ეშველებათ ამაღამ? ერთი ზედმეტი კარავი გვაქვს. ზოგ  
მათგანს იქ შეეძლო შეეფარებინა თავი... ჩაის შემდეგ ბანაკის  
დასათვალიერებლად გავდივარ.

— მისმინე, ანგ-თარკე, რა ვუყოთ მზიდაცებს?

— Jes, Sir!<sup>1</sup>

— Where?<sup>2</sup>

— Here<sup>3</sup> — ბარა-საჰიბ!

— როგორ, აქ არიან? კარავში? ექვსივენი? — ვათვალიე-  
რებ კარავს. სიბნელეში ხელებსა და ფეხებს ვერ ვარჩევ, მაგ-  
რამ სუნია... ნეტა როგორ არ იგუდებიან?

უთენია მივემართებით დიდი ყინულვარდნილისაკენ. ახ-  
ლოდან, განთიადისწინა ბინდში, ძლიერ შთაბეჭდილებას ახ-  
ლენს. ჭგუფში ჩემი ამხანაგების, ლაშენალისა და რებიუფას  
გარდა, არიან შერპები: ანგ-თარკე, ფუთარკე, სარკე, რომ-  
ლებსაც პირველად მოუხდებათ დიდ ტექნიკურ სიძნელეებთან  
შეხვედრა.

თოვლის ხიდების<sup>4</sup> ძებნაში, მთელი დღე, გიგანტურ ყინუ-  
ლის კედლებს შორის, ან პირლია ნაპრაღთა გასწვრივ დავეხე-  
ტებით. ძალაუნებურად გვიხდება მოძრაობა უზარმაზარი  
სერაკების ქვეშ, რომლებიც ყოველ წუთს შეიძლება ჩამოინ-  
გრენ. წრიაპებით აღმა სვლის ან საფეხურების ამოკრის დროს  
მღელვარებით ვუთვალთვალვებთ წვიპზე შემდგარ ყინულის  
ვეება ლოდებს.

დაქანება ძლიერ მატულობს. იძულებული ვართ, განუწყ-  
ვეტლივ ვქრათ საფეხურები. ოცკილოგრამიანი ზურგჩანთე-  
ბით დატვირთულ შერპებს ძალიან უჭირთ. ამინდი, 11 საათი-  
დანვე უღიმღამო იყო და ახლა მკვეთრად უარესდება. ბანაკი  
აუცილებლად ყინულის ზვავებისაგან დაცულ პატარა მოე-  
დანზე უნდა გავმართოთ. ახლა 14 საათია, ჩვენ კი ყინულვარ-  
დნილის მხოლოდ ნახევარი გავიარეთ.

1 დიახ, სერ!

2 სად?

3 აქ.

4 თოვლის ქვეშ, ყინვარებზე, ყოველთვის შესაძლოა ნაპრაღი იმაღე-  
ბოდეს. ეს მუდმივი ხიფათია.

თოვს. დღის მეორე ნახევარი დაკარგულია.

ლამეს მოუსვენრად ვატარებთ: თვალზე რული არ მოგვკა-  
რებია.

ღილით ძალიან ადრე ვდგებით, რადგან ყოველდღე, ნა-  
შუადღევის ორი საათიდან, ელქეჩი იწყება და, როგორც წე-  
სი, ჭეჭა-ქუხილის ექოს საღამომდე განუწყვეტლივ იმეორე-  
ბენ გარემომცველი მთები.

თენდება. პირველი წყვილი სძლევს ყინულოვან ფერდობს  
ბანაკის ზემოთ. ზურგჩანთებში „საზეინკლო“<sup>1</sup> უღარუნობს.  
მზადა ვართ ყველაფრისათვის. ღილით ყინული მაგარია.  
შერპები, თუმცა ნელა, მაგრამ სწორად აღიან წრიაპებით. რო-  
გორც გუშინწინ შევნიშნეთ, დაკვირვების პუნქტიდან, თუ  
საუკეთესო არა, ერთადერთი შესაძლო გზა ყინვარის მარჯვენა  
კიდეს გასდევს.

5000 მეტრის სიმაღლეზე ქოშინი გვეწყება. გაჩერებებზე,  
ორად მოხრილი, წერაყინებზე დაყრდნობილი შერპები, ხმა-  
მალალი სტვენით ისუნთქავენ ჰაერს. ჩვენც ვეჩვევით ამას —  
ჯერ კიდევ მისასვლელებზე, ზოგიერთი მზიდავი ასე სუნ-  
თქავდა.

თუმცა გარკვევით თქმა ძნელია, მაგრამ მგონია, რომ მე  
იმდენად არ განვიცდი ჟანგბადის ნაკლებობას, როგორც ლა-  
შენალი და რებიუფა. ალბათ იმიტომ, რომ უკანასკნელი ლა-  
შეები 5000 მეტრის სიმაღლეზე გავატარე. ეს გარემოება კი-  
დეე ერთხელ ადასტურებს, რომ გადამწყვეტი იერიშის წინ  
მთელი ჩვენი გუნდისათვის აუცილებელია 5000-6000 მეტრის  
სიმაღლეზე ყოფნა.

უკვე შუადღეა. პლატომდე, სადაც სიძნელები თავდება,  
კიდევ 300 მეტრია დარჩენილი.

ყინვარი მდინარეს ემსგავსება: დამრეც მონაკვეთებს, სა-  
დაც მისი ღინება მშვიდია, თან სდევს დაფლეთილი ყინულ-  
ვარდნილები. უკანასკნელი 300 მეტრის დაძლევა მეტად  
სათუოა.

---

<sup>1</sup> ასე ვუწოდებთ ყინულის პალოებს, მათ ჩასარკობ ჩაქუჩებს, კარაზო-  
ნებს, რომელშიაც თოკი იყრება და სხვა.



— არ მომწონს ეს სურათი,  
— ამბობს ლაშენალი.

— არასაიმედო ადგილია.  
გახედე ჩამოვარდნილ ყინუ-  
ლის ლოდებს! — ძახის რე-  
ბიუფა.

— ყველგან შიშველი ყი-  
ნულია, — ვეუბნები გულგა-  
ტეხილი, — მერე როგორი  
ციცაბო! მართლაც სჯობდა  
გადაგვეკვეთა მთელი ყინვარი  
და მარცხენა მხრიდან გვეცადა  
ბელი.

— ჯერ პირადმა ასვლაც  
ვცადოთ და მერე მარცხნივ მო-  
ვუხვიოთ, კლდეებისაკენ მიჯ-  
რით, — გვირჩევეს რებიუფა.

— აღით ორივენი, ნახეთ, იქ  
რა მდგომარეობაა. მე ძირს  
დაგიცდით შერპებთან.

თვალისდახამხამებაში სძლე-  
ვენ ისინი მეტად ციცაბო,  
მწვანე, მოლიპული ყინულის  
უახლოეს კალთას.

— ყოჩაღ! აი, ეს არის კლა-  
სი! — ვეხმაურები მათ.

მეგობრების ოსტატობა მა-  
მხნევებს. შერპები განცვიფრე-  
ბულნი არიან, რამდენიმე წუ-  
თის შემდეგ მესმის ლაშენალის  
ძახილი:

— ჰეი, მორის, მარცხნივ  
არ წახვიდე. შეგიძლია ახლავე  
დაიწყო ამოსვლა. ამ წუთას  
ვნახავ რა ხდება მარჯვნივ.

— ო, კეი! ფრთხილად იყავით!

მოიღრუბლა. ისევ ცუდი ამინდია.

ამხანაგები ძალიან სახიფათო ადგილზე გადადიან. ყოველ წუთს მოსალოდნელია მომწყდარი სერაკის ქვეშ აღმოჩნდნენ.

— წინ! — ვეუბნები შეშფოთებულ შერაკებს.

უამრავი განიერი საფეხურისა და „ჯიბის“ (ხელჩასაქიდის) ამოქრა მიხდება მათთვის. ვეებერთელა ზურგჩანთები უკან გვეწევა... ფრიალო კი ისეთია, რომ ზეზე მდგომი ადამიანი ცხვირით ყინულს ებჯინება.

— გასასვლელი არ არის! — მოისმის ზემოდან.

— უზარმაზარი ნაპრალი გვიღობავს მთელ ყინვარს! — აღწევს ყვირილი.

მოისმის ლანძღვა- გინების მთელი სერია. მეგობრები ბრაზობენ წარუმატებლობის გამო.

სერაკის მიღმა ვამჩნევ მათ.

მაშ, არაფერი გამოდის? როგორც ჩანს, ტრავერსირება მოგვიხდება, იქნებ არის გასასვლელი მეორე მხრიდან...

თოვს. ღრუბლები ზედ მიწის პირზე ჩამოწოლილა. განუწყვეტელი ქექა-ქუხილი გვიფორიაქებს ისედაც დაძაბულ ნერვებს. გატანჯულები ამ მოულოდნელი დაბრკოლებებით, რომლებიც მთამ ჩვენ წინაშე აღმართა, ექვსივენი დავიქსაქსეთ გიგანტურ სერაკებს შორის. საბედისწერო ტკაცანით სკდებიან ჩვენს ქვეშ ყინულის ლოდები. მკრთალი სინათლე ეფინება ყინულოვან კალთებს, რომელთაც მკვდრის ფერი დასდებიათ.

ლაშენალი და რებიუფა ავბედითა გარემოცვის ძლიერი შთაბეჭდილების ქვეშ არიან. მიუხედავად ამისა, ვაქცატურად მიდიან დაზვერვაზე მითითებული მიმართულებით.

მათ მოლოდინში ყველა დუმს. დროგამოშვებით ყინვარი შიშის მომგვრელად კრთის. რაც არ უნდა მოხდეს, ვაქცატურად უნდა ავიტანოთ.

მზვერავები დაღვრემილი ბრუნდებიან.

— გალწევა შეუძლებელია!

— სამწუხაროა, — ვეუბნები საგონებელში ჩავარდნილი, — რა გაეწყობა, რაკი არ შეიძლება!..

— მორის, ჯობია დავეშვათ, — მარწმუნებს რებიუფა. — ვაითუ რამ შეგვემთხვეს.



უეცრად მოისმის ხმაშლიანი ხანგრძლივი ტყაცანი. დაძაბულნი სულს ვნაბავთ... ამჯერად ფათერაკი აგვცდა!

— ახლა კი დგება ჩვენი აღსასრული — ყვირის ლაშენალი. —  
— იჩქარეთ, ქვემოთ!..

— მივრბივართ! — ყვირის რეზიუფა.

განუწყვეტელი მეზის გრიალი აძლიერებს საერთო პანიკას. ეს უკვე უკანდახვევა კი არა, ნამდვილი უკუქცევაა მწვერვალიდან, რომელიც დარტყმისაოვის ემზადება.

— თუ არ წამოგვასწრო, ბედი გექონია! — ასწრებს თქმას ლაშენალი და მიექანება თავდაღმა შერპთან თოქაბმული.

— აბა, ჩქარა. — ექაზი შერპს, რომელიც ჩემი აზრით, მენტისმეტად ზოზინობს.

ერთიმეორის მიყოლებით ვეშვებით ყინულის კედელზე. ძლიერმა სეტყვამ წამოუშინა. ძალიან დიდი თავმეკავება გვკირდება, რომ არ ავჩქარდეთ. თითოეული მოძრაობა ზუსტად უნდა იქნეს გაანგარიშებული.

— ყურადღება მიაქციე შერპებს, არ ჩაცვივდნენ! ექაზი ლაშენალს, როცა წუთითა ქარის ზუზუნი წყდება.



— ეს ჩინებული დაშვება იქნებოდა, — მომადახა მან, ისე რომ არ გაჩერებულა. სეტყვა კლებულობს. კედლის ძირში უკვე საშვინდობოსა ვართ.

— ასე ახლოს მიზანთან!

ასეთ შემთხვევაში ჭიუტობა არ შეიძლება.

მე ვფიქრობ, კიდევაც რომ მოგვეხერხებინა იმ პლატოზე გასვლა, უფუნურობა იქნებოდა მთელი ექსპედიციის იქ წაყვანა. ძალზე სარისკოა. ვერავითარი გამარჯვება ვერ გაამართლებდა ადამიანთა სიცოცხლით შეგნებულად თამაშს.

სეტყვას თოვლი სცვლის. ირგვლივ წისლია. ხუთ მეტრს იქით ვერაფერს ვხედავთ. დროდადრო რაღაც ნაცრისფერა ჩრდილა ჩნდება და მოჩვენებები ქვემოთ, ბანაკისაკენ გორდებიან. ახალ-ახალი თოვლის ზვავები შემადრწუნებელი ზატყითა და გრიალით ეშვებიან განუწყვეტლივ.

ჯოჯობითი თანდათან გვშორდება.

ჩვენ კი ეს კომპარი არასოდეს დაგვავიწყდება ალბათ. დაახლოებით 17 საათზე ცხელი ჩაით ვტკბებით ბანაკში. იგი მოამზადა ნუაელმა, როცა დაინახა, რომ ვეშვებოდით.

— მაშ შენ ახვედი გუშინ ზევით?

— დიახ, და არც ძალიან გამჭირვებია. ავედი თუ არა, ახალგაზრდა ანგავა უკანვე გავგზავნე ტუკუჩაში. ზედმეტი პირი ვერაფერი სასიამოვნო იქნებოდა... გარდა ამისა, ის ტერაის სჭირდებოდა.

— რა დღეა დღეს? ჩვენ დავკარგეთ დროის ანგარიში!

— ეჰ, ძვირფასო, სამია.

— უკვე სამი მაისია! მუსონამდე მხოლოდ ერთი თვე გვრჩება.

— და დჰაულაგარის შესახებ კი ჯერჯერობით ვერაფერი გავარკვეით. ყველა შეაძლებლობა რომ ამოგვეწურა, სამხრეთ-აღმოსავლეთ თხემის წიბოები უნდა გამოგვეკვლია, აი აქ, ჩვენ წინ.

— ჩვენ შეგვეწყო იქ ასვლა! — წამოიძახა ლაშენალმა.

— კარგი, როგორც კი თხილამურები გექნებათ, აირბინეთ თოვლიან მწვერვალზე ხეობის ბოლოში.

— თხილამურებით ლაშქრობა! აი, ეს მესმის!

— მე შევძლებ სამხრეთ კალთის გადაღებას!

— ნუაელი მთხოვს, რადიოთი დავუკავშირდე ტუკუჩას.

— ამ ორი საათის წინ ველაპარაკებოდნი იშაკს, მაგრამ ისეთი ტკაცუნნი შეიქნა, რომ ვარჩიე, სულ შემეწყვიტა კავშირი.

— შენ, რა თქმა უნდა, რაციისა გეშინოდა — დამცინის ბისკანტი. რამდენიმე წუთის შემდეგ ტუკუჩასთან კავშირი დამყარდა.

— ლაპარაკობს ერცოგი. რა ამბავია ტუკუჩაში?

— იშაკი ვარ. ბანაკში ყველაფერი რიგზეა. ახალი არაფერია, ლიონელი და უდო დღეს დილით გამოვიდნენ. თქვენ რაღას შვრებით?

— ყინვარის ბოლომდე ვერ მივალწიეთ, მაგრამ ახლა ისედაც ნათელია ყველაფერი.

— სახელდობრ რა? გზა არის?

— რას ამბობი ეს მთები... წყეულიმც იყვნენ ისინი. ჩვენ აქ თავის დღეში ვერ გავაღწევთ.

— მაშ რას აპირებთ?

— მე ხვალ ვეშვები. რებიუფა, ნუაელი და ლაშენალი თხილამურებით ავლენ დჰაულაგირის სამხრეთ-აღმოსავლეთ თხემის 5500 მეტრიან თეთრ მწვერვალზე. იქიდან მთელ სამხრეთ კალთას დაათვალიერებენ.

— სჭირდებათ რამე?

— მოაწოდე სურსათი და სამი წყვილი თხილამური.

— ო, კეი! ხვალ თუ ჩამოხვალ, სადილად შემწვარი ტჰარის ხორცი დაგხვდება.

— რისი?

— ტჰარის — ჰიმალაის არჩვისა. ყ. ბ.-მ და „დიდმა კაცმა“ წაინადირეს ჩვენი თოფებით და სამი ტჰარი მოკლეს. ერთი ჩვენ გვერგო...

— მაშ თუ აგრეა, ხვალ მანდა ვარი ლიონელი?.. მაინც წამოვიდა?

— ნუ სწუხხარ. მან საკმაოდ მოზრდილი ულუფა წამოიღო.

— მაშ, ხვალამდის!

— სალამი ყველას. ვამთავრებ კავშირს.

მეორე დილით, უთენია ვეშვები ქვემოთ. ჩემი ამხანაგები

კი ბანაკთან, პატარა. მინდორზე, შერპებს ყინულზე სკლის ტექნიკის საფუძვლებს ასწავლიან.

ტუკუჩაში მარტოკა ვბრუნდები. გზა ზღაპრულად ლამაზია. ვცდილობ, უბრალოდ დრო არ დაგვარგო, მაგრამ ყოველი ასეული მეტრის შემდეგ ვჩერდები. გრძნობამორეული შევცქერა წითელყვავილებიან ხეებს. დღინით ვეშვები გაზაფხულის ნაირფერი ხალიჩით მოფენილ მწვანე ფერდობებზე. ტყიან გორაკებს შუა, ნაძვებში მორცხვად თავშეფარებული, ანკარა ფირუზისფერი ტბის ზედაპირზე გადასარკულა ნილგირის ლამაზი მწვერვალები. მისი გარემომცველი ფოთლოვანები ნაძვებით მიუკარებლად როდი გამოიყურებიან. ნაპირები ნაზი ხავსითაა დაფარული...

ქვიანი განდაკის ვაკისაკენ ცუდი ბილიკები გასდევს. წყალს აუწევია. ფონით მომიხდება გასვლა. ვდგავარ ჩაფიქრებული, ვერ გადამიწყვეტია გადაქლეთილ ფეხებზე გაჩენილი ბებერების დასველება.

ჩემს ბედზე ტიბეტელი მიახლოვდება. ის იმ წუთას მიმიხვდა გასაჭირს. ადგილობრივმა ადათმა სწორედ სულზე მომისწრო. ტიბეტელმა ფრთხილად მომიკიდა ზურგზე, შევიდა შიშველი ფეხებით წყალში და, მიუხედავად მდინარის სწრაფი დინებისა და ჩემი წონისა, დაუბრკოლებლად გადამიყვანა ადიდებული განდაკის ტოტებზე და დამსვა ხმელეთზე. როგორ გამოვხატო ჩემი მადლობა? ვაწვდი რუპიას. ის უდიდესი პატივისცემით რამდენჯერმე თავს მიკრავს.

— დაიჭი, აი, კიდევ ერთიც!

ის თავის თვალებს არ უჯერებს. მცირე პაუზის შემდეგ კვლავ მდაბლად მიკრავს თავს. უხერხულობას ვგრძნობ და არ ვიცი, როგორ მოვიქცე. ვცდილობ, ღირსეული და კეთილშობილური იერი მივიღო. მერე ცოტა დარცხვენილი ვშორდები.

13 საათზე უკვე ტუკუჩაში ვარ, სადაც სიხარულით მხვდებიან კუზი და იშაკი.

— ძლივს, ახალი ხორცი! — ვამბობ პირგამოტენილი. ჟ. ბ., გილოცავ წარმატებით ნადირობას!

შესანიშნავ ფორმაში ვარ. მადის მხრივ შემძლია ტერაის  
შევეცილო.

— მაშ, აღმოსავლეთ ყინვართან ვერ არის საქმე კარგად?

— ტექნიკურად ეს ალბათ პლანას ჩრდილოეთ კედლის  
მსგავსია, მაგრამ, რა თქმა უნდა, ბევრად უფრო სახიფათო.

— სწორედ ასეთივე აზრისაა ბისკანტიც. დიდი შიში ვქა-  
მეთ. სულ კოტრიალ-კოტრიალია დავექანდით თავქვე. შერპებს  
ხშირად უცდებოდათ ფეხი.

— საძაგლობაა! — შენიშნავს კუზი.

— ჯერჯერობით არაფერი დაგვიკარგავს.

— როგორ თუ არაფერი, დრო? დღეები, რომლებიც ასე  
გარბიან? დიახ, დეჰულაგირი კარგად იცავს თავს!

— იქნებ ხვალ აღმოვაჩინოთ შესაფერი გზა.

იშაკი გადახედავს კუზის და უპასუხებს:

— ხვალ? ეს გასაოცარი იქნებოდა!

ცხადია, საბოლოოდ გზა უნდა მოინახოს. მაგრამ მე იმას  
ვწუხვარ, რომ აქამდე ვერც ერთმა ჩვენგანმა იმედის მომცე-  
მი გადაწყვეტილების ნიშანსაც კი ვერ მიაგნო. ეტყობა, დაზ-  
ვერვა კარგახანს გასტანს.

— ხომ არსებობს კიდევ მისასვლელები სამხრეთ-აღმოსავ-  
ლეთ თხემთან.

გარდა ამისა გუშინ რომ ვერ შევძელით აღმოსავ-  
ლეთ ყინვარის ზედა ნაწილის გავლა, იქნებ კედლის მარცხნი-  
დან შემოვლით მოხერხდეს.

— იცი რა, მორის, მაპატიე, მაგრამ...

— დიახ, სწორი გითხრა, მე თვითონაც საკმაოდ სკეპტი-  
კურად ვუყურებ ამ ვარიანტს, — იძულებული ვარ ვაღიარო.

— მე და შაკი შენს განკარგულებაში ვართ, — მეუბნება  
კუზი.

— ჰო, მართლა, დაისვენეთ?

— მერე როგორ!

— შესანიშნავია. მაშ ჩვენ ერთი გასროლით ორ კურდღელს  
მოვკლავთ. თქვენ წამოხვალთ აკლიმატიზაციისათვის, როგორც  
ჩვენ ყველანი, და ამავე დროს საბოლოოდ გამოიკვლევთ აღმო-  
სავლეთ ყინვარის ზემო ნაწილს.

— ხომ არ ვგონია, — შენიშნავს იშაკი, რომ ეს ლაშქრობა ლაშენალის, ნუაელია და რეზიუფას მიერ თეთრ მწვერვალზე ასვლის გამეორება იქნება?

— არა, შეეკვება, რომ სამხრეთ კალთისა და თხემზე გასასვლელის გარდა მათ რაიმე დაინახონ.

— კალთიდან კალთამდე, თხემიდან თხემამდე, ბოლოს და ბოლოს გარს შემოვუვლით დპაულაგირს, — ასკენის კუზი. მაშ ასე, ხვალ გავდივართ.

— Congratulations for the thar! — ვეუბნები კარავში შემოსულ ე. ბ.-ს. (ის ძალიან ამაყოფს ზუსტი მსროლელის რეპუტაციით).

ვგრძნობ, დღეს იგი უსაქმობით იტანჯება და ენა ექავება. ძლივს აეწყო საუბარი ნეპალზე, ჯურკებზე, ამ მხარეში ყოვლისშემძლე რანას ოჯახზე.

იგი იღებს საფუღლიდან თავის მანდატს — ერთი თვის დავიანებით. ჯანა არ შეეძლო, უფრო ადრე ეჩვენებინა! ბამბუკის ქალაღდის გრაგნილია, სანსკრიტულ ვნახე დაწერილი და რამდენიმე რთული ბეჭდით დამოწმებული: ჩვენი პირველი მეფეების უძველეს სიგელებსა ჰგავს!

იგი ჩვენგან უამრავ ახალ რამეს გებულობს ყოველდღიურად. ჩვენ მას სავსებით ვენდობით და ამხანაგურად ვეპყრობით.

— ე. ბ. rice?².

— Thank you, Sir.

უარის თქმას იგი ასაბუთებს რელიგიური მიზეზებით: ნეპალელ ინდოელებს ეკრძალებათ „ურჯულოებთან“ ჭამა. ნამდვილი მიზეზი კი ის არის, რომ მას ჩანგალი თავის დღეში არ უხმარია. სხვებივით ისიც მხოლოდ თითებით ჭამს და რცხვენია ჩვენთან.

მეორე დღეს, 5 მაისს, დაახლოებით დილის 8 საათზე, კუზი და შაკი ტოვებენ ბანაკს. დადგა მათი რიგიც, იმტვრიონ კბილები აღმოსავლეთ ყინვარზე! უცებ დამყუდროვდა აქაურობა. მე და იშაკი მარტო დავრჩით ბანაკში.

1. გილოცავთ ტპარზე გამარჯვებას.

2. ეინდათ ბრინჯი, ე. ბ.?

## — Soldier for Tansing! Letters?!

რა თქმა უნდა, არის, მთელი გროვა! მაგრამ სად ჯანდაბაში დაიკარგა საფრანგეთის ფოსტა? აი, მალე უკვე ხუთი კვირა გახდება, ამოდ ველით წერილებს.

ე. ბ-ს დახმარებით გურკების ენაზე ვწერთ ბარათს ფოსტის უფროსს, რომ გამოარკვიოს, რაშია საქმე.

კინოკამერის შტატივზე ვამაგრებთ ოცდახუთჯერ გამადიდებელ ჰოგრიტს. მალე თეთრი მწვერვალის ზემო ნაწილში, 5000 მეტრის სიმაღლეზე, ვხედავთ ჩვენს ამხანაგებს.

ისინი დასაშვებად ემზადებიან. მე და იშაკი ხელიდან ვტაცებთ ერთმანეთს ჰოგრიტს.

საფრანგეთის სამთო-სათხილამურო ტექნიკის ბრწყინვალე დემონსტრაციაა. თუმცა, როგორც ჩანს, უხვირო თოვლია. „ხელწერაზე“ ვცნობ ლაშენალს, რომელიც თავბრუდამხვევად უხვევს განცვიფრებული შერპების თვალწინ, უკანასკნელნი კი „მეხუთე წერტილზე“ დაშვებას ამჯობინებენ.

ნასადილევს თავისებური პროცესიების მოწმენი ვხდებით. სადღესასწაულოდ მორთულ სოფლელ ქალებს მოაქვთ წყლით სავსე დოქები და წუწავენ, ვინც გზაზე შეხვდებათ. ცერემონია, როგორც ჩანს, გამიზნულია იმისათვის, რომ ლოცვებისა და შელოცვების შემწეობით გამოიწვიონ დიდი ხნის ნანატრი წვიმა. მთებში ერთი დღე არ გაივლის უელქექოდ, ბარში კი ხანგრძლივი გვალვა უდიდეს ზარალს აყენებს მოსაევალს.

იშაკი წინ და უკან დარბის კინოაპარატით მთავარ ქუჩაზე და ცდილობს რაც შეიძლება, მეტი გადაიღოს. საპირობის პრესტიჟი არ გვშეელის, უხვად გვწუწავენ და თან ხმამაღალი სიცილ-კისკისი უდგათ.

ჩვენი ღირსება „დასველებულია“ და კეთილგონივრულად ვიხევთ უკან ბანაკისაკენ. უფრო სწორად, თავქუდმოგლეჯილები გავრბივართ!

დაბრუნებისას რებიუფა შეშფოთებული გვიამბობს, რა ნახა თეთრი მწვერვალიდან. უამრავ კითხვებს ვაყრით.

— რას წარმოადგენს სამხრეთი კალთა? — ეკითხება იშაკი. პასუხს არ ვუცდი და ვამბობ:

<sup>1</sup> თანხინგში ჯარისკაცი მიემგზავრება. არის წერილები?

— როდესაც მას ბაგლუნგიდან შევცქეროდით, შემაძრწუნებლად გამოიყურებოდა.

— ახლო რომ გენახა, შენთვის ყველაფერი ნათელი იქნებოდა. რამდენიმე კილომეტრი სიმაღლის უზარმაზარი კედელი და არც ერთი დამრეცი მონაკვეთი. მატეპორნის ჩრდილოეთ კედელი ზომ გახსოვს, სამი იმოდენაა! ის კედელი კი, როგორც იცი, არცთუ ისე მიმზიდველია. მე, ბისკანტი და ნუაელი თვალვებდაჭყეტილები შევეყურებდით ერთმანეთს... არა, უმჯობესია, სამხრეთ კალთის იმედი არ ვიქონიოთ.

— გასაგებია. სამხრეთ-აღმოსავლეთ თხემზე რაღას იტყვით? აღმოსავლეთ ყინვარიდან რომ ვუყურებდით, ყველაზე უფრო ოპტიმისტურად შენ იყავი განწყობილი, გახსოვს? შენ არ ამბობდი...

— მე ვცდებოდი. ჯერ ერთი, ის წარმოუდგენლად გრძელია, აზიდულია ძალიან დიდ სიმაღლეზე და, რაც მთავარია, ტექნიკურად მეტისმეტად რთულია. კედლები, ყინულის კოშკები, კლდეები, დანაწევრებული რელიეფი, უამრავი „ქანდაკი“, ერთი სიტყვით, რა გინდა სულო და გულო...

— ბანაკისთვის პატარა მოედნები თუ მოიძებნება?

— არც ერთი.

— დიახ. ყველაფერი ეს არცთუ ისე სასიამოვნოა.

— ოჰ, — შესძახა რებიუფამ, — ამ მარშრუტზე ლაპარაკიც ზედმეტია.

— მე ვფიქრობ, ამბობს იშაკი, — არც ერთი ჩვენგანი განსაკუთრებულ იმედს არ ამყარებდა არც სამხრეთ-აღმოსავლეთ თხემზე და არც სამხრეთ კალთაზე.

— მაშ რა ვქნათ?

— ორივე ვარიანტს მძიმე ჯვარი დავუსვათ.

უსიამოვნო ცნობებით გულდამძიმებულნი სასადილოდ მივიღივართ საერთო კარავში.

მეორე დღეს ბუდისტების ლამა გვეწვია. იმას ჯერ კიდევ ბაგლუნგში შევხვდით. საკმაოდ შელანძღული წითელი ანაფორა აცვია. სახე გულკეთილად უღიმის. იშაკი, რომელსაც ძალიან მოსწონს ბუდისტთა ლამების სისადავე და უშუალობა,

უხვად უმჯობინძლდება მას. ჩვენი ლამა დიდი ენთუზიაზმით გვიამბობს მუქთინათის შესახებ. ანგ-თარკე გვთარჯიმნობს.

ჩვენი საუბარი დაახლოებით ასეთია:

— თქვენ ახლა იქით მიემართებით? — ვეკითხებით მას.

— ხვალ უკვე იქ ვიქნები, გვიპასუხებს იგი ღიმილით სახე-გაბადრული:

— კი, მაგრამ ის ხომ ძალზე შორსაა აქედან!

მართალია, ლამაა და შეჩვეულია ძასწაულებს, მაგრამ მანც არ მჯერა, რომ მას შვიდმილიანი ჩექმები ჰქონდეს.

— იქ უნდა ვიყო, — განაგრძობს იგი, — იქ ყოველდღე სასწაულები ხდება: მიწიდან ალი ამოვარდება ხოლმე, მღვდლები მომავალს წინასწარმეტყველებენ!

— ჩვენც მოვალთ, აუცილებლად, რამდენიმე დღის შემდეგ... იშაკს გენიალური აზრი მოსდის:

— ავალთ დჰაულაგირზე თუ არა?

აი, შემთხვევა, გვიჩვენოს თავისი იღუმალი ძალა!

ლამა დიდი გულისყურით მარცვლავს კრიალოსანს, ჯერ ცას შეჰყურებს, მერე თავის ხელებს დასცქერის... სცენა ხუთ წუთზე მეტს გრძელდება. ყველანი გაუნძრევლად ვზივართ, ვინ იცის, იქნებ არაჩვეულებრივი გრძნეულების მოწმენი გავხდეთ? ხომ გვეუბნებოდნენ — ლამები ზებუნებრივი არსებანია არიანო.

ლამა თანდათანობით ბრუნდება ცოდვილ მიწაზე, ბოლოს იწყებს ლაპარაკს:

— დჰაულაგირი თქვენთვის არაა ხელსაყრელი, — და დასძენს: გირჩევნიათ იმაზე არც იფიქროთ, და თქვენი ძალები სხვა მხარეს მიმართოთ.

— მაინც რომელ მხარეს? — აინტერესებს იშაკს.

ამას ჩვენთვის არსებითი მნიშვნელობა აქვს.

— მუქთინათისაკენ, — ისე პასუხობს იგი, თითქოს უნდა გვაგრძნობინოს, ეს ხომ ისედაც ნათელიაო.

— ანაპურნა ხომ არა აქვს მხედველობაში? — მომავალი გვიჩვენებს.

მოდის მთლად გარუჯული ლაშენალი. ბოლოს და ბოლოს, გავიგებთ რაღაცას! აი, უკვე რამდენიმე დღეა, რაც მას მკერდზე მუწუკი გაუჩნდა. ლაშენალის უხვმა ბუნებამ ისე კვება იგა:



რომ ვეებერთელა ძირმაგარად გადაქცეულა. იშაკი თავს ვერ იკავებს ცთუნებისაგან — ფერად ფირზე იღებს ამ ფენომენურ მოვლენას.

ლაშენალმა კუზი და შაცი ყინვარზე, ბანაკში დატოვა. რაციები მოიშალა, რამდენიმე დღეს ვერაფერს გავიგებთ.

დაახლოებით ექვსის ნახევარზე ბანაკის თავზე გადმოწოლილი კედლიდან მიწაზე ეშვება (გამოთქმა სრულიადაც არაა გადარბეხული) ორი მეგობარი: უდო და ტერაი. ლიონელი ძლიერ აღზნებულია. წვერი წამოზრდია და პირქუშ შესახედაობას აქლევს.

— მაშ ასე, ძმებო, შეგიძლიათ დჰაულაგირს ჯვარი დაუსვიათ!

ტუჩები ჩვეულებრივზე მეტად აქვს წინ წამოწეული, ხმა მკაფიო, თითქმის გაჯავრებული.

— გესმის, მორის, შენი დჰაულაგირი აუტანელი რამაა. სამოთხეში უფრო ადვილად მოხვდება კაცი!

— ჯერ დასხედით და დალიეთ რამე. ორივენი თავითფეხანდე ოფლსა და მტვერში ხართ ამოგანგლული.

იმედი მაქვს, რომ ეს მათ ცოტა დაამშვიდებს.

— არაფერია წასახემსებელი? — მოითხოვს ტერაი.

— ახლავე მოამზადებენ. მერედა რა ნახეთ მაინც?

— აი, როგორ იყო საქმე სულ თავიდან, — მშვიდად გვიამბობს უდო. — სამ მაისს კარვები დავდგით დაახლოებით 4500 მეტრის სიმაღლეზე, თქვენს ორ ბანაკს შორის. მეორე ღამე „უცნობ ხეობაში“ გავატარეთ. უნაგირზე მზიდავები გაკირვეულდნენ. ეშინოდათ, თურმე თავის დღეში ამ მიჯნას არ გასცალებიან. გუშინ დილით ადრე მე და ლიონელმა იმ უნაგირას მივალწიეთ, თქვენ რომ შორიდან ნახეთ. იგი დჰაულაგირის ჩრდილოეთ აუზს კეტავს. არა, ძმაო, აქ...

— მე ახლაც ოფლში ვიწურები! — თავშეუკავებლად ღრიალებს ტერაი. თავბრუდამხვევი ვიწრობებია!

— კი, მაგრამ, სად არის, რა ადგილას?

— ჩვენ პირდაპირ დჰაულაგირი იყო, — განაგრძობს უდო, — ნამდვილი დჰაულაგირი. ასვლისას მე ის ცრუ მწვერ-

ვალში ამერია. მის ძირში კი გრანდიოზული მყინვარია, მთლად დაბზარული...

— უფრო საძაგელ ადგილს ვერ წარმოიდგენ, — აწყვეტილებს ლიონელი.

— მთლიანად დანაპრალებულია და მოედინება კანიონში, რამდენიმე კილომეტრი სიმაღლის კლდოვან კედლებს შორის.

— ხედავ, მე მართალი ვიყავი, — თვალთმაქცური მოკრძალებით ურთავს იშაკი, — ყველაფერი მაიანგდი-კპოლას ხეობით ჩამოედინება!

— და ყველაფერი ეს დიდებულია! — დასძენს ტერაი — ეს მთელი სამყაროა! რაც შეეხება ჩრდილოეთ თხემს, რომელიც ყოფს ამ ყინვარს აღმოსავლეთისაგან, სადაც თქვენ იყავით, ეს ნახევრად კლდოვანი, ნახევრად ყინულოვანი მეტად ციკაბო წიბოა. ხოლო ჩრდილო-დასავლეთი თხემი, რომელიც აქამდე არავის უნახავს, შევეულად ეშვება ვიწრობებში.

ყველაფერი ეს მეტად სამწუხაროა! „ნუთუ ნამდვილად მიუწვდომელია? — ვჩურობულებ გუნებაში. იშაკი ნახევრად ხუმრობით მეუბნება:

— ლამამ აკი თქვა: „დჰაულაგირი თქვენთვის არახელსაყრელია, მუქინათისაკენ წადითო!“.. ასე რომ...

— ჰოდა, ჩვენც სწორედ იქითკენ გავემართებით და არა უგვიანეს ხვალ დილისა, — ვასკენი მტკიცედ.

— საით, ტილიჩოსაკენ? — მეკითხება გასტონი.

— წავალთ იმ ტილიჩოსაკენ, ნილგირიდან ჩრდილოეთით, თინიგაონელი რომ გვეუბნებოდა, და ანაპურნას ზურგიდან შევეუტევთ.

— რატომ არ უნდა გამოვიყენოთ, კუზი-უდო-შაცის ჯგუფის მიერ მირისტი-კპოლაში ჩატარებული დაზვერვა? მათ ხომ ნახეს ანაპურნა!

— კი, მაგრამ მხოლოდ შორიდან. ამას გარდა, მათ არ უნახავთ ჩრდილოეთი კალთა. იქამდე მიღწევა არცთუ ისე იოლია. ამასთან, წიბო მე ნამდვილად არ მომწონს. არც იმათ...

— დახედე რუკას! — მაწყვეტილებს იშაკი, — ტილიჩოზე გავლით ჩვენ დავზოგავთ რამდენიმე დღეს მისასვლელზეზე.

— ნახავ! — ვეუბნები მე. — ჩვენ მოვხვდებით პირდაპირ ჩრდილოეთ კალთაზე, ხოლო ჩრდილოეთიდან მომავალი გზები ჰიმალაიში, ხშირად სხვებზე უფრო იოლია. გავივლით იმდენს, რამდენიც საჭირო იქნება, რომ ანაპურნა ვიპოვოთ! თუ დაგვჭირდა, მანანგბოტამდეც კი მივალთ.

— ამასაც მოვესწარით! ანაპურნას ვეძებთ! — კვერს მიკრავს გულგატეხილი იშაკი.



## ანაკურნას ქებნაში

დაჩქარე, უღო, შიმშილით სული მძვრება!

ლაშენალი და ტერაი ვერ არიან ნასიამოვნები ამ დილით: უღო ათასნაირად იკვლევს მათ ჭანმრთელობას.

ნივთიერებათა ცვლის შემოწმება, ფლაკის! წესით გამოცდა და სხვა პროცედურები საათზე მეტს გრძელდება. ეს გამოკვლევები აუცილებლად უზმოზე უნდა გაკეთდეს, რაც პნელი ასატანია. რადგან დასვერვიდან დაბრუნებულ ადამიანს პირდაპირ მგლის მადა აქვს.

იმ დროს, როდესაც ტერაი ასეთ სატანჯველშია, ლაშენალი უკვე მორჩა პროცედურას და არხეინად შეექცევა ძეხვის ვეება ნაჭრებს. ტერაი დროგამოშვებით აღმაცერად გადახედეს ხოლმე მას:

— ბისკანტ, რა ღორი ხარ, მოწყდი აქედან შენი ძეხეიანად!

— გაჩუმიდი, შედეგებს გააფუჭებ, — შეუზბრალეבלად ტუქსავს უღო.

ეს გამოკვლევები ძალზე მნიშვნელოვანია.

პირველად ვშიშობდი, რომ უღო უფრო მთამსვლელია, ვიდრე ექიმი. სულაც არა: მასში ბრწყინვალედაა შეხამებული ერთიცა და მეორეც.

უღო განუწყვეტლივ მაწვდის ცნობებს ექსპედიციის წევრ-

<sup>1</sup> ამ დიდმა განსაცდელმა მძიმე მოგონებები დაგვიტოვა. ეს გამოცდა მდგომარეობდა იმაში, რომ გამოსაცდელს უნდა ეჯერა და შეენარჩუნებინა მიღში ვერცხლისწყლის 40-მილიმეტრიანი სვეტის წნევა.

თა ჯანმრთელობის მდგომარეობისა და სიმალლეზე მათი აკლიმატიზაციის ვაუმჯობესების თაობაზე. ნეტავ ყველა მომავალ ექსპედიციას ჰყავდეს ასეთი უღო.

სანამ ტერაი ამ დღეშია, მე, იშაკი და რებიუთა მანანგბოტში წასასვლელად ვემზადებით.

ანაპურნის იერიში მირისტის ხეობიდან მეტად სათუოდ ვეჩვენება. მოსალოდნელია, რომ მანანგბოტის მხრიდან ასე-ლა უფრო ადვილი იქნეს.

— სალამი ტილმანს, — იცინის ლაშენალი, რომელმაც უკვე მოითავა საუზმე.

ტილმანი ერთი ცნობილი სახელია ჰიმალაიში. სწორედ მან დაიპყრო ადამიანის მიერ დღემდე აღებულ მწვერვალთაგან ყველაზე უმაღლესი 7820 მეტრიანი ნანდა დევი. ჩვენ მას დიდად ვაფასებთ.

აქ წამოსვლამდე გავიგეთ, რომ იგი აპირებს სწორედ ამ რაიონის გამოკვლევას მანანგბოტის ირგვლივ. მისი გუნდის შემადგენლობის მიხედვით, მისი მიზანი, მე ვფიქრობ, მანასლუსა<sup>1</sup> და ანაპურნის მისადგომების დაზვერვა უნდა იყოს. მთამსვლელებს უყვართ ხოლმე თავისი გეგმების საიდუმლოდ შენახვა, მაგრამ უაზრობა იქნებოდა, რომ ორივე ექსპედიცია ერთი და იმავე მწვერვალის საიერიშოდ მიდიოდეს.

ფუთარკე წინდაწინ მიდის თინიგაონში საბანაკო ადგილის მოსამზადებლად. თან მიგვაქვს რვა დღის საგზალი. ჩვენ დაბრუნებამდე უდოსა და ტერაის დრო ექნებათ, აღმოსავლეთ მყინვარზე ავიდნენ იმ შემთხვევაში, თუ კუზი და შაცი წარმატებას ვერ მიაღწევენ.

დასვენების ამ ორმა დღემ სწორედ სულზე მომისწრო: დრო ვიხელთე წერილები გამეგზავნა საფრანგეთში, მომეწესრიგებინა ანგარიშები და თვალყური მედევნებინა ბანაკის ორგანიზაციის შეუფერხებელი მიმდინარეობისათვის. მაგრამ მოსვენებული ცხოვრება არ მიზიდავს და მოხარული ვარ, რომ კვლავ მივემგზავრები.

გზაზე გაქიმულია მარილითა და ბრინჯით დატვირთული ქარაუნები. საზეიმოდ მივაბიჯებთ პატარა ქალაქ მარუას ქუჩებ-

<sup>1</sup> ანაპურნიდან აღმოსავლეთით მდებარე მეორე რვათაიანი (8120 მ).



ში, სადაც სამლოცველო ალმები ფრიალებენ. ირგვლივ მხიარული ბრბო გვარტყია.

აქ კიდევ უფრო მეტია ტიბეტელები, ვიდრე ტუკუჩაში. რაც ტკბილეული გვქონდა, სულ ბავშვებს დაეურიგეთ. აქაურებს ქეშმარიტად სასიამოვნო მოგონებები უნდა დარჩეთ ჩვენზე! მოგვიანებით ჩვენ მოვიმკით ჩვენი გულუხვობის ნაყოფს. რომ გავვიქარდება, უამრავი ადგილობრივი მზიდავი შემოგვთავაზებს თავის სამსახურს. ყოველ ნაბიჯზე გვხვდება ქვის ფილებით შემკული სამლოცველო კედლები, რომლებზედაც ვკითხულობთ კლასიკურ წარწერას: „ომ მანე პადმე ომ!“<sup>1</sup> ადგილობრივი რელიგიური ზნე-ჩვეულებანი რომ არ დავარღვიოთ, ამ ძეგლებს მარცხნიდან ვუვლით.

თანდათანობით იცვლება ამ ქვეყნის გარეგნული სახე. იგაიმ რაიონებზე უფრო უღიმღამოა, საიდანაც ეს-ეს არის მოვედით. ჩრდილოეთისაკენ რელიეფი რბილდება, მოწითალო ქვებით დაფარული გორაკები, უჩვეულოდ გამჭვირვალე პაერი, ადგილის უდაბურობა, იმის მაჩვენებელია, რომ ტიბეტს ვუახლოვდებით, თუმცა საზღვარი ამ ადგილიდან მთელი დღის სავალზეა.

დაბინდებისას შევდივართ პატარა ღარიბ სოფელ თინიგაონში. ადგილობრივი მკვიდრნი ეკვიანად გვათვალეირებენ და ერ-

<sup>1</sup> „ო, ძვირფასო, ლოტოსის ყვავილო!“

თადერთი ხეირიანი სახლისაკენ მიგვაცილებენ; იქ მომღიმარი ფუთარკე გვხვდება. იგი უკვე თავს შინაურულად გრძნობს და თავისი ჩვეული, რბილი ხმით განქარგულებებს აძლევს მის გარშემო მოფუსფუსე ქალებს. ჩვენ სოფლის თავაკუთხან „Great man“-თან ვართ, რომლის სახლიც ქარავანთა გაჩერების ადგილია. ეს არის მოხერხებული კომერსანტი, რომელიც ყველაფერს იშოვის თავის სასარგებლოდ, რაც სოფელს ესაჭიროება.

სახლის პატრონი გვაცნობს ჩვენთვის განკუთვნილ ოთახს. მისი სისუფთავე ფრიად შეფარდებითია, მაგრამ, თუ ცოტა მიალაგ-მოალაგებენ, იქ ღამის გათევა შეიძლება. ოთახში გულისამრევი მუავე სუნი დგას. იშაკი სასწრაფოდ ალებს ფანჯრებს.

გულდასმით ვათვალისწინებ ოთახს: ნელა ხმება შარდით მოთრიმლული ტყავები, კუთხეში აშშორებული ზეთის კასრები დგას.

ვახშმობის დროა, ანგ-თარკეს დიდი მოკრძალებით მოაქვს საჭმელი; ამ მოკრძალებას ალტაცებაში მოჰყავს გარს შემოხვეული ხალხი. მათ აქამდე საძიებები არ უნახავთ. ეს რაღაა? ჩანგლები? ეს თეთრკანიანები მართლაც უჩვეულო არსებანი არიან!

მეორე დღეს, ჭერ კიდევ ბნელა, როცა ანგ-თარკეს ჩვენთვის საუზმე მოაქვს. მოკრიალებულ ცაზე ვარსკვლავები კაშკაშებენ — კარგი ნიშანია. შორს თვალწარმტაცი სანახაობა იშლება: წყვილიდან თანდათან იკვეთება მზის სხივებით გაბრწყინებული დჰაულაგირი. აქედან მისი რელიეფი საოცრად მკაფიოდ ჩანს.

ჩვენი მომავალი წინამძღოლი შიკარი გვიმტკიცებს, ტილიჩოს უღელტეხილს კარგად ვიცნობ, მაგრამ არ ვიცი, რამდენ ხანში მივალწევთო. ავდივართ მწკრივად, მძიმე ტვირთქვეშ მოხრჩონი. ჩვენთან ერთად მოდიან ანგ-თარკე, ფუთარკე, პანზი და რამდენიმე ტიბეტელი მზიდავი.

რომ უფრო სწრაფად იარონ, მათ სამალაღმთო ფეხსაცმელები მივეცი, მაგრამ ენანებათ და მხარზე გადაკიდებულა მიაქვთ, სანამ თოვლამდე მივალწევთ.

რამდენიმე საათის სიარულის შემდეგ, ჩვენს მეგზურს, მგონი თვითონაც აღარ სჯერა, რასაც ადრე ამტკიცებდა: კითხვას კითხვაზე ვაყრით. მაგრამ ჩანს, წარმოდგენა არა აქვს, სად არის ტილიჩოს უღელტეხილი. სინამდვილეში ეს შიკარი ერთი ჩვეულებრივი მწყემსია და მხოლოდ ზემო საძოვრებამდე მისავალი გზები იცის. სიმაღლის ზრდასთან ერთად მისი როლი, როგორც მისი დიდი წარმოდგენა თავის თავზე, თანდათან მცირდება და ბოლოს, მშვიდად მოჩანჩალებს ყველაზე უკან.

ამგვარად, ქექა-ქუხილში ჩვენს პატარა კარვებში ღამენათევნი, მეორე დღეს გაჭირვებით ვალწევთ ყბადაღებულ ტილიჩოს უღელტეხილს.

როგორი სიურპრიზია! რუკის მიხედვით, მანანგბოტის ღრმა ხეობაში უნდა გავსულიყავით. სადღაა ანაპურნის ჩრდილოეთ კალთის შესანიშნავი ხედი, რომელიც მარჯვნივ უნდა გადაშლილიყო?

გაოცებულნი ვუცქერით თოვლისა და ყინულის თვალისმომკრელ სურათს. უამრავი მწვერვალი ელვარებს მოწმენდილი ცის ფონზე. არის რაღაც ზღაპრული ამ ზამთრის პეიზაჟის ბრწყინვალეობა და სისპეტაკეში.

მარჯვნივ ანაპურნის ნაცვლად, ცად აზიდულა შვიდიათასიანთა გიგანტური კედელი, რომელსაც წამსვე ვარქმევთ „დიდ ბარიერს“. ჩვენ წინ ღრმა ხეობა კი არა, ვრცელი პლატო იშლება. მის შუაგულში თოვლით დაფარული დიდი გაყინული ტბაა, რომლის ზოქების განსაზღვრა ძალიან ძნელია. მარცხნივ მის თვალუწვდენელ თეთრ წყნარ ზედაპირზე შვეულად ეშვება კლდეები.

— მაგრამ ეს ანაპურნა სადღაა, დალახვროს ეშმაკმა?

— ეჭვი არ არის, მატა, ნამდვილად იმ სამკუთხა ღამაში პიკის იქითაა, სიღრმეში, მარჯვნივ.

— რაღაც არა მჯერა, — ამბობს იშაკი.

— არც მე, — დასძენს რებიუფა.

— ტილიჩოს უღელტეხილი სადღაა, შენის აზრით? — განაგრძობს იშაკი.

— პლატოს შორეულ ბოლოში, ტბის გაღალმა. იგი უნდა გადმოჰყურებდეს მანანგბოტის ხეობას.



— რა ვაეწყობა, ამის შემოწმება მე მომიხდება, თუმცა სულაც არა მჭერა, რომ შენ მართალი ხარ...

ყოველ შემთხვევაში, დიდ, ყინულოვან ტბასთან ჩასვლა არ აგვცდება, ასე დავარქვით მას უკეთესი სახელის უქონლობის გამო.

ერთი საათის შემდეგ უკვე ტბის ნაპირზე ვართ და სანამ პანზი საკმელს ამზადებს, კამათი გრძელდება:

— ამ ტბის არავითარი ნიშანი არაა რუკაზე! არა და, სულ მცირე, შვიდი კილომეტრი სიგრძისა მაინც იქნება.

— თქ, ეს რუკა!.. განა ყველა ეს მწვერვალი აღნიშნულია მასზე?

— როგორ ფიქრობ, სად ჩაედინებიან ეს წყლები?

— ეს ადგილი ნამდვილი ძაბრია.

— მონ-სენისა ჰგავს.

— გეუბნებით, წყალი მანანგბოტისაკენ მიედინება.

ყველას თავისი მოსაზრება აქვს. თითოეული თავის აზრს გამოთქვამს.

ტბის მეორე ნაპირზე უნდა გავიდეთ. ვიკადებთ ზურგჩანთებს და მივეყვებით მარცხენა ნაპირს, მანამ, ვიდრე მოწითალო კლდეები არ გვაიძულებენ გადავიდეთ ყინულზე.

ეს გადაწყვეტილება ჩვენს მზიდაეებს მაინცდამაინც არ მოსწონთ. იშაკი მიჭერს ნეილონის თოკით და ორმოცდაათიოდე მეტრით ვშორდები ნაპირს. ვბტუნავ, ვცეკვავ, ვურტყამ წერაყინს, რომ ყინული ჩავამტვრიო და სისქე გავუზომო. შემდეგ გავძახი დანარჩენებს:

— ნამდვილი ბილიარდია! მოდით აქ!

ზედმეტი სიფრთხილე ყოველთვის ჯობია გაუმართლებელ რისკს. ამიტომ ორ დიდ ჯგუფს ვქმნით. მზიდაეები და შერბეზ დაშორებულნი არიან ერთმანეთს, სულ მცირე, რვა მეტრით. მათ არ ესმით, რომ ამას ვაკეთებთ ყველასა და თითოეულის უსაფრთხოებისათვის. ამგვარად ჩაბმულნი კელარ შეძლებენ ერთად შეკრებას.

პირველი ჩაბმა ჩემ კვალს მოჰყვება. ფართო რკალით შემოვლას ვიწყებ, რომ შვეული კლდეების მეორე მხარეს გავიდეთ. ჩემს უკან, მძიმე ტვირთქვეშ წელში მოხრილი მზიდაეები, ერთი მეორის მიყოლებით გაუბედავად უახლოვდებიან ნა-

პირს და, როცა ყინულზე ფეხს დგამენ, ისეთი შესახედაობა აქვთ, გეგონება, წყალში ვარდებიანო. მხურვალე ლოცვების ბუტბუტით ზუსტად ჩემს ნაკვალევს მოჰყვებიან, თან ყინულს არ აშორებენ თვალს. ოპერაცია მშვიდობით მთავრდება. ახლა მზიდავები უკვე აღარ ისურვებენ ჩვენგან დაშორებას. ამისათვის მათ ხელშეორედ მოუხდებოდათ დიდი ყინულოვანი ტბის გადაკვეთა.

გადავედით მეორე მხარეს და შევყევით კალთებს. მალე მივალწიეთ უღელტეხილს. ეს უღელტეხილი ჩვენ მიერ ამ დღით გავლილი უღელტეხილის სიმეტრიულად მდებარეობს, დაახლოებით 5000 მეტრის სიმაღლეზე. მას „აღმოსავლეთ ტილიჩოს“ ვარქმევთ..

არავითარი სადინარი, როგორც მე ვვარაუდობდი, აქ არ არის, პირიქით ტბის ბოლო ჩაკეტილია.

ქვემოთ, ჩვენს წინ ღრმა ხეობა იშლება: სწორედ ეს არის მანანგბოტის ხეობა.

აქ კიდევ ვცდები მანძილის შეფასებაში. მართლაც, მე გეგონა, რომ მანანგბოტი უზარმაზარი ცირკის სიდრემეში მდებარეობდა, სინამდვილეში კი რელიეფი გაცილებით უფრო რთულია. იმ ადგილიდან, სადაც ჩვენ ვიმყოფებით, მორენები ციკაბოდ ეშვებიან ქვემოთ, რამდენიმე კილომეტრის მანძილზე. ხეობა გადაღობილია ქვის ნამზღვლევეებით. ერთადერთ გასასვლელს აქედან ვიწროებით მიეყავართ მშფოთვარე მდინარე მარსიანდი-კპოლასთან, რომელიც სათავეს იღებს ტილიჩოს უღელტეხილიდან და მიედინება „დიდი ბარიერის“ მახლობლად, სადაც ანაპურნის მიგნების იმედი გვაქვს. ამ დაბრკოლების შემდეგ ვიწრობი თანდათან ფართოვდება და რუხ ქვებსა, ქვანაყარსა და მორენებს შორის, აქა-იქ მწვანე ლაქებივით მოჩანს დამუშავებული მიწის საცოდავი კუნძულები.

„დიდი ბარიერის“ მარჯვნივ აღმართულია სხვა კიდევ უფრო ლამაზი და მოხდენილი მწვერვალები. მარცხნივ, წითელი კლდეების თავზე, მუქთინათის ქედში ცადაზიდულა 6000 მეტრზე უმაღლესი მრავალი მწვერვალი.

ჩვენ უკანაა ტბა, რომელიც ეს-ეს არის გადმოვკვეთეთ, ხო-

ლო შორს — დასავლეთ ტილიჩოს უღელტეხილი, ამ დღით რომ გადმოვიარეთ.

ვიწვევთ სამხედრო თათბირს.

იშაკი ფიქრობს, რომ რუკა სწორი არ არის და შეიძლება ანაპურნა სულაც არ მდებარეობს დიდ ბარიერზე.

ეს ღრუბლებიც რომ უდროოდ დროს გამოჩნდნენ: ყველა უმაღლეს მწვერვალს ფარავენ. აბა როგორ ვიმსჯელოთ იმაზე, რასაც ვერ ვხედავთ?

— სულ ახლახან იყო გასახედი, — ვამბობ მე, — რა თქმა უნდა, ვიცი, რომ რუკა ტყუის, მაგრამ მეექვსემა ძალიან დიდი შეცდომა დაეუშვათ იმ მწვერვალის მდებარეობის დადგენაში, რომლის სიმაღლე 8000 მეტრს აღემატება.

— მაშასადამე, შენ მიგაჩნია, რომ ანაპურნა დიდ ბარიერზე მდებარეობს?

— დიახ, აი, იმ დიდი სამკუთხა პიკის მიღმა, ჩვენ წინ რომ აღმართულა. თუმცა, რა თქმა უნდა, ეს მხოლოდ ვარაუდია.

— მე კი მზად ვარ, სანაძლეოდ დავდო, რომ დიდი ბარიერი რუკაზე აღნიშნული არ არის.

— მიუხედავად იმისა, რომ იგი 20 კილომეტრზე მეტ მანძილზეა გადაჭიმული და მის თხემზე თხუთმეტიოდღე 7000-იანი მწვერვალია აღმართული, — ვეუბნები სიცილით.

— სადაა თხუთმეტი, — ბუზღუნებს იშაკი, — იქ სულ რამდენიმე მწვერვალია.

— მოკლედ რომ ვთქვათ, შენი აზრით, აი, ეს გრძელი თხემი და რუკაზე ნაჩვენები ერთი და იგივე არ არის. ამ შემთხვევაში, აქ უნდა ყოფილიყო ორი თხემი, ხომ ასეა?

— დიახ, შესაძლებელია, — იშაკი იქვე აკეთებს რამდენიმე გამოთვლას იმის დასადასტურებლად. რომ ანაპურნა არ შეიძლება მთავარ ქედში იყოს. მისი არგუმენტები, ცოტა არ იყოს, საგონებელში მაგდებს, მაგრამ ვერ კი მარწმუნებს. მაშ სადღაა ანაპურნა?

— კეთილი, — ვეუბნები ბოლოს! — აქ დავბანაკდეთ.

— შესანიშნავია, — მეთანხმება იშაკი.

— შენ აქ დარჩები ხვალაც და ზეგაც.

— თუნდაც მომავალ წლამდე!

— შეგიძლია შეამოწმო შენი თვალსაზრისი ყოველგვარი დაკვირვებებით.

— შენ და გასტონი რაღას აპირებთ?

— ჩავალთ მანანგბოტში, ალბათ იქიდან მაინც დავინახავთ ანაპურნას!

— შეიძლება, შეიძლება... არ ვიცი, არაგებს თუ არა ეს საქმეს, მაგრამ მე აქ დარჩენას ვამჯობინებდი.

— კარგი! ჩვენ ვისარგებლებთ ამ გასეირნებით, რომ მზიდავებისათვის ქუშელი<sup>1</sup> ვიყიდოთ. ფუთარკე და პანზი ჩვენთან წამოვლენ.

— იქნებ ჩვენ ტილმანი ვნახოთ?

მეორე დილას მე და რებიუფა უთენია ვალვიძებთ მთელ ბანაკს.

— ნახვამდის, მატა, ჩვენ ზეგ დავბრუნდებით.

— როდის? — შეკითხება ბურანში მყოფი.

— თორმეტში!

— რა გაეწყობა, ნახვამდის, ღმერთმა ხელი მოგიმართოთ! ცარიელი ზურგჩანთებით მივდივართ, იმედი გვაქვს, სურსათს იქ ვიშოვით. ყურადღებას არ ვაქცევთ ჩვენ მიერ გამოწვეულ ქვათაცვენას და ხევ-ხევ მივექანებით თავქვე.

— როგორ ფიქრობ, გასტონ, შუადღემდე ჩავალთ?

— სწორედ სადილობისას იქ ვიქნებით.

ქვიდან ქვაზე ხტუნვა-ხტუნვით სწრაფად ვეშვებით თავდაღმართში. ჩვენი გზა სამკუთხა პიკის ძირში დაკიდული დიდი ყინვარიდან გამომდინარე ბობოქარ მარსიანდი-კპოლას მიუყვება. რაც უფრო ქვემოთ ვეშვებით, მით უფრო მკაფიოდ მოჩანს, რა მაღალია ხეობის ბოლოში გზის გადამლობი კლდეები.

მაღე ვრწმუნდებით, რომ ნაპირი, რომლითაც მივდივართ, ამას იქით გაუვალია და მდინარეზე გადასვლა მოგვიწევს.

— შენ რა გიშავს ასეთ ოჩოფხებზე, — ვეუბნები გასტონს.

თვალისდახამზამებაში ის უკვე მეორე ნაპირზეა. მე, ცო-

<sup>1</sup> ქერის ან სიმინჯის მოხალული ფქვილი, ტიბეტელების ჩვეულებრივი საჭმელია (ავტ).

ტა არ იყოს, ვყოყმანობ. რა იქნება, რომ წერაყინი ფსკერზე ჩავარკო და ჰოკად გამოვიყენო?.. ერთი ფეხი ამ ქვაზე, თუმცა ვერ არის საიმედო... ერთი, ორი! კუნთები მისუსტდება, წერაყინი სხლტება, ქვა ყირავდება და ყინულივით ცივ მჩქეჯარე ნაკადში ვვარდები.

— იფ, რა აბაზანაა! ვაი, რა ცივია!

რებიუფა დამცინის:

— მერე რა გამჭვირვალეა!

— სულელო, ერთი შენ ჩავარდნილიყავი! — ვბურტყუნებ და სველი პუდელივით ვიფერთხები.

შერპებს — პანზისა და ფუთარკეს ბრწყინვალე აზრი მოსდით: აძვრნენ ზედ კლდის თავზე და მშვენივრად მიაბიჯებენ ვიწრო ბილიკზე.

გრძელი ციცაბო ქვანაშალები, ტილიჩოს უღელტეხილიდან რომ შევამჩნიეთ, ახლა გზას გვიღობავენ და არავითარი ბოლიკი არა ჩანს. ორივე შერპმა უკვე მიაღწია ფუძეს.

ცოცვით აღმასვლა ძნელია. ციცაბო ფერდობზე ქვებია ძლივს მაგრდება და მცირე მოძრაობას შეუძლია ნამდვილი ზვა-ვი გამოიწვიოს. შორს, ჩვენ უკან, მოჩანს ტილიჩოს უღელტეხილი, რომელიც რამდენიმე საათის წინ დავტოვეთ.

ყველა ქვა ერთი ზომისაა. გუგონება გიგანტურ საცერში გაუცრიათო. ბოლოს, როცა ზევით ავალწიეთ, გზა გადაგვიღობა გამაგრებული მიწის ციცაბო კალთებიანმა ღრმა ხევა.

— ეჭვი არაა, საფეხურების ქრა მოგვიბდება. — ვეუბნები ცოტა შეფიქრიანებულ რებიუფას.

— ამას ყინული მერჩია!

მარჯვე შემთხვევა გვეძლევა, ვნახოთ, როგორ მოიქცევიან შერპები. ფუთარკე წინ მიდის, ხელში წერაყინი უჭირავს. იგი მშვენივრად იცავს წონასწორობას და სწრაფად ქრის საფეხურებს. პანზი კვალდაკვალ მისდევს და სრულიად მტკიცედ გრძნობს თავს. ჩვენ ისლა დაგვრჩენია, მათ კვალს მივყვით.

ამ ხევის მიღმა ბალახით დაფარული ფერდობები გვეგონა, მაგრამ ზევით რომ ავედით, წინ მეორე ხევი გამოჩნდა, მეორეს მესამე მოჰყვა და ასე შემდეგ... ამგვარად, სანამ უფრო ადვილად სავალ ბალახიან კალთებზე გავიდოდით. თითქმის

მთელი საათის განმავლობაში საფეხურები ვჭერით. მერე თავითფეხამდე მტვერში ამოგანგლულები სრიალით დავეშვით უზარმაზარ ქვანაშალებზე.

შუაღლე გადასულია. ხეობის ქვემო ნაწილში ანკარა წყაროსთან ვისვენებთ და სახელდახელოდ ვსაუზმობთ... მდინარის ნაპირის გასწვრივ სიარული გვიკვირს და ზოგჯერ ას-ორას მეტრზე ასვლა გვიხდება, რომ ხშირ ბარდნარში გზა გავიკვლიოთ.

ტუქუჩას ხეობასთან შედარებით ეს სულ სხვა სამყაროა. აქ ბევრად უფრო თბილა, მცენარეულობა გაცილებით მრავალფეროვანია და რელიეფი უფრო მეტად დასერილი. ალაგ-ალაგ გვხვდება აყვავებული ხეები, რაც გარემომცველ პეიზაჟს რბილსა და მიმზიდველ იერს აძლევს.

აღამიანმა უკვე შემოაღწია აქ: ძლივს შესამჩნევი ნაკვალევი ახლა ბილიკს დაემსგავსა.

მანანგბოტი ჯერ კიდევ შორსაა. კარგები თან არა გვაქვს და საგზაოც მიგვიცოტავდა. ამიტომ საღამომდე აუცილებლად უნდა მივალწიოთ იქამდე.

ბილიკის მოსახვევში მოულოდნელად რამდენიმე სახლი გვხვდება. სოფელ ქანგზარის შესასვლელში სამლოცველო ბაფთებით შემკული ბუდისტური 'შორტენი' დგას.

ბავშვებმა თვალი მოგვკრეს და ჩვენს შესახვედრად გამოიბიან. თავის სიციოცხლეში პირველად ხედავენ ისინი თეარ აღამიანებს და ცნობისმოყვარეობით ათვალიერებენ მთიდან ჩამოსულ მოჩვენებებს. ისინი ვერ ხვდებიან, რომ ჩვენ ქედის გადაღმიდან მოვედით. საერთოდ, არც იციან, არსებობს თუ არა ქედის მეორე მხარე. ერთადერთი გზა, რომელსაც ადგილობრივი მკვიდრნი იცნობენ, მუქთინათში მიმავალ მლოცველთა ბილიკია. ეს ბილიკი თორუნგზეზე გადის.

პანზი მოითხოვს სუბას. ხმაურიანი ბრბო მიგვიძღვის შესახვევებში. სუბა გამოგვეგება. მცირეოდენ გაოცებასაც კი არ ამელავნებს: მრავალი საუკუნის განმავლობაში ბუდა ასწავლას გულგრილი შესახედაობის შენარჩუნების ხელოვნებას სრუ-

<sup>1</sup> რელიგიური ძეგლი, რომელსაც, ჩვეულებრივ, გადაბრუნებული ზარის დორმა აქვს.

ლიად უჩვეულო შემთხვევების დროსაც კი. მე ვთხოვ სუბას, მიშოვოს ქუმელი ჩვენი მზიდავებისათვის, რომლებიც მთაში დარჩნენ. სუბა ოხვრითა და გოდებით გვარწმუნებს, რომ ქანგზარი მეტად ღარიბია: არა გვაქვსო, არც ერთი კილოგრამი ზედმეტი ქუმელი, არც ერთი მუჭა ბრინჯი და არც ერთი წიწილა. უმჯობესია მანანგბოტში წახვიდეთ, რომელიც სულ ერთი საათის სავალზეა, და იქ იშოვით ყველაფერს, რაც გესაჭიროებთ.

მანანგბოტი იმ წუთშივე სამოთხედ გვესახება და, მიუხედავად სიცხისა და შიმშილ-წყურვილისა, დაუყოვნებლივ განგაგრძობთ გზას.

სოფლის განაპირას, ბილიკის გარდიგარდმო იაკის სრულად გამოფიტული ჩონჩხი გდია. არავის აზრად არ მოსდის გადაათრიოს გზიდან ეს საღმრთო ძელები. უკვე მრავალი თვეა იგი აქ დევს და ასე იღება, ვიდრე მტვრად არ იქცევა. ჩვენს მოკრძალებით ვუვლით მას გვერდს.

კლდეში გამომტვრეულ საფეხურებს და შემდეგ მეტად ციცაბო ფერდობს ისევ ქვემოთ, მდინარესთან მივყავართ. სწრაფად მივყვებით მის ნაპირს.

— აი, მანანგბოტიც! — ამბობს პანზი.

ტიბეტის უჩველესი ქალაქების მსგავსად, ეს ქალაქიც შვეულ კლდეებზეა გაშენებული. აქედან მხოლოდ ქალაქის კედლებს ვხედავთ. და ისეთი შთაბეჭდილება იქმნება, თითქოს ციხესიმაგრეს ვუახლოვდებით. მდინარეზე გადებული ფიცარი გვამცნობს, რომ ახლა ცივილიზებულ ქვეყანაში ვართ. შეუწყვეით აღმართს.

რამდენიმე ვიწრო შესახვევის შემდეგ შევდივართ ქალაქის ცენტრში, სადაც მოჩანს დაახლოებით 50 მეტრის სიგრძის ვეება სამლოცველო კედელი. მცხოვრებნი ყოველი მხრიდან მოისწრაფვიან და გარს გვეხვევიან: უმეტესად კი ბავშვები. მოხუც ქალს მეტად საინტერესო პორტატული სამლოცველო წიქვილი უჭირავს ხელში და განუწყვეტლივ ატრიალებს. აქვე არიან ძალიან ლამაზი ახალგაზრდები. მათ ტუყუჩელებისაგან განსხვავებული ტიპიური სახეები აქვთ.

ადგილობრივი მცხოვრებლები ბუდისტები არიან. ყველანი რაღაცას გაჰყვირიან, ვერ ვარჩევ, რას, მაგრამ ეს არ მ-

დღევანდელს უკვე დავრწმუნდი, რომ ამ ქვეყანაში უბრალო „გამარჯობაც“ მთელ მოხსენებასავით გაისმის, რომელსაც ხვამალ-ლა წარმოთქვამენ. თხუთმეტწუთიანი პაექრობის შემდეგ ერთ-ერთი მამაკაცი სუბას საძებრად გაეშურა. ამასობაში პანზიმ უკვე მოგვიძებნა ლამის გასათევი ბინა — სხვენი მეორე სართულზე. ავღივართ თავშესაქცევი კიბით — სქელი ჭდეებიანი ფიცრით, ვიხსნით ზურგჩანთებს და ორივენი — მეც და გასტონიც მოედანზე ვბრუნდებით.

ქალაქის მკვიდრნი ჩვენ გარშემო იკრიბებიან და ხელების მოშველიებით გვესაუბრებიან:

— ამერიკელები ხართ?

— არა, ფრანგები!

— ...?

— დიახ, ფრანგები.

თითქოს ყველაფერი ნათელია, გაგების ნიშნად თავს აქნევენ: „ჰო, ამერიკელები არიან!“

— არა, არიან ამერიკელები და არიან ინგლისელები, მაგრამ ჩვენ ფრანგები ვართ.

— რასაკვირველია, რასაკვირველია, მაგრამ თქვენ მაინც ამერიკელები ხართ.

ვნებდები...

ადგილობრივ მკვიდრთა უმრავლესობას გურკები შეადგენენ, რომელნიც ბრიტანეთის არმიაში მსახურობდნენ. ჩვენ პირველი თეთრები ვართ, რომლებმაც აქ შემოვალწიეთ:

ანაპურნა? არაფერი იციან.

ანაპურნის ამბავი უკვე უცნაურად მეჩვენება. შეუძლებელია 8000 მეტრიანი სიმაღლის მწვერვალი ვერ შეამჩნიო, თუნდაც იგი ქედის შორეულ ნაწილში მდებარეობდეს. უკიდურეს შემთხვევაში, ადგილობრივ მცხოვრებთ მაინც უნდა სცოდნოდათ მისი არსებობის ამბავი. შესაძლოა, მას აქ სხვა სახელს ეძახიან, რომელიმე სხვა ღვთაების პატივსაცემად?

მზე ჩადის. იგი უკვე მიიშალა მანანგბოტზე აღმართული დიდებული მწვერვალის — სამკუთხა პიკის მიღმა. პანზიმ დაწვრილებით გამოჰკითხა ადგილობრივ მცხოვრებთ ყველაფერი და გვითხრა, რომ ეს მთა თურმე განგაპურნაა.

მარცხნივ ორი სხვა მწვერვალია — ჩონგორი და სეკშია.



ძლივს დაწყნარებული ქალაქის ვიწრო ქუჩებში გასეირნების შემდეგ ვბრუნდებით და გულგატეხილი შერპებისაგან ვგებულობთ, რომ ეს პატარა ქალაქი უაღრესად ღარიბია და სურსათ-სანოვაგის შოვნა მეტისმეტად გაგვიძნელებს.

ამ დროს გამოგვეცხადა სუბა — ძალიან უბრალოდ ჩაცმული, გრძელ წვერა, საკმაოდ კვეიანი გამომეტყველების მოხუცი, მას გააცნეს ჩვენი თავი და დავსხედით. საუბარმა მყისვე საქმიანი მიმართულება მიიღო. სუბას შეუძლია მხოლოდ ათ კილოგრამამდე ქუმელი მოგვცეს. თან იმდენნაირი მოსაზრება მოჰყავს, რომ თვითონვე იხლართება მასში. არავითარი ქათმები, მხოლოდ ოთხი თხილისსიმსხო კვერცხი, არც რძე, არც ბრინჯი. ტილიჩოს უღელტეხილზე დარჩენილი ჩვენი მზიდავებისათვის ასე აუცილებელი ქუმელიც კი მეტისმეტად ცოტაა.

ეს მნიშვნელოვანი ახალი ამბები მაიძულებენ, მეორე დღითვე გავგზავნო ფუთარკე უღელტეხილზე. იშაკს ვწერ:

„მანანგოტი, 11 მაისი, 5 საათი.

— ძვირფასო მატა!

ფუთარკე ახლავე უკან მოემგზავრება თქვენთან, აქ მოხვლას ძალიან დიდი დრო უნდა.

აი რისი გაგება მოვახერხეთ:

დიდი სამკუთხა პიკის — განგაპურნას მიღმა მდებარეობს მეორე ყინულოვანი მწვერვალი ჩონგორი, რომლის სიმაღლე 7000 მეტრს აღემატება. შემდეგ ქედი თითქოს ხეობაში ეშვება, აქედან დაახლოებით ორ კილომეტრზე, მდინარე შუნდი-კიუს შესართავთან, პატარა სოფელ შინდის ახლოს. მდინარე შუნდი-კიუს მარჯვენა ნაპირზე ჩანს კიდევ ერთი დიდი მწვერვალი სეპშია.

მაგრამ სადღაა ანაპურნა? გამოცანაა! აქ მის შესახებ არავინ არაფერი იცის. მოქმედების გეგმა: მე, გასტონი და პანზი გავდივართ „შინდი“-ში, რათა ეს საიდუმლოება გავხსნათ. თუ მიღებული ცნობები შესაძლებლობას მოგვცემს, დავაზუსტოთ ანაპურნის ადგილმდებარეობა, შევისწავლოთ მისასვლელები და შევაფასოთ ასვლის

სიძნელე, დაუყოვნებლივ დავბრუნდებით მუქთინათზე<sup>1</sup> გამოვლით, ხოლო, თუ გამოირკვა, რომ დასახული დაზვერვა დიდი ბარიერის მწვერვალზე უნდა ჩატარდეს, რაც ალბათ რთული არ იქნება, და ჩვენ ერთად მოვახდენთ, მაშინ დავბრუნდებით ბანაკში 12-ში, ე. ი. ხვალ.

თუ ვერ დავბრუნდით, 13-ში დილით, მოხსენით ბანაკი და გაემგზავრეთ უკანვე ტუქუჩაში. სალამი!

შენი მორისი“

\* \* \*

ამასობაში ჩვენი გაცილებების შემდეგ, იშაკი იმავე დღეს, დაახლოებით 9 საათზე, ანგ-თარკესთან ერთად გადის ბანაკიდან აღმოსავლეთ ტილიჩოს უღელტეხილზე. მას განზრახული აქვს, ავიდეს მწვერვალზე, რომელიც ბანაკიდან ჩრდილო-აღმოსავლეთით მდებარეობს<sup>2</sup>.

სანამ შესაფერ ადგილას მივიდოდა, დაახლოებით 5500 მეტრის სიმაღლეზე, გადაიღო ფოტოსურათები და ბუსოლით აღნიშნა ადგილები. ვიდრე მარსელი ამ საქმიანობით იყო გაართული, ანგ-თარკემ ააგო ნიში<sup>3</sup>, ორ მეტრ-ნახევარზე უფრო მაღალი ძეგლი. სააედრო ღრუბლები, გათენებისას რომ ფარავდა ზეცას, ახლა ისევ აიშალა და ჯგუფი იძულებული გახდა უკანვე დაბრუნებულიყო.

კარავში პირქვე მწოლარე იშაკს, მთელი სიზუსტით, რის მოხერხებაც კი შესაძლებელია ამ პირობებში, რუკაზე გადააქვს თავისი გაზომვები.


„ესაა და ეს! ახლა ცხადია!“

იშაკის მიერ შეკრებილი მონაცემები ამტკიცებენ, რომ ბანაკიდან სამხრეთით გაჭიმული მთაგრეხილი, რომელსაც ჩვენ დიდ ბარიერს ვუწოდებთ, სინამდვილეში ანაპურნა-პიმალს წარმოადგენს. ყბადაღებული კლდოვანი პიკი „შავი კლდე“, რომლის საყურადღებო ტოპოგრაფიულ მნიშვნელობას ჩვენ ვხვდებოდით, ანაპურნას შემცველი გვერდითი ქედის დასაწყისია!

<sup>1</sup> მუქთინათზე გავლით გზა მოკლდება ერთი დღით.

<sup>2</sup> მუქთინათ-პიმალზე, დიდი ბარიერი<sup>1</sup> პირდაპირ.

<sup>3</sup> ქვით ნაშენი პირამიდა.




ანაპურნის მასივის ოროგრაფია ინდური რუკების მიხედვით (წყვეტილით აღნიშნულია ტილიოს არარსებული გასასვლელი).

მაშ, ანაპურნა უნდა მდებარეობდეს დიდი ბარიერის მხოლოდ მეორე მხარეს!

ამგვარად, მე და რებიუფა თურმე მწვერვალ-მოჩვენებას დავდევდით. რა სისულელეა. ეს რომ გვცოდნოდა!..

მაგრამ ასეთია ყველა გამოკვლევის ბედი: ჯერ ბევრი მერყეობა, ეჭვები, შეცდომები, შემდეგ სრულიად მოულოდნელად — აღმოჩენა.

დამით უღელტეხილზე ძალიან ცივა. კარავში მშვენიერი ამინდის მომასწავებელი განთიადი აღწევს. იშაკი სარგებლობს კარგი ხილვადობით, რათა განსაზღვროს ადგილმდებარეობა მანანგბოტის მიღმა ხილული ბუმბერაზი მწვერვალებისა და მათ შორის ნეპალის ერთ-ერთი რვაათასიანის, უზარმაზარი პირამიდის მანასლუსი, რომელიც ზემოდან დასცქერის დანარჩენ მწვერვალებს.



ანაპურნის მასივის ოროგრაფია 1950 წლის საფრანგეთის ექსპედიციის მონაცემების მიხედვით.

ქარი ამოვარდა და ღრუბლები მორეკა. ან კარავში უნდა იჯდე, ან დურბინდით უთვალთვალო, ხომ არ ბრუნდება მანანგბოტში წასული ჯგუფი.

დაახლოებით სამ საათზე ფუთარკე გამოცხადდა იშაკთან და ჩემი ბარათი გადასცა. იშაკმა სწრაფად გადაავლო თვალი. უკვე იცოდა, რომ ის ახალს ვერაფერს აცნობებდა. მას მიაჩნდა, რომ დიდი ბარიერის „ადვილ მწვერვალზე“ ასვლას აზრი არა ჰქონდა. უმჯობესი იყო, სხვა მიმართულებით წასულიყო, რაც შეიძლება მაღლა ასულიყო წინააღმდეგობით მის მიერ აღმოჩენილ მძლავრ მყინვარზე და იქიდან ეცადა ანაპურნის დანახვა დიდი ბარიერის მიღმა.

12-ში, დილით, შესანიშნავი ამინდი იღვა. იშაკმა აუხსნა ანგ-თარკეს, რომ ისინი ერთად ავიდოდნენ მუქთინათ-ჰიშალის მიმართულებით. 8 საათსა და 30 წუთზე, როდესაც უკვე იღრუბლებოდა, იშაკმა და ანგ-თარკემ ფეხი დაადგეს დამრეც

ყინვარს და დაიწყეს ასვლა. ყინული დაფარული იყო ახალი თოვლით. რაც ანელებდა წინსვლას. ალტიმეტრის ჩვენება თანდათან იზრდებოდა. დაიწყო ნაპრაღთა არე.

— ისინი არ აპირებდნენ დროს დაკარგვას სიძნელეთა დაძლევაზე. მათი ამოცანა იყო უმოკლეს დროში, რაც შეიძლება, მალა ასულიყვნენ. მაღიმალ უხდებოდათ ყინულში საფეხურების ამოჭრა, მაგრამ ძნელი უბნები არცთუ ისე ბევრი იყო. ბოლოს მიაღწიეს ზედა კალთებს. თხემზე სქელ ნისლში გავიდნენ.

სადაა ანაპურნა? აფსუს! ირგვლივ მცირეოდენი ხილვადობაც არაა. იშაკმა ზუსტად ისიც კი არ იცის, თვითონ სად იმყოფება. იგი ამოდ უცდის გამოდარებას. უკვე 12 საათი და 30 წუთია. ალტიმეტრი 6200 მეტრს უჩვენებს. სუნთქვა არ უჭირთ. ეს იმას ნიშნავს, რომ ისინი ფორმაში შედიან. ეს ადგილი ექსპედიციის მიერ მიღწეული უმაღლესი ადგილი და ჩვენი პირველი ექვსიათასიანია!

ამინდი არ უმჯობესდება და 13 საათსა და 15 წუთზე ისინი იწყებენ დაშვებას თავის ნაკვალევზე; თოვს, მაგრამ კვალი კიდევ ჩანს.

16 საათსა და 30 წუთზე იშაკი და ანგ-თარკე ბანაკში დაბრუნდნენ. აქ მათ ნახეს ექსპედიციის უფროსი, რომელიც მშვიდად ხვრინავდა თავის საძილე ტომარაში.

ნეტავ რა მოხდა?

\* \* \*

მანანგბოტში, გათენებისას, 11 მაისს, პატარა ჯგუფი ძლივს იღვიძებს.

მცირე საუზმის შემდეგ ფუთარკე ზურგჩანთას იკიდებს და ჩემი წერილი მიაქვს იშაკთან. შემდეგ მე და რებიუფა პანზისთან ერთად მივემგზავრებით ქვემოთ, მარსიანდი-კპოლას ხეობით, უჩინარი ანაპურნას საქებრად.

შორს, ჩვენ პირდაპირ, მოჩანს პიკი, რომელშიც მანასლუს ვცნობთ.

განზრახული გვაქვს, დიდი ბარიერის გასწვრივ ვიაროთ, სადამდისაც კი შესაძლებელი იქნება. მაგრამ იმავე საღამოს უნდა დავბრუნდეთ მანანგბოტში. დაახლოებით შუადღისას ჩვენ

წინ პატარა სოფელ შინდის ხედა იშლება. მერე ხეობა ვიწროვდება. წინსვლას აზრი არა აქვს. დარწმუნებული ვარ, რომ სწორ გზას არ ვადგივართ — ანაპურნა ამ რაიონში არ არის.

ადგილობრივ მცხოვრებთ და შიკარებს, რომელთაც ვეკითხებით, თავის დღეში არ გაუგონიათ მისი არსებობა. ისინი საკმაოდ ვრცლად გვიხსნიან, რომ ეს სიტყვა „მოსავლის ღმერთს“ ნიშნავს.

მანანგბოტში დაბრუნების მეტი აღარაფერი დაგვრჩენია. თანაც მშვიერი კუჭით, რადგან საგზალი გაგვითავდა.

ჩონგორსა და სეპშიაზე საავდრო ღრუბლები ჩამოწოლილან, რაც ხელს გვიშლის გადავიღოთ ფოტოსურათები, რომელთა წაღება საბუთად სასურველი იყო. ღრუბლების გაფანტვის იმედით ხანმოკლე შესვენებას ვაწყობთ. თითოეული პოულობს თავისთვის პატარა მყურდო ადგილს. რებიუფა მყისვე იძინებს წმინდანის ძილით. პანზი თავის უკანასკნელ სიგარეტს ეწევა, მე კი ვდგავარ გუშაგვივით, რომ ღრუბლების გაფანტვისთანავე განგაში ავტეხო.

ბოლოს ჩონგორი და სეპშია გამოიკვეთნენ ნისლიდან. რებიუფა იღებს მათ და უკან, მანანგბოტში ვბრუნდებით.

პაპანაქებაა და სიარული მეტად გვიძძიმს. პანზი ყოველ შემხვედრს სურსათის ამბავს ეკითხება, მაგრამ უშედეგოდ. ნაშუადღევს ჩვენს სხვენს მივალწიეთ.

— ამგვარად, ხელცარიელნი ვბრუნდებით, — ამბობს რებიუფა.

— ყოველ შემთხვევაში, ვიცით მაინც, რომ იგი აქ არ არის.

— დაუყოვნებლივ უნდა დავბრუნდეთ!

— საეჭვოა, რომ აქ ჩვენ რაიმე სანოვავე ვიშოვნოთ. წაიღეთ რაც გაგვაჩნია და გასწით პანზისთან ერთად მიუქთინათში. თორუნგზეზე გავლა საშუალებას მოგცემთ, ტილიჩოს გადასავალზე აუსვლელად, ერთი დღით ადრე დაბრუნდეთ ტუკუჩაში.

— ცარიელი კუჭით ასეთი მგზავრობის შემდეგ დაიღლებით, ამიტომ დარჩენილი რუბიებით შეგიძლიათ დაიჭიროათ პონი.

— მერე შენ?

— ნუ სწუხხარ. ერთი ფილა შოკოლადით მე ტილიჩოს ბანაკამდე მივალწევ.

— ეს საშინლად გრძელი გზაა!

— მე იქ ხვალ დილით ვიქნები. მინდა იშაკთან ერთად იმ ადვილ მწვერვალზე ავიდე.

ცოტა შევნაყრდით და ჩვენ-ჩვენი გზით გავწიეთ.

მე სულ მარტო დავრჩი.

მხოლოდ ერთი ფილა შოკოლადი გამაჩნია და უნდა ვიჩქარო, რომ 2800 მეტრის სიმაღლიდან 500 მეტრზე მალლა ავაღწიო.

გადავწყვიტე, რაც შეიძლება ჩქარა ვიარო, კიდევაც ვირბინო, ვირბინო, სანამ ძალა მექნება.

ერთი საათის შემდეგ უკვე ქანგაარში ვარ. ერთ წუთსაც არ ვაყოვნებ და მივყვები ბილიკს, რომელიც მდინარის მარცხენა ნაპირზე იკარგება. მივძვრები კლდეებს შორის, ხან აღმა, ხან დაღმა, რომ დაბრკოლებებს გვერდი ავუარო. დრო სწრაფად მიჰქრის.

ვხვდები ფუთარკეს მიერ კირქვებში გამოკვეთილ საფეხურებს. შემდეგ ვიწყებ ასვლას გრძელ, ციცაბო ქვანაშალზე და ბოლოს ვალწევ მდინარემდე. გადახტომაზე ფიქრიც კი არ შეიძლება, ვიხდი სამთო ფეხსაცმელს და მხარზე ვიკიდებ. უკვე ბინდდება. ყინულივით ცივ წყალში ჩავარდნა მეტად უსიამოვნო იქნებოდა. ამიტომ, მდინარეში შესვლისას, ფრთხილად ვსინჯავ ფეხით თითოეულ ქვას.

დინება მეტისმეტად ძლიერია. უეცრად ფეხი მისხლტება-ვცდილობ თავის შემაგრებას, მაგრამ უფრო ღრმად ვეშვები წყალში, ბოლოს ვეცემი და მთლად ვილუმბები.

დიდი გაკირვებით ვალწევ მეორე ნაპირს და ვიწურავ ტანსაცმელს, ფეხსაცმელებიდანაც ვღვრი წყალს. სიცივისაგან აცახცახებული კბილების კაწკაწით ვიცვამ. სულ მცირე, ოთხი საათი მაინც მჭირდება, რომ ბანაკამდე ბივალწიო. დღის სინათლე კი ერთ საათზე ცოტა მეტს თულა გასტანს. რის ვაივავლახით გადავჭერი მკვრივი მიწის გრძელი ციცაბო ფერდობი, ხანდახან ძლივს ვიმაგრებდი თავს, რომ არ დავცემულიყავი.

ხეობიდან გამსკვალავი ქარი უბერავს და სიცივისაგან კბილს კბილზე მაცემინებს. გზა არ ჩანს. ვეძებ თავშესაფარს, დამისგასათევად. ბოლოს ერთ ბლუჯა ბალახზე ვეშვები და

კაპიშონს ისე ვიხვევ, რომ მთლიანად მფარავს. ფეხები გამე-  
თოშა, სიცივისაგან მუხლები მიკანკალებს.

კაპიშონქვეშ მობუზული ვფიქრობ: ახლავე შევქამო შოკო-  
ლადის უკანასკნელი ნაჭერი, თუ დილისთვის შევინახო? შექ-  
მას ვარჩევ, შემდეგ კი უკანასკნელ სიგარეტსაც ვეწევი.

და, აი, ვარ გადაკარგული შიგ მთების გულში, 4500 მეტრის  
სიმაღლეზე, სულ ერთიანად სველი, დაღლილი და მშიერი. მე-  
ყოფა კი ძალა, რომ უკანასკნელ 500 მეტრზე ავიდე?

ვერაგი ქარი ჩემი ტანსაცმლის ყოველ ნაოჭში აღწევს.  
თოვას იწყებს.

თვლებს ვხუჭავ, კუნთებს ვაღუნებ და ვცდილობ თავდა-  
ვიწყებას მივეცე; ასე ვიქცევი ხოლმე ყოველთვის, მთაში ლა-  
მის თევის დროს.

დრო ნელა და ერთფეროვნად მიიზღაზნება. ქვემოთ მთის  
ნაკადი ჩხრიალებს. დედამიწა ძაგძაგებს და ექო დაუსრულებ-  
ლად გაისმის ხეობაში. სინესტეა — საშინელი შეგრძნებაა, რო-  
ცა სიცივე ძვლებში ატანს. მას შეუპოვრად უნდა ვებრძოლო!

რამდენი აზრი მიტრიალებს თავში! რა კარგი იქნებოდა  
ახლა, სითბოსა და მყუდროებაში ყოფნა! ხანდახან ოდნავ ვა-  
ხელ ცალ თვალს. ამინდი არ უმჯობესდება. თუ ღრუბლებმა  
დაიწია, გზას ველარ გავიგნებ.

გათოშილი, თითქმის გონმიხდილი სიხარულით ვხვდები  
განთიადის პირველ ნიშანს. უნდა მოვიცადო, სანამ ცოტა კი-  
დევ განათდება. რა მტანჯველია ეს უკანასკნელი წუთები! ბო-  
ლოს ვდგები, ვალაგებ საშტორმო ტანსაცმელს და თუმცა შიშ-  
შილით კუჭი მეწვის, კვლავ გზას განვაგრძობ.


ძალიან მცივა, მაგრამ იმედი მაქვს სიჯარულში გავხურდებო.  
გამოიღარა. გზის შერჩევის საბაბით ხშირად ვჩერდები. ფე-  
ხები მიცახცახებს და აღარ მემორჩილება, მიუხედავად ამისა,  
მაინც ვახერხებ წინსვლას.

მზე უკვე მანანგბოტს ანათებს, მე კი ისევ ჩრდილში ვარ.  
ყოველ გაჩერებაზე, ვიდრე ისევ გზას გავუდგებოდე, შორი-  
დანვე ვირჩევ მოხერხებულ ქვას შემდგომი შესვენებისათვის.  
შესვენებები სულ უფრო ხშირი და ხანგრძლივი ხდება.

ეჭვი მიპყრობს: მივალწევ კი საერთოდ ბანაკამდე?

როგორც კი ბრტყელ ქვას წავაწყდები, ვჯდება და მაშინვე





ვგრძნობ ცოტაოდენ შემსუბუქებას. რამდენიმე წამით შესვენების შემდეგ ჩემთვის უკვე ცხადია აქ ჯდომის უაზრობა: ნუთუ არ შემიძლია კიდევ რამდენიმე მეტრის გავლა? ვირჩევ მეორე ქვას, გაჭირვებით ვშორდები წინანდელს და რამდენიმე ნაბიჯს ვდგამ. ისეთი შეგრძნება მაქვს, თითქოს მივქრი რაც ძალა და ღონე მაქვს, სინამდვილეში კი ნელა მივჩანჩალებ და ვეცემი სწორედ იმ მომენტში, როცა მორიგ მიზანს ვალწევ. თითოეულ მეტრობით ვიღებ სიმაღლეს და ბოლოს, ბანაკამდე, რომელსაც ჯერ ვერ ვხედავ, დაახლოებით ორასი მეტრი რჩება.

ვცდილობ დავიყვირო, მაგრამ ხმის ამოღება არ შემიძლია.

მთვრალივით ვბარბაცებ. უფრო უხიფათო და მოხერხებულაა ოთხზე ფოფხვა. თავბრუ შესსმია, ძილი მერევა.

უკანასკნელ ძალ-ღონეს ვიკრებ, გაჭირვებით ავდივარ თხემზე და ვეცემი. დრო მიდის... ბოლოს, როდესაც თვალებს ვახელ, მეჩვენება, რომ ასმა წელმა განვლო.

გადავხედე თხემს.

ბანაკი! სულ ოც მეტრზეა.

— ჰეი! ჰეი!

ამოდ ვცდილობ ვინმეს ყურადღება მივიპყრო. მზიდავები არხეინად საუბრობენ ბრიალა კოცონის გარშემო. ნეტავ შეეძლოთ ჩემი დანახვა! რა იქნება, ერთმა მაინც მოიხედოს! ვისვრი რამდენიმე ქვას, იქნებ ხმაურზე ამოიხედონ-მეთქი, მაგრამ არ ესმით. დაძახებისათვის კი ძალა არ მყოფნის. თავი ტყვიასავით მაქვს დამძიმებული. ყურები მიბჯუის.

ახლა, როცა უკვე მჭერა, რომ მივალწვევ, უბრალოდ, კბილს კბილზე ვაჭერ და ცხოველივით ოთხზე მივფორთხავ.

უეცრად ფუთარკე მობრუნდა:

— ბარა-საპიბ!

გახევებული მიყურებს, როგორ მოვფორთხავ. თვალისდახამხამებაში ყველანი წამოცვივდნენ და ჩემკენ გამოეშურნენ. გადავრჩი!

მთელი სხეულით აძაგძაგებულს გასაბერ ლეიბზე მაწვევენ, — ცოტა მომასულიერეს. იშაკი ჭერ არ დაბრუნებულა, მაგრამ სადაცაა გამოჩნდება. ვთხოვ, მომიმზადონ საჭმელი. მზიდავების დახმარებით ფუთარკე ბლომად ხსნის კონსერვებს. ცეცხლი მხიარულად გიზგიზებს. მოზარდილი ქვაბები დუღილს იწყებენ და ისეთ მაცთუნებელ სურნელებას ავრცელებენ, რომ იძულებული ვარ გაუნძრევლად ვიწვე ძილბურანში, რომ როგორმე დავიოკო მოთმინება.

მალე პირდაპირ ქვაბიდან ვიწყებ ჭამას.

ფუთარკე სულაც არ მოელოდა ამას, — საჭმელს იგი მთელი ბანაკისათვის ამზადებდა! საათნახევრის განმავლობაში შეუსვენებლად, გატაცებითა და დაუჭერებელი სისწრაფით ვნთქავ იმდენ საჭმელს, რამდენიც არასდროს მიჭამია ჩემს სიცოცხლეში. მე ვემსგავსები გველს, რომელმაც მსუქანი ცხვარი გადაყლაპა! შვებით ვიზმორები ჩემს საძილე ტომარაში.

— დილამშვიდობისა, მორის!

— მატა!

— ჩვენ ეს-ეს არის ჩამოვედით ექვსი ათას ორასი მეტრის სიმაღლე მწვერვალიდან! ვუზიარებთ ერთმანეთს უკანასკნელ ახალ ამბებს. ყველაფერი ეხამება იშაკის დასკვნებს და აღატურებს მას. ამგვარად, ანაპურნის მასივის მთელი ჩრდილოეთი ნაწილი გამოკვლეულია.

— ეკვი არ არის, — ვეუბნები იშაკს, — ანაპურნის გასაღები სამხრეთითაა. მირისტის ხეობით უნდა გადავიდეთ „27 აპრილის“ უღელტეხილზე.

— მაშინ ჩვენ აქ მეტი საქმე აღარა გვაქვს, დაუყოვნებლივ უნდა ჩავიდეთ ტუკუჩაში. — ასკვნის იშაკი.

მეორე დღეს ავშალეთ ბანაკი. მზიდავებს უხარიათ აქედან წასვლა. მთელ ქვეყანას მოწყვეტილებს სამი დღე სრულიად უსაქმოდ ყოფნა მობეზრდით. წაქეზება აღარ სჭირდებათ. რამდენიმე წუთში შეკრეს მთელი ბარგი, გაინაწილეს და სანამ მე და იშაკი ნელი მუსაიფით დავტოვებდით ბანაკს, ანგ-თარკეს მეთაურობით სწრაფად გაუდგნენ გზას. პირდაპირ დიდ ყინულოვან ტბას მიაღწენ და ამჯერად სრულიად არხეინად გადაკვეთეს ყველაზე განიერ ადგილას.

უეცრად იშაკი შეჩერდა და რაღაც ქვებს დაუწყო კირკიტი.

— პოლიგონალური ნიადაგებია, — მაუწყებს იგი, როგორც სენსაციურ ამბავს.

— რა არის ეს?

— შენ მეცნიერი ხარ და არ იცი კრიოპედოლოგია?¹ ეს ხომ უმნიშვნელოვანესი მეცნიერებაა! დახედე ამ ქვებს, ასეთი უამრავი მინახავს გრენლანდიაში. ჰიმალაიში იგი პირველად მხვდება.

— მაგრამ ჩვენს დროში ვინ იცნობს კრიოპედოლოგიას?

— ალბათ სულ ცოტა... ათეულობით ადამიანი!

სინანულით ვეთხოვებით კრიოპედოლოგიას და მთელი ყურადღება გადაგვაქვს თხემზე, რომელსაც დასავლეთ ტილიჩონს უღელტეხილზე მივყავართ.

თოვლი, რომელიც თხემს ფარავდა, ამ სამი დღის მანძილზე გალღვა. უღელტეხილზე ცოტახნით ვჩერდებით, რომ თვალი გადავავლოთ დიდ ყინულოვან ტბას, მის გარემომცველ ვეება ამფითეატრს და განსაკუთრებით შესანიშნავ დიდ ბარჩერს.

ყველაფერს ამას უკანასკნელად ვხედავთ.

დავეშვით ფერდობებზე და მალე დიდებული კედარის ტყის შუაგულში აღმოვიჩნდით.

¹ მეცნიერება, რომელიც შეისწავლის გაყინულ ნიადაგებს.

ძლიერი ქარი ამოვარდა, მაგრამ იგი ზურგში გვიბერავს და მალე თინიგაონში ჩავდივართ.

მეორე დღით მშვენიერი ამინდია, ქარი ჩადგა. ჩვენ ისევ მარტაზე გავლა გვიხდება. სიამონებით ვბრუნდებით ამ პატარა თვალწარმტაც სოფელში, სადაც ესოდენ ცნობისმოყვარე და აღერსიანი მცხოვრებლებია.

მობარუნნი ვართ, რომ ექვსი მომქანცველი დღის შემდეგ ხელახლა მოვხვდით ექსპედიციის ძირითად ბაზაში.

ბანაკს რომ მივუახლოვდით, უღო შემოგვევება.

— სალამი, ექიმო! რა ამბებია?

— ყველანი აქ არიან და მშვენივრად გრძნობენ თავს. თქვენ როგორა ხართ?

— გასტონი ნახე?

— გუშინ დაბრუნდა.

— ძალიან კარგი! დღეს თოთხმეტი მაისია და მოქმედების გეგმა უნდა დავსახოთ. ნასადილევს თათბირი გვექნება.

\* \* \*

რალა მოხდა დჰაულაგირზე ჩვენი იქ არყოფნის დროს? ორშაბათს საღამოს რვა მაისს ნუაელი სასწრაფოდ დაეშვა აღმოსავლეთ ყინვარზე მდებარე ბანაკიდან. საშინლად აღელვებულმა გვიამბო, მე, კუზი და შაცი ერთად ავედით ყინვარზე. შემდეგ ისინი წინ წავიდნენ და ორივენი მეტად ციცაბო თოვლიან კულუარში დავინახეთ.

ეს გზა საინტერესოა: იგი ალბათ ვეებერთელა და ძალიან საშიში სერაკების შემოვლის საშუალებას მოგვცემს აღმოსავლეთ ყინვარის ზემო ნაწილში. მაგრამ ისევე ძნელი და სახიფათოა, როგორც პირველი გზა, რადგან კულუარში ზვაეები იცის ხოლმე.

ზემთ, ნახევარ კილომეტრზე, ცისფერი ყინულის გიგანტური ჩამონახსლეტები მოჩანს.

სწორედ იმ დროს, როდესაც ნუაელი თვალს ადევნებდა მეორე ჩაბმის მოძრაობას, ყინვარის ზემო ნაწილში ვეებერთელა ყინულის ლოდი მოწყდა და საშინელი გრიალით დაეშვა ფერდობზე, კინაღამ დაეჯახა ჩვენს კავშირგაბმულობის ოფიცერს

და შორს, ქვემოთ, აღმოსავლეთ ყინვარის პლატოზე მტვრად იქცა.

— წარმოგიდგენიათ, ამისთანა დროს აპარატი დატენილი არ მქონდა! — სწუხს ნუაელი.

— სხვათა შორის, — ფილოსოფიურად დასძენს იგი, — უნდა გამოვტყდე და იმ წუთში მე მხოლოდ ჩემს ტყავზე ვფიქრობდი.

კუზი და შაცი უფრო შეუპოვრები არიან. მათ ვერ შეაჩერებს მსგავსი წვრილმანი, მიუხედავად ამისა, კულუარიდან კლდეებზე გასვლის ცდები წარმატებით ვერ დაგვირგვინდა. დიდი გაჭირვებით დაძლიეს რაღაც ათეული მეტრი: კლდეები მოლიპული და სახიფათოა. შაცი თავს იმიტოდა ინუგეშებს, რომ თავის პირველ პალოს არკობს ჰიმალაიში 5000 მეტრზე უფრო მაღლა. როცა ყოველგვარი შესაძლებლობა ამოიწურა, მათ ხელი აიღეს ცდაზე და 9 მაისს დაბლა დაეშვნენ.

მეორე დღეს, ახლა უდრო და ტერაი მიდიან ზევით. გზაში უკან დაბრუნებულ შერბებს ხვდებიან, მაგრამ ეს მათ გულს არ უტებს. ბანაკი გამართეს აღმოსავლეთ ყინვარის მარჯვენა ნაპირზე, დიდ კლდოვან კედელთან 5100 მეტრ სიმაღლეზე. დღისით მათ კარავს ქვა დაეცა და გაგლიჯა. არცთუ მთლად უხიფათო ადგილია!

11-ში აღრე, დილის სამ საათზე, მოხსნეს ბანაკი და ამგვარად, მთელი დღე მათ განკარგულებაშია. იკრავენ წრიაპებს და იწყებენ ასვლას. დიდი გაჭირვებით ძლევენ რამდენიმე მეტრს. ძალიან ცივა. ყინული მაგარია. ძალ-ღონის დიდი დაძაბვის ფასად აღწევენ უზარმაზარი ყინულის კედლის ძირამდე. პირველი მზვერავი ჯგუფები აღიოდნენ მასზე, კუზიმ და შაცმა კი მარჯვნიდან შემოუარეს. იმის მაგივრად, რომ დაეძლიათ ეს კედელი, რომლის უმეტეს ნაწილზე კიდევ იყო შერჩენილი საფეხურები, უდრო და ტერაი მიემართებიან ყინვარის მარცხენა ნაპირისაკენ. ჭრიან საფეხურებს ციკაბო ყინულოვან კალთებზე და ნელა მიიწევენ წინ უმაღლეს წერტილამდე, რომელსაც ჯერ კიდევ წინა ჯგუფებმა მიაღწიეს.

მაღე მათ წინ იხსნება გზა, რომელიც არ ჩანს იმ ადგილიდან, სადაც მე, ლიონელი და რეზიუფა გავედით: მათ მოახერ-

ხეს უამრავი სერაკების შემოვლა და ცოტაოდენი სიმაღლის აღება, მიუხედავად დიდი საშიშროებისა, მივიდნენ იმ ადგილამდე, საიდანაც მყინვარი უკვე დაბრეცად მიემართება.

წინ ნაპრალებისა და თოვლის ველების ლაბირინთი გადაჭიმულა, რომელზედაც სავალი არ ჩანს. ცოტა უფრო შორს, მარჯვნივ, ფერდობი ისევ ციცაბო ხდება და მათ წინ აღმართული, მკაფიოდ მოხაზული და მიუდგომელი დჰაულაგირია ჩრდილოეთ თხემში იკარგება.

უღო და ტერაი სწორ გადაწყვეტილებას იღებენ, ამ ასვლის სიძნელე და საშიშროება მეტისმეტად დიდია. რა აზრი აქვს ამ წამოწყების გაგრძელებას, ცოტა გვიან ხომ მაინც უარი უნდა ვთქვათ? დჰაულაგირისაკენ ამ ყინვარით გზა არ მიდის და თუ სხვა გეზი არ არსებობს, მაშინ ამ მწვერვალს თავის დღეში ვერავენ დაიპყრობს.

უღოსა და ტერაის კარგად ჰქონდათ შეგნებული, თუ რა მწარე იმედგაცრუება იქნებოდა მათი დასკვნა ყველა ჩვენგანისათვის, მაგრამ გუნდის რეალური შესაძლებლობის შეფასების შემდეგ უკანდახევა ამჯობინეს.

დაღლილები იმავე სადამოს დაბრუნდნენ საბაზო ბანაკში. აღმოსავლეთ ყინვარის ძირას, ხოლო მეორე დღეს ტუქუჩაში იყვნენ.

ექსპედიციის მთელი ძალების თავმოყრა დჰაულაგირის იერიშისათვის მოულოდნელობებითა და ხიფათით სავსე უდიდესი რისკი იქნებოდა; ეს ნაბიჯი შეგვიძლია გადავდგათ, თუ ყველაფერს, ავსა და კარგს, გულდასმით ავწონ-დავწონით. საკითხი ფხიზლად და მიუდგომლად უნდა განვიხილოთ.

14 მაისს მთელი ექსპედიცია ტუქუჩის ბანაკის დიდ კარავში შეიკრიბა. წინ დიდი სამხედრო ბჭობა მოგველის.

---

## სამხედრო საბჭო

კნგ-თარკე ბლომად გვისხამს ყავას. სიცხე გვაქერს. მზე აუტანლად კაშკაშებს. მაგრამ 'საერთო კარავში, სადაც ჩვენ შევიკრიბეთ, სასიამოვნო მომწვანო სინათლე აღწევს.

ყველას სახეზე დაძაბულობაა აღბეჭდილი. რაც არ უნდა იოხუნჯოს ლაშენალმა, მაინც ვგრძნობ, რომ სიცილი და მხიარულება ნიღბავს სრულიად გასაგებ მღელვარებასა და მოუთმენლობას: ერთი საათის შემდეგ გადაწყვეტილებას მივიღებთ.

შერპები ლელავენ. ისინი რაღაც უჩვეულოს გრძნობენ: ყველა საჭიბი შეიკრიბა.

— სერიოზულად უნდა მოვილაპარაკოთ, — ვიწყებ მე.

უეცრად სიწყნარე მკვიდრდება. ჭიქურ მივდივარ:

— დღეს 14 მაისია, ჩვენ კი 22 აპრილიდან ვერავითარ წარმატებას ვერ მივალწიეთ. ვერავითარი გზა ვერ ვიპოვეთ. ისიც კი არ ვიცით, რა მიმართულებით წავიდეთ. არავითარი რწმენა ექსპედიციას არ გააჩნია. ისლა დაგვრჩენია, შემთხვევის იმედა ვიქონიოთ. დრო კი აღარ ითმენს. უნდა მივიღოთ საბოლოო გადაწყვეტილება.

ხმას არავინ იღებს.

— რა თქმა უნდა, მთები აქ ძნელი დასაძლევია! ასვლის შესაძლებლობანი ძლიერ შეზღუდულია. მეტისმეტი შეუპოვრობა იქნებოდა, რომ დპაულაგირზე ასასვლელად გზა დამბუშკოლაზე და „უცნობ ხეობაზე“ დაგვესახა. გზა, რომელიც 5000

მეტრის სიმაღლას ორ უღელტეხილზე და გრანდიოზულ, თითქმის ვაუვალ ყინულვარდნილზე გადის. და ყველაფერი ეს მხოლოდ იმისათვის, რომ მწვერვალის ძირამდე მიგვეღწია.

აღმოსავლეთ ყინვარით გზის გაკვლევა კიდევ უფრო საეკვოა. მე არ შემიძლია ავილო პანუხისმგებლობა, ასეთი სახიფათო მარშრუტით, მთელი ექსპედიციის გადასვლაზე. იმდენსაშიშროება მოგველის ზევით, რომ გზის დასაწყისშივე რისკის გაწევის უფლება არა გვაქვს.

გვრჩება კიდევ ერთი გადაწყვეტილება: ესაა ტუკუჩას პიკი. ის ჭერ კიდევ არა გვაქვს გამოკვლეული. ნუთუ იმისათვის, რომ რვაათასიანი დავიპყროთ, წინასწარ შევიღიათასიანზე უნდა ავიდეთ? ეს სასოწარკვეთილების გზაა, თუ ყველაზე სახიფათო არა, ყველაზე გრძელი მანძი.

ჩემი ფეხი არ დაიდგმება ამ მწვერვალზე, — აცხადებს ტერაი, რომელიც ჭერ კიდევ აღმოსავლეთ ყინვარის უმდგრადი სერაკებისა და არცთუ ისე საიმედო თოვლის ხიდების შთაბეჭდილების ქვეშ იმყოფება.

— დჰაულავირს თავის დღეში ვერავინ დაიპყრობს, — დასძენს ლიონელი. მე პირადად უარს ვამბობ!

— ძველო, — ურთავს შაცი, აქ საიმედოს ვერაფერს ვხედავ, გამოსავალი არ არის: სამხრეთ-აღმოსავლეთი თხემის შესახებ ლაპარაკიც ზედმეტია, რაც შეეხება ჩრდილოეთ თხემს...

— ჩრდილოეთ თხემს თავის დღეში ვერავინ გაივლის! — წამოიძახა ტერაიმ, — ის მთლიანად ყინულოვანია და ისეთი ციკაბო, რომ ყინულში ხელსაკიდების კრა მოგვიხდებოდა.

კუზი, უდო და შაცი „27 აპრილის“ უღელტეხილის დაზვერვიდან დჰაულავირის ჩრდილოეთი თხემის შუა ნაწილის კროკებით დაბრუნდნენ. ამ გზას თითქოს არა უშავს. ციკაბო ნაწილი, ვფიქრობ, 400-500 მეტრს არ აღემატება შვეულად. მარცხენა კალთებზე მოჩანს ნაპრალები, სადაც შესაძლოა, ბანაკების გამართვა მოხერხდეს და, ბოლოს, ვინ გვიშლის, რომ თოკას მოაჭიროები დავკვირვებ?

ჩემი სიტყვა, მიუხედავად იმისა, რომ ტექნიკურად დასაბუთებულია, ვერავის ვერ არწმუნებს.

ხანგრძლივ დუმილს რებიუთა არღვევს:



— ყოველ შემთხვევაში, ჯერ უნდა მიაღწიო იმ თხემამდე, ასე რომ!..

რა თქმა უნდა, ყველაფერი ეს არც ისე სასიხარულოა, მაგრამ თავს ისე ვიჭერ, თითქოს ვეთანხმები ამ აშკარად უიმედო წინადადებებს. ვგრძნობ ერთსულოვან და მღუმარე წინააღმდეგობას. არ მინდა, რომ მას შემდეგ, რაც დჰაულაგირს დავტოვებთ, სინანული ვიგრძნოთ, რომ არ გავაკეთეთ ყველაფერი, რაც საკითხს საბოლოოდ ნათელს მოჰყენდა. სანამ ამ გვერდს დავხურავდე, მინდა, დჰაულაგირის პრობლემა ნამდვილად და საბოლოოდ გადაწყდეს.

ისევ პაუზა. ყველა ფიქრობს და ვერ გადაუწყვეტია ლაპარაკის დაწყება. კუზი წინ იხრება, თვალს არ მაშორებს და ბორძიკ-ბორძიკით, თითქოს სიტყვებს ეძებსო, მეუბნება:

— შორის, ისევ ანაპურნაზე... იქ არის მაინც რაღაც შესაძლებლობანი.

დაძაბულობა შენელდა.

ახლა უკვე ენა ამოიდგეს. ყველა კმაყოფილია კუზის გაბედული ინიციატივით. დიახ, რასაკერაველია, ახლა ანაპურნაზე უნდა ვიფიქროთ.

— აი, რა ვიცი ანაპურნის შესახებ, — ვამბობ მე, — ერთადერთი საიერიშო გზა ჩრდილოეთი მხარეა.

მაგრამ იქამდე ჯერ ხომ უნდა მიაღწიო. მირისტო-კჰოლას ხეობის ზედა ცირკებთან მისასვლელი გზა ნაპოვნია. ჩვენ მიერ მიღწეული უკიდურესი წერტილიდან სამი მარშრუტის დასახვა შეიძლებოდა: უწინარეს ყოვლისა, ჩრდილო-დასავლეთი წიბო; ძირითადად, სწორედ მასზე უნდა ჩავვეტარებინა იერიშის პირველი ცდა. მეორეც, ანაპურნის დასავლეთი ყინვარი, რომლიდანაც თითქოს შესაძლებელია კულუარით ასვლა წიბოსა და მწვერვალის თხემის შეერთების წერტილთან. და ბოლოს, არის კიდევ ყინვარი, რომელიც ჯერ არავის უნახავს. შეიძლება ვივარაუდოთ, რომ ის ანაპურნიდან ჩრდილოეთით ჩაედინება.

— გესმის. — მეუბნება უჯო, — წიბო ყველაზე მოკლე გზაა. ორ დღეში შეიძლება ალბათ მწვერვალის თხემამდე 6000-6500 მეტრის სიმაღლეზე ასვლა. მართალია, ამ წიბოს ბოლოსა

და მწვერვალ ანაპურნას შორის არის კიდეც უჩინარი მონაკვეთი, მაგრამ თუ გზად ჩანაქცევს წავაწყდით, მაშინ მის შემოვლას შევძლებთ დასავლეთის ყინვარით, წიბოდან მარჯვნივ.

— უეჭველად, — დასძენს კუზი, — მე პირადად ამ გზის მომხრე ვარ. აქ ჩვენ განსაკუთრებულ სიძნელეთა გარეშე მნიშვნელოვანი სიმაღლე უნდა ავიღოთ.

შაცი ასკვნის:

დაბოლოს, ბუნდოვანია მხოლოდ მარშრუტის შუა ნაწილი. ანაპურნის ზედა კალთები არცთუ ისე ძნელი სავალი ჩანს. შეიმჩნევა დამრეცი მონაკვეთები, სადაც თავისუფლად შეიძლება ბანაკების გამართვა. ეს გზა უნდა ავირჩიოთ. სამი დღე და მწვერვალი ჩვენი იქნება!

შაცის აზრი სრულიად ემთხვევა ჩემსას. ამაზე მეტი თანამიმდევრულობა არ შეიძლება.

— შენ რა აზრისა ხარ, მარსელ?

— აბა რა გითხრა მორის, შენც იცი, მე აქ ჩამოვედი, როგორც კინოოპერატორი და არა როგორც ალპინისტი.

— როდესაც დაზვერვაში მონაწილეობდი, ხომ ალპინისტი იყავი! არა, უდო?

— მე მაინც მგონია, რომ დპაულაგირი მეტისმეტად სახიფათოა. ანაპურნას ვუტყერ მხარს.

ნუაელიც აშკარად ამ აზრს უერთდება.

— შენ როგორ ფიქრობ, გასტონ, მიგაჩნია მიზანშეწონილად ახლა ტუკუჩას პიკზე ასვლა?

— მე უკვე გითხარი, მორის, ჩემი აზრით, საჭირო იყო ამ პიკზე ასვლით დაგვეწყო: ის იდეალური პუნქტი უნდა იყოს დაკვირვებისათვის. მაგრამ ახლა ამაზე ლაპარაკი უკვე გვიანაა.

მე მაწევს უდიდესი პასუხისმგებლობა. რა გადაწყვეტილებაც არ უნდა მივიღოთ, ექსპედიციის ყველა მონაწილე, როგორც ერთი, ბრძოლაში ჩაებმება.

ყველამ გამოთქვა თავისი აზრი. გადაწყვეტილება მე უნდა მივიღო.

— ვიდრე მთელი კოლექტივით ანაპურნის იერიშს შევუდგებოდეთ, ასვლის მარშრუტის დასაზუსტებლად ღრმა დაზვერ-

ვას ჩავატარებთ. საგამოცვლევო ჯგუფი წაიღებს ათი დღის საგზალს. ძისი მარაგი, მართალია, შეზღუდული როდენობით, შეივსება ხოლმე შემდგომი გადაწყვეტილების მიღებამდე.

როგორც კი მოწინავე რაზმი შესაფერ გზას იპოვის, ღანვერვა ჩემი ბრძანებით საბოლოო იერიშზე გადავა. ღღუგე ვიღებთ ზომებს, რომ ასეთი გადასვლა ღროის ღაუქარგავად განვახორციელოთ.

— მაშ ასე, რაკი გადაწყვეტილია, დაუყოვნებლივ გავღვართ! — ამბობს შაცი.

ყველანი დგებიან და გასასვლელისაკენ მიდიან.

— დაიცადეთ!

ისევ სიჩუმე ჩამოვარდა.

— გადაწყვეტილების მიღება ჯერ კიდევ არაა ყველაფერი! თითოეულმა უნდა იცოდეს, რა აკეთოს. სამმა ჩვენგანმა იცის გზა „27 აპრილის“ უღელტეხილამდე. იანნი გაჰყვებიან ჩვენი ჯგუფებს ოთხდღიან მისასვლელზე.

მე, მარსელი და გასტონი ეს-ესაა მანანბოტიდან დავბრუნდით და ძალზე დაღლილები ვართ. გარდა ამისა, მე უნდა დავათვალიერო ბანაკი, დავეწერო წერილები და შევაჯამო ჩვენი ხარჯები, რომ ვიცოდეთ, ზომ არ დაგვჭირდება დამატებითი ფულადი დახმარება უკან დაბრუნებისას.

ლაშენალი და ტერაი, აჯიბას, ანგავასა და დავატონდუპის თანხლებით დღესვე გავლენ. მათ წაიყვანს შაცი.

ერთი დღის შემდეგ გავა მეორე რაზმი, მე და გასტონის ჩათვლით. მეგზური იქნება კუზი. ნუაელი უზრუნველყოფს ორივე ჯგუფის შეუფერხებლად მომარაგებას.

იშაკი და უდო შემოგვიერთდებიან მხოლოდ ჩემი ინსტრუქციის მიღების შემდეგ. რადგან ეს მოხდება არა უადრეს ექვსი დღისა, მათ თამამად შეუძლიათ ამ ხნის განმავლობაში მუქთინათი მოიარონ.

— ანგ-თარკემ რალა გააკეთოს?

— შეგიძლია თან წაიყვანო. რაც შეეხება ფრანსის დე ნუაელს, ის ე. ბ. რანასთან ერთად შედის ჩამკეტ ჯგუფში, რომელიც გზას გაუდგება მხოლოდ ჩემი განკარგულებით.

ნუაელს ვეუბნები:

— უნდა მომზადდეს დაზვერვის, იერიშისა და უკან დაბრუნებისათვის აუცილებელი ტვირთი და დროულად იქნეს უზრუნველყოფილი მზიდავების შეკრება.

— ბარგს რა ვუყოთ? — მეკითხებიან ლაშენალი და ტერაი.

— გაყავით ყველაფერი ოთხ ნაწილად. პირველს თვითონვე წაიღებთ. ეს ტვირთი ძალიან მსუბუქი უნდა იყოს, რომ არ დაიღალათ. მეორე კომპლექტში შევა ალპინისტური საჭურველი, თბილი ტანსაცმელი, ტუალეტის მოწყობილობა და სხვა... მას წაიღებენ მზიდავები. მესამე კომპლექტში იქნება საერთო იერიშისათვის აუცილებელი ბარგი, ესე იგი, სათადარიგო ტანსაცმელი, სვიტრები, თბილამურები და სხვა ასეთი. ბოლოს, მეოთხე პარტია მხოლოდ იმ ნივთებისაგან შედგება, რომლებიც აუცილებელია უკან დაბრუნებისას. ეს ბარგი იქნება ყუთებში, ზედ თქვენი გვარები ეწერება და დარჩება ტუყუჩაში.

თითოეულმა იცის, რა მოელის და რის გაკეთება მართებს. ვუხმობ ანგ-თარკეს და ვუხსნი მოქმედების გეგმას.

ბანაკში გამოცოცხლებია. პირველი ჯგუფი გავა დაუყოვნებლივ, როგორც კი მზად იქნება. ტვირთი დიდი არაა, მაგრამ უამრავი სხვადასხვა ნივთისაგან შედგება. ეს იწვევს გაძლიერებულ ზრუნვა-ფუსფუსს, ბევრ ლაპარაკსა და კამათს, კარგიდან კარავში სიარულს...

— უღო, შეადგინე აფთაჟი პირველი ჯგუფისათვის, — სთხოვს შაცი.

ექიმი არჩევს ყველაფერს, რაც აუცილებელია ჯუნგლებში და მაღალმთიანეთში ხანგრძლივი ყოფნისათვის, არა მარტო კარგ ამინდში, არამედ ავდარშიც. მხამსაწინააღმდეგო შრატი. ასპირინი, გლუტჩერის მალამო, მაქსიტონი, ვიტამინი B<sub>2</sub>, სოდა და სხვა.

ტერაი გულისყურით ქექავს ბარგს. იგი საღებავით აწერს თავის გვარს ყუთზე, რომელიც ბანაკში რჩება, ხოლო შემდეგ სურსათ-სანოვაგეზე იწყებს ზრუნვას.

ლაშენალი, საჭურვლის სპეციალისტი, არჩევს პალოებს, ზომავს თოკებს...

მარჯელ იმაკი დარბის კინოაპარატით ხელში ერთიდან მეორისაკენ და ცდილობს არაფერი გამორჩეს გადაუღებელი.



მოგებარება სულ რომ არ მოელი, გადაგიღებს სრულიად არახელსაყრელ მღვდომარეობაში და აცხადებს: „მზადაა!“

ნუაელი შეწუხებულია: მოლაპარაკება სუბასთან და ე. ბ. რანასთან მძიმედ მიმდინარეობს; იგი ამაოდ ცდილობს აუხსნას მათ, რომ ცხენები საჭიროა დაუყოვნებლივ.

ბოლოს ნუაელი აღწევს თავისას, მაგრამ მე მაინცდამაინც არა მაქვს დიდი იმედი ამ საცოდავი ოთხფეხა ცხოველებისა, ერთი ცხენი დაკოვლებულა, მეორე, როგორც ეტყობა, თავის უკანასკნელ დღეებს ითვლის და მწუხარედ იქნევს თავს... მიადწევენ კი ისინი სოფლის ბოლომდე?

ზურგჩანთები შეკრულია, ცხენები შეკაზმული (მერე როგორი უნაგირებით!). ჩვენი ცხენები არ სცემენ ტორებს მოუთმენლობით, მაგრამ ამას არც თუ დიდი მნიშვნელობა აქვს. მთავარია, რომ ისინი ჩვენს ხელთ არიან. თითოეული გულში სინჯავს თავისი ნივთების სიას, იმ იმედით, რომ არაფერი დავიწყებია. შერბები თავისი კოლეგების დახმარებით იკიდებენ ზურგზე ტვირთს. ბანაკში დამრჩენები წარმატებას უსურვებენ ამხანაგებს.

ჯგუფი მიდის.

ყურისწამლები ხმაურის შემდეგ ერთბაშად უჩვეულო სიმშვიდე მკვიდრდება: ისეთი გრძნობა გვაქვს, თითქოს ერთბაშად დაცარიელდა გარემო.

დახუთული ჰაერია, ელვა-ქუხილის მოახლოება იგრძნობა. მინდა ადგილობრივი პავოდა მოვინახულო. ვიხშობ ანგ-თარკეს და ვუმქლავნებ ჩემს სურვილს.

— Yes. ბარა-საჰიბ! Yes, ბარა-საჰიბ!

სირღარი ყველაფერზე თანახმაა და დაუყოვნებლივ მიჰქრის პავოდის მიმართულებით.

— ის მეგობრულ ურთიერთობაშია „მნათე ქალთან“, — გადაკვრით ამბობს იშაკი.

ამ მაღალი ნაცნობობის წყალობით, ჩვენთვის გაიხსნება ტაძრის საიდუმლოება. შესაძლოა, ღვთისმსახურებაზე დასწრებაც კი მოვახერხოთ.

რამდენიმე წუთის შემდეგ ანგ-თარკე მორბის.

— All is ready<sup>1</sup>, — გვაცნობს იგი.

მართლაც, პავოდასთან მისვლისას, ვხედავთ, ეკლესიის დარაჯი ქალი მხიარულად ესაუბრება თავის ჯალაბს. როგორც ირკვევა, ისინი ტაძრის სასამსახურო სადგომებში ცხოვრობენ. ღვთისმსახურება ალბათ მალე დაიწყება. რამდენიმე წუთი უნდა მოვიცადოთ. მართლაც, ბუდისტების ნაწილი უკვე შეიკრიბა.

ანგ-თარკე გვიწვევს შესასვლელად.

ცარიელი, ჩაბნელებული დერეფნის გავლის შემდეგ დიდ დარბაზში შევდივართ. ირგვლივ სრული სიბნელეა. მხოლოდ ბუტბუტით, რომელიც ჩვენამდე აღწევს, ვხვდები, რომ მორწმუნენი აქ არიან.

უეცრად ზანზალაკების ხმა მოისმის, შემდეგ გონგის ცემა. ანგ-თარკეს იმედით ამიერიდან ველარ ვიქნებით, ვგრძნობ, რომ იგი პირქვეა გართხმული, თვალები თანდათან ეჩვევა სიბნელეს. კედელზე ვაყოლებ ხელს, მარჯვნივ მივიწიე და მივდივარ უზარმაზარ სამლოცველო წისქვილთან, იქვე დგას ქალი, რომელიც მზადაა გონგს შემოჰკრას. ფსალმუნის ერთფეროვანი საგალობელი, ნაბიჯების, ზანზალაკებისა და შემდეგ საყვირების ხმა ბოლოს ხმამაღალი, გაძლიერებული გონგის ცემა დაფლანგების თანხლებით და ცერემონია დამთავრებულია. ლამა, რომელიც ჯერ არ მინახავს, მაგრამ ვგრძნობ, რომ აქ არის, თავის თანაშემწეებს ესაუბრება. ჩემამდე აღწევს საკმევლის სუნნი. საკურთხეველზე მოჩანს ბუდას ბრინჯაოს ქანდაკება, რომელსაც სუსტად ანათებენ ზეთის პატრუქები. მარცხნივ, სი-

<sup>1</sup>. ყველაფერი მზადაა.

ღრმეში, მეორე საკურთხეველი შემკულია სურინჯით შეფერადებული ღვთაებებით. მის ძირში აწყვია ლითონის ლანგრები, ისინი საცეცხლურების მაგიერობას სწევენ.

გარემო უცნაურია და საიდუმლოებით მოცული. თუმცა, არ შეიძლება ითქვას, რომ მორწმუნენი სასოებით აღვსილნი არიან. ღვთისმსახურებას თან ახლავს ხმამაღალი ყაყანი, რაც ხელს უშლის ადამიანს ყურადღების მოკრებას. მოკლედ რომ ვთქვათ, დიდი ღვთისმოსაობა არ იგრძნობა.

ტაძრიდან გამოსვლის შემდეგ ექსპედიცია, ანგ-თარკეს რჩევით, გულუხვობას იჩენს „მნათე ქალის“ მიმართ.

ბანაკში დაბრუნებისას, სადილის მოლოდინში, ვაწესრიგებ ბულალტერიას და წერილს ვწერ პარიზში:

„ტუკუჩა, 1950 წელი 15 მაისი.

ძვირფასო დევი!

სულ ახლახანს დაებრუნდით ანაპურნის ჩრდილოეთით ხანგრძლივი და მომქანცველი დაზვერვოდან. მინდა დაუყოვნებლივ გაცნობოთ ახალი ამბები, რომლებსაც, უეჭველია, მოუთმენლად ელით.

უწინარეს ყოვლისა, შეგიძლიათ აცნობოთ ჩვენს ოჯახებს, რომ ექსპედიციის ყველა მონაწილე თავს მშვენივრად გრძნობს, ყველა მათგანი ჩინებულ სპორტულ ფორმაშია. რასაც ადასტურებს უკუ უდოს გამოკვლევები.

გუნდის სულიერი განწყობილება შესანიშნავია.

დღეს შემიძლია გაცნობოთ, რომ გამოკვლევათა პერიოდი პრაქტიკულად დამთავრდა.

ალპინისტური ნაწილი:

ჩემი დაბრუნების შემდეგ გულმოდგინედ განვიხილეთ დაზვერვის შედეგები: დაჟულაგირზე მიმავალი გზები, არათუ განსაკუთრებით ძნელი, ზოგიერთ უბანზე, მეტისმეტად საშიშიც არის. სამაგიეროდ, ანაპურნაზე არის გარკვეული შესაძლებლობანი...

ამგვარად, მივიღე გადაწყვეტილება, რომ ექსპედიციის მთელი ძალები ამ ობიექტზე მიემართო და დაუყოვნებლივ გავგზავნო ძლიერი დაზვერვა, რომელიც შეძლებს, დროის დაუკარგავად, იერიშზე გადასვლას.

სიძარტლე რომ ვთქვათ, თუ დჰაულაგირი შემზარავ პირამიდად გამოიყურება, ანაპურნა გადმოსცქერის მძლავრ მასივს, რომელიც შეიცავს 7000 მეტრზე უმაღლეს ორმოცდა ათამდე მწვერვალს, მაღალ თხემებს და, ალბათ, თითქმის მიუვალ, ზედა ცირკს. ამ ცირკის ერთადერთი სუსტი ადგილია — დადაბლება, საიდანაც ვაპირებთ იერიშის დაწყებას.

მეგობრული საღმით, მორისერციოგი“.

რატომ მეჩვენება, რომ ჰაერში უჩინარი ნალველი ჩამოწვა? იმიტომ ხომ არა. რომ ამხანაგების ნაწილი უკვე წავიდა სალამქროდ? ან იქნებ იმიტომ, რომ აქამდე კიდევ ყველაფერი არ არის ნათელი? ან ბოლოს, უბრალოდ, დავიდაღეთ? არ ვიცი...

გვიან ღამით, როცა გასტონი უკვე ტკბილად ხვრინავს თავის საძილე ტომარაში, ვაწარმოებ გაანგარიშებას, ვამოწმებ ჩვენს ბიუჯეტს, ვაღგენ სხვადასხვა ჰიპოთეზას. თვალები მელულდება.

ძილ-ბურანში ანგ-თარკეს ლოცვები და მისი ამხანაგების ზმადბალი შესიტყვებანი მესმის. თანდათან სასიამოვნო მოთენთილობა მეუფლება, ყველა კუნთი მოდუნებულია და ტყვიასავით დამძიმებული. განძრევა მეზარება, თუმცა არც აოის აუცილებელი. თითქოს მოვწყდი სამყაროს, მაგრამ აი, კარავში შემოდის შერპი და მხიარულად მიღიმის:

Good morning, Bara Sahib — მეუბნება იგი და მაწვდის ერთ ტოლჩა საუცხოო რძიან ყავას და ერთ თეფშ ქუმელს.

ზმორებით შევექცევით დილის საუზმეს: რძიან ყავას, ქუმელს, ბეკონიან ტაფამწვარს, კარაქიან პურს და მურაბას, ძეხვსა და შოკოლადს.

კარვებიდან მოისმის:

— მარსელ! მშვენიერი ამინდია. ნუ ზოზინობ, ფოტო-მოღვაწევ!

პასუხად მხოლოდ გაურკვეველი ბუზლუნი ისმის.

— უდო, ტესტები!

ისმის ზმა:

— გაინჯვამდე ჭამა აკრძალულია!

— კჰანა! კჰანა, კჰანა! — ზმის ჩახლეჩამდე ყვირის ნუაელი.



ბანაკი თანდათანობით იღვიძებს. ყველანი დგებიან. სამუშაო დღე იწყება.

საქმეს უნდა შევუდგეთ. პირადად მე, პირველ რიგში, რვა დღის მოუპარსავი წვერი უნდა მოვიშორო, რაც ჩემს ნერვებზე მოქმედებს. მერე მე და იმაკი ვაპირებთ წასვლას წყაროზე, რომელიც ჩვენგან ორასიოდე მეტრზე მოწანწკარებს ეულად მდგარი ხის ძირში. სპარტანულ სამოსში, ტიროლურ შარვლებსა და ტენისფერებში გამოწყობილები, ტუალეტის მოწყობილობითა და ფოტოაპარატით ხელში, ადგილობრივი „წყლებისაკენ“ მივემართებით.

წყაროსთან ორი ლამაზი, მოხდენილი ქალიშვილი თეთრეულს ავლებს წყალში. აცვიათ სუფთა ბამბის ქსოვილის სარა და თმაც კობტად აქვთ დავარცხნილი, ვტკბებით მათი მოქნილი და ნარნარი ტანადობის ცქერით.

— რა მომზიბლავები არიან, — ვეუბნები იშაკს.

— მოიცა, — ჩურჩულებს იგი, — ახლავე გადავიღებ.

მაგრამ, უკაცრავად, ერთი წივილ-კივილი ატყდა.

მხოლოდ მას შემდეგ, რაც „ულმერთო“ კამერა მოაშორეს, ქალიშვილები გარკვევებული ენერგიით იწყებენ ქვებზე დაფენილი თეთრეულის ბეგვას. ასეთია რეცხვის კლასიკური მეთოდი, რომელიც მიღებულია ამ მხარეში. საეჭვოა, რომ თეთრეულმა დაღხანს გაუძლოს ასეთ დამუშავებას. დაუთოვება კ აქ არც გაუგონიათ.

იქვე, წყაროსთან, ბავშვები თამაშობენ. უჭიკაეებენ, წყალს ასხამენ ერთმანეთს. უმრავლესობა გოგონებია. მიუხედავად მცირე ასაკისა, ისინი უკვე სამკაულებს ატარებენ ყურებზე, ნესტოებზე, შუბლზე, ყელზე, მაჯაზე.

ერთი მომჯადოებელი გოგონა სულ გვიღიმის. ჩვენ მალე ვუმეგობრდებით მას. გადამღებად იცინის, როცა ხედავს, როგორადაც უცნაური, ფერადი საგოზავით ვიწმენდ კბილებს და შემდეგ, აშკარად საეჭვო მახვილი „იარალით“ წვერს ვიპარსავ.

მაგრამ მე ვიცი, რით შეიძლება მისი დაინტერესება. ესაა ოდეკოლონი! ვაწვდი სასუნებლად შუშას, ხოლო შემდეგ თმაზე ვასხურებ. გოგონა აღტაცებულია. როგორც ჩანს, სუნამო ამ მხარეში დიდი პოპულარობით სარგებლობს. მორცხვობა

ერთბაშად ქრება. ეს რვა წლის კოპწია გოგონა გრძნობს თავის მიმზიდველობას.

რა იშვიათია ალბათ სიხარულის წუთები სიღარიბეში მყოფი ამ ბავშვისათვის, რომელიც, საბედნიეროდ, სილატაკეს ვერ გრძნობს.

უეცრად ღიმილი ქრება, მე უკან ვიხედები: იშაკმა იგი გადაიღო! როგორ შეშინდა! კიდეც დიდხანს იცინის გოგონა, ვიდრე მე ნაწინავეებს ვუვარცხნი. მაგრამ როგორი გულის ამაჩუყებელი და მიმზიდველიც არ უნდა იყოს ეს სცენა, ჩვენ უნდა წავიდეთ...

თან მიგვაქვს ჩვენი ავლადიდება და ვტოვებთ წყაროს.

ჩემი პატარა ბუდისტი გოგონა გვმორდება. საწყალი კულრაქა! ის ძალიან კოკლობს — დამოკლებული ფეხი უმახინჯებს სიარულს. დაღონებული თვალს ვაყოლებ მას.

ბანაკში გაცხარებული საქმიანობაა — ნასადილევს მეორე ჯგუფი მიემგზავრება. სამზარეულოები ბოლავს, კარებთან შერპები დაფუსფუსებენ.

თანდათანობით იყრიან თავს მზიდავები. მათ ნაბრძანებ: ჰქონდათ, ნასადილევს მოსულიყვნენ, ისინი კი დილიდანვე მოდიან. არა უშავს, დაიცდიან, თვალს გვადევნებენ...

პანზის, სარკესა და აილას ზურჯჩანთებში ჩაურგავთ ცხვირები. იძულებული ვარ, თვალყური ვადევნო მათ, რადგან, გადაქარბებული წინდახედულობისა თუ უნდობლობის გამო, მზად არიან თან წაიღონ ყველა თავისი პირადი ნივთი. სრულიად ზედმეტად მიმაჩნია სამსამი წყვილი ქვედა საცვლის წამოღება, სამაგიეროდ, უყოყმანოდ ვტვირთავ მათ სათადარიგო თოკებით.

საერთო კარვიდან ინდური მუსიკის ხმა მოდის: ფრანსის დე ნუაელი რადიოთი უკანასკნელ ცნობებს იჭერს.

გარე სამყაროსთან კავშირი აღდგენილია და ჩვენი აზრები ერთი წამით შორს მიჰქრებიან. იციან თუ არა ჩვენი ამბავი საფრანგეთში? აქ არავითარ ცნობებს არ ვღებულობთ, არც ერთ სიტყვას. მიუხედავად ყველა გამოძიებისა, ნეპალის ხელისუფლებთან ჩივილისა, საგანგებო შიკრიკების გაგზავნისა, ეს საიდუმლოებით მოცული ამბავი დღემდე გაურკვეველია.

სუფრა გაიშალა. პირდაპირ დავაცხრით საჭმელს. უკანასკნელად შევექცევით საკაზმს, ვინეგრეტს, ყველაფერ იმას, რასაც მოკლებულნი ვიქნებით მალალმთიანეთში.

უდო ადასტურებს, რომ ჩემი ამხანაგების ჯანმრთელობა ჩინებულია. სამ კვირაზე მეტი დაგვჭირდა, რომ თითოეული ჩვენგანი შეგუებოდა ადგილობრივი ჰავის პირობებს და სპორტულ ფორმაში შესულიყო. ლაშენალმა თავი დააღწია ძირმაგარებს. ფეხებზე გადაყვლეფილი ადგილებიც მოუშუშდა.

ახლა მეორე რაზმის გასვლაზე უნდა ვიფიქროთ. გუშინდელი სცენები მეორდება. ბანაკის ატმოსფერო დაძაბულია...

ამჯერად რებიუფა განაგებს პროდუქტებს, კუზი — საჭურველს. მოჰყავთ ცხენები. საბედნიეროდ, მზიდავეები ადგილზე არიან.

ყველაფერი მზადაა, გამგზავრება შეიძლება. შუადღე გადასულია, მაგრამ სიცხე არ იკლებს. ეტყობა, კექია-ქუხილი ახლოვდება. უკანასკნელად ვეთხოვებით, მხურვალედ ვართმევთ ხელს იშაკს, ნუაელსა და უდოს და მივემართებით.

ჩენი რიგი დგება...

---

ქუჩარებელი თოხარიკით მივეყვებით ტუეუჩის მთავარ ქუჩას. ქუჩის ორივე მხარეს ცნობისმოყვარე ხალხია გამოფენილი. აქ არიან ბავშვები, ქურჭლის მრეცხავი ქალები და ბერიკაცები, თავიანთი კარიბჭეებიდან გვითვალთვალებენ, ეტყობა, საჭიბებთან რაღაც ამბავიაო...

დამბუშ-ქპოლაზე გადასვლა, საკმაოდ რთული ოპერაციაა. ცხენებზე ჯდომისას ფეხების მალლა აწევა გვიხდება, რომ სამთო ფეხსაცმელები არ დავისველოთ. ეს ძნელი არ იქნებოდა, მაგრამ აუცილებელია, რაც შეიძლება, ახლო ვიყოთ ცხენის თავთან, რათა გეზი მივცეთ მას მდინარის ბობოქარ მორევში, ამასთან, უნაგირებს ამ მხარეში ისე ადგამენ ცხენებს, რომ სულ ადვილად ტრიალებენ ცხენის ფაშვის ირგვლივ. გარდა ამისა, გაცვეთილი მოსართავი შეიძლება სწორედ შეუფერებელ მომენტში გაწყდეს.

გოძელკანქა რებიუფა, „გმირულად“ გადაღის მდინარეზე ცხენდაცხენ, კოჭებამდე წყალში ფეხებჩაყოფილი.

— ჯობია ფეხები დამისველდეს, — გვეუბნება იგი, ვიდრე მთლიანად ვიბანაო!

ტუეუჩის ვრცელ ვაკეზე ტემპს ვუმატებთ. რებიუფას უნაგირზე მოსართავი უწყდება და სრულიად ჰკარგავს წონასწორობას. გვერდიდან ის შემართული ჩანმახივით გამოიყურება, მაგრამ ამ პოზის კომიკურობა მასზე იოტისოდენა შთაბეჭდილებასაც არ ახდენს. ვეუბნები, ცხენები გავცვალოთ-მეთქი. საბოლოოდ ყველაფერი მოგვარდა — ტენება განახლდა.

უკან დავტოვეთ ნაცნობი სოფლები, ქანტი და ლარეუნგი; გავიარეთ პატარა სოფელ ღუმპუზე, რომლის მკვიდრნი გულ-თბილობით გამოირჩევიან, ავათავეთ აღმართი და მივალწიეთ ლეტეს.

პორავალასები,<sup>1</sup> ლეტეში გვიცდიან; ისინი დელავენ: უკვე გვიანაა, როგორღა დააბრუნებენ ცხენებს ტუქუჩაში? მაგრამ, რაკი ჯერ საცხენოსნო გზაა, რატომ არ უნდა გამოვიყენოთ ცხენები უფრო შორსაც? ეს ხომ დროის მოგებაა! და, აი, მე-ჩინიბეები, რაც ძალი და ღონე აქვთ, მოჰქრიან ჩვენ უკან, მაგრამ მაინც დგება წუთი, როცა უნდა ჩამოვქვეითდეთ. ოფ-ლში გაწურული პორავალასები ვერ მალავენ თავიანთ კმაყოფილებას ცხენებით „გასეირნების“ დამთავრების გამო! არც ჩვენ გვწყენია მაინცდამაინც.

მარცხნივ იწყება ოდნავ შესამჩნევი ბილიკი, რომელმაც, კუზის თქმით, პატარა სოფელ ჩოიაში უნდა შიგვიყვანოს. მიე-ყვებით ბილიკს და მართლაც, მალე ჩნდება სოფელი. პირველ-სავე სახლში გამოცოცხლებაა. მისადგმელი კიბით აღიან და ჩამოდიან მზიდავები. არის ერთი სიცილი, სიმღერა და მხიარუ-ლება. მე ვფქვრობ, ამ მხიარულებაში საკმაო წვლილი მიუძღვის ბრინჯის არაყს. ნეპალში ალკოჰოლის გაყიდვა აკრძალულია. მაგრამ ვის შეუძლია აკრძალოს სტუმრების გამასპინძლება?

დავტოვეთ სოფელი. მალე ჩვენი მზიდავების დიდ ჯგუფს წავაწყდით. არხეინად წამოწოლილან რბილ ბალახზე და ბარგი აქეთ-იქით მიმოუფანტავთ მინდორზე. გრძელი გადასასვლელი გავითვალისწინეთ და, სიფრთხილისათვის, ისინი წინდაწინ გა-მოვამგზავრეთ... ხმამაღალი ყიყინით მოულოდნელად დავაცხ-რით თავს. მზიდავებმა თვალისდახმამებაში აიტაცეს თავთა-ვიანთი ტვირთი და ელვის სისწრაფით მიეფარნენ თვალს.

დაღამდა. რამდენიმე ქარაფს შემოვუჭარეთ და უფსკრულის კიდეზე მიყუყულ პატარა მდელოზე გავედით. სარკემ და აი-ლამ სწრაფად დადგეს კარვები, დაანთეს ცეცხლი და ამოი-ღეს სურსათი. უკვე გვიანაა. მღუმარედ ვივახშმეთ და საძილე ტომრებში შევძვერით.

შეორე დილით გავალვიძეთ შერპები და მოვხსენით ბანაკი.

<sup>1</sup> მეჩინიბეები.

ვიწრო ბილიკით ხეობის სიღრმეში შევედით. შემდგომში ამ ადგილებზე მარსელ იშაკი და ჟაკ უდო შეხვდნენ მაიმუნთა ჯოგს, რომელიც აღმა მიჰყვებოდა ხეობას. ამის იქით გზა მიდის კლდეებში გამოკვეთილი ბილიკით. ციცაბო დაღმართი მოულოდნელად მთავრდება მდინარე შაძიუ-კჰოლას ნაპირთან. წლის ამ დროს იგი არც თუ ისე წყალუხვია. მდინარეზე გადასვლა სიძნელეს არ წარმოადგენს, მაგრამ მეორე ნაპირზე გამოცდილი კვალმიმგნებიც კი ვერ შეძლებდა ბილიკის რაიმე ნიშანი აღმოეჩინა. გაუვალი ჯუნგლები, როგორც ჩანს, აღმა კალთებზე ვრცელდება. კუზი გვაფრთხილებს, რომ ხვალ საღამომდე წყალი აღარ შეგვხვდება. ამიტომ, რაც კი რამ ჭურჭელი გვქონდა, ყველაფერი ავაგსეთ.

აღმართში ასვლას შვეულ კლდოვან ფილაზე ცოცხით ვიწყებთ, ბილიკი უამრავ მარყუქებად იხვევა ბამბუკის ხლართებში, ჩამოცვენის ტოტებსა და მიჯრით მდგარ ხეებს შორის. პაერი ნოტიო და მძიმეა. მე და კუზიმ სხანგრძლივი საუბარი წამოვიწყეთ. როდესაც ლაპარაკი ბერკსონსა და იუნგერზე ჩამოვარდა, უკვე ენძელებითა და სხვა ყვავილებით აფერადებულ, საოცრად ლამაზ პატარა მდელოზე ვიყავით.

— აქ მე, უდომ და შაცმა, ღამე გავათიეთ 27 აპრილს, — მოთხრა კუზიმ.

ალპინისტები კონსერვატიულად განწყობილი ხალხია: გადაწყვიტეთ, ჩვენც აქ გვესაუზმა. დაუყოვნებლივ მოვიხსენით ზურგჩანთები და მიწაზე დავყარეთ. შესქელებული რძის ტუბები ხელიდან ხელში გადადის. დაპრესილ ხილს შეექცევინან ისინი, ვისაც იგი ჯერ არ მობეზრებია. როდესაც ძნელი გზით დადლილი და გაოფლიანებული უკანასკნელი მზიდავები მიწოდორზე ამოვიდნენ, ჩვენ უკვე წამოწოლილები სიგარეტებს ვაბოლებდით და კვამლის ნაირფორმის რგოლებს ვუშვებდით ჰაერში.

ჩვენი საუბრის შემდეგ კუზი ფიქრს მიეცა. რებიუფა თავის პატარა დომინიკაზე ფიქრობს, რომლის შესახებ კარგა ხანია აღარაფერი იცის. ცოტა შენჯღრევაა საჭირო. წინ! ბილიკის მოსახვევის მიღმა ჩემთვის უცნობი ხასხასაყვავილებიანი მაღალი ხეების ქალა იშლება. ამ აყვავებული თალის ქვეშ გავლის

შემდეგ საუცხოო პატარა მღელოზე გავედით. ირგვლივ ორმოციოდე მეტრის სიმაღლეზე აშოლტილი შემომწვარი დეოდარების ნამღვილი სასაფლაოა. ბილიკის ნაპირებზე უხვადაა გაბნეული გიგანტური როდოდენდრონების ვარდისფერი და წითელი ყვავილები. შერპები რაღაც უცხო ხეებს მისცვივდნენ—ეს ხეები წითელი არყის ხეებს მაგონებს. წერაყინით ქდება გაუკეთეს, ქვეშ კონსტრუვის ცარიელი ქილები მიუდგეს და რამდენიმე ყლუპი ცივი წყალი შეაგროვებს.

დიდი გაჭირვებით დავძლიეთ უსასრულოდ გრძელი, მორყეულქვებიანი მეტად ციკაბო კულუარი.

— აქ უამრავი ზაზუნებია, — წამოიძახა რებიუფამ.

აქეთ-იქით ვაცეცებ თვალებს, მაგრამ ერთიც ვერ დავინახე. ზევით ისევ შევჩერდით და მზიდავების მოლოდინში თითო სიგარეტი მოვწიეთ. სიმაღლე, ალბათ, 4000 მეტრამდეა.

მზიდავები გვიახლოვდებიან. აქამდე ისინი ძალიან კარგად მოდიოდნენ, მაგრამ ეტყობა, დაიღალნენ. გზა თანდათან ძნელდება. თავზე ღვედებით დამაგრებული ტვირთი ქვემოთ ეწევა, კლდეების უსწორმასწორო ზედაპირი შიშველ ფეხებს უჭრის, ნორმალური მოძრაობის უნარს ართმევს მათ. შემდეგ დიდათოვლიანი მონაკვეთის გადაჭრა გვიხდება. ვცდილობთ, განიერი და მოხერხებული საფეხურები ვტკეპნოთ, მაგრამ ტვირთის სიმძიმით წელში მოხრილ მზიდავებს მაინც ძალიან უჭირთ. სადაც, გულის სიდრმეში, სინდისი მქენჯნის, როდესაც თვითონ მოხერხებული ფეხსაცმელებით მივაბიჯებ.

დღის ბოლოს ძლივს მივალწიეთ თხემის უნაგირას, სადაც ნიში დგას. შევიკრიბეთ ყველანი და ერთწუთიანი თათბირის შემდეგ გადავწყვიტეთ, განვაგრძოთ წინსვლა. ამინდი აშკარად უარესდება. ვიწყებთ დაშვებას ალპური საძოვრების დამრეცი კალთებით. განუწყვეტლივ წვიმს. უწესრიგოდ ვდგამთ კარვებს. თითოეული ცდილობს, რაც შეიძლება ჩქარა შეაფაროს თავი.

დღეს თითქმის 2000 მეტრი სიმაღლე ავიდეთ, რათა ამ უნაგირამდე მოგვეღწია, რომელსაც „27 აპრილის უღელტეხილი“ დავარქვით. საკვირველია, როგორ მოახერხეს კუზიმ, უდომ და შაცმა, რომლებმაც ეს უღელტეხილი აღმოაჩინეს, მიეკვლიათ

სრულიად უხილავი ბილიკი და ასე გულდაგულ გაეცლოთ იგი ბოლომდე.

ბანაკში მალე მყუდროება ჩამოვარდა.

ძილში რებიუფა შეიმშუშნა და უნებლიეთ გამაღვიძა. მზიდავები გულმოდგინედ და მეთოდურად ამზადებდნენ თავისთვის ქუმელის ბურთულებს. უეცრად კარავში მეტისმეტად აღგზნებული სარკე შემოიპკრა:

— ბარა-საპიბ, ტპარი! — ყვირის იგი და მიგვითითებს თხემის შორეულ წერტილზე.

— ტპარი! შეუძლებელია!

ჩემს სიცოცხლეში კურდღელიც კი არ დამიჭრია, მაგრამ ჩემში ყოველთვის დიდი მონადირის სული ცოცხლობდა. ვეფხვივით ვეცი თოფს, რომელსაც მუდამ სარკეს ვანდობდი ხოლმე, ელვის სისწრაფით გავტენე, სახელდახელოდ დავუბარე, როგორ მომზადებულიყვნენ გასასვლელად და გავყევი შერპს, რომელიც თვალს არ ამორებდა ცხოველს. მე კი დურბინდითაც ვერაფერი დავინახე. არა, აი, ვხედავ! უეცრად ხედვის არეში, ჩვენგან ორიოდე კილომეტრზე ჭეირანის მსგავსი ცხოველი ჩნდება. ვცდილობთ, მივუახლოვდეთ, თან კლდეებს ვეფარებით და სწრაფად მივცოცავთ აღმა...

აფსუს! ტპარი გაუჩინარდა და აზიაში ჩემი „სანადირო მოღვაწეობაც“ ამით დამთავრდა.

დღეს ნილგირის განტოტებები უნდა გადავკვეთოთ და სულ მირისტი-კპოლას ზემოთ ვიაროთ. როცა გაუვალ ვიწრობებს წავაწყდებით, ჭერ სიმაღლის აღება, ხოლო შემდეგ პირდაპირ მდინარის ნაპირთან დაშვება მოგვიხდება, საიდანაც უკვე შეიძლება ხეობის გავლა. იძულებულნი ვართ, ხანგრძლივი ტრავერსირებით გავიაროთ ციცაბო კალთები, გადავიდეთ ხევებზე, გადავლახოთ სულ უფრო და უფრო წყალუხვი მდინარეები. საბედნიეროდ, გზადაგზა გვხვდება ზეზე დაყუდებული ფილაქვები. ჩვენს წინამორბედთ მოუწინავეთ ბილიკები. თვალში მხვდება შაცის წარწერა თოვლის ლაქაზე, რომელიც გვაუწყებს, რომელ საათზე გაიარეს მათ ეს ადგილი. დაახლოებით ჩვენც იმავე ტემპით მივდივართ.

ირგვლივ ღრუბლებია და მოკლებულნი ვართ ფართო ხედ-



ვის არეს. ნაშუადღევს ისეთ ადგილამდე მივდივართ, სადაც გზა აღარ ჩანს. ვუძახით ჩვენს მეგზურს კუზის: ცოტა ფიქრის შემდეგ იგი რამდენიმე ნაბიჯით უკან ბრუნდება და, ბოლოს, გახარებული გვიხმობს: პატარა კლდეზე ვხედავთ ქვებით დამაგრებულ საფრანგეთის ალპინისტური კლუბის ალამს. აქ იწყება დაღმართი მირისტი-კპოლასაკენ. ვეშვებით მეტად ციცაბო ბალახოვანი ფერდობებით და მზიდავებს ისევ უსწლტებათ ფეხი. მათი სულიერი განწყობილება არცთუ ისე ბრწყინვალეა.

წვიმს, თოვს. გზა დაუსრულებელი გვეჩვენება. უეცრად შეძახილები მესმის. მალე დიდი კოცონი გამოჩნდა. პირველა ჭგუფის მზიდავებს დაულაგებიათ თავიანთი ტვირთი და ხეობაში ბრუნდებიან. გურკალზე ლაპარაკობენ. ერთხელ კიდევ ვრწმუნდები, რომ ეს კილო თავისი წყვეტილი სიტყვებითა და ხორხისმიერი ბგერებით ძნელი გასაგებია.

ბილიკი მიჰყვება ფერდობს, ციცაბო ფილებს შორის, შვეული კლდოვანი კედლის გასწვრივ, რომელშიც უზარმაზარი გამოქვაბულები ჩანან. კუზი გვარწმუნებს, აქ რომ პირველად ვიყავი, ამ გამოქვაბულების შესასვლელთან ტპარების მთელი ჯოგი ისვენებდა და ჩემს დანახვაზე ფეხიც არ მოუცვლიათო. სამწუხაროდ, დღეს (თოფი ხელთა მაქვს) ამ ცხოველების კვალიც არა ჩანს.

რამდენიმე წუთის შემდეგ ყველანი ვიკრიბებით ამ მჩქეფარე მდინარის მირისტი-კპოლას ნაპირზე, რომელსაც გამოაქვს ანაპურნის, დიდი ბარიერისა და ნილგირის ზედა ცირკებზე ჩამონადენი ყველა ნალექი.

გზა მეორე ნაპირზე გრძელდება, მაშასადამე, მდინარეზე უნდა გადავიდეთ. ჩვენს ამხანაგებს წინაღლით რამდენიმე ხე წაუტყევიათ მდინარეზე გადასასვლელად, მაგრამ მზიდავები უარს ამბობენ ტვირთის გადატანაზე. მე და რებიუფა უყოყმანოდ ვკისრულობთ, თვითონვე გადავიტანოთ ტვირთი.

გასტონი გარდაიქმნა მზიდავად, მოიღო შუბლზე ღვედი, რომელიც იქერს ტვირთს. თავი, კისერი, მთელი მისი მაღალი ტანი საშიშრად ქანაობს... იგი მიდის წყალთან, კუზის დახმარებით დგება მორებზე და რამდენიმე ნაბიჯს დგამს ბობოქარი



მდინარის თავზე. მე ვდგავარ წყლიდან ამოშვერილ კლდეზე და ვუწვდი ხელს. რომელსაც იგი კანკალით ეჭიდება. ახლა უკვე შემიძლია დამშვიდებით ჩამოვართვა ტვირთი.

ეს ოპერაცია რამდენიმეჯერ გავიმეორეთ. მაგრამ ერთი ტვირთი მაფიქრებს, ის ძალიან მძიმეა და, რაც მთავარია, დიდი მოცულობისაა. სხვას ყველაფერს რომ თავი დავანებოთ, მასში არის ორი საბაზო და ერთი სასიმალო კომპლექტი. რებიუფა რამდენიმე ნაბიჯს დგამს, გაუბედავად ჩერდება, წონასწორობას კარგავს და ძლივს იმაგრებს თავს. მერე ისევ ნელა მოიწევს წინ... უეცრად ღვედი უსხლტება შუბლიდან და ტვირთი მდინარეში ვარდება. ჩვენი კარვების დაკარგვა აუნაზღაურებელი დანაკლისია. ამას ვერ დავუშვებთ.

მე და კუზის ერთნაირი რეაქცია გვაქვს: ქვიდან ქვაზე ხტომით მივრბივართ ჩვენ-ჩვენი ნაპირის გასწვრივ. ვცდილობთ და ვეწიოთ ტვირთს. ამაოდ. კიდევ რამდენიმე ნახტომი და...

ოჰ, რა ბედნიერებაა! დიდი მორევის წინ ტვირთი წამით ჩერდება და მე ვახერხებ მასზე წერაყინის გამოღებას.

ძალიან ვიმარჯვეთ! ცხელი დღე კი დაგვადგა! რეზიუტა სასოწარკვეთილი იყო...

საბოლოოდ მდინარე მშვიდობით გადავლახეთ, მაგრამ ძალიან ბევრი დრო დავკარგეთ და საჭიროა დაბანაკებაზე ვიზრუნოთ. ადგილი სულ მალე შევარჩიეთ. გიზგიზა კოცონი და გემრიელი ვახშამია ჩვენი შრომის ჭილდო. სანამ მზიდაეები კოცონთან საუბრობენ და აბოლებენ, საჭიბები სინდისდამშვიდებულნი იძინებენ.

მეორე დღეს დილით ადრე გავედით. ამინდი საკმაოდ გაუმჯობესდა. მე თითქმის ერთი საათით დავეწინაურდი და შუადღისაა ჩვენ შესახვედრად გამოსულ მარსელ შაცს შევხვდი. გახარებულები მივესალმეთ ერთმანეთს. შაცმა მითხრა, ლუი ლაშენალი და ლიონელ ტერაი ამ დილით ანაპურნის ჩრდილო დასავლეთ წიბო! დასაზვერავად გავიდნენო.

საბაზო ბანაკის ახლო-მახლო მორენები თანდათან დაბლდება, მირისტის ხეობა განიერდება და მიღამოს საუკეთესო ხედი იშლება. წიბოს ძირამდე რამდენიმე ასეული მეტრია. იგა არც თუ ისე მრისხანე ჩანს. მიუხედავად ამისა, რატომღაც გული არ მიმდის მასზე. დჰაულაგირზე დაშინებული ძალზე ვერძობები თხემზე გამავალ მარშრუტებს. ჰეშინია, რომ თუნდაც დაუძლეველი დაბრკოლებები არ შეგვხვდეს, წიბოზე გამავალი ვზა მეტისმეტად გრძელი იქნება. მე არ შემიძლია დეტალური დაზვერვიდან თვით იერიშზე გადასვლა გადავწყვიტო მანამ, სანამ წიბოს მთლიანად არ გამოვიკვლევთ, სხვანაირად რომ ვთქვათ, სანამ ანაპურნას ზედა პლატოზე არ გავალთ. მე და შაცი საბაზო ბანაკისაკენ წავედით. ბანაკი მორენებშია მიყუჩული. აქა-იქ ქვაბურებში ბრწყინავენ პატარა ლურჯ-მომწვანო ტბები. ირგვლივ ვრცელი ქვიანი უდაბნოა. აქედან რამდენიმე საათის სავალია დიდ ბარიერამდე, რომელიც ფორავს პორიზონტს აღმოსავლეთით, ან ნილგირამდე ჩრდილოეთით.

თოვს. კარვებში შევძვერით. დაუსრულებელ ლაპარაკში ნელა გადის დრო.

უეცრად ჩვენამდე აღწევს ქვათაცვენის ხმაური, წერაყინის კლდეზე დარტყმების ხმა და ხმამაღალი წყევლა-კრულვა.

9 მ. ერსოგი

ეს ლაშენალ-ტერაის ჩაბმა უნდა იყოს. კარვის კარი აიწია და მოგვესმა ხუთსართულიანი გინება. ვცნობ ჩემს ამხანაგებს მუშაობის ქარცეცხლში. ჭერ ერთი სიტყვაც არ უთქვამთ, მაგრამ უკვე ვხვდები, რომ დაღლილნი, მაგრამ სიმტკიცითა და ოპტიმიზმით აღსავსენი არიან.

გაიხადეს შეთოვლილი საშტორმო ტანსაცმელი და, ჩაის სმის დროს, ნელ-ნელა გვიამბებს, თუ რა გააკეთეს დღეს. სახელგანთქმულმა წყვილმა, რომელმაც ალპების ყველაზე უფრო მრისხანე და დიდებული კედლები დაიპყრო, აქაც არ შეირცხვინა თავი.

— არა უშავს რა გასეირნება იყო! — ამბობს ტერაი.

— მაგარი! — დასძენს ლაშენალი, — გვხვდება მეხუთე კატეგორიის<sup>1</sup> სიძნელის მონაკვეთები!

— მეხუთე! — შეეძახე გაოცებულმა. შერპები როგორღა გაავლიან?!

— ეს მხოლოდ ცალკეული უბნებია.

— შეიძლება თოკები ჩაეკიდოთ, შერპებს ავიყვანთ, ვუბიძგებთ, ბოლოს და ბოლოს ავზიდავთ!

— კარგი, ვნახოთ. გარდა ამ უბნებისა, როგორ გამოიყურება წიბო?

— რა თქმა უნდა, ძალიან გრძელია, — მიპასუხებს ტერაი, — და რაც უფრო წინ მიდიხარ, მით უფრო ძნელად სავალი ხდება.

— მაშინ იქნებ იმ ადგილის ზევით, სადამდეც თქვენ ახვედით, წიბო საერთოდ გაუვალი აღმოჩნდეს?

---

<sup>1</sup> კლდოვანი უბნების ტექნიკური სირთულე დასდება ექვსბალიანი სისტემით. ყველაზე ადვილია პირველი კატეგორია. ყველაზე ძნელი, შესაძლებლობის საზღვარზე — მე-6. სულ რამდენიმე ალპინისტია, რომლებმაც უნარი აქვთ მე-6 კატეგორიის უბნები გაიარონ. ალპებში ცნობილი მარშრუტების უმრავლესობა შეფასებულია მე-4 კატეგორიისად. პიმალაიში, სადაც ასვლის სიძნელე იმატებს სიმაღლის გამო, ალპინისტები, ჩვეულებრივ, გაურბიან რთულ მარშრუტებს, ან, ყოველ შემთხვევაში, ცდილობენ იორჩიონ მარშრუტები არა უმაღლეს მე-4 კატეგორიის სიძნელისა.

საბჭოთა კავშირში მიღებულია მარშრუტების კლასიფიკაციის ხუთბალიანი სისტემა, ხოლო თითოეული კატეგორია ა და ბ-დ იყოფა.

— არა მგონია! ჩვენ დავიწყეთ ცოცვა განთიადზე და 11 საათზე 5500 მეტრის სიმაღლეზე გავჩერდით. ცოტა ზემოთ წიბო დაფარულია თოვლით და უფრო ციკაბოა. შემდეგ აღარაფერი ჩანს, მაგრამ, ჩემის აზრით, (ბისკანტიც ასე ფიქრობს), რამდენიმე ასეული მეტრით მაღლა წიბო უნდა გადიოდეს ანაპურნას ზედა პლატოზე.

— ჰმ, — ვამბობ სექპტიკურად.

— ყური მიგდე, მორის, — მთავაზობს ტერაი, — ყველაფერი მარტივად წყდება, საჭიროა მხოლოდ მთელი ძალით მიწოლა. ხვალვე გადავიტანთ საბაზო ბანაკს აი, იმ ბალახიანი ბორცვის მწვერვალზე და შეგვიძლია იერიშზე გადავიდეთ.

— ამ მერყეობაში კიდევ რამდენიმე დღეს დავეარგავთ, — დასძენს ლაშენალი.

— არა, ასე ჩვენ საბოლოოდ დავეარგავთ ყველა შესაძლებლობას. თუ წიბოს იერიში არ მოხერხდა, საბაზო ბანაკის მოხსნა, მისი ხეობაში ჩატანა და სხვა ადგილზე გამართვა მოგვიხდება. ამაზე ლაპარაკიც ზედმეტია. მე არ ვაპირებ ექსპედიციის მთელი ძალების ხიფათში ჩაგდებას, ჩვენთვის ესოდენ უცნობ მარშრუტზე. უმჯობესია, გავაფართოოთ თქვენი დაზვერვა. ავიდეთ ხვალ იმ ადგილამდე, სადამდეც თქვენ ახვედით და განვაგრძოთ ასვლა მანამდე, სანამ არ დავრწმუნდებით, რომ გზა მწვერვალამდე გასაღწევია. მხოლოდ ამის შემდეგ შეგვიძლია მივიღოთ საბოლოო გადაწყვეტილება.

— აი, ჭიუტი გოგრა! — ლაშენალი და ტერაი ცოფებს ყრიან. მათ ჰგონიათ, რომ დაუყოვნებლივ საჭიროა იერიშზე გადასვლა, კვლავ აცხადებენ, რომ ამ გზით შეიძლება მწვერვალის დაპყრობა.

მე კარგად ვიცნობ ჩემს მეგობრებს. დამქანცველი დღის შემდეგ უკიდურესად ადგზნებულნი არიან და მათი მსჯელობის სისალეში ექვი მეპარება. პასუხისმგებლობა მე მაქვს დაკისრებული და ვალდებული ვარ, თვითონვე ვუჩვენებდე კეთილგონიერების მაგალითს. ჩემი გადაწყვეტილება მტკიცეა: ხვალ დილით ყველანი გავალთ წიბოზე, დროებითი ბიუჯაყების ვარაუდით და დავბრუნდებით მხოლოდ მას შემდეგ, როდესაც ყველაფერი ნათელი გახდება. საბაზო ბანაკი ადგილზე დარჩება.

ჩვენი ვასვლა მხოლოდ გაღრმავებული დაზვერვა იქნება. ვიდრე ამხანაგები ტანსაცმელს იშრობენ, თავის ნივთებს აწესრიგებენ და ხვალისთვის ღვინოს ემზადებენ, მე ვწერ პარტიის „არჩევანისათვის“.

„1950 წ. 18 მაისი.“

ძვირფასო მეგობარ!

მივალწიე საბაზო ბანაკამდე. ლიონელი და ბისკანტი ეს-ეს არის ჩამოვიდნენ წიბოდან და მოქალაქე საკმაოდ ოპტიმისტურად უყურებენ. ტაქტიკა წინანდელი რჩება: ვაგრძელებთ გაღრმავებულ დაზვერვას. ახლა ცუდი ამინდია და ამას შეუძლია შეაფერხოს ჩვენი წინსვლა.

პროდუქტები: მეშინია, რომ ცოტა წამოვიღე. გამოგზავნე, გეთაყვა, დაუყოვნებლივ სამი ყუთი „ველი“, სამი — „სიმაღლე“ და ერთი ყუთი „მაგარი“<sup>1</sup> ქაღებო.

საჭურველი: კლდის პალოები—ათი. ყინულის—ათი. სასიმაღლო კომპლექტი — ორი, ნეილონის რეპშენური 5,5-მილიმეტრიანი — 100 მეტრი, ძირითადი თოკი რვა-მილიმეტრიანი, სამი ხვევა 15-15 მეტრი.

მზიდავები: პირველი ჯგუფის მზიდავებთან ანვარიშის გასწორების დროს ყველას თანაბარი ბაკშიში მიეცი. მეორე ჯგუფის მზიდავებს გადაუხადეთ ასევე, მხოლოდ ბაკშიში სხვადასხვა. ზოგიერთებმა ძალიან გამოიჩინეს თავი. ისინი წარმოგიდგინენ ჩემს ხელმოწერილ ცნობებს. გადაუხადი მათ სრულ ბაკშიშს, ორ მოხუცს ნახევარ-ნახევარს, დანარჩენებს არავითარი საჩუქარი — ცუდად მოდიოდნენ.

პროდუქტები შემდგომში: შეგიძლია თუ არა გამოგზავნო დამატებით (თუ ჩემგან ბრძანების გაუქმებას არ მიიღებ) სამი ყუთი „ველი“ და სამი ყუთი „სიმაღლე“?

იმაცხა და უდოს: ჭერჭერობით გარკვევით არაფრის თქმა შეგიძლია. მოღრუბლულობის გამო ანაპურნა ვერ

<sup>1</sup> ისე უწოდებდნენ საექსპედიციო უარგონით ყველაზე უფრო ნოყიერ კონსერვებს, რაც ძირითად საზრდოს შეადგენდა (ავტ.).

დავინახე! როგორც კი შეეძლებ, გაცნობებთ ახალ ამბებს.

სალამი ყველასაგან. მოჭისი“

14 მაისს, სწორედ იმ დღეს, როცა სამხედრო საბჭო შედგა და გადავწყვიტეთ, ექსპედიციის მთელი ძალები ანაპურნიისაკენ მიგვემართა, იმავეა მითხრა, მე და ულოს ძალიან გვინდა მუქთინათის მონახულებაო.

15 მაისს, სანამ ტუქუჩიდან ანაპურნიის დასაზვერად წავიდოდა, გამოვეთხოვე ამხანაგებს. ისინი მეორე დღეს დილაუთენია უნდა წასულიყვნენ მუქთინათში, სირდარის, ანგ-თარკეს თანხლებით.

მისთვის მუქთინათი წმიდათაწმიდაა! თავგამოდებული მოარწმუნეა და წ. აჯალ ინახავს რელიგიურ წეს-ჩვეულებებს. ეს გამგზავრება მისთვის სალოცაეად წასვლის ბედნიერი შემთხვევაა, რასაც მისი ბევრი თანამემამულე მოკლებულია. გავსვლა დანაშნულა დილის ექვსი საათისათვის, მაგრამ გვიანდება, რადგან ცხენების მოყვანას მხოლოდ 7 საათიდან იწყებენ. მათ ნაწილს, მეტისმეტად ჯავლაგებს, გამოსაცვლელად ვაბრუნებით, მაგრამ რამდენიმე წუთის შემდეგ უკანვე მოჰყავთ გამარჯვებულის გამომეტყველებით. ეს ხომ იგივე ცხენებია! მაგრამ კამათი უსარგებლოა: პასუხის ნაცვლად მხოლოდ გვილიმიან.. აქ ხომ აღმოსავლეთია!

ძლივს, დაახლოებით 9 საათზე, ჯგუფი მაინც მიემგზავრება. მთელი დღე განდაკის მარჯვენა ნაპირს მისდევენ. სალამოთი შორს დიდი სოფელი გამოჩნდა: თეთრი სახლები, მოწითალო ტაძრები. მათ გადმოსცქერის ტიბეტის ციხესიმაგრის ნანგრევები. მეტისმეტად აღელვებული ანგ-თარკე ყვირის:

— მუქთინათი!

როდესაც უახლოვდები ამ არაჩვეულებრივ ქალაქს, ირკვევა, რომ მისი საუცხოო შენობები ჭუჭყიანი და ულიმლამო შესახედავია. სოფლის ბოლოს აღმართულია რამდენიმე, ჭრელად შეფერადებული ბუდისტური ძეგლი.

საღლაა ტაძრები, მონასტრები და ასეული ლამა?

აღმოსავლეთით მარსელ იშაკი ამჩნევს მოთუთიებული რკინით გადახურულ უფრო გვიანდელ რამდენიმე შენობას. იქაურების გამოკითხვით იგი არკვევს, რომ სწორედ ეს ხუთი-ექვსი სახლი შეადგენს მუქთინათს, ხოლო სოფელს, სადაც ახლა ქარავანი გაჩერდა, შაჰარი ჰქვია. ჯანდაბას! სალოცავად წასვლა სახვალიოდ გადაიდო. მეგობრები რომელიღაც თავმინებებულ ციხე-დარბაზს აფარებენ თავს, სასწრაფოდ ვახშობენ და წვებთან დასაძინებლად ორმოცდაათამდე ცნობისმოყვარე მცხოვრებთა თვალწინ.

მეორე დღეს, უთენია მიემართებიან ტაძრისაკენ. ცხენებს პირველი შენობის ჰიშკართან ტოვებენ და გვერდს უვლიან კლდეს, რომელზედაც ფეხის ტერფის გაურკვეველი ნაკვალევის მსგავსი ჩაღრმავების გარჩევა შეიძლება.

— ბუდა, საჰიბ! — შესძახა ანგ-თარკემ და პირქვე დაემხო.

ჩაუარეს პირველ ტაძარს, რომელიც ძალიან ჰგავს ტუკუჩის ტაძარს, და უახლოვდებიან საღმრთო წყაროებს: ნაკადულიდან წყალი ჩაედინება ჰორიზონტალურ არხში, რომელიც ძროხის ან ურჩხულის გამოსახულების 60-მდე წყალსადინარს კვებავს. მართკუთხედის შუა აღმართულია ნეპალის პაგოდა.

მლოცველები მიდიან ჰურკლებით, ავსებენ და სვამენ. ანგ-თარკე, რომელმაც ექსპედიციის მთარა დაისაკუთრა, რიგრიგობით უვლის ყველა წყაროს: ჩვენი ამხანაგები უკვე ველარ გამოიყენებენ მთარას მთელი მოგზაურობის განმავლობაში.

შემდეგ, სამხრეთისაკენ, ჯგუფი ეცნობა მეორე ტაძარს, რომელსაც ფერად კაბებში გამოწყობილი თორმეტი ახალგაზრდა ქალიშვილი იცავს. ქალიშვილებმა ასწიეს ქვის სახურავი და იშაკსა და უდოს უჩვენეს ორი ვიწრო ხვრელი, საიდანაც აღწევს წყაროს ხმაური და ბუნებრივი ფაზის მარადიული ცისფერი ალის ციმციმი. „ქურუმი ქალები“ მღერიან და ცეკვავენ. საჰიბებს შეაქვთ თავისი წვლილი, ანგ-თარკე განსაკუთრებით გულუხვია ექსპედიციის ხარჯზე.

ღამეს ათევენ პატარა თავშესაქცევ სოფელ კავბენში, ხოლო მეორე დღეს „მლოცველები“ ტუკუჩაში ბრუნდებიან. იქ მათ მოუთმენლად ელოდება მუქთინათის ნახვის სურვილით



აღსავსე ნუაელი. ის ხვალ აპირებს იქ წასვლას ე. ბ. რანას თანხლებით.

უკანასკნელი ორი დღის განმავლობაში, ბანაკში ღირსშესანიშნავი არაფერი მომხდარა. საფრანგეთის ფოსტა არა ჩანს. არც ანაპურნიდან ისმის არაფერი.

19 მაისი დასვენების დღეა ჩვენი მეგობრებისათვის. ბანაკის ცხოვრებაში მცირე ცვლილება შემოაქვს ტუჟუჩის მცხოვრებთა საზეიმო სელას. ისინი მარფადან ბრუნდებიან, დაირების აკომპანემენტით ცეკვავენ და მხიარულობენ.

20 მაისს, 9 საათსა და 30 წუთზე, ანგავამ და დავატონდუპმა მოიტანეს ანაპურნის წიბოს ძირში გამართული საბაზო ბანაკიდან ლაშენალ-ტერაის დაზვერვიდან დაბრუნების შემდეგ გამოგზავნილი ბარათი.

• —————

**19** მაისს, წიბოს ძირში გაშლილი დროებდითი საბაზო ბანაკი გარიჟრაჟამდე გამოცოცხლდა.

ყველაზე ადრე ტერაი ამდგარა და ღრიალებს: — ჰეი, თქვე! უქნარებო! სასტუმრო „მაჟესტიკში“ ხომ არ გგონიათ თავი?

ირგვლივ უკუნეთია. შერპებს ველარაფერი გაუგიათ ამ მოულოდნელ აურზაურში. სხვა ექსპედიციებში ისინი, ჩვეულებრივ, მხოლოდ მზის ამოსვლის შემდეგ გადიოდნენ.

ნამძინარეენი, მოქნარებით ამზადებენ ისინი ნესტესა და ტონიმალტს<sup>1</sup>, ალპინისტები ზურგჩანთებს ალაგებენ.

— რამდენი ყინულის პალო წავიღოთ?

— ვიტამინები ხომ არ დაგავიწყდა?

— რამდენი ჩადის შენს მათარაში?

მთამსვლელები ერთიმეორის მიყოლებით ძლიან მორენაზე და ლამის წყვილადში ინთქმებთან. ძილისაგან თვალები მებლიტება, წამდაუწყუმ ფეხს ვკრავ ქვებზე და სიბნელეში გზას ძლივს ვიკვლევ. წერაყინების ღრატუნი იმის მაუწყებელია, რომ წინწასული ამხანაგები შორს არ არიან. გადავდივარ უკანასკნელ მორენაზე. მძიმედ ვართ დატვირთულნი, რადგან საკუთარი ზურგით მიგვაქვს რამდენიმე დღის საგზალი და ყველაფერი, რაც აუცილებელია სამი ბანაკისათვის. თან გვახლავან შერპები. ისინი ამოვლენ ჩვენთან ერთად, რაც შეიძლება,

<sup>1</sup> საგანგებოდ მომზადებული მკვებავი სასუქლები.

მალა, ხოლო შემდეგ სწრაფად დაეშვებიან საბაზო ბანაკში, რომ სამაღალმთო ულუფა არ ხარჯონ.

უკვე თენდებოდა, როცა თოვლამდე მივალწიეთ. თოვლა ჯერ კიდევ მაგარია და ფეხსაცმლის „ვიბრამის“<sup>1</sup> ლანჩები კარგად გვიმაგრებს. ავდივართ ნელა, მაგრამ შეუჩერებლივ.

ნათუ კარგი ამინდი იქნება? რაც ტუკუჩიდან წამოვედით, მოწმენდილი ცის მტკაველისოდენა ნაგლეჯიც არ მინახავს. ციკაბო ფირნის კალთაზე მოწყვეტის საშიშროების მიუხედავად, ხშირად მივბრუნდები ხოლმე, რათა დავტკბე გრანდიოზულა სანახაობით. დიდი ბარიერი, რომლის საშუალო სიმაღლე თვალზომით 7000 მეტრია, პირდაპირ გვთრგუნავს. მის შუაგულში აზიდულია გიგანტური მიუდგომელი კოშკი. უზარმაზარი გაღმორწოლილი კედლები აღმართულია 3000 მეტრზე ბანაკის ზემოთ. გლუვ კედლებზე არც ერთი უსწორმასწორო ადგილი, არავითარი ნაპრალი არ ჩანს, რომელიც ალპინისტის გამოცდილ თვალს შეეძლო შეემჩნია ასელისათვის ხელსაყრელი გზის ძებნის დროს. ანაპურნა გიგანტური ციხესიმაგრეა და ჯერ მხოლოდ მის დამცველ პირველ სიმაგრეებს ვუახლოვდებით.

ცირკი, სადაც ვიმყოფებით, გვაოცებს თავისი პირველყოფილი ველურობით. ჯერ არც ერთი ადამიანი არ დამტკბარა ჩვენს ირგვლივ შემოჭარული მწვერვალების მხერით. არც ერთ ცხოველს, არც ერთ მცენარეს არა აქვს აქ არსებობის უფლება. დილის ცისკრის სპეტაკ ბრწყინვაში, სიცოცხლის ნიშანწყალის ეს არყოფნა, ბუნების ეს მკაცრი სიძუნწე, მხოლოდ ამაღლებს ჩვენს შინაგან ძალებს. ვის შეუძლია გაიგოს ის ადგუნება, რომელსაც ჩვენ ამ არყოფნაში ვპოვებთ, თუ ადამიანებს ყოველთვის სწორედ უხვი და მდიდარი ბუნება იზიდავს თავისკენ?

ჩვენ დაახლოებით მონბლანის სიმაღლეზე ვართ, ყველას უმძიმს სუნთქვა. თითოეული თავისი ტემპით მიდის. როდესაც ბორცვის მწვერვალს მივალწიეთ, მზე უკვე საშუაღლეოზე იყო. სულ ცოტა ხნის წინ უზარმაზარი, შავი და პირქუში კედლები ახლა თვალისმომჭრელად ელვარებენ.

<sup>1</sup> ფეხსაცმლის მსხვილრელაფური რეზინის ლანჩა, რომელიც აძლიერებს მოქილებას.

წიბოს ძირამდე უნდა მივიღეთ. ტერაი გვიერთდება და მიუხედავად გუშინდელი დაღლილობისა, გვიჩვენებს აღმართის დასაწყისს. ზურგჩანთებიდან თოკებს ვიღებთ და წყვილ-წყვილად ვებმებით. მე წინ გავდივარ, სარკესთან ჩაბმული. წინაღლით ამხანაგებს აქ, წინდახედულად, თოკი დაუკიდიათ. ძალიან ცივა. კლდეები კირქვისაა, მაგრამ საკმაოდ მყარი. რეზიუფა და აჩბა კვალდაკვალ მოგვყვებიან, მათ შემდეგ ტერაი და აილა. ყველაზე ბოლოს, ჩამკეტად, შაცი მოდის.


თუ ანაპურნისაკენ სვლა წიბოთი გვიწერია, გვიჩვენებია, რაც შეიძლება ჩქარა შევუდგეთ. ამიტომ წიბოს იერიშს „დაფდაფების ცემით“ ვაპირებთ. მოქმედების გეგმა ასეთია: როგორც კი შერპებს სიარული მეტრსმეტად გაუჭირდებათ, ისინი დატოვებენ ტვირთს და ქვემოთ დაეშვებიან. ოთხი საჰიბი განაგრძობს ასვლას და, რაც შეიძლება, მაღლა გამართავს ბანაკს. მე და რეზიუფა აქვე გავათევთ ლამეს, ხოლო შაცი და ტერაი დაეშვებიან „მხარზე“. აქ ტერაის უნდა შემოუერთდეს დასვენებული ლაშენალი.

შაცი ჩავა საბაზო ბანაკში, რათა მეორე დღეს ისევ ამოვიდეს კუზისთან ერთად, გამართოს ბანაკი „მხარზე“ და მესამე მოიერიშე ჩაბმა შეადგინოს.

დასახული გეგმის პირველი მუხლი მალე სრულდება: ვგზავნით უკან შერპებს, რომლებიც ბევრ დროს კარგავენ ძნელ ცოცვაზე, თუმცა მე შევამჩნიე, რა სიმსუბუქით ეუფლებიან ისინი მათთვის უცხო ალპინისტურ ტექნიკას. კერძოდ სარკე ალბათ უკვე შეიძლება ჩგუფის წაყვანას ძნელ კლდოვან მარშრუტზე.

შერპების წასვლის შემდეგ სწრაფად ვიღებთ სიმაღლეს. ისეთი შთაბეჭდილებაა, თითქოს თვითმფრინავში ვიყოთ. წიბო, რომლითაც ავდივართ, პირდაპირ ჩვენს წინ პროექტდება და ციცაბო არც თუ ისე დიდი გვეჩვენება. ორივე მხარეს დაკიდული ყინვარები ეშვება. ღრუბლები, როგორც ყოველთვის, ზუსტად მოდიან პაემანზე ჩვენთან და გარემომცველი მწვერვალები ნისლში უჩინარდებიან.

წიბო სულ უფრო ვიწროვდება და გულისთვის საამო „შამონის“ ნემსებს გვაგონებს, რომლისაკენაც, ამჟამად, მიპყრობილია ჩვენი ფიქრები. კლდეები მკვიდრია, სიმაღლე და მძიმე



ანაპურნის მთავარი ქედი.

1. ანაპურნის მწვერვალი 8075მ. 2. აღმოსავლეთი მწვერვალისწინა. 3. თეთრი მოედანი. 4. შავი კლდე. 5. დიდი ბარიერის კონტრფორსები. 6. ანაპურნის ჩრდილო მყინვარი. 7. ჩრდილო-დასავლეთი წიბოთი ასვლის კდის მარშრუტი. 8. ჩრდილო-დასავლეთის წიბოს მწვერვალისწინა. 9. ჩრდილო-დასავლეთის წიბოს მწვერვალი. 10. „ყუაეილოვანი კომბოსტოს“ თხემი. 11. პირველი ბანაის ადგილსამყოფელი, სიმაღლე დაახლ. 5100 მ. 12. მეორე ბანაის ადგილსამყოფელი, დაახლ. 5900 მ. 13. მესამე ბანაის ადგილსამყოფელი, დაახლ. 6600 მ. 14. მეოთხე ბანაის ადგილსამყოფელი, დაახლ. 7150 მ. მეხუთე ბანაის ადგილსამყოფელი, დაახლ. 7300 მ. სიმაღლეზე.

ზურგჩანთები რომ არა, ცოცვა სრული სიამოვნება იქნებოდა. სიცივე მატულობს. თოვას იწყებს, ჩვენ უკვე ნამდვილად 5500 მეტრზე მაღლა ვართ. ვათვალთვლებ წინა საბანაკო ადგილს, მაგრამ არაფერი ჩანს, გარდა იშვიათი უბადრუკი პატარა მოედნებისა. ამინდი გვემუქრება. საჩქაროდ უნდა მივიღოთ გადაწყვეტილება, მით უმეტეს, რომ შაცსა და ტერაის დაშვება უნდა და აგვიანდებათ. ხელებით დაკიდებულნი უფსკრულის თავზე, ფეხების ქნევით მივიწვეთ წინ დანის პირივით ვიწრო კლდოვან თხემზე. მე არ მახსოვს, რომ ალპებში მსგავსი ციკაბოები შემხვედროდეს. თოვლიან კალთაზე აქა-იქ გაბნეული კლდეები ყინულითაა დაფარული. ვერ წარმომიდგენია, როგორ ჩერდება თოვლი ასეთ ციკაბოზე. ყოველ შემთხვევაში, გასაგებია, თუ რატომ იცის აქ ასე ხშირად ზვავები.


ამ რთული ტრავერსის შემდეგ გავდივარ პატარა დათოვლილ მოედანზე. ამინდი მართლა გაფუტდა და ბევრი ყოყმანის დრო აღარ არის, აქ უნდა დაიდგას კარავი. ერთი წუთის შემდეგ უკვე გადავყარეთ თოვლი წიბოს ორივე მხარეზე, რითაც მძლავრი ზვავები გამოვიწვიეთ. მათ თან გაჰყვა რამდენიმე

შემოცინული ქვა. და მაინც ასეთი მუშაობის შემდეგ ძლივს მოვახერხეთ, ორივემ ნამცეცა მოედანზე ჩაჭდომა. რა ვიღონო? ვცდილობთ წერაყინის საშუალებით გადმოვაბრუნოთ ჩაყინული ლოდები. თითოეული, შენაცვლებით, ხან რიტმულად ვურტყამთ წერაყინს, ხან ბერკეტით ვიყენებთ. ლოდებზე ტერაი ისე გაშპაგებით ურტყამს ჩემს წერაყინს, ვგონია ქვა ახლავე დაიშხვრევაო, მაგრამ დახეთ! კლდე კი არა, წერაყინის ნისკარტი პირდაპირ შუაზე გაიღუნა. საბედნიეროდ, ლოდონელი ისევ ასწორებს მას. ბოლოს და ბოლოს რაღაც მოედნის მკვდარი მოვამანდაკეთ და მოგვეცა კარვის გაშლის იმედი. შაცსა და ტერაის შეუქლიათ წაეიდნენ. ისინი დროს აღარ ჰკარგავენ და უმალვე იწყებენ დაშვებას, ვერაფრით ვერ ვიწორებ მათზე ფიქრს: ასეთი ფოტოვა ამ სიმაღლეზე, როდესაც ირგვლივ ახალი თოვლია, მეტისმეტად სახიფათოა.

მე და რებიუფა მარტონი დავრჩით. რამდენადაც სუნთქვა გვაძლევს საშუალებას, განვაგრძობთ ჩვენი ბანაკის კეთილმოწყობას. ამოვაბრუნეთ კარვა მოზრდილი ლოდი და მოედნი, კიდეზე დავდეთ, რომ ხელოვნურად გაგვედიდებინა სასარგებლო ფართობი. თოვლით ამოვავესეთ უსწორმასწორო ადგილები, დავტყებნეთ და მოვასწორეთ მოედანი. დაბოლოს, კარვის გაშლას შევეუდევით. წინა საჭიმი კლდეში ჩარჭობილ პალოებზე მოვაბით, უკანა—თავამდე თოვლში ჩასობილ წერაყინებზე, ხოლო გვერდის საჭიმები ქვებზე დავამაგრეთ. წესრიგის მოყვარულმა რებიუფამ, ქარისაგან დასაცავად, მოედნის კიდეზე კედელი ააშენა. დაზღვევისათვის საიმედო პალო ჩაარჭო, ღამეს ამ პალოზე მიბმულნი გავათევთ.

გადაუღებლად თოვს. აუტანელი სიცივეა და სიამოვნებით ვძვრებით კარავში, ვცდილობთ, ცოტა მაინც მოვაწესრიგოთ იქაურობა. მეორე ესოდენ „პაეროვან“ და დიდი ბრძოლით მოპოებულ ბანაკს ვერ ნახავ. ცხელი ჩაი ხალისიან გუნებაზე გვაყენებს. ჭამის სურვილი არა გვაქვს, მაგრამ პასუხისმგებლობის გრძნობა გვაიძულებს ასკორბინის სიმკვავე და ვიტამინი B<sub>2</sub> ჩავყლაპოთ. ქარის ზუზუნში და კარვის კალთების თართხუნში ნელ-ნელა ვიძინებთ.

ირიერაჟა. პირქუში ამინდია. წვრილად თოვს. ხვრიში თოვ-



ლის სქელი ფენა კლდეებზე შემდგომი აღმასვლის ყოველგვარ ჩალისს გვიკარგავს. გადავწყვიტეთ, დავუცადოთ გამოდარებას. თუ ამინდი არ გაუმჯობესდა, იერიშის განახლებისათვის საჭირო მთელ საჭურველს დავტოვებთ და შუაღლისას დავიწყებთ დაშვებას. ყველაზე ძნელი უბანი სწორედ ბანაკის ზემოთ იწყება. ეს არის კლდე. ზემო ნაწილში პატარა ნაპრალი აქვს. როგორ მივალწიოთ ამ ნაპრალებზე? ყველაფერი თოვლითაა დაფარული. რებიუფას აზრით, ყოველგვარი ცდა ამოა და მიჩვენეს, დაუყოვნებლივ დავბრუნდეთ. მაგრამ მე მინდა, ყველა შესაძლებლობა ბოლომდე ამოვწურო, რომ მომავალში სინდისმა არ შემაწუხოს. თუ ამინდი გაუმჯობესდა, თოვლი ჩამოლღვება და როგორმე განვაგრძობთ ასვლას.

— ხომ ვამბობდი, ისინი აქ არიან-მეთქი!

— ნახე, აი წერაყინები!

თხეშზე ლაშენალი და ტერაი გამოჩნდნენ.

— სალამი!

— სასწაულია! აქ რას აკეთებთ?

— ეს ბატონები შუბლს იგრილებენ!

— თქვენ რა, ვერა ხედავთ, რა თოვლია?

— ვხედავთ, ვხედავთ, თქვენზე უკეთ ვხედავთ. ჩვენ უკვე აღიონს აქეთ მოვფორთხავდით, რომ აქ ამოგვეღწია.

— ნიკრისიანებო! — ღრიალებს ბრანზმორეული ლაშენალი.

— ამას იქით წასვლა უგუნურებაა, — ამბობს რებიუფა,  
— მე არავითარი სურვილი არა მაქვს, აქ ჩავყარო ძვლები!

— ახლავე ნახავთ, დავიღუპებით თუ არა, — ზიზღით ესე-  
რის ლაშენალი და დაუყოვნებლივ იწყებს შეტევას.

იგი მიდის ტრავერსით მარცხნივ, ციცაბო ფილაზე და-  
რულ. მეტად არასაიმედო თოვლზე. მერე ტკეპნის მას, რითაც  
აძლიერებს კლდესთან შექიდეებას. ფილის ბოლოდან ზევით  
მიდის პატარა ნაპრალი. ლაშენალი ძვრება ნაპრალში და კიდევ  
სამი მეტრით მიიწევს წინ. ყველა ხელმოსაჭიდი ყინულითაა  
ამოვსებული. მაგრამ ტერაი საიმედოდ აზღვევს ამხანაგს. ახლა  
ლაშენალი მიადგა უზარმაზარ შიდა კუთხეს. მის სიღრმეში  
თოვლის ქვეშ ნაპრალი გამონახა და ცდილობს გამოიყენოს.  
ფეხი უსხლტება და რაღაც სასწაულით იკავებს თავს. მერე ეშ-  
ვება ერთ მეტრზე და არკობს პალოს. პალო შედის რამდენიმე  
სანტიმეტრზე, ირყევა და ვგრძნობ, რომ მასზე დანდობა არ შე-  
იძლება, მაგრამ ლაშენალი უყოყმანოდ დგება ზედ. როგორ  
მოიქცეს შემდგომ? იგი არკობს ნაპრალში წერაყინს და მაგ-  
რად არყევს, რათა შეამოწმოს, როგორაა დამაგრებული: წე-  
რაყინი ლაყლაყებს, მაგრამ ბოლოს და ბოლოს, როგორღაც  
იქედება. ლაშენალს ერთი წამითაც ექვი არ ეპარება თავისი  
ნამუშევრის გამძლეობაში და ორივე ხელით ექიდება წერა-  
ყინს, აშორებს ფეხს პალოს და შეუპოვრად ცდილობს აიწიოს,  
რომ კიდევ რამდენიმე სანტიმეტრი მოიგოს. ახლა კი ძალიან  
გავჯავრდი: ასეთი რისკის გაწევა შექმნილ გარემოებაში დაუშ-  
ვებელია. მივიწევ ტერაისკენ, რომ დავებმარო, თუ ლაშენალი  
მოწყდება. სანამ რაიმეს თქმას მოვასწრებ, ლაშენალი უკვე  
ზემოთაა. უბანი გავლილია ფენომენური ოსტატობით. ტერაი  
თვალისდახამხამებაში მიჰყვება უკან. არკობს მეორე პალოს  
და ჰკიდებს ხუთმილიმეტრაან ნეილონის რეპშნურს.

რამდენიმე წუთის შემდეგ მე და რებიუფა ვხსნით კარავს,  
ვალაგებთ ზურგჩანთებს და მათ კვალს მივყვებით. ვიკრიბებით  
ზევით, ბუნებრივი სახურავით დაცულ ვრცელ მოედანზე. აი,  
სად უნდა დავბანაკებულიყავით! გუშინდელი ამინდი ამორ-  
ჩევის საშუალებას როდი გვაძლევდა. ახლაც კი ღრუბლები  
გვარტყია გარს. მიუხედავად ამისა, ღრუბლის ნაფლეთებში  
მარცხნივ მოჩანს ანაპურნის ჩრდილოეთი ყინვარის ზედა ყი-



ნულვარდნილი, რომლის ჯეროვნად დათვლიერებას აქამდე  
ჯერ ვახერხებდით.

ხანმოკლე თათბირს ვაწყობთ. წიბოთი ასვლის ერთადერთ  
მომხრედ ლიონელ ტერაი რჩება. ლაშენალს, რომელიც ასე  
ხმაურობდა ჩვენთან შეხვედრისას, ახლა მიაჩნია, რომ წიბო  
დაუსრულებელია. რებიუფაც აშკარად პესიმისტურადაა განწყობილი. მე კი ვფიქრობ, წიბო არ უნდა იყოს ანაპურნის გასაღები: თუნდაც მას მიზანთან მივყავდეთ, მთელი ექსპედიციის მარშრუტით წაყვანა მაინც გადაუჭრელ ამოცანად მიმაჩნია. აშკარაა, რომ მუსონის ნაადრევად დადგომის შემთხვევაში, ან დაზარალებულთა დაშვებისას, მდგომარეობა უკიდურესად სახიფათო იქნება.

უფრო ადრე, დჰაულაგირზე, მსგავსმა მსჯელობამ მაიძულა, უკან დავბრუნებულიყავი. ვგონებ, აქაც იგივე განმეორდება. ლიონელ ტერაი სიმტკიცითა და ენთუზიაზმით არის აღსავსე და არავითარი შეგონება მასზე არ მოქმედებს. დასანანი, ასეთი სიმტკიცისა და განსაკუთრებით საქმის დაბოლოებისაკენ მხურვალე სწრაფვის ჩაკვლა, მაგრამ არც ერთი დღით არ მინდა დავაყოვნო შემდგომი ოპერაციები.

როცა ანაპურნის ჩრდილოეთ ყინვარსა და ჩვენ ქვემოთ მდებარე გიგანტურ ყინულვარდნილს კიდევ ერთხელ ვათვალიერებთ, გული მეუბნება, რომ სწორედ აქ ვიპოვით ამოცანის გადაწყვეტას. ჩემს შეგნებაში ისახება გეგმა: ლაშენალი და რებიუფა, რომელთაც არავითარი სურვილი არა აქვთ წიბოთი განაგრძონ ასვლა, რაც შეიძლება ჩქარა დაეშვებიან დროებით საბაზო ბანაკში. აქედან ისინი წაიყვანენ შერპებს და შეეცდებიან გზა გაიკვლიონ ზევით ყინვარზე, აუყვებიან ალბათ მის მარჯვენა ნაპირს, რათა გავიდნენ ჩრდილოეთ კალთის ცირკთან, რომელიც, ეტყობა, ჩამალულია ყინულვარდნილის მიღმა. თუ ისინი ამას შეძლებენ, სასწრაფოდ უნდა მაცნობონ. მე და ტერაი განვაგრძობთ წინსვლას წიბოთი, რათა გავფანტოთ უკანასკნელი ეკვები ამ გზის შესახებ. ლაშენალი და რებიუფა გეტოვებენ. ჩვენ ვაბარებთ, რომ კუზი და შაცი ამოვიდნენ მეორე დღეს. საქიროების შემთხვევაში ისინი გააძლიერებენ ჩვენს ჩაბმას, ან დაგვეხმარებიან წიბოდან ბანაკების მოხსნაში.

მე და ტერაი კარავს ედგავით. მოხარული ვარ, რომ შესაძლებლობა მეძლევა პირველად გვატარო მასთან დამე მაღალ-მთიანეთში. უღიმღამო ამინდია. მსუყე სადილის შემდეგ გემზადებით ხვალინდელი გასვლისათვის, ჩვენი მიზანია, რაც შეიძლება ჩქარა ვიაროთ მსუბუქი ტვირთით, რათა საბოლოოდ გადაეწყვიტოთ ეს ბუნდოვანი საკითხი.

ზაზუნებივით გვიძინავს, მაგრამ ტერაის ადგომას ვერაფერს მოასწრებს. როგორც ყოველთვის, ალიონზე უკვე გაცხარებულ საქმიანობაშია გართული. ვწვევარ თბილ და მოხერხებულ საძილე ტომარაში და უსინდისოდ, ბოროტად ვიყენებ ბარასაპიბის უფლებებს: ჩემი ამხანაგი ამზადებს ჩაის, ხსნის კონსერვებს და მოაქვს საუზმე პირდაპირ „ლოგინში“. როგორც კი საჭმლის გროვას ვათავებთ, ფაცაფუტით ვამზადებთ ყველაფერს, და რამდენიმე წუთის შემდეგ უკვე ვტკეპნით ახალ თოვლს, რომელიც უხვად მოვიდა უკანასკნელი ორი დღის განმავლობაში. სანამ გავხურდებოდეთ, სიმაღლე საგრძნობია და მიუხედავად შემსუბუქებელი ზურგჩანთებისა, მაინც მძიმედ მივაბიჯებთ კრიჭაშეკრულები. თითოეული წუთი გაანგარიშებულია. დღეს „კომანდოსის“<sup>1</sup> სტილის რაღაც რეიდისებური ვაქვს.

არც თუ ისე ძნელი ბუხრით<sup>2</sup> აძრომის შემდეგ ისევ თხემზე გავდივართ, რომელიც თანდათანობით დანის პირივით მახვილდება. მასზე გავლა ბალანსირებითაც კი შეუძლებელია. კლდის პირზე ხელჩავლებულნი წინ მივიწვევთ როგორც უზარმაზარ ღერძზე და ფეხებით ვკაწრავთ ციცაბო კლდოვან კედელს. ჩვენს ქვემოთ 2000 მეტრის სიღრმე უფსკრულს დაუღია ხახა.

თანდათან ვუახლოვდებით ყბადადებულ თოვლიან თხემს, რომელზეც ლაშენალი და ტერაი მიყვებოდნენ საბაზო ბანაკში. მათი ნათქვამი იმდენად ეწინააღმდეგებოდა ერთმანეთს, მხოლოდ ალლოთი თუ მიხვდებოდნი, რა მოგველოდა ამ უბანზე. მართლაც, რაც უფრო წინ მივიწვევთ, მით უფრო მაღალი და ციცაბოა თხემი. ტერაი უყოყმანოდ მიაბიჯებს, მეც მივდეგ ცოტა მოშორებით. ნახევარმთვარის ფორმის პატარა ლამაზი

<sup>1</sup> საპარაშუტო-სადესანტო ჯარები.

<sup>2</sup> შვეული ნაპრალი კლდეში (ავტ).

თხემის შემდეგ ციკაბო მატულობს და მალე წრიაპებქვეშ მაგარი ყინული ისინჯება. ვიდრე ლიონელი საფეხურებს ჭრის, მე ყინულის პალოებს ვარკობ დაზღვევისათვის. საბედნიეროდ, ფირნის თხელი ფენა კარგად გვიჭერს და ღრმა საფეხურების ამოჭრა აღარ გვჭირდება. მარცხნიდან ვუვლით ყინულის შეუვლ კედელს. ვუშვებ ტერაის მთელ თოკზე და ყოველი დამვებისას პალოს ვარკობ. შემდეგ ვცვლით როლებს, ვაძრობთ პალოებს, რადგან ცოტა გვაქვს და მომჭირნეობა გვმართებს. ალაგ-ალაგ ციკაბო ისეთია, რომ პირდაპირ ცხვირით ეხები ფერდობს. მასზე ხელმოსაქიდად ხშირად გვიხდება „ჯიბების“<sup>1</sup> ამოჭრა, ვალწევთ თხემის პირველ „ქანდარმებამდე“ და წინ ვხედავთ გადმოწოლალ კლდეებს. რა იმედგაცრუებაა!

ლიონელი მარჯვნივ გაბედული ტრავერსირებით მიდის ნაკრალამდე და არკობს ორ პალოს. ებმება პალოზე და ყინულოვან უფსკრულზე დაკიდებული მაზღვევს. მერე მე ვაზღვევ, ის კი განაგრძობს ტრავერსირებას მარჯვნივ და გარშემო უვლის მთელ კლდოვან მასივს. ჩრდილში ვართ და სიცივე ძვალრბილში ატანს. საშიში ადგილია. სიცივე კიდევ უფრო აძნელებს ცოცვას.

რამდენიმე წუთის შემდეგ ისევ ერთად ვართ, ამჯერად მზეზე. მიუხედავად ამისა, ჩვენი მდგომარეობა მეტად უსიამოვნო და სახიფათოა. მზის სხივებზე მაგარი ფირნი მოღალატე თოვლად იქცევა. ასვლა გრძელდება. ვძლევთ წმინდა ყინულის რამდენიმე ძნელ უბანს და გავდივართ თხემზე, დაახლოებით 6000 მეტრის სიმაღლეზე. გამოიღარა. ვსარგებლობ შემთხვევით და სურათებს ვიღებ. აქედან ანაპურნა ძალიან ახლოს გვეჩვენება.

წიბო, რომელზედაც ვდგევართ, მწვერვალისაკენ მიემართება, თუმცა ყინულოვანი თხემის დაფლეთილი მონაკვეთი, რომელიც ყვავილოვან კომბოსტოს გვაგონებს, ჩვენგან ახლა ისევე შორსაა, როგორც წიბოზე ასვლის დასაწყისში. გვახსენდება, რომ ჰაერის გამკვირვებლობა ძლიერ ამახინჯებს მანძილებს. ვათვალიერებთ თვალმისაწვდომზე ტექნიკურად რთულ

<sup>1</sup> „ჯიბე“ — ციკაბო ფერდობზე ამოკარული ჯიბის მსგავსი პატარა ღრმული, რომელშიც ხელის ოთხი თითი ჩაეტევა. (ა. ჯ).

უბნებს და ორივენი იმ დასკვნამდე მივდივართ, რომ ჩვენს მიერ აღებული ტემპითაც კი, წიბოს ბოლომდე შესაღწევად რამდენიმე დღე მოგვიხდება ცოცხა. ბუნება ჩვენზე უფრო ძლიერი აღმოჩნდა. მის მიერ შექმნილი დაბრკოლებები ჩვენს შესაძლებლობებს აღემატება. ვწყვეტთ უსარგებლო მსჯელობას და უკანდახევას ვამჯობინებთ. კიდევაც რომ არ შეგვხვდეს დაუძლეველი დაბრკოლებანი (შესაძლოა თხემში არის ჩანაქცევი, რომელიც აქედან არ მოჩანს), უგუნურება იქნებოდა ამ მარშრუტით ექსპედიციის გაგზავნა. არც ერთი ასვლის დროს ალპებში ამოდენა ტექნიკური სიძნელეები არ შემხვედრია. აქამდე ჰიმალაიში კაციშვილს არ დასჭირვებია მსგავსი აკრობატიკა. გულის სიღრმეში იმაზელა ვოცნებობ, ანაპურნის ყინვარმა ლაშენალსა და რებიუფას მაინც გაუხსნას თავისი საიდუმლოება. აქედან იგი უფრო ადვილად მისადგომი გვეჩვენება. კარვად ჩანს პლატო, რომელზედაც ისინი უნდა გავიდნენ. თუ მათაც უკანდახევა მოუხდათ, უკანასკნელი იმედი დაიმსხვრევა. ნუთუ მთელი ჩვენი შრომა, ყველა ცდა მხოლოდ მეორეხარისხოვან შედეგამდე მიგვიყვანს? ეს დიდი იმედგაცრუება იქნებოდა ჩვენთვის.

დაუყოვნებლივ ვიწყებთ დაშვებას. მივდივართ რიგრიგობით და გულმოდგინედ ვაზღვევთ ერთმანეთს პალოებზე, რადგან კლდეები გამძლე არაა. მზეზე აუტანელი სიცხეა, ჩრდილში საშინელი სიცივე. ტრავერსის შემდეგ ყინულოვან თხემს მივადექით. თოვლი ღვებდა და ფეხს ვეღარ ვიკიდებთ. ყინულით დაშვებას ვამჯობინებთ. წინ ტერაი მიდის, მე ვაზღვევ. მაგრამ პალოები ცოტაა, მეტწილად მათი ამოძრაობა მიხდებოდა და იძულებული ვარ დაუხლვევლად დავეშვა. ტერაი გაფაციცებით მადევნებს თვალყურს, კარგად ესმის, თუ მე მოვწყდი, აუცილებლად მასაც გავიყოლებ. ისე ეშვება ფერდობისაკენ ზურგშექცეული და თითოეულ მოძრაობას ზუსტად ანგარიშობს, რათა წონასწორობა დაიცვას; შემდეგ გამომიტყდა, ორჯერ დაცურდი და მხოლოდ სასწაულით შევიმაგრე თავიო. მე სხვა ტექნიკას ვიყენებ: ვეშვები ფერდობისაკენ პირშექცეული, ფეხებსაც ვიყენებ და ხელებსაც. მარჯვენა ფეხით ვპოულობ ყინულზე შესაფერ ფეხსაბჯენს; მარცხენას, მიუხე-

დავად ფხვიერი თოვლისა, წრიაპის ორ პირველ კბილზე ვამაგრებ. მარცხენა ხელით სველ თოვლს ვაკრავ ყინულზე და ზედ ვეყრდნობი, მარჯვენათი — წერაყინის ნისკარტს ვარჭობ ქვასავით მაგარ ყინულში. როცა მარჯვენა ფეხით საყრდენს ვპოულობ, კვლავ ვეუფლები სამ საყრდენ წერტილს (საკმაოდ საეჭვო საყრდენებია), მარცხენა ფეხი, თავის მხრივ, იმეორებს იმავე ოპერაციას; ეს გასაოცარი ცოცვა — მთლიანი ეკვილიბრისტიკაა. ვეშვები ნელა, ფრთხილად, მკვეთრი მოძრაობების გარეშე.

— ე-ეი!.. ე-ეი!

ეს ჩვენს დასახმარებლად მომავალი შაცის ხმაა. ტერაი მასთან უფრო ახლოსაა და ეძახის, რომ ჩვენ ვეშვებით.

— ეი, შაც! ახსენი კარავი, საბაზო ბანაკში მივდივართ.

შაცმა გაიგონა და შორიდან გვიყურებს. ღრუბლებში გავეხვით. ირგვლივ ყველაფერი მთლიან მონაცრისფრო ნისლში ჩაიძირა. ვარჭობთ პალოებს, ვვარაუდობთ გასავლელ მანძილს და ვკიდებთ თოკს. ტერაი ეშვება დიულფერით,<sup>1</sup> მე კა ბალოს ვუთვალთვალავ, რომელიც თოკის ყოველ დაჭიმვაზე იღუნება და მერე ისევ უბრუნდება საწყის მდგომარეობას. ყინული იმდენად მაგარია, რომ არავითარ საშიშროებას არ გვიქადის, ყველაფერი რიგზე იქნება. მერე შეც აღზინისტური მეცნიერების ყველა წესის მიხედვით, ვიხვევ თოკს გარშემო და სწრაფად ვეშვები ტერაისთან, რომელსაც უკვე გამოუჭრია პატარა მოედანი ჩემს „დასაფრენად“. ცალი ბოლოდან ვეწევი, ვათავისუფლებ თოკს და მალე მივდივართ კლდეებამდე. გახარებულები ვიშორებთ წრიაპებს, რომლებიც თასმებითა გვაქვს მიმაგრებული ფეხსაცმელებზე და ერთი წამის შემდეგ უკვე მიექრივართ კლდოვან თხემზე. ისე ძალიან გვინდა, რაც შეიძლება ქვემოთ გავათიოთ დამე, რომ გზა, რომელსაც დილით ნახევარი საათი მოეუნდით, ახლა რამდენიმე წუთში ჩავიარბინეთ.

მიექრივართ, თითქოს ვლამობთ ღროს გავუსწროთ: ნავარ-

---

<sup>1</sup> თავისუფალი დაშვება ორმაგი თოკით, ხოლო შემდეგ, ცალი ბოლოთი მისი გამოძრობა.

ღით გადავრბივართ პატარ-პატარა კლდეებზე, მივსრიალებთ ბუნებრივად, კოტრიალ-კოტრიალით ჩავდივართ ქვემოთ. მალე, მიუხედავად მსაფრთხი სიცივისა, ოფლში გავიწურეთ. საბუნებრივად ტუჩებში ვაღწევთ ღილით დატოვებულ ბანაკს და თავა ვაცხრებთა წაღსა და სარკეს, რომლებიც კარებებს გვკავენ. სულ მალე ჰამიდურის საწებლიან ძროხის ზორცს შევექცევით. ვაყოლებთ მუცას, ტერაის მიერ მომზადებულ საუცხოო ჩიხს და ვინილავთ დამკვლევის შედეგებს. ამ აღმუშნებელმა, ერთუნიახშით აღსავსე დამკანცველმა საათებმა მხოლოდ ერთ უსარგებლო წიბოზე გამარჯვება მოგვიტანა. მიუხედავად ამისა, როგორც შემდეგ ტერაი ამბობდა, ვერაფერი ვერ შეეღრება იმ შეუპოვარ ბრძოლას, რომელშიც ჩაქსოვილი იყო მთელი ჩვენი სიმაჰაცე, ძალა და ნებისყოფა.

ღრუბლები ლამის ზედ დაკვაწვეს. მაგრამ იმედი გვაქვს, გამოიღარებს. ვაღწევთ იმ მონაკვეთს, სადაც რეპზნური<sup>1</sup> ჰკიდია. ერთიმეორის მიყოლებით ვეშვებით უფსკრულში და ვიკრიბებით ვიწრო მოედანზე, სადაც ორი დღის წინათ მე და რეზიუფამ ღამე გავათიეთ. ჩვენ მივექანებით ძნელ და საბიფათო ადგილზე და თან მიგვაქვს საბანაკო მოწყობილობის ორი სრული კომპლექტი. სარკეს პირველად აძრწუნებს დაშვების სისწრაფე, მაგრამ მალე ებმება საერთო ფერხულში. წიბო ძალიან დათოვლილია და დიდი სიფრთხილე გვმართებს, მაგრამ როგორც კი რთულ ადგილებს გავცდით, ისევ სირბილით განვაგრძეთ გზა. ყველა აღგზნებულია. თვალდათვალ გვიახლოვდება ჩვენთვის უკვე ნაცნობი ბალახოვანი ბოაცვი. უკანასკნელი კლდეები გავიარეთ და, აი, უკვე ახალი თოვლით შეფიფქულ ბალახიან კალთებს მივყვებით. მალე მივალწიეთ მოწინავე ბანაკს. რომელიც წიბოზე ასასვლელთანაა გამართული. ახლა რამდენიმე საათში გავიკრიბინეთ გზა, რომელსაც ასვლის დროს ორი დღე-ღამე მოვუხდით. აქედან კარგად მოჩანს ხეობის სიღრმეში მორენაზე გამართული საბაზო ბანაკი. კარგები ყვითელი ლაქებივით მოჩანან ქვანაშალთა საერთო რუხ ფონზე. ძლიერი წვიმა, უფრო სწორად, სველი თოვლი, რომელიც რამდენიმე წუთის წინ მოდიოდა, სუსტმა თქორმა შეცვალა. მე

<sup>1</sup> რეპზნური — წერილი დამხმარე თოკი.

და ტერაი ერთი შეხედვისთანავე ვუკვებთ ერთმანეთს, სასწრაფოდ ვიღებთ კარვებიდან საბჭურველს, მაგრად ვტენით ზურგჩანთებში და თავქვე ვეშვებით. შაცი და სარკე ცდილობენ. არ ჩამოგვჩინენ, მაგრამ ჩვენ ქურციკებივით მივჭრევართ. მიუხედავად მძიმე ზურგჩანთებისა, რომლებიც წონასწორობას გვირღვევენ. ვსტივართ ბალახიან კობოხებზე, ვიყენებთ ფერდობის სრულიად უმნიშვნელო უსწორმასწორობებს. კომონებზე მოძრაობის სისწრაფეს. მარცხნივ ტრავერსივით გავდივართ, კულუარის ფსკერზე ჩამონადენი თოვლის „ენასე“ უყრყმანოდ ვიწყებთ სრიალს და შესანიშნავ მრუდებს ვჭრით მოსახვევებში. ასეთი მოხდენილი და სწრაფი სერხით, რამდენიმე წუთში ვალწვეთ მორენამდე.

შაცი ალბათ გაოცებულია, რისთვის გვჭირდებოდა აეთა „მარულა?“ სიმართლე რომ ვთქვათ, — არაფრისათვის. იმის მაგიერ, რომ თხუთმეტ წუთში დავშვებულყავით, ჩვენ შეგვეძლია ეს გზა მშვიდად გაგვევლო ერთ საათში. უბრალოდ, წინძნელი, მაგრამ მშვენიერი დღე გვედო და ყველანი აღგზნებული ვიყავით.

საბაზო ბანაკში სენსაციური ამბავი მოგველის: ლაშენალმა და რებიუფამ გამოგზავნენ თავისი შერპი და გვაცნობეს: ყინვარის მარჯვენა კილით გავლა შეიძლებაო. თვითონვე კისრულობენ გასვლას დიდ პლატოზე, რომელიც ჭერ არ უნახავთ, მაგრამ ანაპურნის ზედა კალთების დათვალიერება მათ მაინც ვერ მოახერხეს.

წიბოზე ყოფნის დროს მე და ტერაიმ 6000 მეტრის სიმაღლიდან შევათვალიერეთ გზის ეს ნაწილი და დავრწმუნდით, რომ პლატო თითქმის ჰორიზონტალურია და მასზე სიძნელები არ შეგვხვდება.

ექსპედიციის მთელი დროის განმავლობაში, პირველად გამოჩნდა რაღაც იმედის მომცემი ნიშნები. აგვინაზღაურდება ბოლოს და ბოლოს შეუპოვარი სწრაფვა და გამარჯვების რწმენა? გაგვიხსნის მწვერვალი თავის საიდუმლოებას? მე ვფიქრობ, რომ უახლოეს ხანში გამოვიცნობთ ამას, და რამდენიმე საათის შემდეგ ექსპედიციის ბედი გადაწყდება.

ახლა, უპირველეს ყოვლისა, წვიმის, თოვლისა და ოფლისა-

გან დასველებული ტანსაცმელი უნდა გავიშროთ. მოვიდნენ შაცი და სარკეც. აქვე ვაზუსტებთ გეგმას ხვალისათვის.

— იცი რა, — მეუბნება შაცი, — შე რაღაც მარშრუტის მსგავსი შევადგინე, მომეცი ორი შერაბი და...

— ორი შერაბი? — აწყვეტინებს ტერაი, — კიდევ რა გინდა?

— ორი სასიმაღლო კომპლექტი და სამი დღის საგზალი

— შეფს! უნდა „თავისი“ ექსპედიცია მოაწყოს, — ირო-ნიულად ამბობს კუზი.

— დააცადეთ, თქვას!.. რა მოიფიქრე?

— ერთი ადვილი თხემი შევიგულე, მგონი შეეძლებოდა ყინვარის გავლას ისე, რომ ყინულვარდნილი მარჯვნივ დარჩეს...

— მართალს ამბობს, — ჩავერიე მე, — ლაშენალსა და რე-ბიუფას რომ იმედი გაუცრუვდეთ, რა ვიღონოთ მაშინ? განა ცუდია, თუ სათადარიგო ვარიანტი გვექნება?

გადაწყდა! ხვალ, გარიჟრაჟზე ენთუზიაზმით აღსავსე შაცი, ახალ დაზვერვაზე წავა. მან მოძებნა გზა კუზისთან და უდოსთან ერთად მირისტისზე და ახლა იმედი აქვს საბოლოოდ აღმოაჩინოს ანაპურნის მისადგომები. მე, ტერაი და სარკე, უკანასკნელ დღეებში ძალიან დავიღალეთ და ხვალ დილით დასვენებას ვაპირებთ. ნასადილევს, აჯიბას მეთაურობით, ამხანაგების შესახვედრად გავალთ. ამჯერად იმედი გვაქვს, რომ გაგვიმართლებს და დიდი გაჭირვებით ვაიძულებთ თავს, „დავკარგო“ ძვირფასი საათები.

— კუზი, შენ მეტად უმაღლური სამუშაო გელოდება...

— ....

— წიბოზე მოწინავე ბანაკი უნდა მოხსნა, გადაიტანო და ჯამართო საბაზო ბანაკი ჩემს ნაჩვენებ ადგილზე, ეს იქნება უკიდურესი წერტილი, საღამდეც მზიდავები მიაღწევენ.

— დიახ, არცთუ ძალიან სამხიარულოა, მაგრამ რაკი საქირია!..

— რა თქმა უნდა, ეს აუცილებელია, თვითონაც ხომ გესმის. თანაც ერთი შერაბის მეტი არ გეყოლება.

<sup>1</sup> ასეთია მარსელ შაცის მეტსახელი, რომელიც ალპინისტებმა შეარქვეს მათორგანიზაციო საქმეებისადმი ძლიერი მიდრეკილებისათვის.



— ეს ვერ არის კარგი საქმე!

— თვითონვე მოგიხდება თრევა...

ჩვენი მუდამ მოუსვენარი და მოფუსფუსე მეგობარი, გუნდის ყველაზე ახალგაზრდა წევრი, კუზი, იძულებული იქნება რამდენიმე დღის განმავლობაში ქვემოთ დაჩჩეს, მეტად მნიშვნელოვანი, მაგრამ შეუძრველი სამუშაოს შესასრულებლად. ამ დავალებას იგი უზადოდ შეასრულებს, სიტყვის შეუბრუნებლად, თუმცა საფსებით შეგნებული აქვს, რომ გადამწყვეტ იერიშის მომენტისათვის იგი ვერ იქნება საკმაოდ აკლიმატიზებული და მწვერვალის დაპყრობის დროს შეიძლება პირველთა რიგში ვერ აღმოჩნდეს — მისი საქციელი თავგანწირვის შესანიშნავი მაგალითია, რომელიც ქმნის კოლექტივის ძალას. ცუდი ამინდია, მაგრამ საღამოს ყველა მხიარულ გუნებაზეა აღსავსენი ვართ იმედებით. ყველა ერთმანეთს ესიყვარულება და ეფერება... ახლოვდება დიადი გადაწყვეტილებების ეამი.

იმ დროს, როცა კოკისპირული წვიმა გამაყრუებლად ურახუნებს კარვებზე, ჩვენ წყნარად და ნეტარებით ვიძინებთ თბილსა და მოხერხებულ საძილე ტომრებში. ძილბუნდში ჩემამდე აღწევს შეძახილები, პალოების ქლარუნი, პრიმუსის შიშინი, კონსერვის ქილების კაკუნი, ქვათაცვენის ხმაური: შაცი ეშზადება გასელისათვის პანზოსა და აილასთან ერთად. ჭერ კიდევ უკუნი ღამეა, როდესაც ის მოდის ჩემს კარავთან:

— მორის, მივდივართ!

— როგორი ამინდია?

— მთელი ცა ვარსკვლავებითაა მოქედილი.

— მაშ, გასურვებ წარმატებას, მეგობარო!

— ჭერჭერობით, ნახვამდის!

რამდენიმე წუთს ისმის ფეხის ხმა მორენაზე: ამხანაგები მიდიან.

რა კარგია ნებივრობა, როდესაც სხვები შრომობენ! რა სასიამოვნოა ოცნება ძილღვიძილში, როცა გავიწყდება დროის მიმდინარეობა, როდესაც იცი, რომ რამდენიმე საათის შემდეგ უსაქმობა მძიმე შრომით უნდა შეცვალო.

ექსპედიციის პირველი დღეებიდან ერთი წუთი მოსვენება არ მქონია. დღეს შემიძლია არაფერი ვაკეთო და მთლიანად გა-

მოვიყენო ეს შესაძლებლობა. ვღებები და მივემართები სხვა კარვებისაკენ. ტერაი რაღაცას არჩევს, ახარისხებს, ანაწილებს. მას წესრიგის მანია დაეუფლა. გადამწყვეტი ბრძოლის ზღურბლზე, უნდა, ყველაფერი მზად ჰქონდეს. ვიდრე თვითონაც ასეთ საქმიანობაში ჩავიძირებოდე, თვალს ვავლებ მთებს; მზე უკვე მალაა, ჰაერში სითბოა — კარგი დღე იქნება...

მაგრამ ყველაფერს დასასრული აქვს და მათ შორის მშვენიერ წუთებსაც. ერთი მნიშვნელოვანი საკითხი არ მასვენებს: ლურსათი თითქმის გაგვითავდა, ნარჩენები უნდა აღვწეროთ. ვაგროვებთ ყველაფერს ერთად და კარავში ჩაცუცქეული ვახარისხებ, ვთვლი, ვიწერ. ბოლოს ყველაფერი დამთავრდა, გაირკვა, შეჯამდა და სინდისიც დამიმშვიდდა.

ნასადილევს გავდივართ ვეება ზურგჩანთებით. დილით შევეძელი დასვენება რვაღლიანი განუწყვეტელი მუშაობის შემდეგ და შესანიშნავად ვგრძნობ თავს. ამინდი ისევ კარგია. ერთფეროვანი მორენები კილომეტრების მანძილზე ვრცელდება. დროდადრო ფეხი გვისხლტება ყინულზე მდებარე „ცოცხალ“ ქვებზე.

უეცრად ჩვენკენ მომავალ კაცს ვხედავთ — ეს აჯიბაა: შესანიშნავი ამბავი მოიტანა: ლაშენალი და რებიუფა ყინვარის პლატოზე გასულან. თავის ბარათში რებიუფა დასძენს, გზა მარჯვენა ნაპირის ადვილი კლდეებით მიდისო. ამგვარად, ანაპურნის ჩრდილოეთ ყინვარის დიდი ყინულვარდნილი გავლილია. გულგამხნევებულები ნაბიჯს ვუჩქარებთ.

ტემპერატურა სავსებით ასატანია, გარემომცველი კლდეები სითბოს აახივებენ. დიდი ბარიერის კედლები, რომლისკენაც მივემართებით, სულ უფრო და უფრო ახლოვდება; ისინი სრულიად გლუვი, მიუვალი, გრიფელივით რუხი ფერისანი არიან. როგორც ეს ხშირად ხდება ხოლმე, ყინვარის მარჯვენა ნაპირის მორენა მოხერხებული და ჩქარი მისასვლელი გზაა. ახლა აჯიბას მივყავართ. ნაშუადღევს ვალწევით მორენის დამრეც ნაწილს, რომელიც აქ ფართოვდება და დიდ ბარიერს ებჯინება.

შემდეგ საჭიროა ცოცვა მარჯვენა კლდეებით. აქ მზიდავები ვერ შეძლებენ გავლას. სახელდახელოდ ვხაზავ კროკებს, რომ-

ლითაც შემდგომ დავაზუსტებ საბაზო ბანაკის ადგილმდებარეობას. დრო მიჰქრის, დღესვე გვინდა გავიდეთ პლატოზე. ჩქარი ტემპით მიეყავართ აჭიბას დიდი ბარიერის კონტრფორსებისაკენ. ხან სპირალური ნაპრალებით, ზოგჯერ ბუხრებითა და თაროებით, ხოლო შემდეგ კულუარებით გავდივართ ანაპურნის ყინულვარდნილის თავზე. სიმაღლე ივრძნობა. დავიღალეთ და ზურგჩანთები უფრო მძიმე გვეჩვენება. დამდებოდა, როდესაც მივალწიეთ დიდი ყინულის კედლის ძირამდე. აქ დაახლოებით 5100 მეტრის სიმაღლეზე ჩვენს მეგობრებს თავისი ბანაკი გაუშართავთ — მომავალი პირველი ბანაკი.

ისინი დაუფარავი სიხარულით გვხვდებიან. ახლა ბნელა, არაფერი ჩანს, მაგრამ მათს სიტყვებში სიმტკიცე უღერს: ეჭვი არაა, რომ ანაპურნას დავიპყრობთ!

---

**მ**ართლაც, მეორე დღეს განსაცვიფრებელი სანახაობა მომელოდა. თვალი რომ გავახილე, ლაშენალი და რებიუფა უკვე მშრალ კლდეზე ისხდნენ და თვალმოუშორებლივ შესცქეროდნენ ანაპურნას.

უეცარმა ყვირილმა მაიძულა კარვიდან გამოვევარდნილიყავი:

— გზა ვიპოვე, გზა! — ყვირის ლაშენალი.

მივედი მათთან. თოვლიანი კალთები დამაბრმავებლად ბრწყინავს და თვალები მეჭუტება. ანაპურნა პირველად ანდობს ადამიანს თავის საიდუმლოებას, მისი უზარმაზარი ჩრდილოეთი კალთა, რომელიც ყინულის მდინარეებითაა დაფარული, აღმასივით ელავს. არასოდეს მინახავს ასეთი გიგანტური მწვერვალი, სრული თავისი სიდიადით. ეს მთელი სამყაროა, თვალისმომკრელი და მრისხანე, თვალმიუწვდენი თავისი გრანდიოზულობით. მაგრამ ამჯერად ჩვენ წინ არაა შვეული კლდეები, დაღარული თხემები, დაკიდული ყინვარები და სხვა მსგავსი სიამენი, რომლებიც ზოგჯერ უტოპიად აქცევენ ხოლმე ყოველგვარ ფიქრს ასვლის თაობაზე.

— გესმის, — მიხსნის ლაშენალი, — ამოცანა იმაში მდგომარეობს, რომ გავიდეთ, აი, იმ ყინვარზე, ნამგალს რომ ჰგავს, ანაპურნის ზედა ნაწილში. მის დასაწყისამდე რომ მივალწიოთ, სულ მარცხნივ უნდა ვიაროთ, რომ ზვავში არ მოვხვდეთ.

— მაგრამ მაშინ, — აწყვეტინებს რებიუფა, — როგორღა გინდა შენი გზის დასაწყისამდე მიხვიდე? ყინვარი, პლატოს

მეორე მხარეზე, მთლიანად ნაპრალებითაა დასერილი. მასზე გადასვლა შეუძლებელია!

— შეხედე...

რაც ძალი და ღონე მაქვს, ვაპყეტ თვალებს, მაგრამ უნდა გამოვტყდე, რომ, ენთუზიაზმით მოცულს, არ შემწევს ძალა ამხანაგების ახსნა-განმარტებას თვალყური ვადევნო.

ძლივს! ჩვენი მწვერვალი აქვეა, ჩვენს წინ.

დღეს 23 მაისია, ექსპედიციის ყველაზე შესანიშნავი დღე.

— შეხედე, — დაქინებით მთხოვს ლაშენალი და გვერდზე იწევს თავის პატარა ნაქსოვ ქუდს. — ნაპრალებს შეიძლება მარცხნიდან მოუარო. შემდეგ საკმარისია ყინულვარდნილი დაძლიო პირადმა და თანდათანობით მარჯვნივ იარო „ნამგლის“ მიმართულებით.

ჩვენს ყურადღებას წერაყინის წკრიალი იპყრობს. აჯიბა ამტვრევს ყინულს გასაღობად.

— შენი მარშრუტი, ბისკანტ, საკმაოდ პირდაპირი არაა. ნამდვილად წელამდე ჩავეფლობით თოვლში: გზა უნდა იყოს, რაც შეიძლება მოკლე, პირდაპირ მწვერვალისაკენ.

— ზვაეები? — მეკამათება რებიუფა. საშიშროება ორივე მხარეს ერთნაირია და ბარემ უკეთესია იქით წახვიდე, საითაც უმოკლესი გზაა.

— კი, მაგრამ, კულუარი? — არ მნებდება ლაშენალი.

— თუ მას უფრო ზემოთ გადავივლით, საშიშროება არცთუ ისე დიდი იქნება. ამასთან, ხედავ შენს გზაზე ზვაეების ნაკვალევს?

— დიახ, სწორია, — იძულებულია აღიაროს ლაშენალმა.

— ჰოდა, თუ ასეა, ვინ გვიმლის ავიდეთ პირდაპირ ზევით, მოვუაროთ სერაკებსა და ნაპრალებს, მარცხნივ მოვუხვიოთ და „ნამგალთან“ გავიდეთ, ხოლო იქიდან გეზი პირდაპირ მწვერვალისაკენ ავილოთ?

ვგრძნობ, რებიუფა არცთუ ისე ოპტიმისტურადაა განწყობილი. თავის ძველ, ვიწრო სვიტერში, რომელსაც ყველა ალპურ ასვლებზე დაათრევდა, იგი ახლა უფრო მეტად, ვიდრე ოდესმე, ამართლებს შერაპების მიერ მისთვის შერქმეულ მეტსახელს „ლამბა-საპიბს“<sup>1</sup>.

<sup>1</sup> გრძელი კაიღი

— მაინც, — ანახლებს კამათს ლაშენალი, — შეიძლებოდა ავსტლიყავით პირდაპირ კედლის ძირამდე და მარცხნივ ტრავერსიობით გაგვეღწია იმავე წერტილამდე...

თავიდანვე თუ მარცხნივ ავიღებთ გეზს, უთუოდ შევიმოკლებთ გზას.

— შენ მართალს ამბობ, ეს სავსებით შესაძლებელია, — შეთანხმება ლაშენალი და თანდათანობით თმობს თავის პოზიციებს.

რებიუფას წინააღმდეგობაც ნელ-ნელა სუსტდება.

— ეი... ლიონელ! აბა, მოდი აქ, ერთი წუთით, 'შეხედე!..

ყუთზე დახრილი ტერაი ჩვეული სერიოზულობით არჩევს პროდუქტებს. წითელი, პატარა სათხილამურო ქუდი და საუცხოო წვერი მეტად კოლორიტულ შესახედაობას აძლევენ მას. ზე პირდაპირ ვეკითხები, როგორია „მისი“ მარშრუტი. თურმე მან უკვე დაათვალიერა მწვერვალი და გარკვეული აზრიც მშვექნა მასზე:

— ჩემთვის, მეგობარო, სავსებით ნათელია ყველაფერი! — აბნობს იგი და ქვედა ტუჩს წინ სწევს. დიდი კულუარის ზეაზის კონუსის ზემოთ, პირდაპირ მწვერვალის ძირში... — და შემდეგ იწყებს ჩვენს მიერ განხილული გზის აღწერას.

ამგვარად, ყველანი ერთ აზრს ვადგავართ.

— სწორედ იქით უნდა წავიდეთ, — გაუთავებლად იმეორებს აღგზნებული ტერაი.

არანაკლებ აღელვებული ლაშენალი პირდაპირ მიყვირის:

— ასიდან ასი შესაძლებლობაა, რომ გამარჯვება ჩვენ დაგვრჩება!

რებიუფა უფრო თავდაპერილია:

— თითქოს ეს მართლაც უფრო ადვილი და ყველაზე ლოგიკური მარშრუტია, — აღიარებს იგი.

საუცხოო ამინდია. ჭერ არასოდეს მთები ესოდენ მშვენიერი არ იგზავნებია. დიდია ჩვენი ოპტიმიზმი, შესაძლოა, მეტისმეტიც, ვინაიდან კედლის გრანდიოზული მასშტაბები ისეთ რთულ დაბრკოლებებს გვიქმნიან, როგორიც ალპებში არასოდეს შეგვხვედრია. დრო არ ითმენს. თუ გვინდა, წარმატებას მივაღწიოთ, არც ერთი საათი არ უნდა დაგვარგოთ. მუსონის დაწ-

ყვება მოსალოდნელია დაახლოებით 5 ივნისს. მაშახდამე, რჩება 10-12 დღე. საჭიროა სიჩქარე და სიჩქარე! ეს აზრი არ მასტენებს. აუცილებელია გავადიდოთ მანძილები თანამიმდევრულ ბანაკებს შორის, მოვაწყოთ მაქოსებური ოპერაციების სისტემა, — უმცირესი დროის განმავლობაში, რაც შეიძლება მეტი ტვირთის ასატანად. ვიყოთ კლიმატურ პირბრუნებს შეგუებულნი\*, და ბოლოს, ამოვზიდოთ „ზურგი“. უქანასწენელი გარემოება განსაკეთრებით მაწუხებს. ჩვენი ყველაფერი მომარაგებული იყო მარტო დაზვერვისათვის. ამჟამად მის განკარგულებაშია სურსათის მხოლოდ ხუთი დღის მარაგი და არცთუ საკმაო რაოდენობით საჭურვლის კომპლექტები.

თავში ათასი საკითხი მიტრიალებს. ენთუზიაზმით აღვსილი ჩემი ამხანაგები ხმამაღლა პაექრობენ, მაშინ, როდესაც შერბები, ჩვეულებრივ, მშვიდად მიდი-მოდიან თავიანთი კარვის წინ.

აქ მხოლოდ ორი შერპია და ლაპარაკიც არ შეიძლება იმაზე. რომ ასევე მათი იმედით დავიწყოთ. რა გაეწყობა. საპიბებები წავლენ მარტო და თვითონვე წაიღებენ ტვირთს. ამგვარად, ხვალვე იქნება შესაძლებელი მეორე ბანაკის გამართვა. ჩემი ამხანაგები ენთუზიაზმით იღებენ ამ წინადადებას, რადგან. სულ ცოტა, ორ დღეს ვიგებთ. ერთი შერპთაგანი, აჯიბა,

\* იმ მომენტში მე ვთვლიდი:

1. რომ ორგანიზმის შევრებას უნარი და დრო, რომელიც საჭიროა აკლიმატიზაციისათვის, სხვადასხვა ადამიანისათვის სხვადასხვაა.

2. რომ შევრების უნარი ბევრად არის დამოკიდებული წინასწარ წვრთნაზე.

3. რომ რომელიც კრიტიკულ სიმაღლეზე უფრო მაღლა, რომელიც სხვადასხვა ადამიანისათვის განსხვავებულია და შესაძლოა პროვრესულად გადაღებული, ადამიანი ჰკარგავს თავის ძალ-ღონეს და ალაღვენს მას ამ სიმაღლიდან დაბლა დაშვებისას.

4. რომ აღნიშნული კრიტიკული სიმაღლე. იმ ტაქტიკის მიხედვით, რომელიც ტარდება ექსპლდირაციის დაწყებიდან. ამ მომენტში, ჩვენი უპრავლენობისათვის უნდა იღოს 5000-6000 მეტრის სიმაღლეთა შორის.

ამ საკითხზე იხ. დოქტ. უდოს სტატიები ჟურნალ „La presse Medicale“-ში. ა). „ფიზიოლოგიური და კლინიკური დაკვირვებანი მაღალმთიანეთში“, № 15, 7 მარტი 1951 წ. გვ. 297-300. ბ). „ქანვბადის გავლენა მაღალმთიანეთში“, № 17, 17 მარტი, 1951 წ. გვ. 326-327.

ჩავა საბაზო ბანაკში და წამოიყვანს იქიდან ჯგუფს პირველ ბანაკამდე, სადაც ამჟამად ვიმყოფებით. ამ ბანაკის გამართვა ხელახლა მოუხდებათ, რადგან აქედან ყველაფერი თან მიგვაქვს.

რაც შეეხება სარკეს, მას საპასუხისმგებლო დავალება ეძლევა: გადასცეს ექსპედიციის ყველა წევრს ჩემი ბრძანება იერიშის შესახებ.

ქალაქის დიდ ფურცელზე ვწერ შემდეგს:

„სასწრაფოდ, საგანგებო შიკრიკის — სარკეს ხელით, პირველი ბანაკიდან ტუყუჩაში:

23 მაისი, 1950 წელი.

პირველი ბანაკი მოწყობილია ანაპურნის ყინვარზე.

ანაპურნის იერიში გადაწყდა!

ჩვენ გავიმარჯვებთ, თუ არც ერთი ჩვენგანი, არც ერთ დღესა და საათს არ დაკარგავს!

თითოეულს იმ ნაწილში, რომელიც მას ეხება:

კ უ ზ ი ს: რაც შეიძლება ჩქარა გადაიტანე საბაზო ბანაკი და გამართე იგი დაახლოებით ორი საათის სავალზე ძველი ადგილიდან, ფართო და მოხერხებულ მოედანზე, თოვლიანი კონუსის წინ და იქ გადაზიდეთ ყველაფერი. გამოგზავნე პირველ ბანაკში, რაც შეიძლება მეტი სურსათი, რაციები, ჩემი და გასტონის საძილე ტომრები, ლიონელის კედები. მიეცი სარკეს 15 რუპია. ის დევს ჩემ „სპილოს თათში“<sup>1</sup>, რაც აგრეთვე უნდა გამომიგზავნო.

შ ა ც ს: თუ მალე დაბრუნდე წიბოდან, მოაწყვე პირველი ბანაკი, რადგან მე, ბისკანტს, ლიონელსა და გასტონს ყველაფერი მეორე ბანაკში გადაგვაქვს. პირველი ბანაკი გამართულია ყინვარის დასაწყისთან, სადაც დიდი ნიში დგას. იქ მოუყარეთ თავი მაქსიმალური რაოდენობის სურსათსა და საჭურველს.

მ ა რ ს ე ლ ს: ამოდი, რაც შეიძლება, ჩქარა. მე თანა მაქვს პატარა აპარატი. ამოიტანე ფირი. საბაზო ბანაკამდე მზიდავები ამოვლენ. შეგიძლია იქ დატოვო ფირის მარაგი.

<sup>1</sup> ნეილონის პარკი, რომელშიაც შეიძლება ორივე ფეხის ჩაყოფა — სიცივისაგან დასაცავად.



უღოს: ამოდი სასწრაფოდ პირველ ბანაკში და ამოიტანე ბატარა აფთიაქი. ძირითადი შეიძლება დარჩეს საბაზო ბანაკში (კერძოდ, ქირურგიული მოწყობილობა).

ნუაელს: მეტად მნიშვნელოვანია! არც ერთი წუთი არ დაკარგო, გაგზავნე საბაზო ბანაკში ათი სასიმაღლო კონტეინერი, 6 კონტეინერი „ველი“, სასიმაღლო ბანაკების ყველა კომპლექტი, უკანასკნელი უმტ! რაცია, სპირტის სამზარეულო „ჟერიკანი“, 10 ლიტრამდე ბენზინი. თოკი რვამილიმეტრიანი, ერთი ხვევა 30 მეტრი, თოკი ცხრამილიმეტრიანი, ორი ხვევა 15-15 მეტრი. რეპშნური ხუთნახევარმილიმეტრიანი 200 მეტრი, 15 ყინულის პალო, 5 კლდის პალო, ათი კარაბინი. ჭიბის ყველა ფარანი, ორი კარვის ფარანი და სათადარიგო ბატარეები.

ავსტრიული საავარიო ზურგჩანთა<sup>2</sup>, ერთი წყვილი თხილამური და ჯოხები, მარხილი, საძილე ტომრები ყველა იმათი, ვინც მეორე ეშელონში შედის, ემერსონის დანადგარი გაყვანილობით, 3 წყვილი სათადარიგო პაკიკი, 1 ბეწვის შარვალი, 2 დიდი კარავი (სამი იქნება საბაზო ბანაკში და 2 პირველ ბანაკში), 4 წყვილი ფეხსაცმელი: ერთი 41, ორი 42, ერთი კი 43 ზომისა. რამდენადაც ბარის ბანაკების კომპლექტები ცალ-ცალკეა დაქსაქსული (საძილე ტომრები და ლეიბები ტუკუჩაში დარჩა), აუცილებელია ამოიტანოთ ყველაფერი, რაც საჭიროა მათ დასაკომპლექტებლად.

გარდა ამისა, უნდა ამოიტანოთ: ყველა სათადარიგო ხელთათმანი და წინდა, ქუმელი და ბრინჯი შერაპებისათვის. დანარჩენი დატოვეთ საიმედო მეთვალყურეობის ქვეშ. მოამზადე ათი სასიმაღლო და 6 „ბარის“ კონტეინერი, რომლებიც შემდგომში გამოგვადგება. შემთხვევის დროს მათი გადმოგზავნა ერთ-ერთი შერპის თანხლებით იქნება შესაძლებელი. ამოდი, იქნები საბაზო ბანაკში. ე. ბ.-ს შეუძლია, აკეთოს რაც უნდა.

მარსელს: იგაუგზავნე დეპეშა დევის: „პირველი ბანაკი—5100 მეტრი. დაზვერვის შემდეგ გადავწყვიტეთ ანაპურნაზე

1 მიმღებ-გადამცემი პორტატული ულტრაამოკლეტალიანი რაცია.

2 ბრეზენტის ლევდებიანი მოწყობილობა — დაშვებულს ზურგით გადასაყვანად.

იერიში ჩრდილოეთ ყინვარიდან მივიტანოთ. გზა სულ თოვლ-  
ყინულიანია. ამინდი ხელსაყრელია. ყველა კარგ ფორმაშია.

იმედით აღსავსე ვარ. საღმით, ე რ ც ო გ ი ა.

ღრმა დაზვერვის შემდეგ საბოლოო იერიშზე გადავდი-  
ვართ. ეს ბრძანება სიხარულით აღავსებს ექსპედიციის ყვე-  
ლა წევრის გულს, მაგრამ მაფიქრებს ის, რომ ტუკუჩამდე მი-  
სალწევად 4 დღეა საჭირო. მე ვუხსნი სარკეს:

— ანაპურნა! (ვუჩვენებ თითო მწვერვალს) Alcha now!!

— Yes, Sahib.

— All Sahibs go now<sup>2</sup>. (ისევ ვუჩვენებ ანაპურნაზე).

— Yes, Sahib.

— This (მე ისე ვიქვერ თავს, თითქოს მივრბივარ)  
very quickly to Tukucha for all Sahibs: Couzy Sahib,  
Doctor Sahib, Noyelle Sahib<sup>3</sup>.

სარკეს სერიოზული სახე აქვს. მან ჩემს თვალებში ამოი-  
კითხა. რომ ეს ბრძანება განსხვავდება სხვებისაგან, მან გაიგო,  
რას მოველი მე მისგან. იცის, რომ აქ ცოტა სურსათი გვაქვს,  
ცოტა საკუთრველი და თუ საპიბებმა მწვერვალზე წასვლა გა-  
დაწყვიტეს, მან უნდა უზრუნველყოს დახმარება.

სარკე ყველაზე უფრო ენერგიული და ძლიერია ჩვენი  
შერპებიდან. მას პირველხარისხოვანი მნიშვნელობის საქმე  
აქვს დავალებული. ის დგას ჩემს წინ ფართოდ ფეხებგაშლი-  
ლი. ტიპიურ მონღოლურ სახეს უჩრდილავს თეთრი მატყლის  
ჩაფხუტი, რომელზეც დამაგრებულია მუქი სათვალეები.

— Go, Sarki! Good lusk It is very importantu... და  
მაგრად ვართმევ ხელს.

ერთ წამსაც არ კარგავს, ავლებს ხელს ბარგს, თავის ხორ-  
ხისმიერ კილოზე რაღაცას აჩქარებით ეუბნება აჯიბას... და  
რამდენიმე წუთის შემდეგ ვხედავთ, თუ როგორ მიდიან ისი-  
ნი ვეება მოელვარე ყინულის კედლის გასწვრივ და მორენის  
მიღმა უჩინარდებიან...

<sup>2</sup> ანაპურნა ახლა, მორჩა! <sup>3</sup> ყველა საპიბი წავა ახლა. <sup>3</sup> ეს სასწრა-  
ფოდ უნდა წაიღო ტუკუჩაში ყველა საპიბისათვის. <sup>4</sup> წადი, სარკე! გზა-  
მშვიდობისა! ეს ძალიან მნიშვნელოვანია...

მორის ერცოგი და  
სირლარი ანგ-თარკე.



სპეიშო გასელა: 13  
მაისს ერცოგი, რე-  
ბიუფა და კუზი ტუ-  
კურიდან ანაპურნის  
დასაზვერად მიემ-  
ზავრებინ.




ერთადერთი ფოტოსურათი, რომელზედაც ექსპედიციის მთელი შემადგენლობა იგი გადაღებულია ტანსაცმელს 11 აპრილს. დგანან მარცხნიდან მარჯვნივ: ლუი ლაშენალი, ჟან კუზი, მარსელ შატი, ემილი ჟაკ უდო, ლიონელ ტერაი, მორის ერცოვი, ფრანსის დე ნუელი და შერპები: ანტონიონი (ანაზი), სარკე, აკიბა, აილა, დავიდონლუპი. სტელან: გასტონ რი-ბიუფა. მარსელ იშაკი და შერპები: ფუოარკე, ანტონიონი და ანაზი.

მზიდაები აღიან  
კრიშნა-განდაკის ხეობით




ღამე ბანაკში





ანაპურნა—მოსავლის ქალღმერთი

ტილიჩოს ყინულოვანი პლატო



რამდენიმე ხანს თვალს ვაყოლებ მათ, შემდეგ ვბრუნდებ და მზით გაბრწყინებული ანაპურნის უზარმაზარი მთაგრებილის მზერით ვტკბები. ჩვენს მახლობლად ცოტაა ჩრდილი. რამდენიმე წუთის წინ, სიცივისაგან ვცახცახებდით, ახლა კი, ჯერ ბუმბულის ქურთუკების, შემდეგ სვიტრების და, ბოლოს, პერანგების გახდაც კი გვიხდება.

შორს მოჩანს მთელს გარემოზე გამეფებული დჰაულაგირი, უფრო ახლოს ნილგირი. თავში გამიელვებენ ხოლმე მოგონებები... დამბუშ-კპოლა, უცნობი ხეობა, დიდი ყინულოვანი ტბა, მანანგბოტი... რა შორსა ვართ ახლა ყველა იმისგან, რაც ჩაფიქრებული გვქონდა: „მსუბუქი ექსპედიცია“ — „ნეილონი“, როგორც ჩვენ მას ვუწოდებდით, „სწრაფი“ ექსპედიცია. ალპური ასვლების გამოცდილების ჰიმალაიში გადატანა — ასეთი იყო პარიზში დასახული ძირითადი ტაქტიკა. „საშიშროება, — ვთვლიდით ჩვენ, — ეს ზევებია, მაშასადამე უნდა მივყვეთ თხემებს“. „რად უნდა დავამუშავოთ მწვერვალი შერპების გასაველლად? საპიბები წაიღებენ თავის ზურგით ყველაფერს: რაკი შერპები არ იქნებიან, მაშასადამე, გზის დამუშავებაც აღარ იქნება საჭირო“.

აფსუს როგორი იმედგაცრუებაა! თხემებზე უმჯობესია, არც ვილაპარაკოთ. შერპები? რა კმაყოფილნი ვართ რომ ისინი აქ არიან! სიმსუბუქე? სიჩქარე? სიმალღეთა ვარდნილობა აქ ისე დიდია, რომ ყოველთვის აუცილებელია მრავალრიცხოვანი შუალედური ბანაკები! და, გარდა ამისა, ჩვენ, ცხადია, სათანადოდ ვერ ვაფასებდით დაზვერვის მნიშვნელობას: მიხვიდე გამოკვლეულ რაიონში, მოუთმენლობით იწვოდე, იერიშზე მიისწრაფვოდე, სად?

ოთხივენი: მე, ლაშენალი, რებიუფა და ტერაი ვკრებთ ჩვენს ბარგს, ვტენით ზურგჩანთებში, რაც შეიძლება მეტ პროდუქტს, საჭურველს, კარვებსა და საძილე ტომრებს. ვტოვებთ მხოლოდ ერთ ყუთს, რომელშიც ისეთი ბარგია, რაც უახლოეს ხანში არ დაგვკირდება. ვანაწილებთ ტვირთს: როგორც ყოველთვის, ზოგიერთები ამჯობინებენ მძიმე, მაგრამ მცირე მოტულობის ბარგს, სხვები კი პირაქით. ოც-ოცი კილოგრამის ზიდვა მოგვიხდება. ამ სიმალღეზე, სადაც ძალის მცირეოდენი დაძაბვაც კი ძვირად გვიღირს, მძიმე ზურგჩან-

თების ქვეშ ოთხად მოკაკულები ძლივს მივაბიჯებთ. ღვედები მხრებში გვაქერს. გვეგონია, ხუთ წუთსაც ვერ ვივლით, მაგრამ, მიუხედავად უზომო ტვირთისა, მაინც წინ მივიწევთ, რადგან ღროის მოგების ფიქრი გვამხნევებს.

მწკრივად გაქიმული, გრძელ თოკში ჩაბმული ოთხი საპიბი მძიმედ მიაბიჯებს დიდი პლატოს თოვლზე, ანაპურნის ძირში. ცხელა, მზე პირდაპირ დაგვეყურებს და ამ ყინულოვან ცირკში მიაი სხივები მთლიანად ირეკლება გარემომცველი კედლებიდან. მალე მოძრაობა ღონეს გვაცლის. გონებას გვიჩლუნგებს. სული გვეხუთება და ოფლში ვიწურებით. ვჩერდებით. ვიღებთ გლექჩერის მალამოიან ტუბებს და პასტის სქელი ფენით ვიფარავთ გაოფლიანებულ სახეებს. რებიუფა და ლაშენალი, როგორც ჩანს, უფრო მეტად იტანჯებიან, ვიდრე მე და ტერაი. ისინი იღებენ საძილე ტომრებიდან შალითებს, აკეთებენ მათგან კუკულუქსკლანელთა კაპიშონების მსგავს საბურველებს და გვარწმუნებენ, რომ ასეთი კონსტრუქცია მშვენივრად იცავს გამოსხივებისაგან. მე ეს არა მჯერა, რადგან მათ, როგორც ეტყობა, სული ეხუთებათ, ამიტომ მე და ტერაი მალამოს ვამჯობინებთ.

ამ თაკარებაში ჰაერი თითქოს გაქრა. ოღონდაც მალე მივალწით პირველ კალთებამდე! ტვირთი კი, რომელიც მიწისაკენ გვლუნავს!.. მთელი ჩვენი ვაჟკაცური ძალ-ღონის დაძაბვა გვიხდება, რომ დაღლილობა და ქოშინი ვძლიოთ. ფორთხვით გადავდივართ კლდოვან კუნძულზე, გიგანტური სერაკების ქვეშ. მთელი ტყე სტალაქტიტებისა, რომლებიც შვის სხივებს ფანტასტიკურად გარდატეხენ, შიშისმომგვრელად გადმოწოლილა ჩვენს თავზე. მე და ტერაი რიგრიგობით მივიკვლევთ გზას, დანარჩენი ორი მგონი უკვე „მივიდა“. სუნთქვა გახშირებული და არათანაბარი გვაქვს. თავს იჩენს ექსპედიციისათვის რეკორდული 6000 მეტრიანი სიმაღლის გავლენა.

რალა მოგვივა 7000 მეტრზე მაღლა?.. ეს აზრი მოუშორებლად მიტრიალებს თავში და მალე ვრწმუნდები, რომ ჩემი ამხანაგებიც ამაზე ფიქრობენ.

— ბოლოს და ბოლოს, მზიდავები ხომ არა ვართ? — შესძახებს ლაშენალი.



— იმისთვის კი არ ჩამოვსულვართ ჰიმალაიში, რომ სიმძი-  
შეები ვათრიოთ, — კვერს უკრავს რებიუფა.

ტერაის აერეოლებს აღშფოთებისაგან:

— მთაშველელს უნდა შეეძლოს ტვირთის თრევა!

ლაშენალი წერაყინზეა დაყრდნობილი, რებიუფა ეშვება  
ზურგჩანთაზე. დაწითლებული სახეები ოფლითა აქვთ დაფა-  
რული, ყოველგვარ გამომეტყველებას მოკლებულ, უსიცოცხ-  
ლო თვლებში ერთბაშად მრისხანება ენთება:

— თუ ახლავე ჩაკვედით ამ იდიოტური მუშაობით, რაღა  
იქნება რამდენიმე დღის შემდეგ? ჩვენ ხომ კიდევ სერაკებზე  
მოგვიხდება გზის გაკვლევა.

ტერაი აფეთქდა:

— და ესენი კიდევ შამონელ მეგზურებს უწოდებენ თავის  
თავს! უბედურო ნიკრისიანებო!

— შენ რაც მეტს აგკიდებენ, მით უფრო უკეთ გრძნობ  
თავს, მოგწონს ასეთი ვირული მუშაობა! — ყვირის ლაშენალი.

— როდესაც საჭიროა, მე ვათრევ ტვირთს!

ვცდილობ დავაშოშმინო ისინი.

— რა თქმა უნდა, მძიმეა, ვიცი, მაგრამ ამით ხომ ჩვენ ორ  
დღეს მოვიგებთ. თუ ასვლა წარმატებით დასრულდა, ეს შე-  
საძლოა, სწორედ იმის წყალობით მოხდეს, რასაც დღეს ვა-  
კეთებთ.

რებიუფა სიტყვას მიბრუნებს:

— შენ და ტერაის შეგიძლიათ ათრიოთ, ჩვენ კი აღარ შეგ-  
ვიძლია!

— თქვენ ხომ ზეადამიანები ხართ, — დასძენს ლაშენა-  
ლი — ჩვენ კი საცოდავი წვრილფეხობა.

ეს გესლიანი შენიშვნა თითქოს შეეხებას აძლევს მას და  
წინსვლა გრძელდება. „ზეადამიანები“ რიგრიგობით კვალავერ  
გზას. სულ გამოეტყინდით, მუხლები გვეკვეთება, ნელა და  
არათანაბრად მივაბიჯებთ, მაგრამ მაინც ბრძოლით ვართმევთ  
მწვერვალს თითოეულ მეტრს. ავტომატებივით ვმოძრაობთ,  
მზერა წინმავეალის ტერაფზეა მიჭაქვეული. ცთუნების აყოლა  
და გაჩერება ასეთ შემთხვევაში დაუშვებელია. არავითარი  
დათმობა! დროგამოშვებით, ტერაი, გასამხნევებლად, რჩეუ-  
ლი ლანძღვა-გინებით გვიმპაპინძლდება. შესაძლოა, ეს გინება

არც ისე აუცილებელია, მაგრამ გულის სიღრმეში თითოეული იძულებულია აღიაროს იგი სამართლიანად.

უკანდან რაღაც შეძახილები მოისმის. ეს მხოლოდ შაცი შეიძლება იყოს. მისი მარშრუტი აქ ხვდება ჩვენსას. ხომ არ იპოვა მან „იდეალური“ გზა? ყოველ შემთხვევაში, ეს ჩინებული საბაბია ხანგრძლივი გაჩერებისათვის. წერაყინებს თოვლში ვასობთ, მათზე ვაცვამთ ზურგჩანთების ღვედებს და ძოხერხებული დასაჯდომებიც მზადაა. ვხსნით კონსერვებს, კეწაფებით მათარებს, თუმცა თითოეული ყლუპი აღრიცხვაზეა, რადგან წყლის მარაგი მეტად მცირეა.

შაცი მოდის ორი შერპის თანხლებით.

— აი, ძმებო, მეც „ამოვედი“!

ჩვენს ამხანაგს ძალზე გატანჯული სახე აქვს. ალბათ ჩვენც არანაკლები გადაგვხდა, მაგრამ ის ერთადერთი საპიბი იყო ჯგუფში.

— აბა, გვიამბე, რა წარმატებები გაქვს?

— ეს გზა არ არის საინტერესო! თუ თქვენი გზით შეიძლება გავლა, ჩემი უნდა დაივიწყოთ.

— როგორ, მეტისმეტად რთულია?

— დიახ. ამასთანავე... ძალიან სახიფათო. იმის მაგივრად, რომ მშვიდად გამომევილო კონტრაფორსის ზედა ნაწილიდან პლატოსაკენ, მე გადავთხარე საშინლად ციცაბო და დიდებული სერაკებიანი ყინვარის გვერდითი შტო! გუშინ ძლივძლივობით მოვახერხეთ კარვის დადგმა ციცქნა მოედანზე. ამ დილით გამოვიარეთ სერაკების კედლის ძირში, რომლებიც ყოველ წუთს შეიძლებოდა თავზე ჩამოგვქცეოდნენ და, ბოლოს, დავძლიეთ საოცრად ციცაბო თოვლიანი კალთა, რომელზე დაშვებითაც არაფრის გულისათვის სიცოცხლეს საფრთხეში არ ჩავიგდებდი.

— შემდეგ რა იყო?

— შენი აზრით, ეს ცოტაა? შემდეგ თქვენ დაგინახეთ და ვიწყე სერაკებს შორის გაძრომ-გამოდრომა, რომ თქვენს ნაკვალევამდე მომელწია... ახლა გვეყოფა ლაყბობა, მგელივით მშისა!

ვიდრე იგი მონდომებით დამზადებულ საუზმეს ნაჩქარევად

ყლაპავს, გარს გვეხვევა ნისლი — ქარიშხლის ჩვეული წინა-  
მორბედი. ტერაი გვაჩქარებს:

— წავიდეთ!

ხილვადობა თანდათან მცირდება. ყველაფერი სქელი ნის-  
ლით იბურება. გზა, რომელსაც მე და ტერაი ალალებდნენ მი-  
ვიკვლევთ, ალბათ სულაც არაა საუკეთესო, მაგრამ რა გაეწ-  
ყობა? დღეს სადღაც, შუა პლატოზე, ზვავებიდან მოშორებით  
მეორე ბანაკი უნდა გავმართოთ. ბარდნას იწყებს. ზურგჩან-  
თებიდან შტორმულებს ვიღებთ. ახლა ტერაი ჩემს უკან მო-  
დის და მასზე ვიღებ ორიენტაციას, რომ სწორი გზით ვიაროთ.  
სულაც არა მაქვს სურვილი, წრიულად ვიჩანჩალო, როგორც  
ეს უკვე შემართებოდა მსგავს ვითარებაში. ჩემი ვარაუდით,  
ახლა დაახლოებით პლატოს ცენტრთან უნდა ვიმყოფებოდეთ.  
ყოველ შემთხვევაში, ღამეს აქ გავათევთ.

საძიებები და შერპები ერთიმეორის მიყოლებით მოდიან ჩემ-  
თან და იხსნიან ზურგჩანთებს. მცირე ხნით ვთათბირობთ.  
შერპების მარტო გაშვება პირველ ბანაკში სახიფათოა. ლიო-  
ნელ ტერაი, რომელიც კარგ სპორტულ ფორმაშია, კისრულობს  
მათ გაყოლას.

უკვე გვიანაა და კვლავინდებურად უხვად ბარდნის. ტერაი  
ჩქარობს, რადგან ნაკვალევი უკვე ძლივსღა მოჩანს. ღამეს ის  
პირველ ბანაკში გაათევს, სარკეს საძილე ტომარაში, ხოლო  
შერპებს საბაზო ბანაკში გაისტუმრებს, იქით უკვე გზა რთუ-  
ლი არ არის. ამგვარად, ჩვენ გვეყოლება ხალხი უახლოესი  
მაქოსათვის!<sup>1</sup>

— არა, ლიონელი აშკარად არანორმალურია, — შენიშნავს  
ლაშენალი, — მას მოსწონს წამებულად მოგაჩვენოს თავი!  
გასტონ, განა მოგივა აზრად, რომ საბაზო ბანაკში ჩასვლისა და  
ღამის კომფორტულად გატარების ნაცვლად იძინო ქვეებზე,  
რომელიც ზურგში გერქობა... და კიდევაც იტრებახო ამით?

რებიუფას მიმიკა მეტად მჭევრმეტყველურია, იგი ასეთ  
თვითგვემას სრულ უაზრობად თვლის. თითოეულ ალპინისტს

---

<sup>1</sup> „მაქოები“ ეწოდება განშორებით რეისებს ერთი და იგივე მარ-  
შრუტით, საშუალოდ ბანაკების მოსაწყობად.

თავისებური ხასიათი აქვს. ქვეყანაზე უფრო ჯიუტ ხალხს ვერ ნახავ.

ჩვენი საბრალო მეორე ბანაკი თოვლშია ჩაკარგული. ყურებს გვიკედევს ზვავების განუწყვეტელი გრიალი. არავინ იცის, სად ცვივა ისინი. ჩანს, ამაღამ არცთუ ისე მშვიდი ძილი გვექნება.

თოვლიან გრიგალთან და ქართან ბრძოლაში ვასწორებთ მოედნებს, ვასობთ პალოებს, ვკიმავეთ კარვებს. ერთი საათის შემდეგ უკვე ყველანი სითბოში ვისვენებთ.

მე და შაცი „საცდელ“ კარავში ვთავსდებით, რომელიც დანარჩენი თოთხმეტისათვის პროტოტიპია და ცოტა უფრო დიდია მათზე. შაცი მარწყვნებს, რომ თუ თავს კარვის სიღრმეში ვიზამთ, კომფორტი იდეალური იქნება. დიახ, შესაძლებელია... მაგრამ არც ერთხელ ასე ცუდად ღამე არ გამიტარებია და არასდროს ჩემს სიცოცხლეში აღარ გავიმეორებ ასეთ ცდას, რადგან კინალამ გავიგუდე. ვამჯობინებ ყოველთვის თავი შესასვლელისკენ ვქნა, აქ სუფთა პაერიით მაინცა ხარ უზრუნველყოფილი! სხვა მხრივ შაცი იდეალური კომპანიონია! საძილე ტომარაში მწოლარე, თვალს ვადევნებ, როგორ ამზადებს იგი საკმელს. მსუყე ვახშამი პირდაპირ „ლოგინში“ მომდის. მალე ძილისმოპვრელი ფხვნილი თავისას სჩადის, ლაყბობა წყდება და სწრაფად ვიძინებთ.

ვიდრე ჩვენ ამგვარად ვეგუებით გარემოს, ტერაი, რომელიც ღამის გასათევად პირველ ბანაკში ჩავიდა, იძულვებულია ძლიერი ქარის გამო ღამის ნაწილი უძილოდ გაატაროს. უხვად ათოვს და მთლიანად ფარავს მას. მიუხედავად გაგუდვის საშიშროებისა, იგი თავიანად ეხვევა შტორმულაში. რამდენიმე საათის შემდეგ, სრულიად გატანჯული, თავქვემ ქვას იდებს და ღრმა ძილს ეძლევა.

მეორე ბანაკში, 5900 მეტრის სიმაღლეზე, 9 საათზე ვიღვიძებთ. უკვე თბილა და კარვის კედლებში მზის ოქროსფერი სხივები ატანს. მაგრამ რა ძნელია გაყინული ფეხსაცმელების ჩაცმა: — პირდაპირ გახევებულან. ამიერიდან ყოველთვის საძილე ტომარაში ჩავიყოლებ მათ. გარეთ ვყოფ თავს: ცაზე ღრუბლის ნატამალიც არ ჩანს. ზღაპრული სანახაობაა.

ჩვენს ირგვლივ, 7000 მეტრზე უფრო მაღლა, მწვერვალ-  
ბისა და თხემების ფანტასტიკური მწკრივი იშლება.

გვერდით, პირდაპირ ჩვენს თავზე, შესანიშნავი, დასერილი  
თხემი მოჩანს. მას „ყვავილოვანი კომბოსტო“ შევარქვით.  
უფრო ქვევით იგი გადადის სწორედ იმ ჩრდილო-დასავლეთ  
წიბოში, რომელზეც ამაოდ ვხარჯავდით ჩვენს ძალ-ლონეს.  
ახლა იგი მთლიანად ჩანს და, ცხადია, ჯერ მისი მეთაფი ნა-  
წილიც კი არ გავგივლია! სიურპრიზია!.. წიბოს შუაგულში —  
უზარმაზარი, დაუძლეველი ჩანაქცევია. ამგვარად, სინდისი  
შეიძლება დამშვიდებული გვექონდეს.

სიღრმეში მკაფიოდ ჩნდება კრისტალივით მბრწყინავი  
ღაულაგირი. უფრო ახლოს ჩვენთან — მიუღვამელი და დი-  
დებული ნიღგირი. მარჯვნივ, ჩვენი ციკქნა ბანაკის თავზე,  
აღმართულია დიდი ბარიერი, რომლის კედლები შვეულად ეშ-  
კება მირისტი-კპოლას ზედა ცირკში. უფრო მარჯვნივ მოჩა-  
ნან უზარმაზარი ამობურცული ყინვარი და ლამაზი მწვერვა-  
ლი, სახელგანთქმული „შავი კლდე!“

შემოვბრუნდი: მზეზე ელვარებს უამრავი სერაკებიტა და  
ნაკრალებათ სავსე გრანდიოზული ყინულის კედელი. მას ზე-  
მთ, განუზომელ სიმაღლეზე, აღმასივით მბრწყინავი ანა-  
პურნა მეფობს ყველაფერზე, როგორც ქალღმერთს შექტე-  
რის. იგი ისეთი მაღალია, რომ დასათვალიერებლად თავის  
უკან გადაგდება გვიხდება.

მღელვარებით შევცქერი კლდეს, რომელზედაც იერიში  
უნდა მივიტანოთ. რა ზვიადია ეს ყველაფერი და რა სუსტები  
ვართ ჩვენ მასთან შედარებით! როგორი ტაქტიკა გამოვიყე-  
ნოთ? სწორად უნდა შევაფასო ჩემი ამხანაგების მღგომარეო-  
ბა, გავითვალისწინო ამჟამად ჩვენს განკარგულებაში მყოფი  
საპურვლის ნაკლებობა, ტექნიკური სიძნელენი, საშიშროება-  
ნი და, რაც მთავარია, მოსალოდნელი შეფერხებანი. რამდენი  
მოქმედი ფაქტორია! ასეა თუ ისე, მტკიცედ გადავწყვიტე,  
ამინდის პირობების მიუხედავად, დავაჩქარო ბანაკების მოწ-  
ყობა, თუ, რა თქმა უნდა, ქარიშხალი არ ატყდა. ყველაფერი  
მათემატიკურ ფორმულამდე დაიყვანება: ყოველდღიურად  
შევასრულოთ სამუშაოს კილოგრამომეტრების მაქსიმუმი, რა-  
თა გადამწყვეტ იერიშამდე ამსვლელთა სპორტული ფორმის

მაღალი დონე შევინარჩუნოთ. ამ მომენტში ჩვენ, მწვერვალთან ახლო მყოფნი, ვერ შევძლებთ თავიდან ავიცილოთ ორგანიზმის დასუსტება და მაშინ თითოეული ჩვენთაგანის ფიზიკური და მორალური შესაძლებლობანი მთელი თავისი ძალით უნდა გამოვლინდეს. ამასთან უნდა გავითვალისწინოთ რაღაც რეზერვი, რომელიც დაშვებისთვისაა აუცილებელი.

ღილით გუშინდელი დაღლილობის კვალიც კი აღარ გვეტყობა. უნდა ვისარგებლოთ კარგი ამინდით და ავიდეთ მესამე ბანაკის მოსაწყობად.

ფეხსაცმელებზე შემსუბუქებულ წრიაპებს ვიკრავთ, რომელთანაც ამიერიდან აღარ მოგვიხდება განშორება. თან მიგვაქვს ერთი კარავი, ხოლო მეორეს მცირეოდენი პროდუქტებით ადგილზევე ვტოვებთ. თითოეულზე მოდის, დაახლოებით, ათი კილოგრამი ტვირთი. ბანაკის დატოვების წინ კიდევ ერთხელ ვათვალიერებთ ყინულის კედელს. ვცდილობთ, შევარჩიოთ გზა მრავალრიცხოვან სერაკებს შორის, რომლებითაც გაქედილია კალთა, ვინაიდან კედელზე გასვლის შემდეგ უკვე ვეღარ შევძლებთ რაიმეს დანახვას ორმოცდაათ მეტრზე უფრო შორს.

თოკში კარვების მიხედვით ვებმებით: ლაშენალი და რებიუფა წინ მიდიან, ხოლო მე და შაცი მეორე თოკზე ვართ.

თითქმის ათი საათია, დროა გავემგზავროთ! საგულდაგულოდ ვკეცავთ კარავს, ერთადერთს, რაც მეორე ბანაკიდან რჩება და მივემართებით მწვერვალისწინა კალთებიდან ჩამონალექ დიდი ცენტრალური კულუარის ზეჯის კონუსისაკენ. მივდივართ პირდაპირ, რადგან გზადაგზა ნაპრალები ცოტაა. თოვლზე ფეხები გვეყინება და მგრძნობიარობას კარგავენ. ამავე დროს ჰაერში ისეთი სითბოა, რომ ბუმბულის ქურთუკებს ვიხდით. შემზარავი ყინულის კედელი სახურავივით სულ უფრო და უფრო დაბლდება ჩვენს თავზე. მარცხნივ — წმინდა ყინულის ტიპიური ჰიმალაური თხემი მანცვიფრებს თავისი ლაქვარდოვნებით, რასაც კიდევ უფრო ამკვეთრებს გვერდითი განათება. მარჯვნივ თეთრად ქათქათებს „ყვავილოვანი კომბოსტოს“ სპეტაკი არშიისებრი თხემი და თითქოს დაგვცინის: „აბა, სცადეთ ჩემთან მოახლოებაო!“

ციცაბოების ამ არაჩვეულებრივ სამყაროში წონასწორო-

ბის ცნებას განსაკუთრებული აზრი ენიჭება, ამ ქაოსის პერსპექტივა ქმნის ძირშივე მცდარ პირველ შთაბეჭდილებებს.

აი, უკვე მთელი საათია, რაც მოვდივართ და მხოლოდ ახლა შევდგით ფეხი კონუსის კალთებზე! მადლეებს ფიქრი იმაზე, თუ რა მოგველის შემდგომ: შთაბეჭდილება იქმნება. თითქოს მილიარდი ტონა გიგანტური ნაკადი აუწერელ უწესრიგობაში გაყინულა. რაც უფრო ვუახლოვდებით კედელს, მით უფრო ციცაბოა ფერდობი. ჯოჯოხეთური გრიალით ეშვებიან სერაკები. ვარდნილი ზვავების გუგუნნი ნერვებზე მოქმედებს. ჭერჭერობით კულუარი სუფთაა, მაგრამ რამდენიმე წუთის განმავლობაში დიდი საფრთხის წინაშე ვიქნებით, რადგან კულუარის ყელის გადაკვეთა მოგვიხდება. რა თქმა უნდა, ეს მცირე მონაკვეთია, მაგრამ ზედა კალთებიდან ჩამოვარდნილი ყოველი ლოდი უცილობლად აქ ხვდება.

პირველად ლაშენალი გადადის. თითოეული ჩვენგანი რიგრიგობით მიჰყვება მის კვალს, კულუარის კიდზე მდგომი ამხანაგების დაძაბული ყურადღების ქვეშ. ჩვენს თავზე უზარმაზარი ყინულის სახურავია, რომელიც ახლა, მზის ჩასვლისას, უღიმღამო მწვანე ფერად ელავს. საექვო დაცვა! გაუძლებს კი იგი, ზვავი რომ წამოვიდეს?

ყველაფერი რიგზეა, სახიფათო ადგილი გავიარეთ და აქოშინებულები ვდგავართ კულუარის მეორე მხარეზე. შესვენებისათვის მოუხერხებელი ადგილია, ფერდობი იმდენად ციცაბოა, რომ თოვლი მასზე არ ჩერდება. აქ დაყოვნება არ შეიძლება.

წინა ჩაბმა სწრაფად ჭრის ერთ ბეწო საფეხურებს, რომელიც ძლივს ეყოფა წრიაპის მხოლოდ წინა ორ კბილს. გლუვი, მაგარი, მინის მსგავსი ყინული, წერაყინის დარტყმისას, მშრალი ტკაცანით იფანტება ირგვლივ. ყინულის ნამსხვრევები თავბრულამხვევი სისწრაფით მიექანებიან უფსკრულში და უჩინარდებიან, თანაც ყოველთვის პატარ-პატარა ზვავებს იწვევენ. განვაგრძობთ გზას მარჯვნივ, სერაკების მფარველობის ქვეშ. არცთუ ისე საიმედო თოვლის ხილით ვალწევთ თოვლით დაფარულ პატარა მოედანს, სადაც ბოლოს და ბოლოს დასვენება შეიძლება. ჭერჭერობით კარგი ამინდია, ცაზე რამდე-

ნიმე პატარა უწყინარი ღრუბელი დაცურავს. ყველანი მხნედა ვართ.

ჩვენს ქვემოთ მთელი თავისი სიდიადით იშლება პლატო, რომელზედაც მეორე ბანაკია გამართული. კარავი ოდნავ მოჩანს და მისი მოძებნა შეიძლება მხოლოდ ჩვენი დატოვებული ნაკვალევით. წინ, შემდგომი მარშრუტი ცუდად გამოიყურება. ჩვენ ზემოთ, ორმოცდაათ მეტრზე, უზარმაზარი ყინულის კედელი გვიღობავს გზას. არც მარცხნივ, არც მარჯვნივ შემოსავლელი არა აქვს. ნუთუ თავიდანვე ჩიხში მოვხვდით?..

მე და შაცი ვიწყებთ გადაწყვეტ შეტევას. წელამდე ვეფლობით. თოვლის ქვეშ მაგარი ყინულია და ფეხი გვისხლტის. ორივე ხელს ვიკიდებ მარჯვენა ფეხზე და მარცხენა მუხლზე დაყრდნობილი, ოცდაათი სანტიმეტრით წინ ვიწევ თოვლზე, შემდეგ ვარქობ წერაყინს, რაც შეიძლება მალლა ვეკიდები, ვიწევ ზევით და ვცდილობ გავათავისუფლო უკან დარჩენილი ფეხი, მაგრამ ვცურდები ისევ ძველ ადგილზე. ლამის გული საგულედან ამოვარდეს, ფილტვები სადაცაა დამაწყდება. ბოლოს და ბოლოს, ნამდვილი სანგრის ამოთხრა გვიხდება. მთელი საათი მოვანდომეთ ამ ორმოცდაათ მეტრს: ახლა ძალიან ახლოს მივედით კედელთან და, მიუხედავად ცხელი დღისა, სიცივისაგან ვცახცახებთ. გულდასმით ვათვალიერებ მეტრს; თოვლით ამოვსებული მრუდე ნაპრალი საშუალებას მოგვცემს ვეებერთელა ყინულის ლავგარდანის ქვეშ ავიდეთ. მრავალრიცხოვანი ზვაეებით დახვეწილი ამ ამაყი კოლოსის დაძლევა წერაყინის დახმარებით მოგვიხდება. ვიდრე საქმეს შევეუდგებოდეთ, მეორე ჩაბმას ვატყობინებ, რომ სახურავზე ასვლისათვის საჭირო იქნება არანაკლებ ორი საათისა. ამ ხნის განმავლობაში, მათ შეუძლიათ გაიარონ კედლის გასწვრივ, უფრო ადვილი გზის მოსაძებნად.

ერთი წუთით ვიხსნი სათვალეს, მაგრამ ვერ ვუძლებ თოვლის დამაბრმავებელ ბრჭყვიალს. შორს, ქვემოთ, მოჩანს მცენარეულობის მწვანე ლაქა, რომელზედაც თვალებს შეუძლიათ ცოტა დაისვენონ. ვწმენდ ცხვირსახოცით თოვლისა და ოფლისაგან დაბურულ სათვალეს, ვამოწმებ კვანძს წელზე, ყინულის პალოების რაოდენობას, ჩაქუჩ-წერაყინს. უკანასკნე-



ლად ვიხედები შაცისაკენ, რათა დავრწმუნდე, რომ ის საიმედოდ დგას.

— მივდივარ! თოკი მოუშვი, ვეთაყვა!

— მიღი, — მეუბნება შაცი და ცოტ-ცოტაობით უშვებს თოკს, თოვლში მაგრად ჩასობილი წერაყინის გარშემო.

ვიწყებ ნაპრალის გაშმენდას. თოვლი მკვრივია და მაგარი. ამ სიმაღლეზე ეს მუშაობა აუარებელ ძალას მართმევს. ყოველი დარტყმის შემდეგ გაჭირვებით ვითქვამ სულს. ბოლოს, ვჭრი ოცდაათი სანტიმეტრის სიღრმისა და ერთ მეტრამდე სიგრძის პატარა მოედანს, რომელზეც მოკრუნჩხული და გადმოწოლილ ყინულზე თავმიბჭენილი ძლივს ვთავსდები. საჭიროა კიდევ ჰორიზონტალურად ორიოდ მეტრზე წინ წაწევა. ბრძოლით ვართმევ კედელს თითოეულ სანტიმეტრს, ნაპრალი ვიწროვდება. კედელი უფრო ძლიერად მაწვება და უფსკრულისაკენ მიბიძგებს. გზას ფორთხვით ვამთავრებ. პირქვე ვწევარ და კრუნჩხვით ვეჭიდები წერაყინის ტარს, ჩემს ერთადერთ საყრდენს. ახლა საჭიროა ყინულის ლავგარდანში გაღწევა. ყოველგვარი საყრდენი წერტილების გარეშე, ცალი ხელით, არ შემიძლია მთელი ძალით ვჭრა საფეხურები... ყინულის ნამსხვრევები შაცს ეყრება თავზე, რომელიც მედგრად უძლებს ამ „შხაპს“. ის ფხიზლად ადევნებს თვალს ჩემს მოძრაობას და, მოწყვეტის შემთხვევაში, მზადაა დამაზღვიოს. უწინარეს ყოვლისა, ვამტკრევ ლავგარდანის კიდეს, რომელიც ხელს მიშლის. ყინულში ამოკაწრული რამდენიმე „ჯიბე“ მარცხენა ხელმოსაჭიდის მაგიერობას მიწევს. უფსკრულის თავზე დაკიდებული, გადმოწოლილ ყინულზე მიკრული მარცხენა ხელით მივიწევ ზევით და ნელა, ძალიან ნელა ვსწორდები, ვგრძნობ, რომ შაცი დაძაბული ყურადღებით მიცქერის. ვითავისუფლებ მარჯვენა ხელს, ვტაცებ მას წერაყინს და ლავგარდანზე ვჭრი უფრო საიმედო ხელმოსაკიდს მარცხენასათვის. შემდეგ ვასობ წერაყინის ნისკარტს. ვმაგრდები მასზე მარჯვენა ხელით და თვალის დახამხამებაში ვეჭიდები ამ ხელმოსაკიდს. წარმოუდგენელი გაჭირვებით ვჭრი ლავგარდანზე, რაც შეიძლება მაღლა, ორ საფეხურს, ისინი შესაძლებლობას მომცემენ, ლავგარდანის დაძლევის შემდეგ რამდენიმე წუთით ფეხი მოვიკიდო კედელზე და ზევით ავიდე.

უკან ვეშვები ჩემს ძველ ადგილზე, ნაპრალში. ორთქლმა-  
ვალივით ვქმინავ, ვარჯობ წერაყინს თავამდე, და ვიდრე მე  
მასზე ვარ დამაგრებული, შაცი გველივით იკლავება და ისე  
ამოდის ნაპრალში. მალე იგი სულ ახლოსაა ჩემს უკან... რო-  
გორც კი ერთ მეტრზე ავალ, ის დაიკავებს ჩემს ადგილს, უზ-  
რუნველყოფს დაზღვევას და თავის წერაყინს მე გადმომცემს.

ჩემი რიგი დგება... ვიწვევ ზევით და მარჯვენა ფეხს  
ვდგამ წერაყინზე, რომელიც თანდათან ჩადის თოვლში. მიუ-  
ხედავად ამისა, მარცხენა ხელით ზედა ხელმოსაკიდს ვწვდებ-  
ბი. სრულიად ვკარგავ წონასწორობას და მხოლოდ სასწაულით  
ვმაგრდები. უკანა ჩიბიდან ჩაქუჩ-წერაყინს ვიღებ და ვიყენებ  
მის ნისკარტს, როგორც დამატებით, თუმცა მეტად საექვო,  
საყრდენს. შაცი ასრულებს ჩვენს მიერ ჩანაფიქრ მანევრს:  
იკავებს ჩემს ადგილს, მაზღვევს და თავის წერაყინს მაწვდის.  
უკანმიუხედავად ვართმევ და მთელი ძალით ვარჯობ ნახევარი  
მეტრით მაღლა. წამის დაკარგვა არ შეიძლება. ფეხები სიცა-  
რიელეში მაქვს დაკიდებული. მარცხენა ხელმოსაკიდზე და ყი-  
ნულში ჩარჯობილ შაცის წერაყინზე მოჭიდებული ვიწვევ ზე-  
ვით... გადის საუკუნე... თითოეული სანტიმეტრი ბრძოლით მე-  
ძლევს: მარჯვენა მუხლი ქვედა საფეხურამდე ცოცდება და იქ  
იჭედება. ესეც რალაცას ნიშნავს! ენერგია მემატება: ფეხ-  
საცმელა დგება საფეხურზე, სადაც ეს ეს არის მუხლი იყო.  
შევძლებ კი, საკმაოდ მაღლა ავწიო ფეხი? თითქმის. კიდევ  
ცოტა! წრიაპი ნელა მიცოცავს, ერთი კბილი, მეორე, კიდევ  
დაძაბვა, რომ საფეხურზე დავდგე... არის!

წონასწორობის დაცვის ცდითა და გულმოდგინედ გაან-  
გარიშებული მოძრაობით მივიწვევ ზევით წერაყინის დახმა-  
რებით, ხოლო მის ტარს ფერდობზე ვაკერ, რომ ნისკარტი  
ყინულიდან არ ამოვარდეს. მარცხენა ფეხით ვაგნებ საყრ-  
დენს. ერთი ნაბიჯი... კიდევ ძალის დაძაბვა და წინდახედუ-  
ლად მომზადებულ ორივე საფეხურს ვიკავებ.

— უჰ, მორჩა!.. ეს ოხერი!

შაცს, რომელიც საშინელი მღელვარებით მიცდის ქვე-  
მოთ, გულიდან ლოდი ეხსნება.

— ყოჩაღ, მორის!

— არ გაინძრე! მეტრი მოუშვი!

ძალიან უხერხულად ვდგავარ, ამიტომ წამსაც არ ვკარგავ და დიდ საფეხურებს ვჭრი მაგარ თოვლში. აქედან ორ მეტრზე დაქანება მცირდება და თოვლი ჩნდება. მოხერხებულ ვარცლისებურ<sup>1</sup> საფეხურს ვჭრი და შაცს ვეძახი.

— ცოტა კიდევ დაიცადე! სამი მეტრი მოუშვი! ახლავე ჩავარკობ პალოს! ქარს ჩემამდე მოაქვს ოდნავ გასაგონი პალუხი: „ო, კეი!“

საშინელი გულის ფრიალი მაქვს, სუნთქვა — არათანაბარი. სახეზე წურწურით ჩამომდის ოფლი. ვიდრე ადგილიდან დავიძროდე, წერაყინს ვეყრდნობი და ერთი წუთით თვალებს ვხუჭავ... მერე ხელახლა ვიწყებ საფეხურების ამოჭრას. ახლა ყინული ხვრიშია, უფრო ადვილად იჭრება. ლავგარდანი უკვე ჩემს ქვემოთაა. კიდევ მეტრი და მოხერხებულ ადგილზე ვარ. ყინულის ფერდობზე პატარა მოედანს ვჭრი პალოს ჩასარკობად. ყინულის ნამსხვრევეები ქვემოთ მიქრიან. საინტერესოა, რაზე ფიქრობს ახლა ნაპრალში პირველ გართხმულა შაცი?

კიდევ, სულ ოდნავ!

წელზე მაქვს რაღაც გიგანტური ანკესის მსგავსი — 30 სანტიმეტრიანი მახვილი. ჩაქუჩ-წერაყინის გააფთრებული დარტყმებით ვასობ ამ პალოს. ფირნი აქ არცთუ ისე მაგარია და რამდენიმე დარტყმის შემდეგ პალო ადგილზეა. დამაგრდება თუ არა? იმედი მაქვს, ყინვა მას ჩაამაგრებს. ახლა ჭერი თოკზეა. ეს სრულიად ახალი, სუფთა, მშრალი, მშვენიერი ნეილონის თოკია. ვიძრობ ჭიბიდან დანას, ვჭრი ორ მეტრს. ეს საკმარისია პალოზე მისამაგრებელ რგოლად. რგოლში გაყრილი ოცმეტრიანი თოკი ეშვება ფერდობზე და ლავგარდანიდან ეკიდება. რამდენჯერმე ვკვიმავ და ვამოწმებ თოკის გამძლეობას. ყველაფერი რიგზეა!

პირველი გამოცდის პატივი შემოქმედს ეკუთვნის. ვავლებ ხელს თოკს და ვეშვები ჩემს დიდსა და მოხერხებულ საფეხურზე.

<sup>1</sup> დიდი საფეხური, რომელშიც ორივე ფეხი თავსდება.

— ალო, შაც! შეგიძლია წამოხვიდე!

— კარგი! დაგიძახებ, როცა წამოვალ.

მარსელი ემზადება. იკიდებს ზურგჩანთას, რომელიც ლავგარდანის ქვეშ ჰქონდა შეტენილი და წერაყინს იმაგრებს სპეციალური ზონრით, რისთვისაც ასე დასცინოდნენ ამხანაგები. ესმის ხმამაღალი შეძახილი: „მოვდივარ!“ მას დაჭიმული თოკით ვიცავ.

შაცი თოკს მოეჭიდა. გაისმა წყევლა-კრულვა და ლავგარდანის თავზე გამოჩნდა გააოხალი კები, ხოლო შემდეგ გაშვებული, მანქვით დამახინჯებული სახე. არა, ამ წუთში იგი აშკარად არ ბრწყინავს სილამაზით! შაცი წრიაპზე დაეყრდნო, წერაყინი მოიქნია, თოკი აიკრიფა, ამოიწია ზევით და უკვე ჩემს გვერდითაა. დაბრკოლება დაძლეულია!

უკვე აცივდა, მოიღრუბლა. ვიცვამთ საშტორმო ტანსაცმელს. მაგრამ რას აკეთებენ ჩვენი მეგობრები? ვეძახით...

— აქა ვართ! — გვიპასუხებენ ისეთი ტონით, თითქოს მნიშვნელოვან საქმეს მოსწყვიტესო...

ორივე კომფორტულად მოწყობილა ქვემო კალთაზე. მათი დაზვერვა ფუჭი აღმოჩნდა. არც მარჯვნივ, არც მარცხნივ, კედლის მოვლა არ შეიძლება. ჩვენი გზა ერთადერთია. ამაში რომ დარწმუნდნენ, ლაშენალი და რებიუფა ფილოსოფიური სიმშვიდით ელოდნენ შემდგომ ამბებს. თხუთმეტ წუთში ისინიც ჩვენთან ამოვიდნენ.

განვაგრძობთ ძნელ ასვლას ყინულთა ქაოსში — ხვეულე-ბით. დრო სწრაფად გადის. თითოეული ნაბიჯი, თითოეული მეტრი წარმოუდგენელ ჯათას გვაყენებს და ძალ-ღონეს გვაცლის. ამჯერად სერიოზულად ვარ შეშფოთებული: თუ აქ დიდხანს მოგვიხდა ფართხალი, თავის დღეში ვერ მივალწვეთ ბოლომდე. ჩემი ამხანაგები არანაკლებ პესიმისტურად არიან განწყობილნი.

ოღონდაც ეს გადაუღებელი ძლიერი თოვა შეწყდეს! ერთ დღეში თოვლი ჩაქდებოდა, ღამით ყინვა მოუჭერდა და წინსვლა გაადვილდებოდა. მაგრამ ყოველ ნაშუადღევს, გამუდმებული ქარბუქის შედეგად ახალი თოვლის სისქე ოცდაათი-ორმოცი სანტიმეტრია. ამგვარად, ყოველდღე ხელახლა გვიხ-

დება ერთიდაიგივე საბუშაოს შესრულება. იმედი გვაქვს, რომ ჩვენი ნაკვალევის ქვეშ მაინც იქნება ცოტა უფრო მკვირივ თოვლი, რაც გაგვიადვილებს შემდგომ „მაქოებს“! ნუთუ ეს სუსტი იმედიც არ გაგვიმართლდება?

თოვლის ფიფქების ფარდაში შაცის რუხ ლანდს ვარჩევ. იგი ახლა წინმავალია და ფხვიერ თოვლს ებრძვის. ქარი კვლავინდებურად მძვინვარებს. ხილვადობა თხუთმეტ მეტრს არ აღემატება. ფერდობი სულ ისეთივე ციცაბოა. კარვის დასადგმელი ადგილი არსადაა. გარდა ამისა, უმჯობესი იქნებოდა შესაძებ ბანაკი უფრო მაღლა მოგვეწყო: ალტიმეტრი 6600 მეტრს გვიჩვენებს, თუმცა მოგვიანებით დავრწმუნდით, რომ სიმაღლე აქ მხოლოდ 6400 მეტრია! გვეჩვენება, რომ წარმოუდგენლად მაღლა ავედით!

განუწყვეტლივ თოვს და საფეხურების ტყეპნა მომქანცველია, მაგრამ მაინც წინ მივიწევთ; უდიდესი სიხარულით აღვნიშნავ, რომ სიმაღლეს ვიღებთ.

საკმარისია! ნახევარმთვარის მსგავსი სერაკის ძირში ვალაგებთ კარავს, სურსათსა და საქურველს. საწყობის ადგილის მოსანიშნავად მათთვის, ვინც აქ ჩვენზე უფრო გვიან მოვა, კედელში ვთხრით პატარა ღრმულს და ვამაგრებთ შიგ წითელ მათარას.

— წითელი შორიდანვე გამოჩნდება, — ვეუბნები შაცს. იგი მეთანხმება.

კიდევ ერთხელ ვრწმუნდები, რომ დაშვება ბევრად უფრო ადვილია, ვიდრე ასვლა. ახლა ლაშენალი და რებიუთა მიდიან წინ. ისინი უკვე გაუჩინარდნენ ნისლში. თოვა ძლიერდება. მე შაცის წინ მივდივარ. გადავწყვიტე დავეშვა ყინულის კედლიდან უბრალოდ... გადავბტე ქვევით.

— ვაი! ზე დამავიწყდა, რომ შაცთან ჩაბმული ვიყავი. მკვეთრი გამოკვრისას შაცი მოწყდა ადგილს და ყვარილით ჩამიქროლა გვერდით, ფერდობზე. საბედნიეროდ, ღრმა თოვლი, რომელსაც ასე ვკრულავდით, არბილებს დაცემას და ამუხრუჭებს ვარდანს. შაცი გაქირვებით დგება ფეხზე და მოდის ჩემთან. იგი მეტისმეტად დაინჯღრა და მთვრალივით ბარბაცებს, თუმცა არაფერი არ უტკენია. ახლა მას ეკუთვნის წინ წასვლა. მე ვაზღვევ მას მოკლე თოკით. ქარიშხალი მძვინვა-

რებს და გაჭირვებით ვპოულობთ საკუთარ ნაკვალევს. რე-  
ბიუფა და ლაშენალი კულუარის წინ გველოდებიან. მათ აწუ-  
ხებთ შაყის მდგომარეობა და ამის შემდეგ მჭიდრო ჩგუფად  
მივდივართ, მაქსიმალური სიფრთხილის დაცვით. ხელახლა,  
ყოველგვარი შემთხვევის გარეშე, ვკვეთთ დიდი კულუარის  
ზვავის კონუსს. შემდგომ დღეებში, მრავალრიცხოვანმა მემა-  
ქოე ჩგუფებმა შეძლეს ამ სახიფათო უბანზე, ასევე ბედნიე-  
რად, ზვავების თავიდან აცილება.

ტემპერატურა რამდენადმე მატულობს და კვლავინდებუ-  
რად ღრმად ვეფლობით თოვლში. მეორე ბანაკი დაფარულია  
ღრუბლებით და მისი პოვნა შეუძლებელია. მივდივართ  
ალალბედზე. დროდადრო ვზვდებით ჩვენ-ასვლის ოდნავ შე-  
სამჩნევ ნაკვალევს. ქარი ქრის, თოვლი სახეში გვცდის, სათვა-  
ლეს ეკვრის. უფრო მჭიდროდ ვიკრავთ საშტორმო ქურთუკე-  
ბის კაპიშონებს. ორად მოხრილნი მივდივართ. მცირე ხანს  
მივსრიალებთ. მოჩანს რაღაც ნაკვალევი და დიდი ნაპრალი.  
ბანაკი სადღაც აქვე უნდა იყოს! ვუბნევ მარჯვნივ და რამდე-  
ნიმე ნაბიჯზე ვამჩნევ თოვლით დაფარულ კარავს — მოჩანს  
მხოლოდ ტორსული კედლის მცირე ნაწილი. როგორ მოვიქ-  
ცეთ? აქ ღამის გათევა შეუძლებელია. ყველანი ვერ დავეტე-  
ვით. ამასთან, თუ დავეშვებით, კიდევ ერთი მაქოს შესრულე-  
ბას შევძლებთ... გადაწყვეტილება მიღებულია!.. მსუბუქი  
საუზმის შემდეგ განვაგრძობთ დაშვებას. უკვე გვიანაა. პლა-  
ტოსთან მიახლოებისას ხილვადობა თანდათან კლებულობს,  
ირველივე სქელი ნისლია. მაგრამ ჩვენ მწყრივად მივდივართ  
და ამიტომ, დაახლოებით, წინანდელ მიმართულებას ვინარ-  
ჩუნებთ. პირველ ბანაკთან, ნაპრალთა ზონაზე გავლა მოგვიხ-  
დება. იქ სულ ერთი გასასვლელია, სადაც ნიშნები დგას. პირ-  
ველი ნიშნის პოვნა შეუძლებელია.

რებიუფას აზრით, გეზი მარცხნისკენ უნდა ავიდოთ. ლა-  
შენალი გვარწმუნებს, უფრო მარჯვნივ წავიდეთო. მე კი ვფი-  
ქრობ, რომ სწორად მივდივართ. ყოველ შემთხვევაში, ახლა  
ჩგუფის გაყოფა არ შეიძლება.

ბოლოს რებიუფას წინადადებას ვღებულობთ, თუმცა მან  
საბოლოოდ ვერ დაგვარწმუნა. მართლაც, თუ მარცხნივ ვივ-



ლით, წავაწყდებით სერაკების მძლავრ მწყკრივეებს, რომლებმაც, წესით, პირველ ბანაკთან უნდა მიგვიყვანონ.

ნისლი სულ უფრო და უფრო სქელდება. მივდივართ ორ ნაპრალს შუა, რომლებიც უეცრად ერთდებიან. წინ ერთი ნაბიჯის გადადგმაც კი არ შეიძლება. უნდა დავბრუნდეთ და მრავალრიცხოვანი ხვეულებით შემოვუაროთ ნაპრალთა მთელ ზონას. ერთბაშად დადლილობა გვეუფლება. ეს უმნიშვნელო დაბრკოლება უკანასკნელ ძალ-ღონეს გვართმევს. ვიცი, რომ ბანაკიდან არც ისე შორს უნდა ვიყოთ და ვყვირით:

— ე, ჰეი! ე, ჰეი!

რამდენიმე წამის შემდეგ მარჯვნიდან ჩვენამდე აღწევს სუსტი პასუხი:

-- აქეთ! აქეთ!

— ხომ ვამბობდი! — ყვირის ლაშენალი. — მარჯვნივ უნდა მოგვეხვია!

მალე მკაფიოდ ჩნდება რალაც ლანდი. ეს ტერაია. გვითხრა, ბანაკში ძალიან ცოტა საჭურველია და ყველას ადგილი არ გვეყოფაო. რაც შეეხება სურსათს, იგი გულმოდგინედ უნდა ვზოგოთ ზედა ბანაკების-

ვისო. თავისთავად გამომდინარეობს დასკვნა: მე, ლაშენალო და რებიუფა უკანასკნელ ნათელ საათებს გამოვიყენებთ და საბაზო ბანაკში დავეშვებით, ხოლო შაცი, რომელიც ჭერ კიდევ ვერ გამოკეთდა ჩამოვარდნის შემდეგ, შეეცდება აქვე აღიდგინოს ძალ-ღონე. ჩვენი წასვლის წინ ტერაი, ლაშენალის მხრივ, აშკარა გაკიცხვის მიუხედავად, მოგვითხრობს თავისი ღამისთევის ამბავს... ჩვენც ვუამბობთ მას, თუ რა გავაკეთეთ და აღვწერთ ადგილს, სადაც საწყობია დატოვებული.

— მე გავალ ხვალ დილით ადრე პანზისა და აილასთან ერთად, — ამბობს იგი. — ამ დროს აჯიბა შეასრულებს მაქოს საბაზო ბანაკსა და პირველ ბანაკს შორის.

აჯიბა, განსაკუთრებით გამძლე შერპი, ამ საქმეში კარგად დახელოვნდა. დღეში ორჯერ ასრულებს ასეთ „მაქოს“ და უკვე ასეული კილოგრამი ამოზიდა პირველ ბანაკში. იგი ასრულებს უმადურ და შეუმჩნეველ, მაგრამ მეტად საჭირო სამუშაოს. თითოეული ჩვენგანის სწორედ ასეთი მიდგომა თავისი მოვალეობისადმი უზრუნველყოფს ექსპედიციის წარმატებას.

ვტოვებთ შაცს, ტერაის, პანზისა და აილას, ხოლო ჩვენ, აჯიბას თანხლებით მივექანებით ქვემოთ, ფერდობზე, რაც შეგვიძლია ნელა მივსრიალებთ ქვანაშალებზე, მოსახვევებს ნავარდით ვძლევთ; რამდენიმე წუთში ვკარგავთ ასეულ მეტრობით სიმაღლეს, ვაღწევთ ფირნამდე და საბაზო ბანაკის ადგილზე ვხედავთ არა ერთს, არამედ რამდენიმე კარავს.

ეს-ეს არის ამოვიდნენ იზაკი და უდო, შერპებისა და მრავალრიცხოვანი მზიდავების თანხლებით. ყველასათვის ამოიტანეს ბუმბულის ტანსაცმელი და აუარებელი სურსათ-სანოვაგე. ამოტანილია აგრეთვე დიდი მწვანე კარავი, რომელიც განსაკუთრებით ესიაჰოვნებათ მზიდავებს, რადგან თოვა არ წყდება.

წინ გამარჯვებაა! ზურგი და ავანგარდი შეერთდნენ.



ქ ხლა 24 მაისის საღამოა — მოგაგონებთ, რომ 23-ს დილით სარკე გაემგზავრა აქედან უსტარით ტუყუჩაში.

იშაკი გვიამბობს, რომ ამოსვლისას ის შეხვდა ჩვენს მეკავშირეს, რომელიც მირისტი-კპოლას კულუარებით მიჰქროდა.

პირდაპირ ვცურავ სიმშვიდის ატმოსფეროში და აღსავსე ვარ ოპტიმიზმით. როცა გაიგეს, რომ ჩვენ სარეკორდო დროში გავიკვლიეთ გზა თითქმის 6600 მეტრის<sup>1</sup> სიმაღლემდე, იშაკი და უდო აღტაცებაში მოვიდნენ. ამ საღამოს საბაზო ბანაკში მზიარული, ხალისიანი განწყობილებაა.

დიდებული ვახშამი გვაქვს: ქათმის ლაბა, ერთი ბოთლი რომი (შემდეგ ტერაიმ ერთი ამბავი დაგვაწია, რატომ არ მომიკადეთ, თუ ასეთ ნადიმს აპირებდით?), მაგრამ მეტრისმეტად დაღლილი ვარ და სანამ სხეები დაწვებოდნენ, მე უკვე ჩემს საძილე ტომარაში ვნეტარებ, თვალები მელულება. იშაკი ვაეკატურად ებრძვის ძილს და მიკითხავს ადგილებს თავისი დღიურიდან, რომელიც მოგვითხრობს „უცნაური“ მონასტრების ქალაქის მუქთინათის ექსკურსიის ამბავს.

მეორე დილით გვიან ვდგებით, მძიმე მუშაობის შემდეგ ყველას წელი გვტკივა. მზე გვათბობს და ბანაკში უმიზნოდ დავეხეტებით. პირის დაბანასა და გაპარსვასაც კი ვბედავ. რა მასიამოვნოა, როცა სუფთა ხარ და მოხერხებული კედლებით

<sup>1</sup> ასეთი იყო ჩვენი ალტიმეტრების ჩვენება.

დასეირნობ. თავში გადაწვევები იერიშის გეგმები მიტრია-  
ლებს. ამაზე ფიქრობენ სხვებიც. საკმარისია შეხედოთ ამხანა-  
გებს, რომლებსაც დურბინდები უქირავთ ხელში და ასვლის  
მარშრუტებზე მსჯელობენ. მე კი უკვე მივიღე გადაწყვეტი-  
ლება, თუმცა ერთი საკითხი კიდევ გაურკვეველია — პრო-  
დუქტებით მომარაგება, თუმცა მჯერა ნუაელისა, რომელმაც  
დროზე იზრუნა და ყველაფერი მოამზადა ტუკუჩაში. გულ-  
დასმით გაანგარიშების შემდეგ ვმშვიდდები. სანოვაგეზე წუ-  
ხილი ზედმეტია: უკვე შეიძლება მთელი ძალებით წინ დავი-  
ძრათ. ამიტომ გადავწყვიტე, დღესვე, ნასადილევს, მე, ლაშე-  
ნალი და რებიუფა გავიდეთ პირველი ბანაკისაკენ. დიდი  
ტვირთით. მტკიცედ მაქვს განზრახული, გამარჯვებულები  
დავბრუნდეთ. უკანასკნელად ვწერ ლუსიენ დევის:

„საბაზო ბანაკი, 1950 წლის 25 მაისი.

ძვირფასო დევი!

ეს უკანასკნელი წერილია იერიშის წინ. ყველაფერი კარ-  
გად ეწყობა, საბაზო ბანაკი სამი-ოთხი დღის სავალზეა ტუკუ-  
ჩიდან და ეს, რა თქმა უნდა, საკმაოდ უხერხულია. დაზვერ-  
ვიდან იერიშზე გადასვლის დროს, ასეთი სიშორის გამო, შე-  
საძლოა დიდ სიძნელეებს წავაწყდეთ. გუშინ 6600 მეტრამდე  
ავედი. გზა მთლიანად ყინულოვანია. ობიექტური საშიშროება  
შედარებით მცირეა. ბანაკების განლაგება ასეთია: საბაზო ბა-  
ნაკი ანაპურნის ჩრდილოეთ ყინვარის მარჯვენა ნაპირზეა, 4400  
მეტრზე, პირველი ბანაკიც მარჯვენა ნაპირზეა, 5 100 მეტრის  
სიმაღლეზე, ვრცელი პლატოს კიდეზე, რომელიც დარქანტიე-  
რის ზედა პლატოსა ჰგავს. მეორე ბანაკი — პირდაპირ ანა-  
პურნიდან ჩამომდინარე ყინვარის პატარა პლატოზე, თითქ-  
მის 5 900 მეტრზეა. ვფიქრობთ, მესამე ბანაკი დაახლოებით  
6 800 მეტრის სიმაღლეზე, ე. წ. „ნამგალა“ ყინვარზე გავმარ-  
თოთ. (კროკები! და მარსელის სქემატური რუკა დაგეხმარე-  
ბათ, რომ სწრაფად გაერკვეთ). შესაძლოა V ბანაკის გამართ-  
ვაც მოგვიხდეს. ყველაფერი რელიეფზეა დამოკიდებული.

1 ადგილის სახელდახლოდ გაკეთებული შავი ჩანახატი.

დილით, ჩვეულებრივ, კარგი ამინდია, საღამოთი — ცუდი-  
უხვად თოვს ხოლმე და ეს ძალიან გვაფერხებს, რადგან სა-  
შინლად ვეფლობით. ყველა საუცხოო ფორმაშია. რამდენიმე  
წუთის შემდეგ გავდივარ პირველი ბანაკისაკენ. უახლოეს  
დღეებში შევეცდებით გადამწყვეტი იერიში მივიტანოთ. ყვე-  
ლა აღსავსეა იმედით. სიმალღებზე მეტად მძიმე პირობებია,  
მაგრამ თუ ბრძოლა მოვიგეთ, მაშინ ყოველგვარი გასაჭირი  
დავიწყებას მიეცემა. უფრო დაწვრილებით წერისათვის დრო-  
არა მაქვს, რადგან უამრავი საქმეა. მატა დაწვრილებით ავიხ-  
სნით ვითარებას. ოპტიმიზმით ვარ აღსავსე!

მეგობრული საღამოთ მ ო რ ი ს ი“.

ვიდრე ამ უსტარს ვწერ, შერპები და მზიდავები კუზის  
ხელმძღვანელობით ბანაკის მოხსნას ამთავრებენ. ნასადილევს  
ამინდი ფუჭდება. 15 საათსა და 30 წუთზე უკვე თოვს. მაგონ-  
დება ტერაი, რომელიც დღეს დილით ადრე გავიდა პირველ  
ბანაკიდან, ორი სასიმალო კომპლექტითა და ათი კილოგრა-  
მი სანოვაგით დატვირთული. იგი აპირებდა მეორე ბანაკში  
ასვლას და იქ ღამის გათევას.

გავდივართ დაახლოებით 5 საათზე. ბარდნის მიუხედავად  
ამისა, საკმაოდ სწრაფად ავდივართ და დაღამებამდე პირველ  
ბანაკს ვალწევთ. დაუყოვნებლივ ვდგამთ „ბარის“ კარავს, რო-  
მელშიც სამივე ვთავსდებით. რებიუფა ისევ უჩივის მზისაგან  
დამწვრობას და ტუჩების შემუშებას.

6 საათსა და 30 წუთზე უნდა ავდგეთ.

— შერპებო! შერპებო!

მაგრამ შერპები არ ჩქარობენ და გასვლისათვის მზადება  
ყოვნდება. მწვერვალის კალთაზე დურბინდით შეიძლება  
გაარჩიოთ სამი შავი წერტილი, ჩვენს მიერ მიღწეული ადგი-  
ლის ცოტა ზევით და მარცხნივ. „ალბათ მესამე ბანაკია“, —  
ვასკვნით ჩვენ. პლატოზე ჯოჯოხეთური სიციხეა. რებიუფა ჩაბ-  
მულია დავატონდუბთან<sup>1</sup>, რომელიც მარსელ იშაკმა საგანგე-  
ბო გაფრთხილებით ჩაგვაბარა, ხოლო ლაშენალო და ანგაეა —  
ჩემთან.

<sup>1</sup> ეს შერპი ტუქუჩიდან საბაზო ბანაკამდე მგზავრობისას „ჩანვის“ სმი-  
სადმი უზომო მიდრეკილებას ამჟღავნებდა.

ლაშენალი საშინლად იტანჯება სიცხისაგან. იგი ავტომატი-  
ვით მოძრაობს და ოფლად იღვრება. თუ გამოელაპარაკე-  
მდუმარედ გაპყრობს ტანჯვით სავსე თვალებს. სულ უმნიშვნე-  
ლო საბაბით სარგებლობს და მყისვე მიწაზე ეცემა. რებიუ-  
ფას კუჭის ტკივილები იმდენად უძლიერდება, რომ რიგრი-  
გობით გვიხდება მისი ზურგჩანთის წაღება. გაჭირვებით მივ-  
დივართ. ლაშენალი უთანაბროდ მოძრაობს. უკანასკნელი ასი  
მეტრი ბანაკამდე მისთვის განსაკუთრებით მტანჯველია. ტუ-  
ჩები ძლიერ მომწვარი აქვს. დაიკრა ზედ სალბუნის პატარა  
წაქერი, რომელიც ოდნავ იცავს მზისაგან. ეს ერთადერთი ნა-  
თელი ლაქა მის გაშავებულ სახეზე უცნაურ შთაბეჭდილებას  
ახდენს.

მეორე ბანაკში ვხვდებით ახლახან დაბრუნებულ ტერაის,  
პანზისა და აილას. ტერაი ძალზე აღზნებულია.

— დროს ნუ დაუკარგავთ, — ამბობს იგი. გუშინ ავედი  
6 700 მეტრამდე. თქვენს მიერ დატოვებული საჭურველი ვერ  
ვიპოვეთ. ალბათ იგი თოვლქვეშ მოყვა. ახლომანლო არც ერ-  
თი მოხერხებული ადგილი არ იყო კარვისათვის. მე, პანზიმ და  
აილამ პირდაპირ ციცაბო ფერდობზე ამოვკერით მოედანი წე-  
რაყინით. პატარა კარავში, ზვავთა გრიალში გავატარეთ ღამე  
სამივემ.

თავისი ნაამბობის საილუსტრაციოდ, ტერაიმ ვითომ იმ  
ზევევივით დაიგრიალა, რომელმაც ჩაუქროლა მათ რამდენიმე  
მეტრზე და სანტიმეტრზედაც კი. შემდეგ სიცილით განაგრძო:

— შერპები ძალზე დაფრთხნენ და მეც კარგი შიში ვჭა-  
მე. იმ ღამის შემდეგ მხოლოდ დაშვების უნარი გავაჩნდა და,  
აი, აქ ვართ. ახლა მინდა პირველ ბანაკამდე ჩავიღე და რი-  
გიანად დავისვენო.

— მართლაც, — ვეთანხმები მე, — ეს გონიერულია. კუჭი  
და შაცი იშაკთან და უდოსთან ერთად ამოვლენ პირველ ბა-  
ნაკში და იქ შეძლებ დასვენებას. გარდა ამისა, შენ შეგიძლია  
დამატებითი ტვირთი წამოიღო... ოჰ, ეს დაწყველილი  
ტვირთი!

— ჩვენ ბარგი დავტოვეთ 6 700 მეტრის სიმაღლეზე, რო-  
გორც ჩანს, თქვენი საწყობის მარცხნივ. ეს ადგილი პირდაპირ  
კალთაზეა, სერაკების მწკრივიდან 50 მეტრით მარჯვნივ.

იგი კრავს ზურგჩანთას და ესვრის თითოეულ შერპს თოკის ნაჭერს. მერე ხმამაღლა გვეძახის „ნახვამდის!“ და უჩინარდება.

ჩვენ მეორე ბანაკში ვრჩებით. ჩემი ამხანაგები უგუნებოდ არიან, რადგან მათი ჯანმრთელობა არცთუ ისე სრულყოფილია. ამასთან, ტერაის შენიშვნა იმის შესახებ, რომ სიმალღეზე ღრმა თოვლია, სრულიადაც ვერ მატებთ მათ სიმხნევებს. უკვე იციან, რა შეიძლება მოჰყვეს ამას. თუ მინდა, შემდგომში მათი იმედი ვიქონიო, ხვალ ზედმეტად არ უნდა დავტვირთო. ჩემს განკარგულებაშია ორი შერპი, აგრეთვე საჭურველი და სურსათი. რატომ არ უნდა შევასრულო კიდევ ერთი მაქო, არ მოვაწყო მესამე ბანაკი და შესაძლოა მეოთხეც, ვიდრე ორივე ჩემი ამხანაგი არ დაისვენებს? თუ მე ზევით ერთ დღელამეზე მეტს დავყოფ, იმ დროისათვის კუზი და შაცი ამოვლენ, მაშინ ლაშენალი და რებიუფა შეძლებენ მათთან ერთად ბარგს თან გამოჰყვენ ზედა ბანაკებში. დღეს უკვე 26 მაისია. ამიტომ აუცილებელია ოთხი საჭიბი ავიდეს მეორე ბანაკიდან მესამეში და უკვე ძირს დაუშვებლად, ნელა, მაგრამ განუწყვეტლად განაგრძოს აღმა სვლა, ბანაკიდან ბანაკამდე, სულბოლომდე. ამ დროისათვის ტერაი ისევ ჩადგება ფორმაში, ხოლო მე კიდევ ერთ მაქოს შესრულებას შევძლებ და ამგვარად ბანაკები უმოკლეს დროში გაიმართება.

სალამოს, როგორც გამონაკლისი, კარგი ამინდია. სანამ ჩემს ამხანაგებს სძინავთ, მე ვსინჯავ საჭურველს და ვამზადებ ყველაფერს ხვალინდელი გასვლისათვის.

განთიადისას ვადვიძებ დავატონდუპსა და ანგავას. ღამით თოვლი შეიყინა და რომ გამოვიყენოთ ეს გარემოება, აღრიანად უნდა გავიდეთ. ბანაკი ისევ ჩრდილშია, როცა მას ეტოვებთ. მივყვებით ლიონელ ტერაის დაშვების კვალს, კულუარის ზევის კონუსის მიმართულებით. დღეს კინოკამერა თანა მაქვს და ვიმედოვნებ, ცოტა რამ გადავიღო. კულუარში წინ ვუშვებ დავატონდუპს, რათა ვნახო, როგორ ახერხებს საფეხურების ჰრას, მაგრამ როდესაც ლავგარდანამდე ვალწევთ.

ხადაც რეპშნური ჰკიდა, ვითარება იცვლება, წინ უნდა წავი-  
დეს საპიბი. ეს მაგონებს ტერაის გუშინდელ ნაამბობს, სწო-  
რედ ამ ადგილამდე ამოვიდა იგი პანზისა და აილასთან თოკით  
წაბმული. პანზი წინ მიდიოდა. კედელთან მისვლისას, დაშინე-  
ბულმა პანზიმ მტკიცედ ჩაარკო თავისი წერაყინი თოვლში.  
ტერაიმ, — ღონიერმა კაცმა, — როგორც მას შერპები უწო-  
დებენ, — წაულაპარაკა:

— მოდი, პანზი, აცოცდი!

პანზიმ მომხიბლავი ღიმილით უპასუხა.

— No, thank you, for Sahib only!<sup>1</sup>

დაქინებით მოთხოვნა უსარგებლოა, — გადაწყვიტა ტერაიმ.

დავატონდუქსაც იგივე რეაქცია აქვს, როგორც პანზის, მაგ-  
რამ დღეს მინდა რამდენიმე კადრი გადავიღო და მოვიტხოვ,  
რომ ანგავა პირველი აცოცდეს. შიშისაგან ათრთოლებული გა-  
დის იგი წინ და შაინც მიცოცავს, ჩადგან ასე გადაწყვიტა ბარა-  
საპიბმა. გულმოდგინედ ვაზღვევ მას. ვიდრე ის ლავგარდანზე  
ვადამრომას ცდილობს, მე უხერხულ პოზაში ვწევარ, ყინუ-  
ლის ნაპრალში გართხმული. კლდოვანი ფარდული ხელს მიშ-  
ლის, რომ თავი ავწიო, მაგრამ მაინც ვცდი, რამდენიმე ფოტო-  
სურათი გადავიღო. მეონი ანგავას ძალ-ღონის დაძაბულობამ  
ზღვარს მიაღწია; თუმცა დამზღვევა საიმედოა, მაგრამ არ  
მყოფნის სისასტიკე, მისგან მეტი მოვიტხოვო, და თვითონ მივ-  
ცოცავ. დაქიმული რეპშნური მნიშვნელოვნად მიაღვილებს ამ  
უბნის გავლას და რამდენიმე წამში უკვე 8 მეტრით მაღლა  
მდებარე პატარა ბაქანზე ვარ. ვამაგრებ თოკს და ამყავს და-  
ვატონდუქი, რომელიც, ცოტა არ იყოს, გაკვირვებით სძლევს  
ლავგარდანს. ყინულზე ცოცვა? ასეთი აზრი თავის დღეში არ  
მოსვლიათ თავში. მე მგონია, რომ საპიბთა პრესტიჟი ამ წუთ-  
ში საფუერიაინი ცომივით მაღლა იწევს. დაღლილობისაგან სა-  
ხემოდრეცილი დავატონდუქი სელაპივით ქშინავს და ისე  
მიახლოვდება. ვასწავლი, როგორ დააზღვიოს ანგავა, სანამ მე  
ამოსვლას გადავიღებდე. ყველაფერი მშვიდობით მთავრდება.

ვაწესრიგებთ ბარგს და განვაგრძობთ წინსვლას, მაგრამ

<sup>1</sup> არა. გმადლობთ, ეს მხოლოდ საპიბისთვისაა.

ვიდრე ლავგარდანის დაძლევაზე ეწვალობდით, საკმაო დრო გავიდა. ახლა მზე პირდაპირ ზენიტშია და ისე ენერგიულად აცხუნებს, რომ თოვლის ფაფაში ვფართხალებთ. დამქანცველარ შრომაა. ტერაის ნაკვალევი ძლივსლა ჩანს. ამასთან, ის მარცხნივ მიდის. მე კი პირველი ამოსვლის დროს დატოვებული საკურვლის თან წაღება მინდა. ამიტომ პირდაპირ ზევით განვაგრძობთ სვლას. მალე ვცნობ ნახევარმთვარის ფორმის დამახასიათებელ სერაკს. წერაყინით ვიწყებ მოსინჯვას და ბოლოს, რალაც მაგარს ვაწყდები. საწყობი აქაა. თოვლისაგან გაწმენდის შემდეგ მართლაც ვპოულობთ კარავს, საკურველსა და პროდუქტებს, რაც სამი დღის წინათ ამოვიტანეთ მე, ლაშენალმა და რეზიუფამ. ვიკიდებთ ყველაფერს ზურგზე, ვუხვევთ მარცხნივ და ვცდილობთ, გავიდეთ ტერაის ნაკვალევზე. ის სულ ორმოცდაათ მეტრზეა ჩვენგან, მაგრამ იქამდე მისვლას თითქმის ერთ საათს ვუნდებით, რადგან წელამდე ვეფლობით და ნამდვილი სანგრის ამოთხრა გვიხდება. როგორც იქნა, გავდივართ ნაკვალევზე პრიალა ყინულის კედლის ძირში: შერპებს რომ ასვლა გაუადვილდეთ, იძულებული ვარ, ხელახლა ამოვქრა რამდენიმე საფეხური, ჩავასო ზემოთ ყინულის პალო და ჩამოვკიდო გრძელი რეპშნური. შემდეგ ვდგები დაზღვევაზე ჩემი შერპები რიგრიგობით საუცხოო ქანქარას! ასრულებენ. შეშინებულები ყვირილით ეშვებიან მეხუთე წერტილზე და ბოლოს გულიანად ხარხარებენ.

უკან ვტოვებთ ყინულოვანი კედლების მთელ ზონას, რომლებსაც ალაგ-ალაგ თოვლიანი უბნები ენაცვლება. ჩემს ზემოთ ვხედავ ერთგვაროვან თოვლიან კალთას, რომელზეც ჩემი წინამორბედის ნაკვალევი ამჩნევია. მარცხნივ მეტად ციცაბო ცენტრალური კულუარია. შთაბეჭდილება ისეთია, თითქოს იგი მზადაა ჩაყლაპოს ყველაფერი, რაც კი ზემო კალთებიდან ცვივა. ჰაერი გამჭვირვალეა, კაშკაშა სინათლეს თბილი სილამყარადე არბილებს. კულუარის მეორე მხარეს წმინდა ყინულის წიბოები გიგანტური პრიზმებივით შლიან სინათლეს და ჰაერში ნაირფერ სხივებს აფრქვევენ.

კვლავ მშვენიერი ამინდია, ცაზე ღრუბლის ნატამალიც არა

---

<sup>1</sup> დაღარულ ფერდობებზე თოვით დაშვების ერთ-ერთი წესი.

ჩანს, ჰაერი მშრალია. მე საუცხოო ფორმაში, იდეალური წონასწორობის მდგომარეობაში ვარ. ამაში ხომ არ არის ბედნიერება?

მაგრამ გზა უნდა განვავაძოთ. მივცოცავთ და მოვცოცავთ კიანჭველებივით, რომლებიც გიგანტურ დაბრკოლებებს ძლევენ, შედეგი კი თითქოს არა ჩანს. თითოეულ ნაბიჯს ვაჭირვებით ვძლევთ. ფერდობი განსაკუთრებით ციცაბოა და, გარდა ამისა, თოვლი იწყებს ყინულზე მიკვრას, რაც მაიძულებს დიდი ყურადღებით ვადევნო თვალი შერაპების მოძრაობას. ყოველი ორი მეტრის შემდეგ ვჩერდები, რომ სუნთქვა აღვიდგინო, ვგრძნობ, რომ ჩემს უკან მომავალი შერაპებიც ასევე იტანჯებიან. დროდადრო ზემოთ შევავლებ ხოლმე თვალს, რომ დარჩენილი მანძილი შევაფასო. უეცრად შორს ვამჩნევ პატარა მოოქროსფრო ლაქას: ეს უეჭველად ტერაის კარავია. თითქოს შთელი საუკუნე გადის, ვიდრე ძალ-ღონის შეუპოვარი დაძაბვის შემდეგ, ბოლოს, ლიონელის საწყობს ვუახლოვდებით. საქურველი და სანოვაგე თოვლითაა დაფარული, მაგრამ წინდახედულად გარსაცმშია შენახული. კარგია, რომ აქამდე ამოვალწიეთ. მაგრამ საწყობის ადგილმდებარეობა მაფიქრებს. პირდაპირ ფერდობზე ხომ არ შეიძლება ბანაკის გამართვა. მარჯვნივ ხრამია. მარცხნივ — სერაკების გროვა, რომლის მიღმა ცენტრალური კულუარი ეშვება, ჩვენს ზემოთ, ორმოცდაათ მეტრზე, განსაკუთრებით დასერილი უბანი იწყება. ვათვლიერებ მარცხნივ აღმართულ სერაკებს და ვხედავ, რომ მათი გამოყოფი ნაპრალები ამოვსებულია ახალი თოვლით. რატომაც არა?.. მომდის აზრად: რა გვიშლის ხელს, ბანაკი პირდაპირ ნაპრალის თავზე გავმართოთ? თუ მხედველობაში მივიღებთ რელიეფსა და სიმაღლეს, უნდა ვიფიქროთ, რომ ნაპრალები მთლიანად გაქედლილია. მეორე მხრივ, გარემომცველი სერაკები ზევეებისაგან საიმედოდ დაგვიცავენ. და, აი, „რატომაც არა?“ — ს „მოდის, ვცადოთ!“ ცვლის.

ორივე შერაპის თანხლებით, ტრავერსირებით მივიწევ ფერდობზე ჰორიზონტალურად. ვაღწევ ტერაისს კიდემდე და საიმედო დაზღვევით რისკზე მივდივარ. პირველი ნაბიჯები ფრთხილია. ვარკობ წერაყინს სულ თავამდე და ვრწმუნდები, რომ თოვლი მთლიანად ერთგვარია. ახლა უკვე უფრო თამამად




ვმოძრაობ, ვტყეპნი პატარა მოედანს, დავდივარ წინ და უკან შემდეგ ვტეკვავ და, ბოლოს, რაც შემიძლია, ვხტუნაობ. თოვლი მიძლებს. თუ აქა-იქ ყინულს მოვჭრით და ნაპრაღის ზედაპირს კარგად გადავასწორებთ, ჩინებულნი ადგილი იქნება. აქ თავისუფლად მოთავსდება ორი კარავი, ერთმანეთის პირდაპირ შესასვლელით. შერპები დროს არ კარგავენ, კარგებს დგამენ და ჩანს ამზადებენ. სადღეისო ამოცანა შესრულდა: მიზანი მიღწეულია: მესამე ბანაკი საბოლოოდ გამართულია, ქვემოდან იგი არა ჩანს, და ჩემს ამხანაგებს თავის მტკრევა მოუხდებათ იმის მისახვედრად, თუ რა შეგვემთხვა.

ვიდრე შერპები ბანაკის მოწყობაზე ფუსფუსებენ, მე პატარა დაზვერვას ვატარებ ცენტრალური კულუარისაკენ, რომელიც იქვე, ჩვენი ნაპრაღის მიღმაა; სწორედ აქ გაივლის ჩვენი ხვალისდელი გზა, რადგან მტკიცედ გადავწყვიტე, ხვალ მეოთხე ბანაკი გავმართო. თავისუფალ დროს ვიყენებ და ვათვალისწინებ გარემომცველ მწვერვალებს, ესოდენ უჩვეულო გარშემოწერილობის მქონე „ყვავილოვანი კომპოზიტის“ ყბადღებულ თხემს, ვტყებები შორეული დჰაულაგირის ცქერით. ჩემი მზერა და ფიქრები დასტრიალებენ აქედან რამდენიმე ათეულ კილომეტრზე გაშლილ ტიბეტის უდაბნოს ტრამალებს.

მკვეთრი, ცივი ქარი ამოვარდა, მაგრამ საექვო ღრუბლები არ ჩანს. ხვალ უეჭველად კარგი ამინდი იქნება! ოპტიმიზმით აღსავსე ვძვრები ჩემს კარავში, მხოლოდ ჩემთვის განკუთვნილ საუცხოო კარავში, სადაც ორი გასაბერი ლეიბი და ორი საძილე ტომარაა! შერპები მიმასპინძლებიან ჩაით, ხოლო მე ვუარიგებ ასპირინს, ძილის მომგვრელ ფხვნილს და უდოს მიერ გამოწერილ შინაური წამლების მთელ კოლექციას. კიდევ რამდენიმე კარგ სიგარეტს და მშვიდად ვიძინებ.

დღეს ისევ ზევით უნდა გავუდგეთ გზას. ეხსნი კარავს, ვიღებ თან წასალებად, რაც შეიძლება მეტ სანოვავებს, ვანაწილებ ტვირთს, სახელდახელოდ ვსაუზმობთ და მივდივართ. მე წინმავალი ვარ ჩაბმაში. ვიწყებ ტრავერსირებას მარცხნივ, ცენტრალური კულუარის მიმართულებით. გავდივართ ჩვენი ბანაკის დამცველი სერაკის გასწვრივ და ვძლევთ ყინულის ლავგარდანს, რომელიც შერპებზე ცუდ შთაბეჭდილებას ახდენს. შემდგომი წინსვლა შეუძლებელია. საჭიროა კულუარის გადაკვე-

თა. ზემო ნაწილში იგი საკმაოდ ვიწროა, თითქოს ორივე მხრიდან სერაკების რიგებითაა მიჭეჭყილი. ამ მონაკვეთის სიგანე 80 მეტრს არ აღემატება. თუ სწრაფად და თითო-თითოდ გადავივლით, დანარჩენების ფხიზელი მეთვალყურეობის ქვეშ, მაშინ ზეავეში მოხვედრის საშიშროება, ჩემის აზრით, არცთუ ისე დიდია. ეტოვებ დავატონდუს მარცხენა კიდეზე და ვიწყებ ტრავერსირებას. განსაკუთრებით ციკაბო ფერდობი გარბის ფეხქვეშ. ფეხსაცმელები ცუდად გვიმაგრებს მრავალრიცხოვანი ზეავეებით დატკეპნილ თოვლზე და წერაყინის ნიჩბით მიხდება პატარ-პატარა საფეხურების ამოქრა წრიაპების კბილებისათვის. ვარკობ ჩემს ზემოთ წერაყინის ნისკარტს და ვეყრდნობი



შას ორივე ხელით ჩაჭიდებული. რაც შემიძლია, ვჩქარობ. დროგამოშვებით, თუნდაც სიმბნევისათვის, სასარგებლოა ზევით ახედვა, ქვემოთ ჩახედვა კი, პირაქით, არ შეიძლება, რადგან ეს საშინელი უფსკრულები ძალზე გულად ადამიანსაც კი შეაშინებს. სწრაფად ვამთავრებ ტრავერსს და რამდენიმე წუთით ვისვენებ, ვიდრე შერაბები გადმოსვლას დაიწყებენ.

— დავატონდუპ!

— Yes, Sir, — მპასუხობს იგი უჩვეულო გამომეტყველებით.

ემმაკი მელაა, გრძნობს საშიშროებას! წამსაც არ კარგავს, მძიმე ტვირთის მიუხედავად, ტყვიასავით ჰკვეთს კულუარს და თავს აფარებს უხიფათო ადგილს. ანგავაც მას მოჰყვება, მაგრამ, როგორც უფრო ახალგაზრდა და ნაკლებ გამოცდილი, იგი გაცილებით მეტ დროს ხარჯავს გადმოსვლაზე. უჰ! ძლივს მშვიდობით და უვნებლად გადმოვიდნენ ორივენი. მრისხანე კულუარი უკან რჩება. აქედან კარგად ჩანს, რა საფრთხეშიც ვიყავით. კულუარი ამართულია 300-400 მეტრზე, ხოლო იქით, ხშირ ზევეთა წყაროში — თოვლიან ციცაბო კალთაში იკარგება. კიდევ უფრო მალა, კლდოვანი კედელია და ბოლოს „ნამგალა“ ყინვარი, საიდანაც წამდაუწუმ ათეულობით ტონა ყინულის ლოდები წყდებიან.

კრიტიკული მდგომარეობაა. ჩემს წინ მეტისმეტად ციცაბო და დასერილი კალთაა. როგორც პირველ ბანაკში ვვარაუდობდით, აქედან გზა უნდა აპყლოდა ირიბად, მარცხნივ და ზევით, ხოლო შემდეგ ისევ მარჯვნივ, კულუარის დასაწყისისაკენ, სადაც მთისძირა ნაპრალი, რომელიც ჰყოფს კულუარს კალთიდან, თოვლით არის ამოვსებული და, ალბათ, ადვილად დასაძლევია. მაგრამ წინ მხოლოდ ქაოსურად ჩახერგილი უზარმაზარი სერაკებია დაგროვილი, თუ ცოტაზე დავეშვებით, მათი შემოვლა მარცხნიდან შეიძლება, შეიძლება აგრეთვე კულუარის, ოროგრაფიულად, მარჯვენა ნაპირით, პირაღმა ასვლა, ზედა კალთებამდე. მე მეორე ვარიანტს ვამჯობინებ, რადგან ამ დილის საათებში ზევის საშიშროება უფრო მცირეა. ამასთანავე, კულუარის კიდზე სწრაფი გავლით ვიგებთ ჩვენთვის მნიშვნელოვან 100 მეტრს. ახლა მარცხნით ვუხვევთ და, აი, ისევ ღრმა თოვლში ვფართხალებთ — ვაი, რომ ჩვენთვის ესოდენ ნაცნობი სურათია! ყოველ შემთხვევაში, აქ სამშვიდობოსა ვართ.

რამდენიმე წუთს ვისვენებთ და კვლავ მივდივართ! ახლა საჭიროა ტრავერსირება მარცხნივ და სიმაღლის აღების ცდა, მაგრამ ფერდობი არაჩვეულებრივად ციცაბოა, მე კი არცთუ ისე ძალიან ვენდობი შერაპების მიერ წონასწორობის დაცვის უნარიანობას. ისინი არ არიან შეჩვეულნი ასეთ რთულ რელი-

ეფს. ერთ მათგანს რომ ფეხი დაუჩხლტეს, სამივენი მოვწყდუ-  
ბით. ამიტომ გულდასმით ვაკვირდები მათ. პირველი ტრავერ-  
სები წარმატებით მიმდინარეობს. ვცდილობ ყოველ ნაბიჯზე  
გულმოდგინედ დავტყეპნო თოვლი, ვაკეთო საიმედო და მოხე-  
რხებული საფეხურები. წმინდა ყინულის მონაკვეთია და გა-  
ორკეცებულ ყურადღებას მოითხოვს. ორი-სამი დარტყმა წე-  
რაყინით და ყინულის ნამსხვრევები აქეთ-იქით იფანტება. წრი-  
აპების წინა კბილებისათვის ეს საკმარისია და განვაგრძობ გზას.  
მაგრამ დავატონდუპი სულ სხვაგვარად უყურებს ამას. მომ-  
დევს უკან და აუტანელი ზოზინით კრის საფეხურებს. ბოლოს  
აღწევს ჩემამდე. მისი თოკით ანგავს ვაზლვევ. იგი მეტისმე-  
ტად გაუბედავად მოდის. სწევს ზევით მარცხენა ფეხს. ფეხსა-  
ცმლის წვერი კაწრავს ყინულს, მუხლი ეჯახება ფერღობს, იგი  
კარგავს წონასწორობას და კოტრიალით მიჰკრის ქვემოთ. სა-  
ბედნიეროდ, მის ყოველ მოძრაობას თვალს ვადევნებდი. მარ-  
ყუჯი ცურავს წერაყინის ტარის გარშემო, თოკი იჭიმება და ან-  
გავა უვნებელი რჩება. კარგი შიში ჭამა, მაგრამ ამიერდღან ირ-  
წმუნა დაზღვევის საიმედობა! განვაგრძობთ წინსვლას მაგარ  
ყინულზე მდებარე არასაიმედო თოვლზე. ჩვენს ირგვლივ  
ზღაპრული დეკორაციებია: ცაზე ღრუბლის ნატამალიც არა  
ჩანს. ჩვენი ლანდებიც კი სავსეა გამკვირვალე სილაყვარდით.  
მარცხნივ „ნამგლის“ თხემი ისე ახლოსაა, გგონია ხელით მიწე-  
დები. იგი ათასფერად ბრწყინავს მზის სხივებზე. ნამდვილი  
ალმასის მწვერვალია.

ორივე შერაბი დაიღალა და დავატონდუპს ალბათ უკვე აღ-  
არ ახარებს მის მიერ დამყარებული რეკორდი: ესოდენ მნიშვ-  
ნელოვანი სიმაღლის აღება ასეთ მოკლე დროში.<sup>1</sup> გაპირვებით  
დავძლიე მეტად რთული სერაკი და, როცა სამი კარგი საფე-  
ხური და მარცხენა ხელმოსაჭიდი, ანუ „ჭიბე“ ამოვჭერი, უეც-  
რად ყრუ ხმაური მომესმა: ისე გაიტკაცუნა ყინულმა, თითქოს  
მთელი სერაკი იმსხვრევავო. ძალიან შევშინდი. სულგანაბულა  
გავიჩინდე, მაგრამ არაფერი მოხდა: ცხადია, სადღაც სიღრმე-

<sup>1</sup> დაწყებული ჩოიდან, რომელიც დაახლოებით 2500 მეტრის სიმაღლე-  
ზე მდებარეობს, იგი ისე ავიდა 7000 მეტრის სიმაღლეზე, რომ ერთი დღეც  
არ შეუსვენია.

ში, ყინული ჩაწვა. შემიძლია განვაგრძო ჭრა. ნახევარი საათის შემდეგ გავდივარ ზედა კალთებზე და ნათლად ვხედავ დიდ მთისძირა ნაპრალს, რომელიც პორიზონტალურად უვლის მთელ პლატოს: შემიძლია დავტყბე „ნამგლის“ გიგანტური კედლის შხერით.

— შენი რიგია, დავატონდუპ!

ვუჩვენებ მას შემდგომ გზას, იგი გაცილებით უფრო მარტივია: არცთუ ისე ციცაბო თოვლიანი კალთა, შემდეგ ასი მეტრი საკმაოდ ციცაბო ყინული, რომელშიც საფეხუხრების ჭრა მოგვიხდება, შემდეგ ისევ თოვლიანი კალთა და ბოლოს, მთისძირა ნაპრალი.

ამჯერად ვისვენებ, დაე დავატონდუპმა წაგვიყვანოს, მე კი ჩამკეტად დავრჩები. მაგრამ შერაპები ზანტები არიან და ჯერ კიდევ არა აქვთ სავსებით ათვისებული საწერაყინო ტექნიკა: დავატონდუპი ჭრის ძალიან ხშირსა და ამავე დროს, მეტისმეტად დიდ საფეხუხრებს. და მაინც ავდივართ. მალე წინ პირლია, ღრმა ნაპრალი გველობება. ის იმდენად გრძელია, რომ სიღრმე არც იგრძნობა. დაახლოებით ერთ კილომეტრზე არც ერთი გადასასვლელი არაა, გარდა ხიდისა, რომელიც ზეავის კონუსითაა წარმოშობილი. აშკარად არასაიმედო ადგილია და აქ გადასვლა „იძულებითია“.

მე კვლავ წამყვანი ვხდები. ვძლევ წიბოს, რომელსაც კონუსთან მივყავართ და პირაღმა ავდივარ. დავატონდუპი ქვემოდან მაზღვევს, სიფრთხილე სულაც არაა ზედმეტი, ვინაიდან, როგორც კი ორ ნაბიჯს ვდგამ, წამის შემდეგ იმდენითვე ქვემოთ ვცურადები. თოვლი მეტად ფხვიერია და მეშინია, თოვლის ხიდი არ ჩაინგრეს. როცა კონუსის მწვერვალს მივალწიეთ, რაც კი შემეძლო ზევით ავწიე და დავკარი წერაყინი. გაიხმა წკრიპალი: ყინული ყოფილა. მაშინ მთელი ძალით დავარტყი და ნისკარტი ჩაიჭედა: გადავრჩი! ვაგრძელებ გზას — დიდი გაჭირვებით მივიწიე ზევით; თოვლი ვერ მიჭერს და ფეხებქვეშ მიედინება; როგორღაც ვახერხებ წრიაპის კბილებით ფერღობზე მოჭიდებას, სწრაფად ვჭრი რამდენიმე საფეხურს და ზედა პლატოს ვადწივ. ახლა შერაპების რიგია: ისინი საიმედოდ მიჭირავს. აქ უკვე პრინციპებზე ლაპარაკი ზედმეტია: მათ არაფერი უშლის ხელს, რომ თოვს ამოჰყვნენ. მართლაც, ისე ხალი-

სით სარგებლობენ ამ შესაძლებლობით, რომ ლამის ხელი მომ-  
გლიჯონ. ამგვარად, ჩვენი პატარა ჯგუფი ზედა პლატოზე აღ-  
მოჩნდა. მე ენთუზიაზმის ტალღამ მომიცვა: მგონია, ყველა ტე-  
ქნიკური სიძნელე უკანაა. რა მოგველის ზევით? ალბათ კარგი  
თოვლის ან ყინულის კალთა... მაგრამ, უეჭველია, უკვე აღარ  
შეგვხვდება არც კედლები და არც კულუარები.

— წინს უოჩაღად!

ვიკიდებთ ზურგჩანთებს და მივემართებით მარცხნივ „ნამ-  
გლისაკენ“. აქედან იგი კარგად ჩანს. მოწითალო კლდეების მე-  
ტად ზეიადი შესახედობის შვეულ კედლად ეშვება ყინვარი,  
რომლის სიმაღლე თითქმის 200 მეტრია. საბედნიეროდ, „ნამგ-  
ლის“ ტარი უფრო მისაწვდომია; ჩვენი გზა სწორედ მასზე  
გაღის. ისევ წელამდე თოვლში ვფართხალებთ. ყოველ ნაბიჯ-  
ზე ვჩერდებით სულის მოსათქმელად და მაინც წინ მივიწევთ.  
ერთი საათის მომქანცველი მუშაობის შემდეგ კედლის ძირამ-  
დე მივედით. მე მგონია, ბევრი გავიარეთ. მიზანშეწონილია თუ  
არა, კიდევ გავადიდოთ მანძილი მესამე და მეოთხე ბანაკებს  
შორის? საექვოა თითოეულ ჩვენგანს ხომ უნდა შეეძლოს ამ  
მონაკვეთის თავისუფლად გავლა ერთ დღეში. ამიტომ გადავ-  
წყვიტე, ბანაკი აქვე გავმართოთ. შესაფერი ადგილი არ ჩანს.  
მთელი კალთა ზეავებითაა დავარცხნილი. ბოლოს, მომცრო სე-  
რაკის ძირში, ვპოულობთ პატარა უხიფათო მოედანს. სერაკი  
დიდებულად გვიფარავს ქარისაგან, ხოლო კარვები დაცული  
იქნება ზეავებისაგან. გაორკეცებული ენერგიით ვიწყებთ შე-  
საფერი მოედნის ამოჭრას. ვასწორებთ მას, მალე კარვებს  
ვდგამთ, პროდუქტებს ვალაგებთ და ბანაკი მზადაა. შეგვიძლია  
რიგიანად დავისვენოთ.

შერბებს აუტანელი თავის ტკივილი აწუხებთ. ვსინჯავ აღ-  
ტიმეტრს: 7 500 მეტრს უჩვენებს. „ტყუის“ — ვფიქრობ მე-  
ცნობილია, რომ სიმაღლის ჩვენება ჩვეულებრივ, აწეულია  
ხოლმე. თუ მხედველობაში მივიღებთ გარემომცველი მწვერ-  
ვლებისა და ქვედა ბანაკების მდებარეობას, მე ვფიქრობ, რომ  
დაახლოებით 7 150 მეტრის სიმაღლეზე ვიმყოფებით.<sup>1</sup> დავა-

<sup>1</sup> ნამდვილად კი, როგორც შემდეგ დადგინდა, ჩვენ ვიმყოფებოდით  
6850 მეტრის სიმაღლეზე.

შესვენება ტოლისოს უღელბე-  
ზილზე. დიდი ბარიერის მწვერვა-  
ლების ქვეშ.



მწვერვალები



მორის ერცოგი

10 აგვისტოს, მუსონური წვიმების  
პერიოდში, მზილავების ზურგზე  
დაკრული ავადმყოფები ტოვებენ  
საბაზო ბანაკს.





სრულიად დაბრმავებული, მთლიანად ანგ-თარკეზე დანდობილი ტერაი უახლოვდება ბანაკს.



გადასვლა მთის მღინარეზე



მორის ერცოგი



დურბარის ცე  
მონიის შემდეგ  
პალის მამარაჯა -  
ლლოვებს მორის  
ცოვს ორდე  
„გურკების გმირ“  
მარჯვენა“.

ტონდუქსა და ანგავას ვაძლევ ასპირინსა და ვთხოვ წაიხემსონ. ისინი უარს ამბობენ და იძულებული ვარ მარტოკა გავუწოვრდე ერთ ქილა თინუსის კონსერვს, რომლის შეხედვაც კი გულს ურევს მათ. გარემომცველი ვითარება სასიხარულო აღგზნებას იწვევს ჩემში და გამარჯვების ურყევ რწმენას მინერგავს. ახლა თითქმის დიდი ბარიერის სიმაღლეზე ვართ. უფრო ქვევით მოჩანს „ყვავილოვანი კომბოსტოს“ თხემი, რომელიც ასე დიდხანს „დაგვცინოდა“. შორს, ქვემოთ, სიღრმეში, პლატო იშლება, სადაც მეორე ბანაკი მდებარეობს და, სადაც ადამიანები შავი წერტილებივითაც კი არ ჩანან.

— წავედით!

შერბებს ხვეწნა არ სჭირდებათ, ისინი იმ წუთშივე მზად არიან. გულმოდგინედ ვკეტავთ კარავს, იმ იმედით, რომ, მიუხედავად ზეაერებისა, იგი მთელი და უვნებელი დაგვხვდება, და ვეშვებით თავქვე. დაშვება ყოველგვარი უსიამოვნების გარეშე და გაცოლებით დიდი სისწრაფით მიმდინარეობს. ვიდრე ასვლა. ვეშვებით კელეზზე, პირით ფერდობიანაკენ. შერბები, რომელთაც მე ვაზღვევ, მშვენივრად სძლევენ ყველა ძნელ უბანს. დაახლოებით საათნახევარში მივალწიეთ მესამე ბანაკს.

— აქ ხალხია!

ბედნიერი ვარ, ვაცნობო ჩემს ამხანაგებს, რომ ანაპურნა ახლა ვითომ ჭიბეში გვედოს! სწრაფმა დაშვებამ ცოტაოდენ გამამხნევა და აღსავსე ვარ ნთუზიზმით. რაც შეეხება ჩემს ამხანაგებს, ისინი გაშოტილან კარვებში და გაჭირვებით დგებიან ჩვენი მასვლისას. აქ რა ხდება?

კუზიმ და შაცმა, რომლებიც წინააღმდეგ ამოვიდნენ პირველი ბანაკიდან, თან წამოიყვანეს გზიდან ლაშენალი და რებიუფა. გაათიეს ღამე მეორე ბანაკში და დილით ოთხივე აქეთ გამოვიდა. ჩვეულებრივ, თოვლზე მეტად მძიმე სავალი იყო. არასაკმარო აკლიმატიზაციის გამო კუზის ამქამად ძლიერ სტკივა თავი, შაცი ცუდ გუნებაზეა, რებიუფას უფრო შორს წასვლა აღარ შეუძლია. ლაშენალს მადა დაკარგვია. ამოღდ ვცდილობ. გავამხნევო ისინი, ამოღდ ვარწმუნებ, რომ ამიერიდან საქმე კარგად წარიმართება. არაფერი გამოდის. ამჟამად, ისინი ჯერ კიდევ ვერ არიან ფორმაში. მაგრამ იმედი მაქვს, რომ დასვენების

შემდეგ, დილით, უკეთესად იგუბნობენ თავს. ჩემს აქ დაყოვნებას აზრი არა აქვს. ადგილი არ არის და, ამასთან, კიდევ ერთი რეისია გასაკეთებელი. ვფიქრობ, ტერაის ჯგუფი რომ ბარჯს აიტანს, ჩვენ საკმარისი საქურველი და სურსათი გვექნება. წინ გამარჯვებაა!

მაგრამ დრო არ ითმენს... შეძრწუნებით ვითვლი განვლილ დღეებს: უკვე 28 მაისია, ხოლო უკანასკნელი ცნობებით, მუსონი ჩვენამდე მოაღწევს დაახლოებით 5 ივნისამდე. ამგვარად, ჩვენს განკარგულებაშია მხოლოდ ერთი კვირა.

შერბები ამჯერად გაცილებით უფრო ჩქარა მიდიან, უკანასკნელი დღეების ვაკვეთილებმა მათ დიდი სარგებლობა მოუტანა, ტექნიკა გაუუმჯობესდათ: ლავგარდანოდან ჩამოსვლის დროს ისინი უყოყმანოდ ავლებენ თოქს ხელს, სწრაფად სრიალდებიან მასზე და ძირს დაშვებისას მხნედ მიქნევენ ხელს, რითაც მანიშნებენ, რომ გზა თავისუფალია. ამის წყალობით გაცილებით ნაკლებ დროს ვხარჯავთ და დიდი კმაყოფილებით ვხედავ, რა სწრაფად ვუახლოვდებით მეორე ბანაკს.

მაგრამ უკანასკნელ ხანებში დევატონდუბი უცნაურ ტკივილს უჩივის, სახელდობრ სად — ძნელი გამოსარკვევია. იგაგვიჩვენებს ხელით გულმკერდიდან ბარძაყამდე. რა არის ეს — სპირტის კარბად ხმარება, სიმალლის გავლენა, თუ უბრალოდ, თავის დაძვრენის სურვილი მომავალი მუშაობიდან, რომელიც ეტყობა, განსაკუთრებით მძიმე იქნება! რა უდევს გუნებაში ამ ეშმაკისფერს? განუწყვეტლივ კვნესის და ანგავა იძულებულია მხარში ამოუდგეს. როდესაც ბანაკს ვუახლოვდებით, თოვას იწყებს. ტერაი მხიარული ყოყინით გვხვდება.

---

ერთი წუთის შემდეგ ტერაი ცხელ ჩაის მასმევს. სიტყვის თქმასაც არ მაცლის და მაიძულებს ვკამო, დაახლოებით იმავე მეთოდით, რომელსაც ბატების გასუქების დროს იყენებენ.

მეორე კარავში შერბები დევატონდუპს დაჰფუსფუსებენ, რომელიც სულ უფრო შედის მძიმე ავადმყოფის როლში.

ესოდენ მსუყე სადილის შემდეგ სრულიად არ მაწუხებს დადლილობა, რომელიც საეხებით ბუნებრივია ძალ-ღონის ასეთი დახარჯვის შემდეგ. ბოლოს, ტერაი მაძლევს ლაპარაკის ნებას. მე ვაცნობ მას ბანაკების განლაგებას.

— ახლა, — ვეუბნები, — საჭურვლის უმეტესი ნაწილი მომზადებულია იერიშისათვის. გვრჩება გასაკეთებელი კიდევ ერთი მაქო, რომ მეხუთე ბანაკი გავმართოთ, საიდანაც ვადა-მწყვეტი იერიში დაიწყება. ჩვენ სწორ გზას ვადგავართ. ამჯერად შეიძლება წარმატების იმედი ვიქონიოთ!

ტერაიმ, როგორც ჩანს, მთლიანად აღიღვინა ძალ-ღონე პირველ ბანაკში, საიდანაც იგი ახლახან ამოვიდა, მაგრამ კვლავინდებურად შეფიქრიანებულია.

— რა თქმა უნდა, ყველაფერი რიგზე იქნება, თუ კარგი ამინდი გასტანს. ქვემოთ რადიოთი მიღებულია მეტად ამაღელებელი მეტეოცნობები. მუსონმა უკვე მოაღწია კალკუტამდე, რამდენიმე დღის შემდეგ აქ იქნება...

ყოველ შემთხვევაში, მე ჩინებულ ფორმაში ვარ. იმდენად კარგად ვგრძნობ თავს 7 000 მეტრის სიმაღლეზე, რომ სრუ-

ლიად დარწმუნებული ვარ, 8 000 მეტრის სიმაღლეზეც ყველაფერი შეუფერხებლივ ჩაივლის უჟანგბადოდაც.

ტერაი ანელებს ჩემს ენთუზიზმს:

— თუ იპლენივე შრომა მოგვიხდა, რამდენიც აქამდე, მაშინ ეს გიგანტური სამუშაოა და ბოლოს და ბოლოს, ჩვენ ალბათ ვერ გავუძლებთ.

მას აინტერესებს, როგორი შთაბეჭდილება მოახდინეს ჩემზე მესამე ბანაკში მყოფმა ამხანაგებმა. იძულებული ვარ, ვაღიარო, რომ ისინი ვერ გამოიყურებიან კარგად.

მართლაც, მე მეჩვენებოდა, რომ ჩემს მიერ მესამე ბანაკში დატოვებული ოთხი მეგობარი, ძალიან გატეხილა, როგორც ფიზიკურად ისე მორალურად.

— სამაგიეროდ, ძველო, მე და შენზე სრულიად არ ვწუხვარ. ამასთან, გზა ყინვარამდე გაკვალულია. ამ ოთხი შერპის თანხლებით შეგვიძლია მწვერვალამდე ვიაროთ.

— მაგარი მიწოლა კი მოგვიხდება, — შემეკამათა ტერაი ისეთი გამომეტყველებით, თითქოს შეტევისათვის ემზადებო.

— ყური მიგღე, სავსებით დარწმუნებული ვარ, თუ რაიმე გაუთვალისწინებელი კატასტროფა არ მოხდა, აუცილებლად გავიმარჯვებთ, თუნდაც ის ოთხნი მესამე ბანაკში ვერ მომჯობინდნენ (რაც ნაკლებსავარაუდოა, განსაკუთრებით იმათთვის, ვისაც კარგი აკლიმატიზაცია აქვს), ჩვენ მაინც უნდა გავიმარჯვოთ. ჩემი წინადადებაა, მთელი ხვალინდელი დღე აქ გავატაროთ: ეს მოგვცემს ჩვენთვის აუცილებელი დასვენების შესაძლებლობას. დამშვიდებით მოვემზადებით გასვლისათვის და ზეგ, გარეგარეშე შევუდგებით აღმასვლას, ბანაკიდან ბანაკამდე. როდესაც ისინი ხვალ აქ ჩამოვლენ, შევარჩევთ ორს, ყველაზე ძლიერს და ეს ჩაბმა წამოვა ერთი დღით გვიან ჩვენს შემდეგ, დამხმარე ჯგუფის სახით. რაც შეეხება მეორე ჩაბმას, ის დაისვენებს კიდევ ერთ დღეს და შეძლებს თან გაჰყვას პირველს ერთი დღის სავალ მანძილზე. ორივე სამარქაფო ჯგუფი წამოიღებს დამატებით საჭურველს და დაეხმარება მოიერიშე წყვილს დაშვებისას.

— დრო არ ითმენს, — ჯიუტად იმეორებს ტერაი, — შენი გეგმა დიდებულია, მეგობარო, მაგრამ მე არ მინდა დრო ტყუ-

ილ-უბრალოდ დაგკარგო. რა უნდა ვაკეთო აქ ხვალ მთელი დღე? უკვე დავისვენე! უმჯობესია ზევით წავიდე. ჩვენ ამით ერთ მაქოს მოვიგებთ და შესაძლოა ამას გადაშწყვეტი მნიშვნელობა ჰქონდეს...

— მე არ გედავები, მაგრამ შენ რომ ხვალ გახვიდე, ჩვენ უკვე ერთად აღარ ვიქნებით. ამ მომენტში კი მხოლოდ მე და შენ ვართ კარგ ფორმაში: 7000 მეტრზე უფრო მაღლა ადამიანი მარტოკა ვერ წავა. დარწმუნებული ვარ, რომ მე და შენ ერთად აუცილებლად მივალწევთ მწვერვალს.

— მოდი, პრაქტიკულად შევხედოთ ყველაფერს, მორის. ერთ დღეს ჩვენ მაინც დაგკარგავთ. ჯანდაბას, თუ პირველ მოიერიშე ჩაბმაში ვერ მოვხვდები, მეორეში ვიქნები და მორჩა! მაგრამ თუ ერთ წყვილს მაინც უწერია მწვერვალამდე მისვლა, მაშინ, შესაძლოა, ეს მოხდეს მხოლოდ იმის წყალობით, რომ ბარგს ზევით ავიტან.

ცოტა არ იყოს, საგონებელში ვვარდები. მეგობრის კეთილშობილება არ მაკვირვებს. მე ის უკვე დიდი ხანია შევაფასე. მაგრამ ამ წუთში ასეთი მსხვერპლი უაზრობად მეჩვენება. ტერაი თვლის, რომ იგი თავის ვალს იხდის. რაც შემეხება მე, ეგონისტური განზრახვით ხომ არ მსურს იგი პარტნიორად მყავდეს ჩაბმაში? ეს აზრი უბერხულობაში მაგდებს და ვყოყმანობ.

— რა გაეწყობა, თუ ასეა, თანახმა ვარ, — ვეუბნები დანანებით, — ერთი შეხედვით მეჩვენება, რომ შენ მართალი ხარ, მაგრამ, ვფიქრობ, ასეთი შემთხვევა მეტად აღარ მოგვეცემა.

ტერაი ჩაფიქრდა. უცებ ჩინებული აზრი მომივიდა და ტერაის ვუთხარი:

— თუ შენ აუცილებლად ხვალ გინდა წასვლა, ლიონელ, რატომ არ უნდა ახვიდე მხოლოდ მესამე ბანაკამდე და თან წაიღო ერთი სასიმაღლო კომპლექტი, რომელსაც მერე სხვებმა წაიღებენ. იმავე დღეს მოასწრებ დაბრუნებას. ჩვენ დავრჩებით აქ კიდევ ერთ დღეს, რომ დაისვენო და ამის შემდეგ ორივენი გავალთ. შერპებს მსუბუქი ტვირთი ექნებათ და გზის გაკვალვის დროს მალმალე შეენაცვლებიან ერთმანეთს. ავხსნით ბა-

ნაკს და, თუ საჭიროება მოითხოვს, მეხუთე ბანაკს გავმართავთ. მერე კი გავუტევთ თვით მწვერვალამდე.

მე მომწონს ეს გადაწყვეტილება და წინასწარ მჯერა, რომ ტერაი დამეთანხმება. მისი მთავარი საზრუნავი „მაქოების“ შეუფერხებელი მოძრაობაა.

— რაკი ასე გსურს, კეთილი, — მეუბნება იგი. მისი პასუხით ძალიან კმაყოფილი დავრჩი.

სალამო მხიარულად გავატარეთ. ნათლად მაქვს წარმოდგენილი მეორე ბანაკის არაჩვეულებრივი კომფორტი: დიდი კარავები, ელექტრო-განათება, მოხერხებული კედლები, საკმარისი წყალი და ა. შ.

მას შემდეგ, რაც ზვავმა ერთხელ კარავები წალეკა, ტერაიმ მთლიანად აღადგინა ბანაკი. ახლა ის კარგადაა დაცული, მას იცავს ისეთი უზარმაზარი, ისეთი განიერი ნაპრალი, რომელიც უცილობლად ჩაყლაპავს ყველაზე მძლავრ ზვავებს.

საძილე ტომრებში თბილა და მყუდროებაა. გარეთ კი ქარბუქი მძვინვარებს.

— როგორ... შენ ეწევი?

ღირსშესანიშნავი დღეა! ლიონელ ტერაი მხოლოდ განსაკუთრებულ შემთხვევებში ეწევა ხოლმე.

ჩვენ ისევ და ისევ ვუბრუნდებით ძირითად თემას.

— როგორ ფიქრობ, დანარჩენები შეძლებენ პირდაპირ გზიდანვე ასვლის გაგრძელებას, აქ შეუჩერებლად?

და მცირე პაუზის შემდეგ:

— აჰ, მუსონი რომ დაგვაცლიდეს!

ფარნის მკრთალ შუქზე ძლივს ვხედავ ჩვენი სიგარეტებიდან ამავალი ბოლის რგოლებს. ტერაის სახე სიბნელეში ინთქმება.

ნეტავი მალე ამოიტანს ნუაელი საჭურვლის და პროდუქტების ძირითად ტვირთს ტუკუჩიდან?

მაგრამ დადლილობას თავისი გააქვს. ტერაი, როგორც ყოველთვის მომპირნე, სინათლეს აქრობს. რამდენიმე წუთის შემდეგ ბურანში ვიძირებით...

ღამით რალაც ბიძგებს ვგრძნობ. ისმის ხანგრძლივი ბუზლუნი. სახეზე ვილაცის ხელი მხვდება. სინათლე ინთება.



— რაშია საქმე?

— არაფერი, ჩემი წასვლის დროა!

— როგორ, უკვე?

ტერაი ნაჩქარევად იცვამს ფეხსაცმელს, გადის კარვიდან და აღვიძებს შერბებს. ექსპედიციის მსვლელობის მთელ მანძილზე იგი უცვლელად ერთგულია თავისი ადრეული გასვლების ტაქტიკისა. რა თქმა უნდა, ტერაი მართალია, ვინაიდან თოვლი განთიადისას ბევრად უკეთესია, მაგრამ რა მხნეობაა საჭირო! ეს მხოლოდ ტერაის ახასიათებს. თვალდახუჭული კმაყოფილი ვფიქრობ იმაზე, რომ, ვიდრე დანარჩენები ოფლში იწურებიან, მე შემიძლია სითბოში ვინებივრო, შერბები კაყოველნიაირად მომემსახურებიან! გაოიურაეზე მესმის ხმამალალი:

— ნახვამდის, მორის!

— ხვლამდის! გისურვებ წარმატებას!

ტერაი გულდასმით კრავს ლილებით კარავს. უბადლო ტერაი მე არ ვიცნობ მთელს საფრანგეთში არავის, ვინც უფრო უახლოვდებოდეს იდეალური ამხანაგის ტიპს ექსპედიციაში.

გადის საათები, მზე ანათებს და ათბობს კარავს. ბანაკში სრული სიწყნარეა. ჩემი ორი შერბიც ისვენებს... მაგრამ უკვე გვიანაა. საძილე ტომრიდან ვიწყებ ხმამალა ძახილს:

— ანგავა! კჰანა! კჰანა!

ისმის ყრუ ხმები, შემდეგ:

— Yes, Sir, — იწყება რაღაც ფუსფუსი.

ნელა ვძვრები საძილე ტომრიდან. ფეხსაცმელები გაყინულა და, ვიდრე ჩავიცვამ, დიდხანს მიხდება მათი ბეგვა. ვიცვამ ბუმბულის ქურთუკს, ვიხურავ ქუდს და ვიკეთებ სათვალეს: ახლა შეიძლება ცხვირი გამოვყო გარეთ. შესანიშნავი ამინდია. მაგრამ მთელი ხეობა ღრუბელთა ზღვაშია ჩაძირული, თუმცა ჩვენს თავზე, ცა მოწმენდილია. ღამით დიდი თოვლი დადო და ტერაიზე ვღელავ, რომელიც ახლა გზას მიიკვლევს. ღურბინდით შეიძლება დავინახო მისი ნაკვალევი. მართლაც მალე ვარჩევ ჩაბმას, სწორედ პირველი კედლის ქვემოთ. იგი ეჩხუბება თავის შერბებს და ალბათ უყვირის ხმის ჩახლეჩამდე. ვათვალთურებ მესამე ბანაკის მიდამოებს და უეცრად ვხედავ ქვემოთ მომავალ ორ შავ წერტილს.

ხომ ოთხივე მეოთხე ბანაკისაკენ უნდა აღიოდნენ; ცხადია, ცუდმა ფიზიკურმა მდგომარეობამ ძლიერ შეარყია ჩემი ამხანაგების მორალური სიმტკიცე.

მირისტი-კპოლას ხეობაში მძიმე ღრუბლები ჩამოწოლილა. მათი უჩვეულო სიმუქე შიშს გვინერგავს. ნაღვლიანი წინათგრძნობა მიპყრობს. ყველაფერი ეს მუსონის დაწყებას ხომ არ მოასწავებს?

დავატონდები სულ უფრო და უფრო უარესად ხდება. პირველ ჯგუფთან ერთად გავისტუმრებ მას პირველ ბანაკში. ახლა წევს თავის საძილე ტომარაში და მუცელზე ხელებმიპერილი კვნესის.

ისევ თოვს. კარავში ვძვრები, გასაბერ ლეიბზე ვწვები და თვლემას ვიწყებ. მალე ყვირილი გაისმის. ეს ნამდვილად ლაშენალია. მეც ყვევირი საპასუხოდ. ახლა, მრავალრიცხოვანი რეისების შემდეგ, ნაკვალევები პლატოზე ისე ჩახლართულა, რომ ხმოვანი სიგნალები სწორედ დროული იქნება. რამდენიმე წუთის შემდეგ მოვიდნენ ლაშენალი და კუზი.

— გზის გაგრძელებას აზრი არა აქვს, — ამბობს ლაშენალი, — მე დედის რძე აღარ შემარჩინა!

— მე კი საშინლად მტკიოდა თავი, — დასძენს კუზი, ასპირინისა და დასაძინებელი ფხვნილის მიღების შემდეგაც კი თვალი არ მომიხუჭავს.

— შენ რომ მაგისტვის მოგესმინა, — კვერს უკრავს ლაშენალი, — მთელი ღამე ჩიოდა, თავის ქალა მისკდებაო.

— სიმაღლის გავლენაა, — ვეუბნები მე. — თქვენ სწორად მოქცეულხართ, რომ დაეშვიტ. სხვები როგორ არიან? წავლენ ზევით ლიონელთან ერთად?

— იცი, — მიხსნის ლაშენალი. — ყველანი ცუდად ვგრძნობდით თავს, განსაკუთრებით მას შემდეგ, მთელი ღამე რომ თოვდა. ვერ გეტყვი, შეძლებენ თუ არა. ვფიქრობ, ლიონელს ელოდებიან, რომ მასთან ერთად გადაწყვიტონ.

შევდივართ კარავში. ლაშენალი აშკარად ტკბება კომფორტით. კუზის თავის ტყვიულმა გაუარა — ნაცნობი მოვლენაა. როგორც კი ასეულ მეტრ სიმაღლეს დაჰკარგავ, მთის ავადმყოფობის ყველა ნიშანი უკვალოდ ქრება. სანამ ამხანაგები იცვა-

მენ და შრებიან, მე მივდივარ ანგავასთან და საუზმის ამბავს ვაგვარებ. აქ უკვე ძუნწობა აღარ გვკვირდება, ყველა რეზერვი უნდა გამოვიყენოთ, რომ ჩვენი ამხანაგები ფეხზე დავაყენოთ. ასეთი მძიმე მუშაობის დროს მათ გუშინწინდელს აქეთ ხემსი არ უნახავთ.

ძალზე მესიამოვნა, რომ ნოყურმა საუზმემ ამხანაგებზე კარგად იმოქმედა. მალე ლეიბებზე გავუშოტეთ და საუბარმა უფრო ოპტიმისტური ხასიათი მიიღო.

უეცრად კარვის კარი გაიღო და ანგავას აღელვებული სახე გამოჩნდა:

— ბარა საპიბ, სხვა საპიბები მოდიან!

ზოლო პაუზის შემდეგ:

— ბარა-საპიბ, ყური დაუგდე!

მართლაც ჩვენამდე რაღაც ყვირილი აღწევს.

რადგან განუწყვეტლივ ბარდნის, სასწრაფოდ ვიცვამ პაპიკებს, საშტორმო ტანსაცმელს და გავდივარ. ათ მეტრზე არაფერი ჩანს, დროდადრო გარკვევით მესმის ყვირილი. ეს უწყველად საპიბია, რადგან შერბებს ძალიან შორ მანძილზე ესმით ერთმანეთისა. ხმა აღწევს არა მესამე ბანაკის მხრიდან, არამედ გაცილებით უფრო ახლოს „ყვავილოვანი კომბოსტოს“ თხემთან. ორი შესაძლებლობაა: ან მესამე ბანაკიდან გადაუხვია ვინმემ დაშვების დროს მარცხნივ და ნაპრალთა ზონაში მოხვდა, ანდა პირველი ბანაკიდანაა ვინმე და მეტისმეტად მაღლა ასულა. ყოველ შემთხვევაში, ცხადია, რომ საშიშროება არ ემოქმედება. რადგან მთებში ყოველთვის შეიძლება უბედურების სიგნალის გარჩევა. ვეხმიანები როგორც შემოძლია, მიუხედავად სიშორისა, უცნობმა ჩემი ხმა გაიგონა. მგონი გამიგო და გეზი მარცხნივ აიღო. მისი ხმა ახლოვდება და უკვე შემოძლია ახსნა-განმარტება ვაძლიო:

— მარცხნივ, სულ მარცხნივ, დიდი ნაპრალის გასწვრივ...

— ვიმეორებდი, ვიღრე პასუხად არ მომესმა „გასაგებია!“

15 წუთის შემდეგ ბარბაციით მოგვიახლოვდა თეთრი მოჩვენება. გაქირვებით ვიცანი შაცი.

— რებიუფა სადღაა?

— მე მარტო დავეშვი!

— როგორ თუ მარტო? შენ რა, შეიშალე? ასეთ ამინდში და ასეთ ვითარებაში! ეს უკვე ეშმაკმა იცის, რა არის! ვერძნობ, სიბრაზისაგან წამოვქარხლდი.

— ჯერ მომისმინე, მეგობარო, — იმართლებს თავს შაცი, — მე არ შემეძლო სხვანაირად მოვექცეულიყავი, კინალამ დავიხრჩვი მესამე ბანაკში და არათუ ვერ დავეხმარებოდი ხვალ ლიონელს, არამედ ზედმეტი მკამელი ვიქნებოდი იქ. სწორედ ამიტომ გადავწყვიტე დაშვება.



ამდენი ხნის მანძილზე პირველად გამოვდივარ მოთმინებულან:

— ეშმაკმა დალახვროს! ჯერ ისედაც ცუდად ხარ და ცეცხლს ეთამაშები, თან სრულიად უსარგებლოდ! წარმოიდგინე, ამასწინანდელივით რომ დაცემულიყავი ან ანგავას არ გაეგო შენი ყვირილი... რა მოგელოდა!

რა გაეწყობა, რაც იყო, იყო; ახლა საჭიროა, რომ ჩვენი ამხანაგი გონს მოვიდეს განცდილი მღელვარების შემდეგ. ცხელ ჩაისა და ნოყიერ საჭმელს ფერზე მოჰყავს იგი. ისიც თავის მხრივ, ბანაკში დაბევიდრებული ოპტიმიზმით იმსჭვალედა და მომავალს უფრო იმედიანად უყურებს.

— ლიონელმა ამოაღწია მესამე ბანაკამდე? — ვეკითხები.

— მას ძალიან შეაგვიანდა დიდი თოვლის გამო. დაშვები-სას მე და გასტონი წავაწყდით ნისლში. იგი ისეთ ხალსიან გუნებაზე იყო, რომ ყველანი ერთად უკანვე დავბრუნდით.

— როგორ მოხდა, რომ გასტონმა მარტო გამოვიშვა?

— ახლავე აგიხსნი: ჩვენ პატარა სამხედრო თათბირი გაე-  
მართეთ: ლიონელმა თქვა, რომ მეოთხე ბანაკი იმათ უნდა მოა-  
წყონ, ვინც ღამე ათია მესამე ბანაკშიო, ე. ი. მე, კუზიმ, ლაშე-  
ნალმა და გასტონმა, თუმცა ორი დაეშვა, მაგრამ დავალების  
შესრულება მაინც აუცილებელიაო.

— მაშასადამე, თქვენ გადაწყვიტეთ მასთან ერთად უკანვე  
ასვლა?

— საესებით სწორია.

ტერაი ყოველთვის საქმეს აყენებს პირველ რიგში. მას  
შიაჩნია, რომ სწორედ ასე მოიხდის თავის ვალს!.. მაგრამ შა-  
ცი განაგრძობს:

— მე საშინლად დავიღალე და ლიონელს ვუთხარი, უგუ-  
ნურება იქნება, ხვალ რომ ფერდობზე ჩავიკეცო-მეთქი, ჯო-  
ბია დავეშვა დასასვენებლად, მერე კი მე და კუზი ისევ შევა-  
დგენთ ჩაბმას.

— მაშასადამე, ხვალ ლიონელი და გასტონი ზევით მიდი-  
ან?

— დიახ, თუ ხელსაყრელი ამინდი იქნა.

— შეძლებენ კი გზის გაგრძელებას? ვინ იცის? იქნებ სწო-  
რედ მათ გაუღიძოოს ბედმა?!

გარედან რალაც ხმაური მოდის. შერპები გაცხოველებით  
ელაპარაკებიან ერთმანეთს. კიდევ ახალია რამე? ცყოფ თავს  
კარვიდან და ვხედავ აჯიბას, რომელიც პირველი ბანაკიდან  
ამოსულა რამდენიმე შერპის თანხლებით. მის უკან დგას ახალ-  
გაზრდა მზიდავი პანდი. ტექნიკური სიძნელეების მიუხედავად,  
იგი მშვენიერად ამოვიდა მეორე ბანაკამდე. ახლა ის თითქმის  
შერპია. წოდების ამალგების აღსანიშნავად ნეილონის საუც-  
ხოო ეილექტით ვასაჩუქრებთ, რომელსაც იგი იქვე ამაყად იც-  
ვამს. აჯიბა მაწვდის ორ ფურცელს. ხმამაღლა ვკითხულობ:

„პირველი ბანაკი, 1950 წლის 28 მაისი.

მორის ერცოგს მარსელ იშაკისაგან!

ანგ-თარკე მოვიდა 12 საათსა და ათ წუთზე. საბაზო  
ბანაკში მზადდა 22 მზიდავის ტვირთი.

მაქოებისათვის საბაზო ბანაკსა და პირველ ბანაკს

შორის შეიძლება ჰაბუკუის გამოყენება, რომელიც აქ ანგ-თარქემ მოიყვანა. თვითონ ანგ-თარქე ახლავე ეშვება საბაზო ბანაკში ნუაელისა და მისი 15 მზიდავის შესახვედრად. იგი შეეცდება, ზოგი მათგანი მაქოებისათვის შეარჩიოს.

რაც შეიძლება ჩქარა გამოგზავნეთ აჩიბა და გამოატანეთ აუცილებლად საჭირო ნივთების სია (სასიმაღლო კარვები?)

არის თუ არა საჭირო, რომ ჩვენ ვახლდეთ შერპებს მეორე და მესამე ბანაკებს შორის და სახელდობრ, როდის?

მარსელ იშაკი.

— რა სასიამოვნო ამბავია!

მამ ასე, ნუაელი გვიახლოვდება! ახლა ჩვენ მივიღებთ სურსათ-სანოვავის სრულ მარაგს და დარწმუნებულნი ვართ, აღარაფერი მოგვაკლდება. ბანაკში სამხიარულო გამოცოცხლებია.

მეორე ბარათი ნუაელისაგანაა. იგი მაცნობებს, რომ ჩემი ბრძანება მიიღო და მალე ამოვა. ეს წერილი გამოგზავნილია ტუკუჩიდან 25-ში, სარქეს ჩასვლის მეორე დღეს. აი, ყოჩაღ! მან 36 საათში გაიარა გზა, რომელიც ჩვეულებრივ 4-5 დღეს მოითხოვს. კარგად იმუშავა მან ექსპედიციისათვის და მისი უფროსი ალბათ მადლობასაც გადაუხდის. როცა ამის შესაძლებლობა იქნება.

ამ ბედნიერი ამბების აღსანიშნავად ვხსნით ერთ ბოთლ რომს... მაგრამ დროის დაკარგვა არ შეიძლება. აჩიბა დაუყოვნებლივ უნდა დაეშვას, რათა განაგრძოს თავისი მაქოსებური რეისები. აპიტომ აქვე ვწერ ქვედა ბანაკების საპიბებს შემდეგ ბარათს:

„მეორე ბანაკი, 1950 წლის 29 მაისი.

ნუაელს, მარსელსა და ყველა საპიბს ერცოვისაგან: მადლობას ვუხედი ნუაელს „ზურჯის“ სასწრაფოდ ამოგზავნისათვის. ეს დიდ იმედს გვინერგავს. გუშინ გავმართეთ მეოთხე ბანაკი „ნამგლის“ ტარის ზედა ნაწილში.

ამყამად მესამე ბანაკში (6600 მეტრზე) არიან: ტერაი, რე-  
ბოუფა და ორი შერპი.

უ ა ხ ლ ო ე ს ი მ ი ზ ა ნ ი ა: გავმართოთ მეხუთე ბა-  
ნაკი გადამწყვეტი იერიშის წინ, რაც განხორციელდება  
თანმიმდევრული წყვილ-წყვილი ჩაბმების მიერ.

მ ა რ ს ე ლ ს — მ ე ტ ა დ ს ა ს წ რ ა ფ ო დ: სარკე,  
აჯიბა, ფუთარკე და პანდი, რაც შეიძლება ადრე უნდა  
ამოვიდნენ ხვალ, თან წამოიღონ: ორი დიდი კარავი, ორა  
საძილე კომპლექტი (:ტომრები და ლეიბები), ერთი დიდი  
პრიმუსი („კოლმანი“) და ორი ლიტრი ბენზინი, კინოა-  
პარატის კასეტები (გიგზავნი გადაღებულებს), აფთიაქი  
(ძილისმომგვრელი აბები, ათი ტუბი ასპირინი, რვა ქილა  
მოყინვის საწინააღმდეგო მალამო, ხუთი ტუბი გლეტჩე-  
რის მალამო), ოთხი წყვილი პაჭიქი და დამატებითი სასი-  
მალლო კომპლექტი.

დანარჩენი პროდუქტები დაუმატეთ (არ დაგავიწყ-  
დეთ ძეხვი და ერთი ბოთლი კონიაკი).

ამოიღეთ ლაშენალის ზურგჩანთიდან მაღალყელიანი  
წინდები, სამი წყვილი დაბალი წინდა, კედები, პერანგი  
და ქვედა საცვალი. კავშირი უმტ-რაციით<sup>1</sup> დღეს, 20 სა-  
ათზე, კუზი და შაცი ხვალ დაეშვებიან და მოგცემენ და-  
მატებით მითითებებს.

მ ნ ი შ ვ ნ ე ლ ო ვ ა ნ ი ა: ყველაფერი ეს უნდა გა-  
მოგზავნოთ ძალიან ადრე, რადგან მე და ლაშენალი აქ  
ვიცდით, რათა მესამე ბანაკისაკენ წავიდეთ სარკესა და  
ფუთარკესთან ერთად.

თუ კარგი ამინდი დაგვიდგა, იმედი გვაქვს წარმატე-  
ბისა!

მორის ე რ ც ო გ ი“.

აჯიბამ და პანდიმ ამოიტანეს სასიმალლო კომპლექტი, სურ-  
სათი და ერთი უმტ. რაცია. დღეს საღამოს, 20 საათზე, რო-  
გორც დათქმულია, ვცდით კავშირის დამყარებას. როგორც იქ-

<sup>1</sup> ულტრამოკლეტალიანი რადიოსადგური.

ნა ურთიერთობა „ზურგთან“ ახლა მნიშვნელოვნად გაადვილდება.

ძალიან კმაყოფილი ვარ ნუაელის მუშაობით: მან გვიჩვენა, რა შეუძლია მას. ის რომ არა, გამარჯვება მუსონის დაწყებამდე შეუძლებელი იქნებოდა. მივდივარ, რათა თვალი შევაგლო დავატონდუქს, რაც შეიძლება ჩქარა მინდა გავისტუმრო ქვევით. იგი მომაკვდავსა ჰგავს და, რასაკვირველია, მისი დაშვება ახლა ასეთ ქარბუქში, შეუძლებელია. გადავდებთ ამას ხვალისათვის. აჯიბა ტყუილ-უბრალოდ დროს არ კარგავს და მიდის უბარგოდ თავისი ფართო და მოუქნელი ნაბიჯით. მას უკან მიჰყვება პანდი. რამდენიმე წუთის შემდეგ ისინი ნისლში უჩინარდებიან.

ვდგამ რადიოსადგურს. დროგამოშვებით ვაჭერ პედალს:

— ალო, ლაპარაკობს ერცოგი. მატა, გესმით ჩემი ხმა?

პასუხად — მხოლოდ ტკაცუნი. მალე ვიჭერ ინდურ მუსიკას, რომელიც მძაფრი ტემპით სრულდება. ცოტა კიდევ და ცეკვას დავიწყებ აქ, ჰიმალაის გულში, 600 მეტრის სიმაღლეზე!

— ალო, ლაპარაკობს ერცოგი. მატა, გესმის ჩემი ხმა?  
.ასევე დუმილი.

ოც საათსა და თხუთმეტ წუთზე, როგორც დათქმულია, კავშირი წყდება. რადიო მართლაც სუსტი ადგილია ექსპედიციებში. ეს, ალბათ, ჩვენი ერთადერთი დაუდევრობაა, მაგრამ ამას, შესაძლოა, დიდი შედეგები მოჰყვეს. წარუმატებლობით ცოტა გულნატკენი კარავში ვბრუნდები. ჩემი ამხანაგები თითქმის მძინარენი მხვდებიან.

გათენდა დილა. კარგი ამინდია: ჰაერი არაჩვეულებრივად გამჭვირვალეა, მზე უკვე ანათებს კარავს. ღამე კარგად დავისვენე და ახლა დაუყოვნებლივ გამოვდივარ გარეთ. თოვლის ნამცეცა კრისტალები მზეზე აღმასივით ბრწყინავენ: ჩანს, ღამით ყინავდა. გეგმა ნათელია; უნდა დავუტადოთ პირველი ბანაკის მაქოს (იმედი მაქვს, რომ იგი არ დაიფინანებს) და მაშინვე გავიდეთ მესამე ბანაკისაკენ. კუზი და შაცი ჯერ არცთუ ისე კარგად გრძნობენ თავს. კუზი აქ ფიქრობს დასვენებას, ხოლო შაცს უფრო ქვევით, პირველ ბანაკში დაშვება სურს. ის თან



გაპყვება დავატონდუსს, რომლის მდგომარეობა უკანასკნელი  
საში დღის განმავლობაში უცვლელია. ლაშენალს აშკარა  
ცვლილებას ვამჩნევ, მისი მოძრაობა გაცილებით მკვირცხლია:  
ამოძვრა საძილე ტომრიდან, შეამოწმა, რას აკეთებენ შერპები,  
ექებს, სად არის ტერაი...

მისი სულიერი განწყობილება აშკარად გაუმჯობესდა. შესა-  
ძლოა იგი ახლა ისევ კარგ ფორმაშია? მაშინ, ჩვენ შეგვეძლო  
პირველ ჩაბმად გავსულიყავით.

— რას აკეთებს ამდენ ხანს აჯიბა? — ვკითხულობ მოუთ-  
მენლად. მე ხომ გარკვევით ვუბრძანე, რაც შეიძლება ადრე გა-  
მოსულიყო პირველი ბანაკიდან. ჩვენ თვითონაც ხომ უნდა წა-  
ვიდეთ დღეს!

რიგრიგობით ვათვალიერებთ ღურბინდით:

— შეხედე, ბისკანტ, კარგად ჩანს, როგორ ადიან რებიუფა  
და ტერაი შერპებთან ერთად.

— ძალიან ნელა მიიწვევენ წინ, — მიპასუხებს იგი.

— ძალზე ღრმა თოვლია და უმძიმთ წინსვლა.

კარგი ამინდის წინამორბედი მოციისფრო ბურუსი ამოდის  
მირისტი-კპოლას ხეობის სიღრმიდან და მზის სხივებში ინთქ-  
მება. ვიღებთ გარემომცველი მწვერვალებისა და ბანაკის რამ-  
დენიმე ფოტოსურათს.

— უკვე შუადღეა, აჯიბა კი არა ჩანს და არა!

სადილზე გრძელი დისკუსია იმართება შამონელ მეგზუ-  
რებზე. ლაშენალი გამოთქვამს აზრს თავის პროფესიაზე. გადის  
საათები. შაცი აპირებს დაშვებას დავატონდუსთან ერთად და  
ჩემთვის ნათელი ხდება, რომ დღეს მესამე ბანაკში უკვე ვე-  
ლარ წავალ.

— სალამი, ბარა-საჰიბ!

— სალამი!

უკვე თვრამეტი საათია; ჩემდა სასიხარულოდ, როგორც იქ-  
ნა, მოგვევლინენ ანგ-თარკე, ფუთარკე და სარკე. მათ მძიმე  
ტვირთი მოაქვთ: საკურველი, პროდუქტები და, კერძოდ, მეო-  
რე დიდი კარავი მეთრე ბანაკისათვის. დაბინდებისას უკანას-  
კნელად ვუცქერით ღურბინდით მეოთხე ბანაკს. არავითარი  
მოძრაობა არა ჩანს. ალბათ ჩვენი მგობრები მოეწყვნენ ლა-

მისთვისათვის. ეს კარგი ნიშანია. ხვალ ისინი განაგრძობენ ასვლას მეხუთე ბანაკის მოსაწყობად.

ანგ-თარკეს სახე კმაყოფილებას გამოხატავს, მასაც თითქოს უხარია ჩვენი ნახვა. ექსკურსია მუქთინათში მისთვის დიდი ჭილდო იყო და ხალისი აქამდე გამოჰყვა. ანგ-თარკეს აქ ყოფნა მრავალი საზრუნავისაგან მათავისუფლებს: ჰიმალაის მთებში დიდი გამოცდილება აქვს მიღებული და იცის, რა უნდა გააკეთოს და რის გაკეთება არ შეიძლება. არ ეშინია თაოსნობისა. მისი გავლენა სხვა შერპებზე ბევრად მიაღვილებს ამოცანას. ახლა ის ხსნის ბარგს და მაწვდის ნუაელის, იშაკისა და ულოსაგან გამოგზავნილ ბარათს.

„1950 წლის 30 მაისი.

1. დილიდანვე შერპების გამოგზავნა შეუძლებელი იყო, ვინაიდან შენი უსტარი გუშინ მეტისმეტად გვიან მოვიდა, შერპები საჭურვლიანად საბაზო ბანაკში იყვნენ.

2. ვგზავნით შენთან ანგ-თარკეს, სარკესა და ფუთარკეს. ისინი მოგიტანენ ყველაფერს, რასაც გვთხოვდი: რაც შეეხება საძილე ტომრებს და ლეიბებს, მოეწყვეთ შერპებთან, როგორც გინდათ.

3. ხვალ გამოგზავნით კიდევ ერთ ჯგუფს მეორე ბანაკში, შესაძლოა, რომელიმე ჩვენგანის თანხლებით.

4. თუ რაიმე გჭირდებათ, დატოვეთ ბარათი მეორე ბანაკში.

5. გვაცნობეთ, საჭიროა თუ არა, რომ ვინმე ჩვენთან ახლდეს შერპებს მესამე ბანაკში?

6. რადიოკავშირი: ვერაფერი გავიგონეთ. გაიმეორეთ დღეს 17, 19 და 20 საათზე. ახლა მძლავრი მიმღები გვაქვს.

7. აქ მუსონისწინა, დროებითი უამინდობაა. ნამდვილი მუსონი, მგონი ცოტა ნაადრევად უახლოვდება კალკუტას.

8. ე. ბ. დაბრუნდა საბაზო ბანაკში. ველოდებით ცნობებს შენგან. აქედან ხვალ წავა შიკრიკი. ე. ბ. ტუკუჩაში მიემგზავრება.

9. რას ფიქრობ უკან დაბრუნებაზე? მზიდავების მხრივ შეტად მძიმე მდგომარეობა გვექნება: მათი გამოთხოვის მომენტიდან რვა დღე გავა, სანამ ისინი ჩვენამდე მოაღწევენ. თანაც ერთდროულად გვეყოლება არაუმეტეს ოცი მზიდავისა.

ღმერთმა ხელი მოგიმართო!

ნ უ ა ე ლ ი, ი შ ა კ ი, უ დ ო.

P. S. იშაკისაგან. ფერადი კინოფირისათვის: სრული განათების დროს, შეგიძლია დიაფრაგმა 11-მდე დააყენო.“

პირველ კავშირზე მე უკვე დავიგვიანე, ვცდი 19 საათზე-ამჯერად დიდი წარმატების იმედი მაქვს! ცნობა მუსონის შესახებ ძალიან მალეღვებს. ამჟამად თვით მიზანთან ვართ და საშინელება იქნება უკანდახევა უეცარი უამინდობის გამო. თუ მუსონმა უკვე მოაღწია კალკუტას, იგი რამდენიმე დღეში აქ იქნება... ამოდ ვცდილობ გამოვიძახო რადიოთი პირველი ბანაკი.

ამხანაგებმა რომ ქვემოთ სულ ახალი ცნობები მიიღონ, მათ ბარათზე უკანასკნელ მომენტში, ე. ი. ხვალ დილით ვუპასუხებ.

დაისი აღმაფრთოვანებელია. ნილგირისა და ანაპურნის კედლები ოქროსფერად ბრწყინავენ. თანდათანობით ეს ფერი ნარინჯისფერში გადადის და ბოლოს, მეწამულში; ცა მოკრიალებულია. ძალიან ცივა: ყველაფერი ეს საიმედო ნიშნებია. იქნებ კარგი ამინდის ეს უკანასკნელი დღეები ერთადერთი შესაძლებლობაა ჩვენთვის? ნილგირი ჩრდილითაა დაბურთული, ანაპურნის ზედა კლდეები მუქი ვარდისფერია, შემდეგ მთელი მასივი წყვილიადში იძირება და მხოლოდ მწვერვალია კიდევ რამდენიმე წამს განათებული.

ღამე იწურება ყოველგვარი შემთხვევების გარეშე; ზვავები ცოტაა, რადგან გუშინ არ უთოვია. ექვს საათზე ვძვრებით საძილე ტომრებიდან. საუცხოო ამინდია. ლაშენალი კარგ შთაბეჭდილებას ახდენს ჩემზე. ვფიქრობ, ცუდი დღეები გათავდა მისთვის და ახლა ბრწყინვალე ფორმაში ბრუნდება ზევით.

— ჰო, მართლა, მოგიტანეს შენი წინდები და პერანგი? — ვეკითხები, როცა ის ზურგჩანთას ალაგებს.

ამ პატარა დამატებითმა კომფორტმა იგი კარგ გუნებაზე დააყენა. ორთავენი დარწმუნებულნი ვართ, რომ ამჯერად წარმატებას მივალწევთ.

ვიდრე შერაბები ტვირთს ალაგებენ, მე სწრაფად ვწერ პირველი ბანაკისათვის შემდეგ ბარათს:

„1950 წლის 31 მაისი.

ყველა საპიბს!

მე და ბისკანტი გავდივართ მესამე ბანაკში, თუ ამინდმა გვაცალა, თვით მწვერვალამდე ვაპირებთ ასვლას. შაცი და კუზი მესამე ეშელონს ქმნიან. მარსელს ვთხოვ, გაუგზავნოს ლუსიენ დევის შემდეგი შინაარსის დეპეშა:

„ვიწყებთ ანაპურნის იერიშს წრტ ძნელი ყინულოვანი მარშრუტი სიმალღის აღების შესაძლებლობას არ გვაძლევს წრტ ობიექტური საშიშროებანი ზეავები ყინულოვანი ჩამოქცევები ნაკლებსავარაუდოა წრტ ბანაკები I—5100 II—5900 III—6600 IV—7150 გამართულია წრტ იმედი გვაქვს გამარჯვებისა წრტ თავს ყველანი ჩინებულად ვგრძნობთ.

მორის ერცოგი.

პროდუქტები: ცოტა მივიღეთ. მეორე ბანაკში კუზი მოგცემთ ინსტრუქციას მისი შემდგომი ამოტანის შესახებ მესამე ბანაკში.

რადიო: ძალიან ცუდად გვესმოდა. შაცმა შეამოწმოს, რისი ბრალია?

მუსონი: გამუდმებით მომაწოდეთ ხოლმე ცნობები.

უკან გამგზავრება: გამოვგზავნით ტუკუჩაში მოწინავე ჯგუფს, რომელიც შეუდგება მზოდვეების შეკრებას.

კინო: გავაკეთებ ყველაფერს, რაც შესაძლებელი იქნება, რათა კამერები მწვერვალამდე ავიტანო.

მორის ერცოგი“.

ყველანი ოპტიმისტურად ვართ განწყობილნი და ეს მზადე-  
ბაში ვლინდება. ვამჩნევ, რომ თითოეული ჩვენგანი განსაკუთ-  
რებული გულმოდგინებით ავსებს ინდივიდუალურ აფთიაქს,  
არჩევს ფირებს; ფოტო და კინოაპარატებისათვის. მე მალუ-  
ლად ვინახავ ზურგჩანთაში შაცის მიერ საგანგებოდ მომზადე-  
ბულ საფრანგეთის პატარა ალამს და აგრეთვე ვიმპელებს,  
რომელთა მწვერვალზე ატანის ესოდენ დიდი სურვილი მაქვს-  
ჩვენ მზადა ვართ!

ვტოვებთ ბანაკს. დიდი ნაპრალის შემოვლის შემდეგ მივე-  
მართებით ზევის კონუსისაკენ. თოვლზე ფეხს კარგად ვიკი-  
ლებთ. მშვენიერი ამინდია—არც ძალიან ცხელა, არც ძალიან  
ცივა. სულ უფრო და უფრო კარგ გუნებაზე ვდგებით.

— მოჩის, რა ხდება ზემოთ?

— მგონი ეშვებოან!

— რას ამბობ!

მეტისმეტად გულვატეხილნი ვხედავთ, რომ ნაკვალევზე  
ოთხი შავი წერტილი ეშვება ჩვენკენ.

---

რატომ დაბრუნდნენ? გაუგებარია.

რამდენიმე წუთის შემდეგ შევხვდებით და ალბათ ყველაფერი ნათელი გახდება. ლაშენალი საკმაოდ სწრაფად მოდის და, როგორც ჩანს, გაცილებით უკეთ გრძნობს თავს, ვიდრე წინა დღეებში.

იგი პირველი ადის კონუსზე, ჰკვეთს კულუარს, მარშრუტს კარგად ვიცნობ, უკვე მესამედ მიხდება მისი გავლა, მაგრამ ახლაც კი ძნელად და სახიფათოდ ვთვლი. როცა დიდი კედლის ძირთან, პატარა მოედნამდე ვაღწევთ, სადაც თოკები ჰკიდია, რებიუფასა და ტერაის ვხვდებით.

— სალამი ყველას!

— რა მოხდა? — ვეკითხები ტერაის.

— ასვლის გაგრძელება უგუნურება იქნებოდა, — მიპასუხა მან დარცხვენილმა და საქციელწამხდარმა.

— ამ ქარისა და წყეული თოვლის გამო ჩვენ 7 საათზე მეტი დაგვიკირდა, რომ მესამე ბანაკიდან მეოთხემდე მიგვეღწია.

— კარავი იპოვეთ?

— ვიპოვეთ, მაგრამ ხელახლა მოგვიხდა მისი დადგმა, რადგან საყრდენები მოღუნული იყო ზვავებისაგან. გავმართეთ მეორეც. ქარი მთელი ძალით ბობოქრობდა. გასტონს ფეხები ეყინებოდა.

— მე უკვე ვფიქრობდი, ჩემი წირვა გამოსულია-მეთქი, — ადასტურებს გასტონი. — საბედნიეროდ, ლიონელმა დამიზილა თოკის ნაჭრით და როგორც იქნა, სისხლის მიმოქცევა აღდგა.

— ამ დილით, — განაგრძობს ლიონელი, — უფრო მეტად

ყინავდა, ვიდრე კანადაში, ხოლო ქარი გუშინდელზე უფრო ძლიერი იყო. ვიფიქრე, თუ გუშინ მშვენიერ ფორმაში მყოფებმა შვიდ საათში სამას ორმოცდაათი მეტრი ძლიერს გავიარეთ, ასეთ პირობებში ვერასოდეს ვერ შეეძლებოდა უკანასკნელი 1200 მეტრის გავლას-მეთქი. მესმის, უნდა ცუდოთ ყველაფერი, რაც შეგვიძლია, მაგრამ უკვე ეპკვი მეპარება წარმატებაში.

მე და ლაშენალი ენერგიულ პროტესტს ვაცხადებთ, მაგრამ, ჩანს, ჩვენი ენთუზიაზმი დიდად არ მოქმედებს ამხანაგებზე. მიუხედავად თავისი ძალ-ღონისა, ტერაიმ დიდი გაჭირვებით გაართვა თავი ამ თოვლს, რომელიც ყოველდღიურად ნამქერით აფსებს ნაკვალევს, ამ ციცაბო კალთებს, რომელთა დაძლევა თითო მეტრობით გვიხდება, ამ სიმაღლეს, რომელიც გართმევს ფიზიკურ ძალასა და მორალურ სიმტკიცეს, მაგრამ ვერ ბედავს დაწვრილებით ილაპარაკოს ამ დაბრკოლებებზე, არ უნდა, შეარყიოს ჩვენი შემართება.

— ჩვენ მიუღივართ ზევით, — ვამბობ მტკიცედ. — თუ დაებრუნდით, ეს იმას ნიშნავს, რომ მწვერვალი ავიღეთ. ან გამარჯვება — ან სიკვდილი!

ვგრძნობ, ლაშენალიც ჩემსავით იმედითაა გამსჭვალული.

მეგობრები წარმატებას გვისურვებენ, მაგრამ მათ გამოხედვაში ეპკვის ლანდს ვამჩნევ.

ახლა საქმე ჩვენზეა.

ვუტევთ ფერდობს. საბედნიეროდ, რებიუფამ და ტერაიმ ჩამოსვლისას უკვე გაკვალეს გზა. მე ანგ-თარკეს, სარკესა და ლაშენალს რიგრიგობით მიგვეყავს ჯგუფი და ვაუმჯობესებთ ნაკვალევს. არცთუ ისე დამქანცველი სამუშაოა. თუმცა ანგ-თარკე განცვიფრებულია მარშრუტის ტექნიკური სირთულით. პანზი უკვე ელაპარაკა მას, რომ არასოდეს, არც ევერესტზე, არც კანჩენჯანგლაზე, მსგავსი უბნები არ შეხვედრია შერაპებს პირველად უხდებათ ყინულზე რთული ცოცვა და შვეული კედლების დაძლევა. მიუხედავად ამისა, ყველაფერი კარგად მიდის. განვაგრძობთ ჩვენს რთულ გზას და გაცილებით ნაკლებ ძალ-ღონეს ვხარჩავთ. ვიდრე წინა დღეებში. ეს კიდევ ერთხელ ცხადყოფს, რომ ჰიმალაის ასვლების დროს აკლიმატიზაცია

გადამწყვეტი მნიშვნელობა აქვს. აუტანელი სიციხეა და, როდესაც მესამე ბანაკს ვალწევთ, ოფლი ღვარად ჩამოგვდის.

რა საუცხოოა მალლა მთებში ახალი თოვლით ამოვსებულ პატარა ნაპრალში მიკარგული ეს ბანაკი! რა მყუდრო და მოხერხებული!

ძალ-ღონეს უნდა გავუფრთხილდეთ. დღეს უფრო შორს აღარ წავალთ, დღის დანარჩენ ნაწილს საძილე ტომრებში გავატარებთ, ხოლო ვახშამს შერბები მოგვიტანენ კარვიდან კარავში.

თითქოს დამკვიდრდა კარგი ამინდი. ამჯერად ბედი გვწყალობს. ჩვენ ბოლომდე ვივლით!

შერბები აუარებელ დროს ხარჯავენ ჩაის მომზადებაზე, რადგან ამ სიმაღლეზე პრიმუსების ეფექტიანობა მკვეთრად ეცემა. სიგარეტები მოვწიეთ. შერბები და საჭიბები ყლაპავენ ექიმის გამოწერილ აბებს და უკვე დაბინდებისას ბანაკი ძილს ეძლევა.

დილით მშვიდად ვუცდით მზის ამოსვლას, რადგან გეგმით დღეს მხოლოდ მეოთხე ბანაკამდე უნდა ავიდეთ. საეჭვოა, რომ ამან ოთხ საათზე მეტი წაილოს. თუმცა მოგვიხდება ამ ბანაკის ცოტა უფრო ზევით გადატანა და მისი უშუალოდ „ნამგლის“ თხემზე დადგმა.


თითოეული თავისი საქმითაა გართული. მე რამდენიმე კინოკადრს ვიღებ. შორს, ქვემოთ, პლატოზე მოჩანს მეორე ბანაკი, რომელიც ახლა უკვე ნამდვილ ახალშენს გვაგონებს. სასიმალო „კუბოების“ გვერდით დიდი საერთო კარვები, დგას. იქაურობა მთლად საბაზო ბანაკივით გამოიყურება.

— ლიონელი და გასტონი ალბათ ისვენებენ, — შენიშნა ლაშენალმა.

მალე გავდივართ, რათა გამოვიყენოთ შედარებით კარგი სავალი თოვლი. ეს საშუალებას მოგვცემს, მეოთხე ბანაკს უფრო ჩქარა მივალწიოთ, ვიდრე ვეარაუდობდით.

გზადაგზა ვიღებთ რამდენიმე ფოტოსურათს, კერძოდ, მთისძირა ნაპრალზე გადასვლას პლატოს წინ, სადაც მეოთხე ბანაკი მდებარეობს. კვლავ კარგი ამინდია. აგნ-თარკე და სარ-





1. IV ბანაკი. 2. IV ბანაკი (ზემო). 3. V ბანაკი. 4. აღმოსავლეთი მწვერვალისწინა. 5. მწვერვალი 2075 მეტრი. + ნაპრაღის ადგისამჯობელი კე მშვენიერად მოდიან, პირველი ლაშენალთანაა თოკით ჩაბმული, მეორე — ჩემთან.

ჭერ კიდევ ადრეა და მე მგონი, მოვასწრებთ ბანაკის გადატანას „ნამგლის“ თხემზე. უკეთეს გუნებაზე ვდგებით, რადგან წინ არავითარი ტექნიკური სიძნელეები არაა მოსალოდნელი.

სწრაფად ვხსნით ერთ-ერთ კარავს, თან მიგვაქვს აგრეთვე საგზალი და საჭურველი.

— ყინულის კალთა, რომელსაც „ნამგლის“ თხემზე გავყავართ, საკმაოდ მოკლეა, — ვეუბნები ლაშენალს, — ჩვენ იგი ერთ საათში უნდა გავიაროთ.

ანგ-თარკე და სარკე უკანვე დაეშვებიან და ღამეს გაათევენ ძველ ადგილზე, სადაც ჩვენ ერთ კარავს ვტოვებთ. ხვალ დილით ადრე ისინი მოხსნიან მას და ამოიტანენ ზევით. აქედან გავუდგებით გზას მომავალი მეხუთე ბანაკისაკენ.

ვიწყებთ ფერადობის იერიშს სახედრებივით დატვირთულნი, წელამდე ვეფლობით ახალ თოვლში. მაგრამ მისი სისქე სწრაფად კლებულობს: მალე მხოლოდ ყინულზე მიკრული თხელი „დამპალი“ ფენა რჩება დაქანება ისეთივეა, როგორც ყველაზე უფრო რთულ ყინულოვან ალპურ მარშრუტებზე.

წრიაპებით სვლა ასეთ სიმალღებზე ადვილი როდია და ორ-თქლმავალივით ვქმინავთ, დროგამოშვებით ვჭრით საფეხურებს, მაგრამ უფრო ხშირად უამისოდაც იოლად გავდივართ.

შერპები ფრთხილად მოცოცავენ. ყინულზე ისინი ვირტუ-  
ოზები არ არიან, მაგრამ რომ არ ჩამორჩნენ, მთელი ძალ-ლო-  
ნით „აწვებიან“.

ორასმეტრიანი ძნელი და სახიფათო აღმართის ავლის შემ-  
დეგ გავდივართ თხემის კიდზე. ვიდრე მე განვლილ გზას  
თვალს ვადევნებ, წინმავალი ლაშენალი მიდამოებს ათვალე-  
რებს. მოედანს ბანაკისათვის იქვე ვარჩევთ, სადაც თხემზე გა-  
მოვედით, კოხტა სერაკის ძირში. სწორედ შესაფერი ადგილია,  
ქარისაგან დაცული, როგორც თვითონ სერაკით, ისე პატარა  
ყინულოვანი თხემით, რომელიც ბუნებრივ საფარს წარმოად-  
გენს.

ლაშენალი აღფრთოვანებულია:

— როცა ყველაფერს მოვაწყობთ, აქ ისეთივე საამო სიმ-  
ყუდროვე იქნება, როგორიც ჩემს პატარა სახლში — შამონში!

დაუყოვნებლივ ვიწყებთ საქმიანობას. მალე კარავიც გავ-  
მართეთ. შუაღლე უკვე გადასულია და ანგ-თარკესა და სარკეს  
ვგზავნი მეოთხე ბანაკში. ისინი ცოტა არ იყოს, შეშფოთებუ-  
ლნი მიდიან, რადგან ძნელი დაშვება მოელით. დარწმუნებული  
ვარ, რომ ანგ-თარკე არ დაიზარებს, გზადაგზა დამატებითი  
საფეხურები ამოკრას და საჭიროების შემთხვევაში ნამდვილი  
კიბე გამართოს.

— Good night Sir!

მხურვალე გამოთხოვების შემდეგ, ჩვენი შერპები თვალს  
ეფარებიან. უკვე ვემზადებით ღამისთევისათვის. თანდათან  
ინისლება, ყინულივით ცივი ქარი უბერავს და თვალეში გვაყ-  
რის სუსხიან თოვლის ფიფქებს.

მალა არა გვაქვს არც მე, არც ლაშენალს. მიუხედავად ამი-  
სა, თავს ძალას ვატანთ და ჩაის ვამზადებთ. ერთდროულად  
მწკრივად ვალაგებთ აბებისა და ფხვნილების მთელ კოლექ-  
ციას, რომელთა მიღება უღომ მეტისმეტად მკაცრად გვიბ-  
რძანა.

მიუხედავად ლაშენალის წინასწარმეტყველებისა, კომფო-  
რტი არცთუ ისე სრულყოფილია. სააწრაფოდ ვძვრებით საძი-  
ლე ტომრებში, არ გვავიწყდება იქვე ჩავჩურთოთ ფეხსაცმე-  
ლები, რომ არ გაიყინონ. ღამისთევამ ჩინებულად ჩაიარა. აღი-

ონზე მღელვარებით ვიხედებით კარვიდან. მზე ამოდის, ცა მოწმენდილა, ძალიან ცივა.

დღეს მუსონმა მგონი კიდევ მოიღო მოწყალება. ერთბაშად ეს კარგ გუნებაზე გვაყენებს, რადგან უკანასკნელი ცნობებით ძლიერ შეშინებულები ვიყავით. ახლა ვცდილობთ დროს გავუ-სწროთ.

ანგ-თარკესა და სარკეს მოსვლისთანავე ხელახლა ვანაწი-ლებთ ბარგს და ვალაგებთ ზურგჩანთებში. შორს ამ სერაკი-დან, სადაც ასე ცივა! გაველისას, ვტოვებთ აქ ერთ კარავს. ხო-ლო მეორე მეხუთე ბანაკისათვის მიგვაქვს.

გრძელი ტრავერსი მარცხნივ „ნამგლის“ ყინვარით საშუა-ლებას გვაძლევს გვერდი ავუაროთ დაფლეთილი სერაკების ზონას. ამგვარად, ჩვენ ცივაბო თოვლიან ველებს შორის მდებ-არე ხევის მეტად განიერ ფსკერზე მოვხვდით, სადაც დაბრ-კოლებანი არცთუ ისე ბევრია.

მივდივართ ჩუმად, მთლად დაძაბულნი. ტვირთი მიწისაკენ გვეწევა, თითოეული ფიქრობს იმაზე, თუ რა მოგველის უახ-ლოეს დღეებში. მე ყველაფერზე უფრო მუსონი მაფიქრებს; დღეს ორი ივნისია, საექვოა, კარგმა ამინდმა ოთხ დღეზე მეტს გასტანოს.

ოთხ დღეში ყველაფერი შეიძლება გაკეთდეს. მაგრამ ერ-თი წუთიც კი არ უნდა დაეკარგოთ. ახლა მნიშვნელოვანი კო-ზირი გვაქვს ხელში: ამ დიდ თოვლიან ველზე ტექნიკური სიძ-ნელენი აღარ შეგვხვდება. ეს ურყევ სიმტკიცეს გვინერგავს.

არც ლაშენალსა და არც მე ერთი წუთითაც კი არ გვეპარე-ბა ექვი გამარჯვებაში.

ხშირად ვჩერდებით, რომ კამფეტი ან მუდმივმაცდუნებე-ლი ნუგის ნაჭერი ამოვიღოთ. უკან მიბრუნებისას ჩვენს თვა-ლწინ თავბრუდამხვევი სანახაობა იშლება. მეორე ბანაკის პლა-ტო ცხვირსახოცივით გამოიყურება. ანაპურნის დიდი ყინვა-რი, რომლის გადაკვეთა ერთ საათზე მეტს მოითხოვს, აქედან პაწაწინა ყინულის ზოლად მოჩანს. შორს, დიდი ბარიერის მიღმა მკაფიოდ ჩანს ტიბეტი, მარცხნივ დჰაულაგირი ნაწილო-ბრივ დაფარულია ანაპურნის უზარმაზარი კლდოვანი კედლით. ჩვენი ნაკვალევის ხეულები მარშრუტის მთელ მანძილზე მო-ჩანს.

დაფლეთილი ყინულოვანი თხემი ზედ მწვერვალის ქვემოთ უცნაურ შთაბეჭდილებას ახდენს, იგი თითქოს ვარცხნის ქარის მიერ აწეწილ თოვლის გრიგალთა სქელ ხუჭუჭა თმას. ჩვენს ზემოთ ნისლის ნაფლეთები მიმოქრიან. პირდაპირ ჩვენს თავზე ცად აზიდულა მოვარდისფრო კლდე, რომელსაც ფრინველის ნისკარტის ფორმა აქვს. ამ „ფრინველის ნისკარტისაკენ“<sup>1</sup> მიდის დანის პირივით მახვილი კლდოვანი წიბო.

— გამოვძებნით როგორმე ამ წიბოზე პატარა ადგილს, რომ ჩვენი „კუბო“ დავდგათ? — ვეუბნები ლაშენალს გაჩერების დროს.

— რა თქმა უნდა, — მეთანხმება იგი, — იქ სამშვიდობოს ვიქნებით, რადგან შეგვეძლება იმდენი პალო ჩავარკოთ, რამდენიც გვინდა. გარდა ამისა, იქ სიმშრალეა.

მე და ლაშენალი რიგრიგობით დაუღალავად ვკვალავთ გზას. ორივე შერპი მძიმედ სუნთქავს, ჩვენც ხშირად გვჭირდება დასვენება სუნთქვის აღსადგენად. ორჯერ თუ სამჯერ იძულებულნი ვავხდით, შორი გზით მოგვევლო, რათა სერაკებისა და უზარმაზარი ნაპრალისათვის გვერდი აგვეხვია. ღრმად ვეფლობით თოვლში და თითოეული ნაბიჯი ძალიან დიდი ძალღონის დახარჯვის ფასად გვიჯდება. თუმცა კი ვიღებთ სიმაღლეს, მაგრამ გვეჩვენება, რომ წიბო არ გვიახლოვდება.

— ეშმაკმა წაიღოს. ამას შეუძლია ბოლო მოუღოს ყველას! — ჩივის ლაშენალი.

ასვლა თანდათანობით გვიადვილდება. თოვლი ახლა უფრო მკვრივია და ისე ღრმად აღარ ვეფლობით.

ისეთი შთაბეჭდილება მაქვს, თითქოს გიგანტურ სახურავზე მივცოცავ. ფერდობის დაქანება დაახლოებით 40°-ია, მაგრამ ცოტად თუ ბევრად თანაბარი. წრიაპებით სვლა შეიძლება. ყოველ ათ მეტრზე ვჩერდებით. ძალიან ცივა და ფეხის თითებმა უკვე დაკარგეს მგრძნობიარობა. არავითარი ზედმეტი შესვენება: „წინ, მეხუთე ბანაკისაკენ!“ ასეთია ძირითადი მიზანი.

აღმასვლა თანდათან გვაუძლურებს: წრიაპების კბილებქვეშ ლიპი ტყდება და ისევ ვეფლობით.

<sup>1</sup> იგი ძალიან ჰგავს მონბლანის მასივში მდებარე გრეპონის „ფრინველის ნისკარტს“.

— წყეული ქერქი! — იგინება ლაშენალი.

უკანასკნელ ძალ-ღონეს ვიკრებთ და წიბოს ქვედა კლდე-ბამდე ავდივართ.

— ეშმაკმა დალახვროს!

მწარე იმედგაცრუებაა! თვალისათვის ესოდენ მაცდუნებელი ეს ნათელი კლდეები ყინულითაა მოლიპული... არავითარი მოედანი, არავითარი ხელმოსაქიდი არა ჩანს.

კარვის დადგმა პირდაპირ ფერღობზე მოგვიხდება!

შერპები მოდიან. ახლა 7500 მეტრის სიმაღლეზე ვიმყოფებით და ამ სიმაღლემ საბოლოოდ გამოიყვანა ისინი წყობიდან. ხმის ამოდებაც კი არ ძალუძთ. ხელების მოძრაობით თავის ტკივილს უჩივიან. ყველანი სამუშაოზე!

წერაყინით ვასწორებთ მოედანს. ფერღობი იმდენად ციცაბოა, რომ თოვლის ვეება მასის გადაყრა გვიხდება. იძულებული ვართ, ყოველ 30 წამში შევისვენოთ. ფილტვები უარს ამბობენ მუშაობაზე, სული მეხუთება, გული ჩაქუჩივით მიცემს. შერპები თუმცა ჩვენზე უარეს დღეში არიან, მაინც ახერხებენ ხუთ-ხუთი წუთი შეუსვენებლივ იმუშაონ. ერთი საათის შემდეგ მოედანი მზადაა. კარავი მკვიდროდაა კლდეზე მიკრული და მისი მიბმა შეიძლება ლაშენალის მიერ დარკობილ ორ პალაოზე.

დამტკრეულ ინგლისურ ენაზე ვიწყებ ანგ-თარკესთან ასეთ საუბარს:

— Tomorrow morning Lachenal Sahib and Bara-Sahib go to the summit of Annapurna.

— Yes, Sir.

— You are the sirdar and the most experimented of all sherpas. I will be very glad that you come with us.

— Thank you, Sir.

— We must have together the victory

---

1. — ხვალ დღით ლაშენალ-საჰიბი და ბარა-საჰიბი ანაპურნის მწვერ-რვალზე წავლენ.

— დიახ, სერ!

— შენ სირდარი ხარ და შერპებიდან ყველაზე უფრო გამოცდილი. მოხარული ვიქნებოდი, რომ ჩვენთან ერთად წამოსულიყავი.

— გმადლობთ, სერ!

— ჩვენ ერთად უნდა მოვიპოვოთ გამარჯვება!

Will you come with us?<sup>1</sup>

ამ წუთში მე ვთვლი, რომ ჩემი ვალია, დავაკმაყოფილო ამ ადამიანთა კანონიერი სურვილები. მცირე დუმილის შემდეგ, ანგ-თარკე, რომელიც მადლიერია, არჩევანის თავისუფლება რომ მივეცი, თავშეკავებულად მიპასუხებს:

— Thank you very well, Bara-Sahib! But my feet begin to freere...

— Yes.

— ...And. I prefer go down to the camp. IV... if it is possible.

— Of course, Ang-Tharkey. As you like it... In this case go down at once because it is late.

— Thank you, Sir

შერპები უცებ ალაგებენ თავიანთ ზურგჩანთებს. უკანასკნელ მომენტში ჩვენკენ იხედებიან, ეტყობა, სწუხან, რომ მარტო გვტოვებენ:

— Salam, Sir... good luek!

— Salam, and pay attention!<sup>3</sup>

რამდენიმე წუთის შემდეგ, ორი შავი წერტილი დაეშვა ფერდობზე. უცნაური ფსიქოლოგია აქვთ ამ ადამიანებს, რომელთა პირდაპირობა და თავდადებულობა საყოველთაოდ ცნობილია. უეჭველია მათ უყვართ თავისი მთები, და, მიუხედავად ამისა, იმ მომენტში, როდესაც შეიძლება ბოლოს და ბოლოს ხანგრძლივი კვლევისა და ცდის ნაყოფი მოიმკო, ისინი სიფრთხილისათვის თავის შეკავებას ამჯობინებენ. თუმცა მათ ჩვენი ფსიქოლოგია, ალბათ, კიდევ უფრო უცნაურად ეჩვენებათ.

ორივენი ვდუმვართ. ამჯერად უკან აღარ დავიხვეთ.

---

1 გინდა ჩვენთან წამოსვლა?

2 — დიდად გმადლობთ, ბარა-საჰიბ, მაგრამ ფეხები შეყინება.

— ჰოო...

— მეოთხე ბანაკში დაბრუნება მირჩევნია... თუ შეიძლება.

— რა თქმა უნდა, ანგ-თარკე. როგორც გინდა... თუ ასეა, დაუყოვნებლივ დაეშვი, რადგან უკვე გვიანაა.

— გმადლობთ, სერ!

3 — ნახვამუხს, სერ... გისურვებთ წარმატებას!

— ნახვამდის! ფრთხილად იყავით!

მძიმე ღამე მოგველის!

უხერხული და არცთუ ისე საიმედო ადგილია. ქარი ხვეტს კალთებიდან თოვლს, რომელიც ჩვენს კარავთან გროვდება... ოღონდაც სახურავი არ დაიტვირთოს მეტისმეტად!

კირჩქვებში ჩაქედნილ პალოებს, თოვლში ჩარკობილ წერაყინებს, მგონი მხოლოდ მორალური მნიშვნელობა აქვთ. ძალიან დიდი იმედი არა გვაქვს მათი. გულის სიღრმეში ორივე ძალიან ვშიშობთ, რომ მოედნის კიდე ჩაიშლება და თან გაიტაცებს კარავს უფსკრულში.

ცნობიერებას ბინდი გადაეკრა. ძლივს ვახერხებ რაიმეზე ყურადღების გამახვილებას. არაფერი არ მაინტერესებს. საუბარს ვერ ვაბამთ. ნებისყოფის დიდი დაძაბვის, გამხნეებისა და შენჯღრევის წყალობით ვახერხებთ ცოტა ჩაის გათბობას. წმინდა სამხედრო დისციპლინით ვცლაპავთ სავალდებულო ფხვნილებს. ყელში არაფერი გადადის.

უკანასკნელი ღამეა იერიშის წინ!

უეცრად მძაფრი ქარი ამოვარდა, ნეილონის კარვის კალთები გამაყრუებლად აფათქუნდნენ. სადაცაა კარავს მოკვლეჯს. ქარის ყოველ დაქროლაზე ვეჭიდებით მის საყრდენებს, როგორც წყალწაღებული ხავსს. თოვა იწყება. ქარიშხალი კენესის და ღრიალებს განუწყვეტლივ. პირქუში გარემო ნერვებზე მოქმედებს.

ყოველი მოძრაობა ნებისყოფის უდიდეს დაძაბვას მოითხოვს.

ტანსაცმლის გახდაზე ლაპარაკიც ზედმეტია.

ფეხსაცმელებს ვიხდით, საძილე ტომარაში ვინახავთ და ვჩქარობთ თვითონაც შიგ შევძვრეთ. აი, სად ვლოცავთ პიერ ალენს! ფიქრებით ერთგულ მეგობართან ვართ, რომელმაც ასეთი საუცხოო საჭურველი გაგვიმზადა.

— დალაზვროს ეშმაკმა, როგორი ქარია!

ლაშენალი ეწყობა კარვის გარეთა კიდესთან, მე კი ფერდობს ვეკრობი. არცთუ ისე საამურად ვატარებთ ღამეს: ლაშენალს წამდაუწუმ ეჩვენება, რომ უფსკრულში ვარდება. მე კი ვიგუდები თოვლქვეშ, რადგან თოვლი განუწყვეტლივ გროვდება კარავზე.

— საბედნიეროდ, ნეილონი მოქნილია, — ვეუბნები ლაშე-

ნალს, — თორემ კარავი დაიგლიჯებოდა. ეშმაკმა წაიღოს! ჩემი აპარატი! როგორ დამავიწყდა მისი ჩადება საძილე ტომარაში!

გაწვდილი ხელის ცეცებით ვპოულობ ძვირფას აპარატს და საძილე ტომარის ძირში ვდებ ფენსაცმელების გვერდით.

რა კომმარული ღამეა!

ლაშენალი სულ უფრო მეტად მიჩოჩავს გარეთ, მე კი უფრო და უფრო მეხუთება სული. მოუთმენლად ვითვლით დარჩენილ საათებს. საშიში მდგომარეობა იქმნება: სუნთქვა აღარ შეიძლება. თოვლის მასა პირდაპირ მჭეჭყავს. ვიჭერ ხელს მკერდზე, როგორც მოკრივე საბრძოლო დგომის დროს. ახლა უკეთ ვსუნთქავ.

ქარი საშინლად ზუზუნებს, ყურებს მიყრუებს. ყოველ დაქროლას თან ახლავს გამაყრუებელი სტვენა. ორივე საყრდენი საშიშრად იღუნება. სასოწარკვეთილების ძალით ვცდილობთ დავამაგროთ ისინი. გაუგებარია, როგორ უძლებს კარავი. ყველაზე უარესი ღამის სათევი ვერ შეედრება ამ უთანასწორო, დამაუძღურებელ ბრძოლას.

მეტისმეტი დაღლილობისაგან გონება სრულიად დაგვიჩლუნგდა. მაგრამ ქარიშხალი არ გვაძლევს წაძინების საშუალებას.

\* \* \*

ჩვენი ცდის წარმატებაში დაეჭვებულნი, რებიუფა და ტერაი განაგრძობენ დაშვებას მეორე ბანაკისაკენ. აქ ისინი ხვდებიან კუზის და შაცს და იგებენ მათგან უკანასკნელ ახალ ამბებს. რებიუფა და ტერაი ძალზე დაიღალნენ. ალბათ პანჯი და აილაც, რადგან მთელი დღე შერპების კარვიდან აღარ გამოსულან. კუზი და შაცი, პირიქით, შესანიშნავად გრძნობენ თავს და ძალიან მოხარულნი არიან, რომ შემთხვევა მიეცათ, კვლავ წავიდნენ ერთად თოკჩაბმულნი.

მეორე დღეს, დილით ადრე, ისინი ტოვებენ მეორე ბანაკს. როგორც გადაწყვეტილი იყო, მათი ჩაბმა მოგვეყვება ერთი გადასასვლელის დაშორებით.

ტერაი თანდათანობით მოდის გონს. იგი გრძნობს, რომ გა-



დამწყვეტი იერიში ახლოვდება და ჩვეული გულმოდგინებით ემზადება გასასვლელად. რებიუფა რაღაცას წერს.

ნასადილევს ხოშკაკალა წამოუშინა.

— სალამი ყველას!

თეთრი მოჩვენება, რომელიც კარავში შემოდის, იშაკის სახით ევლინებათ.

— დანარჩენები უკან მოდიან.

შემოდიან ნუაელი და უდო. სიცვიდან კარავში შემომძვრალ ადამიანთა ჩვეული მოურიდებლობით, ისინი იქვე იბერტყავენ თოვლს.

17 საათი და 30 წუთია.

— როგორ? — ეს თქვენა ხართ? — უკვირს იშაკს. ჩვენ კუზისა და შაცს მოველოდით.

— დიახ! ეს მხოლოდ და მხოლოდ ჩვენა ვართ!

ტერაი უხსნის, რომ წინა დღით მათ მოუხდათ დაბრუნება მეხუთე ბანაკის გაუმართავად, ვინაიდან რებიუფას თითქმის მოეყინა ფეხები.

— ჩვენ ხვალ კვლავ გავალთ, — დასძენს იგი.

გარეთ ხოშკაკალა თოვლმა შეცვალა. უდო ჩქარობს შეამოწმოს უანგბადის მოქმედება, სარგებლობს თავისი ავტორიტეტით და აიძულებს ჩვენი კავშირის ოფიცერს, გაისეირნოს ნიღბით. ნუაელის სახე ნადირის დინგს დაემსგავსა, რომელიც მოქნილი შლანგით შეერთებულია დიურალის ბალონთან. ზუსტად პირველი ადამიანია მთვარეზე! საბრალო ნუაელი თავისი არაჩვეულებრივი ქუდით, რომელიც ცხვირსა და ყურებზე აქვს წამოწეული, ნამდვილად კომიკურ შთაბეჭდილებას ახდენს, რომელსაც მარტო თვითონ ვერ აფასებს.

შემოწმების შემდეგ ყველანი კარავში იკრიბებიან. იშაკი მაგნიუმის გამოყენებით რამდენიმე სურათს იღებს.

— იცით, მინდა მაგნიუმის გამოყენების სიმალლოვანი რეკორდი დავამყარო!

მართლაც ბანაკი მდებარეობს 6 000 მეტრის სიმაღლეზე და, ადვილი შესაძლებელია, ჰიმალაის ექსპედიციებში ასეთი გადაღებები არც თუ ისე ხშირად უწარმოებიათ.

ნავახშმევს ცა მოიწმინდა, ვარსკვლავები აკიაფდნენ. დიდი ბარიერი მთვარით განათებულ თეთრ საბურველში გაეხვია.

უქანასკნელი რადიო-ცნობები მეტად ამაღელვებელია: მუსონმა უკვე მოაღწია ბენგალიის ჩრდილოეთ ნაწილს და, გარდა ამისა, დასავლეთიდან ძლიერი ატმოსფერული ტალღები გვიახლოვდება.

მეორე დილით, 2 ივნისს, ცაზე ღრუბლის ნასახიცი არა ჩანს. კარგი დღე იქნება. ტერაი, ჩვეულებრივ, ჯერ კიდევ ღამით დგება. 6 საათზე ის და რებიუფა ორი შერპის თანხლებით გადიან ბანაკიდან. მზე ჯერ არ ამოსულა. მეოთხე ბანაკში ჩვენ კიდევ გულის ძილში ვართ. სანამ ტერაი ზევას კონუსს სძლევს, მარსელ იშაკი ტელეობიექტივს იყენებს და კინოგადაღებას აწარმოებს.

ანაპურნა თანდათანობით ცოცხლდება. დამკვირვებელს შეეძლო აქ განსაცვიფრებელი სანახაობით დამტკბარიყო. მეორე ბანაკში, კარვებიანი პატარა ქალაქის ირგვლივ ხალხია თავმოყრილი. ცოტა ზევით, რებიუფა და ტერაი, შერპების — პანზისა და აილას თანხლებით, ისევ კვალავენ გზას ქვედა კალთებზე. მესამე ბანაკის ზემოთ კუზი და შაცი, ანგავასა და ფუთარკესთან ერთად, დიდი კულუარის გადაკვეთას აპირებენ. და ბოლოს, „ნამგლის“ ყინვარის კალთაზე, მე და ლაშენალი, ანგთარკე და სარკე ხელახლა ვტპეკნით თოვლს.

ნასადილევს მირისტი-კპოლას ხეობას ღრუბლები მოედო და მეორე ბანაკამდე გავრცელდა. გამონაშუქში იშაკი ამჩნევს ახალ შავ ლაქას მახვილი წიბოს ძირში. ალბათ ეს მეხუთე ბანაკია.

შეეცდებიან თუ არა ისინი ხვალ დილით გადამწყვეტი იერიშის მიტანას მწვერვალზე? ყველაფერი ამინდზეა დამოკიდებული.

ნისლი უფრო სქელდება. ისმის ყვირილი. იშაკი და ნუაელი წინ გადიან და ამჩნევენ ნისლში მოხეტიალე ანგავასა და ფუთარკეს. კუზი და შაცი იძულებულნი გახდნენ გამოესტუმრებინათ ისინი მეოთხე ბანაკიდან ქვემოთ, რადგან იქ დარჩენილი იყო მხოლოდ ერთი კარავი (მეორე კი მეხუთე ბანაკში).

დამატებით საჭურველს მოგვაწვდის რებიუფა-ტერაის ჯგუფი, რომელიც გადმოიტანს აქ მესამე ბანაკს, თავის მხრივ მესამე ბანაკს კვლავ გამართავს მეორე ბანაკიდან გამოსული ჯგუფი.

მეოთხე ბანაკში სიმხნევე სუფევს. ეს-ეს არის ამოვიდნენ რებიუფა და ტერაი. ყველანი კარგ ფორმაში არიან. ტერაი ფიქრობს ჰიმალაის პირობების იდუმალ თავისებურებაზე: ოთხი დღის წინათ ის და რებიუფა გაკირვებით ამოფოფხდნენ აქ მესამე ბანაკიდან შვიდ საათში. ამჯერად მათ მოახერხეს მეტად გაბედული გეგმის განხორციელება, რომლის მსგავსი არა მგონია მოინახოს ჰიმალაის ექსპედიციების ისტორიაში: მეორე ბანაკიდან გარიჟრაჟზე გამოსულნი ღილის 11 საათისათვის უკვე მესამე ბანაკში იყვნენ, მთლიანად მოხსნეს იჭი, ამოჭიდნენ მეუფხე ბანაკამდე და, ამგვარად ერთი ძვირფასი დღე მოიგეს... ამასთანავე შათ ოთხივეს მოჰქონდათ ორი სასიმაღლო კომპლექტი და ათ კილოგრამზე მეტი სურსათი. ლაშენალის მსგავსად რებიუფაც ჩინებულად შედის ფორმაში.

კუზი და შაცი აღფრთოვანებით ხედებიან მათ, რადგან მეორე დღეს თვითონ მოუხდებოდათ ბანაკის გადმოტანა, ყუველგვარი დახმარების გარეშე და ეს, ბუნებრივია, მათ არ ხიზლავდა.

ასპირინი, ძილის მომგვრელი და სხვა წამლები, აგრეთვე სამხიარულო აღგზნების მდგომარეობა, რაც გამოწვეულია კარგი სპორტული ფორმით და წარმატების იმედით, თავის საქმეს აკეთებენ: ღამე ყველასათვის შესანიშნავად გადის.



ქივისი. განთიადის პირველი გამოკრთომა კარვის საყრდენებზე ხელჩაჭიდებულთ გვისწრებს მეხუთე ბანაკში. ქარი ნელ-ნელა სუსტდება. გათენებისას სიწყნარემ დაისადგურა. ყოველი მოძრაობა უდიდეს დაძაბვას მოითხოვს. შეუპოვრად ვცდილობ თავიდან მოვიშორო ცივი, რბილი მთა. რომელიც სულს მიხუთავს. გონება დაგვეხშო. რაიმე აზრის გამოსათქმელად თავს ძალას ვატანთ, მაგრამ სიტყვის ამოთქმაც კი არ ძალგვიძს...

რა საძაგელი ადგილია! იგი მუდამ ყველაზე უარეს მოგონებად დარჩება ჩემს ცხოვრებაში.

მხოლოდ ერთი საზრუნავი გვაქვს, ჩქარა გავშორდეთ აქაურობას. მაგრამ ჭერ გასვლა არ შეიძლება. უნდა ვუცადოთ შვის პირველ სხივებს.

5 საათი და 30 წუთია. ამ ჯოჯოხეთში მეტ ხანს ყოფნა შეუძლებელია.

— წავიდეთ, ბისკანტ! წუთითაც კი აღარ შემიძლია აქ დარჩენა.

— წავიდეთ!

რომელ ჩვენგანს ეყოფა ვაეკაცობა, რომ ჩაი გააცხელოს? თუმცა გონება შებოქილია, მაგრამ, მაინც წარმოდგენილი გვაქვს, რამდენი შრომა დაგვეკირდება ამაზე. არც ერთს არ შეგვიძლია. ჭანდაბას! გადავივლით უჩაიოდ.

ისედაც რამდენ ძალას მოითხოვს თუნდაც საძილე ტომრი-

დან გამოძრომა და იქიდან ფეხსაცმელების ამოღება. ისინი სიცივისაგან გახევებულან. მხოლოდ დიდი გაჭირვებით ვახერხებთ მათ ჩაცმას. ყოველი მოძრაობა ქოშინს იწვევს. სული გვეხუთება. პაჭიკებიც გაყინულა. მე ვახერხებ მათ შეეკვრას ზონრით, ლაშენალი ვერა. ახლა ჩერი ზურგჩანთებზეა.

— ბისკანტ, თოკი არ მიგვაქვს?

— არაა საჭირო, — ნაწყვეტ-ნაწყვეტად მიპასუხებს ლაშენალი.

ერთი კილოგრამის ეკონომიას გავწევთ.

ზურგჩანთაში ვღებ ერთ ტუბ შესქელებულ რძეს, ნუგის რამდენიმე ნაჭერს, ერთ წყვილ წინდას... ვინ იცის, იქნებ დაგვეკირდეს! ჩაფხუტის ქვეშ შეიძლება მისი გამოყენება. ვალაგებ აფთიაქს. ფოტოაპარტი დატენილია ჩვეულებრივი ფირით. მაგრამ ფერად ფირიანი სათადარიგო კასეტიც მაქვს. საძილე ტომრის სიღრმიდან ვაძრობ კინოკამერას. ვმართავ ზამბარას და ვამოწმებ. ჩხაკ... კამერა არ მუშაობს.

— აი, ბედი არ გინდა!.. ღირღი ამისი აქ თრევა! — წუხს ლაშენალი.

წუხელ მეტისმეტად ძლიერი ყინვა იყო და აპარატი საძილე ტომარაშიც კი გაყინულა, მიუხედავად იმისა, რომ იზაქმა წინდახედულად სპეციალური საცხი გამოიყენა. გულისტკივილით ვტოვებ აპარატს ბანაკში. როგორ მინდოდა, ამეტანა იგი მწვერვალამდე! რა გაეწყობა, კინო-გადაღება 7 500 მეტრის სიმაღლემდე მაინც მოვახერხეთ.

ვძვრებით კარვიდან და ვიკრავთ წრიაპებს, რომელთა მოხსნა საღამომდე უკვე აღარ მოგვიხდება. ყველაფერი, რის ჩაცმაც კი შეიძლება, ზედ გვაცვია და ამიტომ ზურგჩანთები შეგვიმსუბუქდა.

ნ საათზე გავდივართ და გვიხარია, რომ კოშმარი უკან გვრჩება. მშვენიერი ამინდია, მაგრამ ძალიან ცივა. შემსუბუქებული წრიაპების კბილები ღრმად ერკობა ციცაბო ყინულისა და ფირნის კალთაზე.

დაქანება თანდათანობით კლებულობს და კალთა უფრო დამრეცი ხდება. ფირნზე კარგად ვიკიდებთ ფეხს, მაგრამ ზოგჯერ ქერქი ტყდება და რბილ ფხვიერ თოვლში ვფართხალებთ, რაც მეტად გვიძნელებს მოძრაობას. ხშირად შეუთანხმებლად

ვჩერდებით. კვალი რიგრიგობით გაგვყავს. თითოეული ჩვენ-  
განი ახლა თავის საკუთარ, განცალკევებულ სამყაროში ცხო-  
ვრობს. მე მაშინებს ჩემი აზროვნება. ცნობიერება ძალზე გა-  
ბუნდოვანებული მაქვს, მშვენივრად მესმის, რამდენად არა-  
სრულფასოვანია ახლა ჩემი გონება. უფრო მარტივია და სწო-  
რი, მივსდით რაიმე აკვიატებულ იდეას. ტემპერატურა ძალიან  
დაბალია. სიცივე ძვალ-რბილში ატანს და, მიუხედავად ბუმ-  
ბულის ტანსაცმლისა, ისეთი გრძნობა მეუფლება, თითქოს  
შიშველი მივდივარ. შესვენების დროს გააფთრებით ვაბაკუ-  
ნებთ ფეხებს. ლაშენალი კიდევაც იხდის ვიწრო ფეხსაცმელს:  
მას მოსვენებას არ აძლევს ფიქრი, რომ შესაძლოა, ფეხები  
მოეყინოს.

— მე არ მინდა ლამბერს<sup>1</sup> დავემსგავსო, — ამბობს იგი.

ვიდრე ის ენერგიულად იზელს ტერფს, მე გარემომცველ  
მწვერვლებს ვათვალიერებ. ახლა ისინი, შორეული დჰაულა-  
გირის გარდა, ყველანი ჩვენს ქვემოთ არიან. მრავალრიცხოვანი  
და მძიმე დაზვერვის შემდეგ ჩვენთვის ესოდენ ნაცნობი, ამ  
მთების რთული და დასერილი რელიეფი, ახლა ისე მოჩანს,  
როგორც ხელისგულზე.

მეტად დამქანცველია აღმართი. ყოველი ნაბიჯი ნებისყო-  
ფისა და გონების გამარჯვებაა. მზე გვეწევა. ვესალმებით მის  
ამოსვლას და კვლავ ვჩერდებით. ლაშენალი სულ უფრო ხში-  
რად უჩივის ფეხებს.

— ველარაფერსა ვგრძნობ, — კენესის იგი, — ფეხები მეყი-  
ნება:

ხელახლა იხდის ფეხსაცმელს.

შიში მეუფლება.

კარგად მესმის, რა საშიშროების წინაშე ვდგავართ, და სა-  
კუთარი გამოცდილებითაც ვიცი, თუ რა მზაკვრულად და  
სწრაფად გეპარება მოყინვა, თუ სიფხიზლე შეასუსტე. ლაშე-  
ნალმა ეს ჩემზე ნაკლებად როდი იცის:

---

<sup>1</sup> რაიმონ ლამბერი — ენეველი მეგზური. ტრაგიკული ასელის შემდეგ, რომლის დროსაც ძლიერ მოიყინა, მას მოჰკვეთეს ორივე ფეხის თითები.

— ჩვენ უფლებებოდ დარჩენის საშიშროების წინაშე ვართ!.. ღირს განა, თავი ხიფათში ჩავიგდოთ?

შიშმა შემოპყრო, პასუხისმგებლობა მე მაკისრია. ყოველივე უნდა ავწონ-დავწონო და ყველაფერი გავითვალისწინო. ეკვს გარეშეა, რომ საშიშროება სავსებით რეალურია. ამართლებს თუ არა ანაპურნის დაპყრობა ამგვარ თავგანწირვას? ეს საკითხი მაფორიაქებს.

ლაშენალმა შეიკრა ზონრით ფესსაცმელები და კვლავ ვებრძვით დამქანცველ თოვლს. სინათლით აელვარებულ „ნამგლის“ ყინვარს ახლა მთლიანად ვხედავთ.

ტრავერსს დასასრული არ უჩანს... ზემოთ კი კლდოვანი კედელია... ვიპოვით კი გამოსავალს?

მეც ისევე მეყინება ფეხები, როგორც ლაშენალს. განუწყვეტლივ ვამოძრავებ თითებს. მათ უკვე დაკარგეს მგრძობელობა, მაგრამ მთებში ეს არცთუ ისე იშვიათად შემართებოდა: საჭიროა მხოლოდ შეუპოვრად განვაგრძოთ თათების მოძრაობა და სისხლის მიმოქცევა აღმიდგება.

ლაშენალი რაღაც აჩრდილად მეჩვენება, ის თავისი ცხოვრებით ცხოვრობს, მე ჩემით. უცნაური მოვლენაა — სვლა რატომღაც აქ უფრო ადვილია, ვიდრე ქვემოთ. იქნებ იმედი გვასხამს ფრთებს? თოვლის ბრკყვიალი მუქ სათვალეშიც კი გვაბრძავებს, მზის სხივები პირდაპირ ყინულს ეცემა. ჩვენს ქვემოთ უფსკრულში ეშვებიან თავბრუდამხვევი წიბოები.

შორს, ქვემოთ, ყინვარები ისე პაწაწინებად გამოიყურებიან. გაგეცინება. ნაცნობი მწვერვალები ისარივით აწვდილან მაღლა.

უეცრად ლაშენალმა ხელში ხელი მტაცა.

— მე რომ დავბრუნდე, შენ რას იზამ?

ნათელ მოგონებათა მთელმა სამყარომ გამიელვა თავში: მრავალდღიანი გადასვლები მცხუნვარე მზის ქვეშ, ურთულესი ცოცვა, მწვერვალის გარემოცვაზე გაწეული უდიდესი ენერგია; ჩემი ამხანაგების ყოველდღიური გშირობა ბარგის აზიდვისა და ბანაკების მოწყობისას... ახლა ჩვენ მიზანთანა ვართ! ერთი, ან შესაძლოა, ორი საათის შემდეგ... ბრძოლა მოგებულ იქნება! ნუთუ უარი უნდა ვთქვათ?

შეუძლებელია!

მთელი ჩემი არსებით პროტესტს ვაცხადებ. მე გადავწყვიტე! საბოლოოდ გადავწყვიტე!

დღეს ჩვენ იდეალისთვის ვიბრძვით, ყოველი მსხვერპლი გამართლებულია.

პასუხი ნათელია:

— მაშინ მარტოკა წავალ!

დიახ, მე მარტოკა წავალ! თუ მას დაბრუნება სურს, მე არ შემიძლია იგი დაეკავო. მას არჩევანის სრული თავისუფლება აქვს.

ლაშენალს მხოლოდ მორალური მხარდაჭერა უნდოდა. იგი სრულიადაც არაა საქციელწამხდარი. მისი სიტყვები ნაკარნახევი იყო მხოლოდ სიფრთხილითა და თავგანწირვის შეგნებით. იგი უყოყმანოდ ამბობს:

— მაშინ მეც მოვდივარ შენთან!

გადაწყდა ბედი.

შიში გაიფანტა, მე ჩემს თავზე ავიღე პასუხისმგებლობა. ახლა უკვე ველარაფერი შეგვიშლის ხელს, რომ ბოლომდე ვიაროთ.

ლაშენალთან მოკლე ლაპარაკმა ფსიქოლოგიური ვითარება შეცვალა.

ახლა ჩვენ ძმები ვართ!

მე ვგრძნობ ჩემს ირგვლივ რაღაც ახალს, უჩვეულო ატმოსფეროს. ყველა შეგრძნება სრულიად ნათელია, უცნაურია, რომლის განცდა მთაში არასდროს შემხვედრია.

არის რაღაც არარეალური ჩემ მიერ გარემომცველი სამყაროს აღქმაში... თითქოს შორიდან ვაკვირდები, როგორ ვაკეთებ ერთსა და იმავე მოძრაობებს და მელიმება, როცა ჩვენი დაძაბული შრომის უმნიშვნელო შედეგებს ვხედავ. მაგრამ დაძაბულობა გაქრა, თითქოს სიმძიმის ძალაც გაქრა. ეს გამკვირვალე მოჩვენება, ეს ფასდაუდებელი ჯილდო ჩემი მწვერვალის კი არა, ჩემი ოცნების მწვერვალია.

კლდეებზე შეფიფქული თოვლი ბრწყინავს და პეიზაჟის გასხივოსნებული სილამაზე სულს სწვდება. ჰაერი განსაცვიფრებლად გამკვირვალეა. მე ვცხოვრობ ბროლის სამყაროში. ბგერები მიყრუებულია, თითქოს ყურები ბამბით მქონდეს დაცული.



ბუნდოვანი, აუხსნელი სიხარული მეუფლება. იმდენად უჩვეულო, იმდენად ახალია ყველაფერი.

ყოველივე ეს ისე არ ჰგავს ალბებში ასვლას, როდესაც იმდენს გინერგავს ადამიანთა სიახლოვის განუწყვეტელი ბუნდოვანი შეგნება, როდესაც უკან მიხედვისას, შორს, ქვემოთ, ხედავ სახლებს, გზებს, ცივილიზაციას.

აქ ყველაფერი სხვანაირადაა.

მე მოწყვეტილი ვარ მთელს ქვეყნიერებას. სხვა სამყაროში, მკაცრ, უდაბურ, უსიცოცხლო სამყაროში ვცხოვრობ. ეს ფანტასტიკური სამყაროა, სადაც ადამიანის ყოფნა არაა გათვალისწინებული და, შესაძლოა, არც სასურველი. ჩვენ ვარღვევთ აკრძალულს, ვლახავთ საზღვარს და უშიშრად განვაგრძობთ სვლას. გული მეკუმშება გრძნობათა მოზღვავებისაგან.

ნეტავ ლაშენალიც თუ იზიარებს ამ მღელვარებას?

მწვერვალის თხემი ახლოვდება. ჩვენ მივდივართ უკანასკნელი დიდი კედლის ძირას. იგი ძალიან ციცაბოა. თოვლიანი კალთა გადაკვეთილია კლდეებით.

— კულუარი!

ყველაფერი უსიტყვოდაც გასაგებია. აქ არის კედლის გასაღები — უკანასკნელი ბასტიონი!

— რა წარმატებაა!

კულუარი, რომელიც კედელს ჰკვეთს, მეტად დაქანებულია, მაგრამ მასზე მაინც შეიძლება ასვლა.

— წავედით!

ლაშენალი ხელის აქნევით თანხმობას მანიშნებს. უკვე გვიანაა, ალბათ 12 საათზე მეტი იქნება. დროის ყოველგვარი შეგრძნება დავკარგე: მეჩვენება, თითქოს რამდენიმე წუთის წინ გამოვედით.

ცა კვლავინდებურად საფირონისფერია. დიდი გაქირვებით გავდივართ მარჯვნივ, რომ კლდეებს შემოვუთაროთ. რადგან წრიაპებით მივდივართ, რამდენადაც შესაძლებელია, თოვლიან მონაკვეთებს ვარჩევთ. მალე კულუარში შევდივართ. რა ციცაბოა!.. წუთით ვყოყმანობთ.

გვეყოფა კი ძალა, რომ ეს უკანასკნელი დაბრკოლება დავძლიოთ?

საბედნიეროდ, თოვლი მაგარია.

ფეხით ვაკეთებთ საფეხურებს და საკმაოდ საიმედოდ ვმაგრდებით წრიაპებზე. არასწორი მოძრაობა დამღუპველი იქნებოდა. ხელმოსაქიდები შეგვიძლია არა ვჭრათ: წერაყინის ჩასობილი ნისკარტი გვიწევს საყრდენობას.

ლაშენალი ჩინებულად მოდის. რა კონტრასტია პირველ დღეებთან შედარებით! მძიმე სავალია, მაგრამ იგი ურყევად მიიწევს წინ. დროდადრო თავს ავწვევთ. და ვხედავთ კულუარის ზედა ნაწილს, რომელიც არ ვიცით, სად გადის, ალბათ თხემზე.

მაგრამ მწვერვალი სადღაა? მარცხნივ თუ მარჯვნივ?

ერთიმეორეს მიყვებით და ყოველ ნაბიჯზე ვჩერდებით. წერაყინზე დამსობილნი ვცდილობთ აღვიდგინოთ სუნთქვა და მძაფრი გულისცემა დავიოკოთ.

ახლა ვგრძნობთ, რომ მიზანი ახლოსაა. ჩვენი შეჩერება არავითარ სიძნელებებს არ შეუძლია. ზედმეტია შეკითხვა: ამხანაგის თვალეში მხოლოდ მტკიცე გადაწყვეტილებას ამოიკითხავ. არცთუ ისე დიდი შემოსავლელი მარცხნივ, კიდევ რამდენიმე ნაბიჯი... მწვერვალის თხემი შეუმჩნევლად გვიახლოვდება. გვერდი ავუარეთ კიდევ რამდენიმე კლდეს. ავალწიეთ უკანასკნელი ძალ-ღონით! შეუძლებელია!

ღიას! მკვეთრი ქარი სახეს გვწვავს.

ჩვენ ანაპურნაზე ვართ!

8075 მეტრზე!

გული უსაზღვრო სიხარულითაა აღსავსე.

— ოჰ, დანარჩენებმა რომ იცოდნენ! რომ ყველამ იცოდეს!

მწვერვალი წარმოადგენს ლავგარდანებიან ყინულის თხემს. მეორე მხრიდან შემადრწუნებელი უძირო უფსკრულია. კედელი შევეულად წყდება ჩვენს ფეხქვეშ. ალბათ მსგავს სანახაობას ვერცერთ მწვერვალზე ვერ შეხვდებით.

ქვემოთ ღრუბლები დაცურავენ. მათ ქვეშ, 7 000 მეტრით დაბლა ნაზი, ნაყოფიერი პოკჰარის ველი იმალება. ღრუბლების ზემოთ აღარაფერია!

მიზანი მიღწეულია, მაგრამ ამავე დროს დაგვირგვინებულია რაღაც გაცილებით უფრო დიადი. რა მშვენიერი იქნება

ამიერიდან სიცოცხლე! გასაოცარი შეგრძნებაა — უეცრად შეიცნო შენი იდეალი და საკუთარი თავი.

მღელვარება მახრჩობს. არასოდეს არ განმიცდია ესოდენ ძლიერი და წრფელი სიხარული.

ეს მუქი ქვა, ყველაზე მაღალი, ეს ყინულის თხემი... ნუთუ ეს არის მთელი ცხოვრების მიზანი? ან იქნებ ეს ადამიანთა ოცნების ზღვარია?

— აბა, ვეშვებით? — მიბიძგებს ლაშენალი. რას გრძნობს იგი? არ ვიცი. ხომ არ ჰგონია, რომ უბრალოდ, ავიდა, როგორც ალპებში. ნუთუ ის ფიქრობს, რომ აქედან ასე უბრალოდ შეიძლება წასვლა?

— ერთი წუთით, ფოტოსურათები მაინც გადავიღო.

— ცოტა დაუჩქარე!



გამალეებით ვქექავ ზურგჩანთას და ვიღებ ფოტოაპარატს. საფრანგეთის დროშასა და ალმებს. რა თქმა უნდა, —სარკიზი— ლო ჟესტია. მაგრამ ეს მეტია ვიდრე სიმბოლო: ეს სეგოლანის კლი აზრების დადასტურებაა. მე ვაბამ წერაყინის ტარზე, ოფლით გაყლენთილ, ზურგჩანთაში პროდუქტების გვერდით დიდბანს ყოფნის გამო გაქონილ ქსოვილის ნაჭრებს. შემდეგ ვაყენებ ფოკუსს ლაშენალზე:

— აბა, ჰა, შეგიძლია გადამიღო?

— აბა, აბა, ჩქარა, — ამბობს ლაშენალი.

იგი იღებს რამდენიმე სურათს, შემდეგ მაძლევს აპარატს. მე ვღებ შიგ ფერადფირიან კასეტს და ყველაფერს თავიდან ვიმეორებთ, რათა თან წავიღოთ სამახსოვრო ფოტო-სურათები, რომელიც ოდესღაც ჩვენთვის ძალზე ძვირფასი იქნება!

— შენ ჰკუთხე შეიშალე. — მეუბნება ლაშენალი. ერთი წუთის დაკარგვაც არ შეიძლება, დაუყოვნებლივ უნდა დავეშვათ!

მართლაც, საკმარისია თვალის ერთი მოვლება ირგვლივ: ამინდი ფუქდება.

ლაშენალი მაჩქარებს:

— უნდა დავეშვათ!

იგი მართალს ამბობს. მისი პირით ლაპარაკობს მთის მცხოვრები, რომელიც კარგად იცნობს მთას.

და მაინც არ შემიძლია შევეჩვიო იმ აზრს, რომ ჩვენ გავიმარჯვეთ. დაუჭერებლად მეჩვენება, რომ მე ამ თოვლს ვტყეპნი.

აქ ნიშის დადგმა შეუძლებელია: ქვები არ არის, ყველაფერი ყინულითაა დაფარული.

ლაშენალი ფეხებს აბაკუნებს: გრძნობს, რომ ეყინება. მეც აგრეთვე! მაგრამ არ ვაქცევ ამას ყურადღებას. ყველაზე მაღალი დაპყრობილ მწვერვალთაგან! ის ჩვენს ფერხთქვეშაა!

გონებაში სათითაოდ ვიხსენებ ჩემ წინამორბედთ ამ მაღალ მთებში: მემერი, მელორი და ირვინი, ბაუერი, ველცენბახი, ტილმანი, შიპტონი... რამდენი მათგანი უკვე აღარაა ცოცხალი. რამდენმა ჰპოვა ამ მთებში თავისი სამარე, უმშვენიერესი მათთვის!

ჩემს სიხარულს ამხანაგებით სიამაყის გრძნობა ერევა. დღეს ანაპურნაზე ავიდა არა მხოლოდ ერთი ჩაბმა, ავიდა მთელი გუნდი. ჩემი აზრი მიმართულია ამხანაგებისაკენ, რომელნიც ახლა გაფანტულნი არიან მთის კალთებზე მიკრულ ბანაკებში ჩვენს ქვემოთ, და მე ვიცი, რომ მხოლოდ მათი დაძაბული შრომის და მათ მიერ მიტანილი მსხვერპლის წყალობით გავიმარჯვეთ დღეს. არის წუთები, როდესაც ურთულესი მოქმედება უეცრად კონკრეტულ გამოსახულებას ღებულობს და

თქვენს წინაშე გასხვიოსნებული აღიმართება. ასეთია ის დაუძლეველი სწრაფვა, რომელმაც მოიყვანა აქ ჩვენი გუნდი.

დიდი ხნის დავიწყებული სურათები ცოცხლდებიან ცნობიერებაში.

შამონის ველი, სადაც ჩემი ახალგაზრდობის უმშვენიერესი დღეები გავატარე, მონბლანი, რომელიც ასე ძლიერ შთაბეჭდილებას ახდენდა ჩემზე! მახსოვს, როდესაც ჯერ კიდევ ბავშვი ვიყავი, მეჩვენებოდა, რომ ამ „მონბლანიდან დაბრუნებულთ“ რაღაც უჩვეულო შესახედაობა ჰქონდათ ყოველთვის თვალეში უცნაური ცეცხლი ენთოთ.

— ჩქარა, ჩქარა, პირდაპირ ქვევით! — მიყვირის ლაშენალი.

მან უკვე მოიკიდა ზურგჩანთა და იწყებს დაშვებას. ვიღებ ჯიბის ალტიმეტრს: 8 500 მეტრი. უნებურად ვიღიმები... ვყლაპავ ცოტა შესქელებულ რძეს და ვტოვებ აქ ტუბს — მწვერვალზე ჩვენი ყოფნის ამ ერთადერთ საბუთს. ვკრავ ზურგჩანთას, ვიცვამ ხელთათმანებს, ვიკეთებ სათვალეს, ვიღებ ხელში წერაყინს, კიდევ ერთხელ ვავლებ თვალს ირგვლივ... და მეც მივეშურები ქვემოთ, ფერდობზე. სანამ კულუარში ჩავცურდები, გამოსათხოვარ მზერას მივაპყრობ ამ მწვერვალს, რომელსაც ბედად უწერია, ერთადერთი სიხარული და ნუგეში გახდეს ჩვენთვის.

ლაშენალმა უკვე ბევრად გამისწრო, მან კულუარის ძირამდე მიაღწია.

მე მივჭრი მის კვალდაკვალ.

მთელი ძალ-ლოხით მივისწრაფვი, თუმცა ფერდობი ძალიან სახიფათოა: ყოველი საფეხური შეიძლება ჩაინგრეს ტანის სიმძიმით. ლაშენალი უკვე დიდ დიაგონალზეა. არ მეგონა, თუ მას ასეთი სწრაფი სიარული შეეძლო. გადავკვეთეთ თოვლისა და კლდეების შერეული უბანი. ბოლოს მივალწიეთ კედლის ფუძეს! ისე ჩქარა ვეშვებოდი, ქოშინი ამივარდა. გავჩერდი. გავხსენი ზურგჩანთა, რისთვის? თვითონაც არ ვიცი...

— ვაი, ჩემი ხელთათმანები!

ვერც კი ვასწრებ დალუნვას და ვხედავ, როგორ მიჰქრიან, მისრიალებენ ისინი პირდაპირ ქვევით, ფერდობზე... ვდგავარ შეწუხებული, როდესაც ვუყურებ, რომ ნელა, შეუჩერებლივ მშორდებიან ისინი. მათ მოძრაობას ისე აღვიქვამ, როგორც

რაღაც გარდაუვალს, საბოლოოს, რომლის წინაშე უძლური ვარ! შესაძლოა ამას მეტად სერიოზული შედეგი მოჰყვეს. რა გაეწყობა!

რაც შეიძლება ჩქარა, მეხუთე ბანაკისაკენ!

რებიუფა და ტერაი იქ უნდა იყვნენ. ჩემი მღელვარება ერთბაშად ქრება. ვუბრუნდები აკვიატებულ იდეას: ჩქარა ბანაკში! ერთი წამით არ მომდის აზრად, რომ სათადარიგო წინდები მაქვს ზურგჩანთაში, თუმცა სწორედ ასეთი შემთხვევისთვის მიმაქვს ხოლმე იგი თან ყოველთვის. მივექანები ქვემოთ და ვცდილობ ლაშენალს დავეწიო. მწვერვალზე ვიყავით ორ საათზე. ბანაკიდან გამოვედით ექვსზე. უნდა შევურიგდე სიუხადეს: დავეკარგე დროის ყოველგვარი გრძნობა. მე მგონია, რომ მივრბივარ, ნამდვილად კი ნორმალურად მივდივარ და შესაძლოა. ჩვეულებრივზე უფრო ნელაც. იძულებული ვარ, წამდაუწუმ ვავჩერდე, რათა სუნთქვა აღვიდგინო. მთელი ცა ღრუბლებით დაიფარა. ირგვლივ ყველაფერი მოქუქუყიანონაცრისფერია. გამყინავი ქარი უბერავს, რომელიც კარგს არაფერს მოასწავებს. წინ! მაგრამ სადღაა ლაშენალი? მე კი ვფიქრობდი, რომ ის კიდევ არაა სავსებით ფორმაში. აი, სულ ცოტა, ორას მეტრზეა ჩემს ქვემოთ, მირბის გაუჩერებლივ.

ღრუბლები სქელდება, უფრო ქვემოთ ვრცელდება: ქარი ძლიერდება, მაგრამ სიცივე არ იგრძნობა. იქნებ დაშვების სისწრაფემ გააძლიერა სისხლის მიმოქცევა?

ვიპოვით კი კარვებს ნისლში?

დროდადრო თვალს ვავლებ ფრინველის ნისკარტისმაგვარ პიკიან წიბოს, რომელიც აღმართულია ბანაკის ზემოთ. თანდათანობით იგი ღრუბლებში უჩინარდება, მაგრამ, საბედნიეროდ, ქვემოთ მოჩანს კონტრაფორსის მახვილი პირი. თუ ნისლი კიდევ უფრო გასქელდა, მე პირდაპირ წიბოსაკენ წავალ, დავეშვები მის გასწვრივ და აუცილებლად კარავს წავაწყდები.

დროგამოშვებით ლაშენალი უჩინარდება. შემდეგ ნისლი იმდენად სქელდება, რომ საბოლოოდ ვკარგავ მას მხედველობიდან. ზეც ჩქარა მივდივარ, რამდენადაც სუნთქვა ნებას მაძლევს.

ფერღობი უფრო ციცაბო ხდება. თოვლი ენაცვლება წმინდა ყინულის უბნებს. კარგი ნიშანია! ვუახლოვდები ბანაკს. რა

ძნელია ნისლით დაბურულ გარემოში გაგნება! ვცდილობ შე-  
ვინარჩუნო სწორი მიმართულება, რისთვისაც თვალს არ ვა-  
შორებ მთავარ კალთას. რელიეფი დასერილია, წრიაპებით ვე-  
შვები ყინულის კედელზე.

რალაც ლაქები გამოჩნდა... კიდევ რამდენიმე ნაბიჯი... ეს  
მართლაც ბანაკია, მაგრამ აქ რომ ორი კარავია!

მაშასადამე, რებიუფა და ტერაი ამოსულან. რა ბედნიერე-  
ბაა! ახლავე გაიგებენ ისინი, რომ ჩვენ გავიმარჯვეთ, რომ ჩვენ  
მწვერვალთან დავბრუნდით. როგორ გაეხარდებათ!

აი, ყველაფერი! ვუახლოვდები ზემოდან. კარვები დადგმუ-  
ლია შესასვლელით ერთიმეორისაკენ. მოედანი გაგრძელებუ-  
ლია, კარვები ცოტა გვერდზეა გაწეული. წავაწყდი პირველი  
კარვის საკიმს. შიგნით ამოძრავდნენ, ჩემი ხმა გაიგონეს. აი,  
რებიუფა. შემდეგ გამოჩნდა ტერაის თავი.

მორჩა! ვბრუნდებით ანაპურნიდან!

---

ღირსშესანიშნავ ახალ ამბავს ენთუზიაზმით ხვდებიან.  
— მოიცა, — უკვირს ტერაის. — ბისკანტი სადღაა?  
მის ხმაში შემფოთება იგრძნობა.

— ახლავე შოვა, ის ჩემზე ცოტა წინ იყო. რა დღეა! დი-  
ლით ექვს საათზე გავედით, შეუსვენებლივ მივდიოდით... ბო-  
ლოს მივალწიეთ!

სიტყვები არ მყოფნის, იმდენი მაქვს სათქმელი!..

ვეყურებ მეგობრულ სახეებს და უცნაური შეგრძნება, რო-  
მელიც დილიდან დამეუფლა, ერთბაშად ქრება, კვლავ ალპი-  
ნისტური ოჯახის წევრად ვგრძნობ თავს.

აღტაცებული ტერაი მაგრად მართმევს ხელს და... ღიმილი  
ქრება მის სახეზე:

— მორის! შენი ხელები!..

ავისმომასწავლებელი ღუმილი ჩამოწვა.

მე უკვე დამავიწყდა, რომ ხელთათმანები არ მქონდა: ჩემს  
თითებს მკვდრისფერი დასდებია და მთლად გაშეშებულან.  
სასოწარკვეთილი დაპყურებენ მათ ჩემი მეგობრები, რადგან  
ხედავენ, რა შიშიმე მდგომარეობაში ვარ.

მე ვცურავ სამხიარულო აღზნების შეუცნობელ ატმოს-  
ფეროში. ვიხრები ტერაისკენ და ჩავჩურჩულებ:

— შენ ხომ მშვენიერ ფორმაში იყავი! იმდენი ძალ-ღონე  
დახარჯე ამ მწვერვალისათვის! როგორ მწყინს, რომ შენც  
ჩვენთან არ იყავი ზევით!

— ყველაფერს, რასაც მე ვაკეთებდი, მეგობარო, ექსპედი-



ციისათვის ვაკეთებდი და, რაკი შენ ახვედი, მაშასადამე, გამარჯვა მთელმა გუნდმა!

განუზომელი სიხარული მეუფლება ამის გამგონეს. როგორ შემიძლია, გამოვთქვა, რას ნიშნავს ჩემთვის ეს პასუხი? გამარჯვებულის სიხარული, შესაძლოა, ეგოისტური ყოფილიყო. იგი გარდაქმნის მას სპეტაკ შეუბღალავ ბედნიერებად, მის პასუხს ჩემს თვალში ყოვლისმომცველი მნიშვნელობა ენიჭება. ეს ამტკიცებს, რომ მწვერვალზე გამარჯვება არ წარმოადგენს მხოლოდ პირად საგმირო საქმეს და პირადი სიამაყის საგანს; არა, ტერაიმ პირველმა შეიგნო, რომ ეს გამარჯვება ჩვენია, ყველასია, მთელი კოლექტივის გამარჯვებაა.

— ჰეი! ჰეი! მიშველეთ!

— ბისკანტ! — ეხმაურებიან რეზიუთა და ტერაი.

გამარჯვებით მთვრალსა და რეალობის გრძნობას მოკლებულს, არაფერი მესმის.

ტერაის გული ეკუმშება: ეს მისი ჩაბმის ამხანაგია, რომელთან ერთადაც მან ესოდენ ბევრი განიცადა, რომელთან ერთად მისი სიცოცხლე ხშირად ბეწვზე ეკიდა ხოლმე და მრავალი ბრწყინვალე გამარჯვება მოუპოვებია! მან გაყო თავი კარვიდან და ფერდობზე, ასიოდე მეტრის ქვემოთ ლაშენალი დაინახა. ტერაიმ სასწრაფოდ ჩაიცვა ტანსაცმელი და ფეხსაცმელი.

— ჩქარა, ქვევით!

მაგრამ ფერდობზე უკვე აღარავინაა. ლაშენალი გაუჩინარდა! უსაზღვროდ თავზარდაცემული ტერაი გაბმულად ყვირის. შემადრწუნებელი წამია, როდესაც თვალწინ გიქრება ამხანაგი, რომელთან ერთად შენი ცხოვრების საუკეთესო დღეები გაგიტარებია!

ფერდობზე საშინელი სისწრაფით მიჰქრის ქარის მიერ მორეკილი ნისლი. მღელვარებაში ტერაიმ ვერ მოისაზრა, რომ ნისლში მანძილი მაცთუნებელა.

— ბისკანტ! — ბისკანტ!

როგორც იქნა, შენიშნა იგი და თავდავიწყებით მორთო ყვირილი. ღრუბელთა გამონაშუქში ლიონელმა დაინახა თავისი მეგობარი, რომელიც იწვა ფერდობზე გაცილებით უფრო ქვემოთ, ვიდრე პირველად მოეჩვენა.

ტერაი გიყვირით გაქვანა ქვევით და უყოყმანოდ, მთელი სისწრაფით ჩასრიალდა. რით გათავდება ეს სრიალი? განა შეძლებს დამუხრუჭებებს ამ მაგარ თოვლზე? მაგრამ ტერაი ტყუილად კი არ არის პირველხარისხოვანი მოთხილამურე. მან მკვეთრად მოუხვია და გაჩერდა. ხანგრძლივი ვარდნის განო ლაშენალს შოკი მოსვლია. იგი უძრავად წევს, უაზრო განომეტყველებით, უწერაყინოდ, უჩაფხუტოდ, უხელთათმანოდ, ცალწრიაპიანი.

— ფეხები მაქვს მოყინული! წამიყვანე ქვემოთ... ჩქარა ქვევით. უღო გადამარჩენს!

— შეუძლებელია, — სასოწარკვეთით უპასუხებს ტერაი. — ხომ ხედავ, რომ ირგვლივ ქარიშხალია, ღამდება.

მაგრამ ლაშენალს მოსვენებას არ აძლევს ფიქრი მოსალოდნელი ამპუტაციის საშიშროებაზე.

სასოწარკვეთილებით მოცული გლეჯს ხელიდან ტერაის წერაყინს და ცდილობს წასვლას, მაგრამ უმაღვე რწმუნდება, რომ არაფერი გამოუვა და თანხმდება ასვლაზე. ტერაი გაუჩერებლივ ქრის საფეხურებს. გატანჯული, გამოფიტული ლაშენალი ოთხით მიფორთხავს...

ამ დროს მე რებიუფას კარავში ვწევარ. მას გული ეკუმშება ჩემი თითების შემხედვარეს. მზრუნველობით მივლის. ნაწყვეტ-ნაწყვეტად ვუყვები დღევანდელი დღის ამბავს. იგი კარგად ხედავს საქმის კეშმარიტ ვითარებას და განუწყვეტლივ მირტყამს თოკის ბოლოს თითებზე. ფეხსაცმელსაც დიდი გაკირვებით ვიხდი, რადგან ფეხები შეშუპებული მაქვს. რებიუფა მიზელს ფეხის თითებს, თოკით სცემს მათაც. მესმის, მეზობელ კარავში ტერაი ამასვე უკეთებს ლაშენალს.

ტრაგიკული წუთებია.

ღიახ, ანაპურნა დაპყრობილია, პირველი რვაათასიანი აღებულია. თითოეული ჩვენგანი მზად იყო, ყველაფერი შეეწირა ამ გამარჯვებისათვის. და მაინც რას ფიქრობენ ახლა ამხანაგები ჩვენი ხელ-ფეხის დანახვისას?

კარვის კედლებს გარეთ ქარიშხალი მძვინვარებს, სქელი ნისლია. სწრაფად ბნელდება. თოვს. როგორც წინა ღამით, ახ-

ლაც გვიხდება საყრდენების დამაგრება, რომ კარვები არ გაიტაცოს.

ჩვენ მხოლოდ ორი გასაბერი ლეიბი გვაქვს. გამყინავი თოვლისაგან თავდასაცავად რებიუფა და ტერაი სხდებიან ზურგჩანთებზე. თოკებზე. სანოვაგეზე, ისინი დაუღალავად გვზელენ, გვირტყამენ, გვშოლტავენ. ზოგჯერ თოკი ცოცხალ ადვილს ხვდება და ორივე კარავში გოდება გაისმის. რებიუფა დაჟინებით მიზელს ხელ-ფეხს. რა მტანჯველი ტკივილია! მაგრამ აუცილებელია განაგრძოს. თანდათანობით ხელ-ფეხი ცოცხლდება, რაც სისხლს ვიშოქტევის აღდგენის მაუწყებელია. ამავე მდგომარეობაშია ლაშენალიც.

ტერაის ყოფნის მხნეობა იმისათვის, რომ ცხელი სასმელი მოამზადოს. ის ეძახის რებიუფას, რომ ახლავე გადმოსცემს მას ტოლჩას. კარვების შესასვლელიდან ორი ხელი იწვდება ერთმანეთის შესასხედრად, რომელნიც სწრაფად იფარებიან თოვლით. მღუღარე სითხის ტემპერატურა 60°-ს არ აღემატება და ხარბად ველაპავ მას. ერთბაშად უკეთეს გუნებაზე ვდგები.

კოშმარული ღამეა! ქარის მძაფრი ქროლვა არ წყდება. გაუწყვეტლივ თოვს და აზვავებს თოვლს კარვებზე.

დროდადრო მეზობელი კარვიდან შეძახილები მოისმის: ტერაი გასაოცარი დაჟინებით განაგრძობს ამხანაგის ზელას და ჩერდება მხოლოდ იმისათვის, რომ აღუღებული წყალი დააღვინოს. რებიუფა სრულიად ღონემიხდილია, მაგრამ კმაყოფილია, რომ ჩემს თითებს სითბო დაუბრუნდა.

ბურანში წასული ვერა ვგრძნობ დროის მსვლელობას. ზოგჯერ ჩემს შეგნებამდე აღწევს, რომ ჩვენი მდგომარეობა კუშმარითად დრამატულია, მაგრამ მეტწილად გაბრუებული ვარ და ასვლის შედეგებზე არ ვფიქრობ.

რაც დრო გადის, მდგომარეობა მით უფრო უარესდება. თოვლის სიმძიმის გამო კვლავ იზნიჭება კარავი, კვლავ ნელი. უხმო სულისხუთვის საშინელი შეგრძნება მეწყება. ზოგჯერ სიბრაზე მეუფლება და მთელი ძალ-ღონით ვცდილობ, ხელებით ავწიო ჩამოწოლილი მასა. მძაფრი დაძაბულობისაგან სული მეხუთება, მაგრამ ყველაფერი წინანდებურად რჩება. თოვლი კიდევ უფრო მეტი სიმძიმით გვაწვება, ვიდრე წინაღამეს.

— გასტონ! გასტონ!

ეს ტერაია.

— დროა წავიდეთ!

სიტყვები მესმის, მაგრამ ჩემამდე ცუდად აღწევს მათი აზრი. განა უკვე განთიადია?

სრულიადაც არ მიკვირს, რომ ჩემი ამხანაგები უარს ამბობენ ასვლაზე. მე არა მაქვს შეგნებული მათი მსხვერპლის მთელი სიდიადე.

ქარიშხალი გაორკეცებული სიმძაფრით მძვინვარებს. კარავი ძაგძაგებს, მისი კალთები შიშისმომგვრელად ფათქუნობენ. დილით უკეთესი ამინდი იყო. ვაითუ ეს უკვე მუსონია? ჩვენ ვიცოდით, რომ იგი გვიანლოვდებოდა. შესაძლოა, ეს მისი პირველი შემოტევაა?

— გასტონ, რას აკეთებთ, მანდ, მზადა ხართ? — გვაჩქარებს ტერაი.

— ერთი წუთით, — უპასუხებს რებიუფა.

ადვილი საქმე როდია, ტანსაცმელი და ფეხსაცმელი უნდა ჩამაცვან. ბავშვივით უმწეო ვარ. მეზობელ კარავში ტერაი ამთავრებს ლაშენალის ჩაცმევას. შეშუბებული ფეხები ფეხსაცმელებში არ ჩასდის. ტერაი აძლევს მას თავისას, ცოტა უფრო დიდებს. ლაშენალის ფეხსაცმელები რომ ჩაიცვას, ტერაი მათ რამდენიმე ადგილას კრის. სიფრთხილისათვის ალაგებს ზურგჩანთაში საძილე ტომარას, ცოტა საგზალს და გვეძახის, რომ ჩვენც მის მაგალითს მივბაძოთ. ნუთუ ეს სიტყვები ქარის ზუზუნში დაიკარგა? თუ, ამ ჯოჯოხეთის დატოვების მოუთმენლობაში, ჩვენ ანგარიში ვერ გავუწიეთ ამ რჩევას?

ლაშენალი და ტერაი უკვე გარეთ არიან. გვესმის მათი „მივიდვართ!“

ჩვენი რიგი დგება. ოთხ კაცზე მხოლოდ ორი წერაყინი გვაქვს. ისინი, ბუნებრივია, თან მიაქვთ რებიუფასა და ტერაის. რებიუფა მიბამს თავის თოკზე.

კარვებს ვტოვებთ. უკანასკნელ მომენტში უცნაური აზრი მომდის: მენანება კარგი საჭურველის დატოვება!

პირველი ჩაბმა მგონი უკვე შორსაა ქვემოთ. თოვლიანი გრიგალი გვაბრმავებს. ერთ მეტრზე უკვე არაფერი გვესმის ერთმანეთის. საშტორმო ტანსაცმელი გვაცვია, მაგრამ მაინც

ძალიან გვცოვა. ხშირად ვცურდები თოვლში და თოკი სწორედ სულზე მისწრებს.

პირველი ჩაბმა დროს არ კარგავს. წინმაველი ლაშენალი, რომელსაც ტერაი აზღვევს, ჩქარობს. მას მოთმინება არ ჰყოფნის, სანამ ჩავიდოდეს. ნაკვალევი აღარა ჩანს, მაგრამ ყველას მკაფიოდ ახსოვს გზა: საპირთა დაშვება კალთით 400 მეტრზე, შემდეგ 150-200 მეტრზე ტრავერსირება მარცხნივ და მივალწვეთ მეოთხე ბანაკს, სადაც ახლა კუზი და შაცი უნდა იყვნენ.<sup>1</sup>

თოვა შესუსტდა, ქარიც ცოტა ჩადგა, ნუთუ იმედის ნაპერწკალია? არ გვჯერა.

წინ მკაფიოდ ჩნდება სერაკების კედელი.

— მარცხნივ, — ვამბობ მე, — მშვენივრად მახსოვს!

დანარჩენების აზრით მარჯვნიდან უნდა შემოვუაროთ. დაშვება გრძელდება. ქარი ჩადგა, მაგრამ ისევ ბარდნის. სქელი ნისლია, არაფერი ჩანს. რომ არ დავკარგოთ ერთმანეთი, მწკრივად მივიწვეთ. მე მესამე ვარ მწკრივში და ძლივს ვხედავ წინ მიმავალ ლაშენალს. მეტად ძნელი საცნობია ადგილი. თითოეულ ჩვენთაგანს ასვლების მდიდარი გამოცდილება აქვს და კარგად ვიცით, რომ ასეთ ამინდში ნაცნობ მარშრუტებზედაც კი ადვილია გზის დაბნევა. მანძილები დამახინჯებულია, მოხაზულობა ცვალებადი: ჩვენ ვბორძიკობთ ბორცვებზე, რომლებიც ღრმულებად გვეჩვენება. ნისლი, ფერდობი, თოვლის ფიფქები — ყველაფერი ერთფეროვან მოთეთრო ხალიჩად ერთიანდება. სერაკების მაღალი სილუეტები ფანტასტიკურ მოხაზულობას ღებულობენ. მეჩვენება, რომ ისინი ნელა მოძრაობენ ჩვენს ირგვლივ.

სასოწარკვეთა ადრეა, ჯერ გზა არ აგვრევია! საპირთა მხოლოდ ცოტა ქვემოთ დავეშვათ: იქ დავიწყებთ ტრავერსს მარცხნივ, მე კარგად მახსოვს სერაკი, რომელიც გარემოში გაგნებისათვის გამოგვადგება... თოვლი გვიფარავს ტანსაცმელს. თეთრ ფონზე მდუმარე მოსრიალე თეთრ მოჩვენებებს ვგავართ, ღრმად ვეფლობით თოვლში. რაღა უნდა იყოს ამაზე უფრო მძიმე უკვე ღონემიხდილი ადამიანებისთვის?

<sup>1</sup> ზედა ბანაკები დაუქაეებელი არ უნდა დარჩენილიყვნენ.

სადა ვართ? მეტისმეტად მალა თუ მეტისმეტად დაბლა? არაფერ უწყის. მარცხნივ ვიაროთ!

ეს არასაიმედო თოვლი ძალზე საშიშია, მაგრამ ჩვენ არა გვაქვს ეს შეგნებული. იძულებულნი ვართ შევუბრუნდეთ სინამდვილეს: მცდარი გზით წამოვსულვართ. ახლა უკანვე უნდა ავიდეთ და შემოვუაროთ ჩვენს ზემოთ ამართულ სერაკს: ალბათ იქ ვიპოვით სწორ გზას. ხელახლა გავდივართ რებიუფას კვალდაკვალ ასეთი გაჭირვებით უკვე გავლილ უბანს. კრუნჩხვით მივაბიჯებ და მტკიცედ მაქვს გადაწყვეტილი — ბოლომდე ვიარო. მაგრამ თუ რებიუფა მოწყდა, მე ვერ შეეძლებ მის შეჩერებას.

დაუსრულებლად გადავდივართ ერთი სერაკიდან მეორემდე. ყოველთვის გვგონია, რომ სწორი გზა ვიპოვეთ და ყოველთვის იმედი გვიცრუვდება. ოღონდაც ეს ნისლი გაიფანტოს, ოღონდაც ცოტა ხნით ეს თოვა შეწყდეს! თოვლის სისქე მთის კალთებზე საშინელი სისწრაფით იზრდება... მხოლოდ რებიუფასა და ტერაის შეუძლიათ გზის გაკვალვა. ისინი თანაბარ შეაღებებში უყოყმანოდ, უსიტყვოდ ენაცვლებიან ერთმანეთს.

ადრთოვანებული ვარ რებიუფას შეუპოვრობით, რომლის წყალობითაც მან ასეთი სახელი მოიხვეჭა. წარმოუდგენელი გააფთრებითა და თავგანწირული დაძაბულობით მიიწევს წინ. ასეთი ნელი სვლა, ვისაც გინდა გულს გაუტეხდა, მაგრამ ის განაგრძობს ბრძოლას და მწვერვალი. ბოლოს და ბოლოს, ეზორჩილება ხოლმე მის შეუდრეკლობას.

ტერაი პირიქით, ჩიქურ მიიწევს, ცოფიანივით. მას სტიქიის მსგავსად სურს, რადაც უნდა დაუჯდეს, დაამსხვრიოს საპატიმროს კედლები, სადაც დამწყვდეულნი ვართ. მისი ძალა განსაკუთრებულია, ნებისყოფა არანაკლებ შესანიშნავი.

ლაშენალი მას ბევრ საზრუნავს უჩენს. იქნებ მისი გონება არცაა სრულ წესრიგში? ახლა იგი ამტკიცებს, რომ არა აქვს აზრი შემდგომ დაშვებას, რომ საჭიროა ამოვთხაროთ თოვლში ორმო და გამოდარებას ვუცადოთ. იგი შეურაცხყოფას აყენებს ტერაის, გიჟი ხარო. მაგრამ სხვას ვის შეეძლო ასე ეზორჩა მასზე? ვისა აქვს უნარი, გამოიხსნას იგი აქედან, თუ არა

ტერაის? ლიონელი ეწევა თოქს და ლაშენალი იძულებულია მიჰყვეს მას.

ამჯერად ჩვენ მართლაც დაგვებნა გზა.

ამინდი არ უმჯობესდება. რამდენიმე წუთის წინ ჩვენ კიდევ გვექონდა რაღაც ბუნდოვანი მოსაზრებანი ამა თუ იმ გზის შერჩევაზე. ახლა სულ ერთია, მარჯვნივ წავალთ თუ მარცხნივ. მივდივართ ალაბედზე, სასწაულის იმედით, რაც სულ უფრო ნაკლებმოსალოდნელია.

თავდაცვის ინსტიქტი, რომელიც კიდევ გააჩნდათ ლაშენალსა და გასტონს, თანდათან სასოწარკვეთილებითა და სრული გულგრილობით იცვლება. ისინი რიგრიგობით სჩადიან უგუნურებას: ტერაი ცალ ფეხზე წრიაპმოშვებული ჰკვეთს ცოცხლად და ზევასაშიშ ფერდობებს. მიუხედავად ამისა, ორივენი სასწაულებს ასდენენ: დაშვებისას ერთხელაც არ მომწყვდარან და არც დაცურებულან.

ჩვენ კარგად ვიცრთ, რომ მეოთხე ბანაჟი „ნამგლის“ კიდეზე მდებარეობს. ამაზე ყველა თანახმაა, მაგრამ მისი პოვნა მეტად ძნელია. ყინულის კედელი, რომელიც მას ასე კარგად იცავს, ჩვენთვის ახლა საბედისწერო გახდა. ის ფარავს ჩვენგან ბანაჟს. ამ ნისლში პატარა კარებს ზედ თუ არ გადააწყდის, ისე ვერ შენიშნავ.

იქნებ ხმა მივაწვიდინოთ? ლაშენალი ცდილობს იყვიროს, მაგრამ ხმა თოვლში ინთქმება.

მერე ერთად ვყვირით:

— ერთი... ორი... სამი... გვიშველეთ!

ჩვენ გეგონია, რომ ეს ყვირილი შორს უნდა ისმოდეს. ვიმეორებთ:

— ერთი... ორი... სამი... გვიშველეთ!

დ უ მ ი ლ ი ა.

დროგამოშვებით ტერაი ფეხსაცმელს იხდის და იხელს გაშეშებულ ფეხებს. ჩვენმა სავალალო მაგალითმა შეაგნებინა მას მდგომარეობის მთელი საშიშროება და ენერგიულად იბრძვის. ლაშენალივით მასაც არ ასვენებს ამპუტაციაზე ფიქრი. ჩემთვის კი — უკვე მეტისმეტად გვიანაა! ვგრძნობ, რომ კიდურები, რომელიც ესოდენ ძლიერად დამიზიანდა გუშინ, ახლა კვლავ მეყინება.

გუმინდელს აქეთ არაფერი გვიქამია, თუმცა განუწყვეტ-  
ლივ ვშრომობდით. სიკვდილის პირისპირ ადამიანის ძალ-ლო-  
ნე განუზომლად იზრდება. გონია, რომ ყველაფერი გათავდა,  
მაგრამ არა! არის თურმე კიდევ მარაგი, საჭიროა, მხოლოდ სა-  
კმაო ნებისყოფა გქონდეს, რომ გამოიყენო!

დრო შეუმჩნევლად გადის, ღამე ახლოვდება. შეძრწუნებუ-  
ლნი ვართ, თუმცა არავინ ამყლავნებს. მე და რებიუფა გასას-  
ვლელს წაეაწყდით. იგი მეცნაურება, მაგრამ გავჩერდით, რა-  
დგან ფერღობი მეტისპეტად დაქანებულია. ჩისლში ის შვეულ  
კედლად გვეჩვენება. მეორე ღლეს ნათელი გახდა, რომ სულ  
ოცდაათ მეტრზე ვიყავით ბანაკიდან, და სწორედ ამ კედლის  
ძირში იღვა კარები, რომელთაც შეეძლო ჩვენი შველა.

— ნაპრალი უნდა მოვნახოთ!

— აქ ხომ არ ვიქნებით ატუზული მთელი ღამე!

— ყველანი აქ ჩაეიხოცებით!

— ერთადერთი ხსნა ორმოს ამოთხრა!

ღამე უეცრად წამოგვეპარა. აუცილებელია ერთი წუთიც  
არ დაეკარგოთ და რალაც ვიღონოთ. თუ ფერღობზე დავრჩით.  
დილაშდე ვერ მივატანთ. უნდა მოვაწყუთ ღამის სათევი. წარ-  
მოგვიდგენია, როგორ პირობებში. თითუელ ჩვენგანს ესმის,  
თუ რა არის ცივი ღამისთევა 7 000 მეტრ სიმაღლეზე...

ტერაი იწყებს წერაყინით ორმოს თხრას. მისგან რამდენიმე  
მეტრის დაშორებით ლაშენალი დადის თოვლით ამოვსებულ  
ნაპრალზე. უეცრად იგი ყვირილით შიგ ვარდება. უმწეოდ  
ვდგავართ: გვეყოფა კი ჩვენ, უფრო სწორად, ჩემს ორ ამხა-  
ნაგს, ძალა, რომ ის იქიდან ამოიყვანონ? ნაპრალი მთლიანად  
დაფარულია თოვლით და მხოლოდ პატარა პირღია ხერელი  
ჩანს ჩავარდნის ადგილას.

ტერაი ყვირის:

— ე-ჰეი! ე-ჰეი! ლაშენალ!

ჩვენამდე აღწევს თოვლისა და ყინულის სქელი ფენით  
დახშული ხმა. სიტყვების გარჩევა შეუძლებელია.

— ე-ჰეი! ლაშენალ!

ტერაი მკვეთრად ეწევა თოქს. ამჯერად გვესმის:

— აქა ვარ!

— ხომ არაფერი იტკინე?



— არა! აქ შეიძლება ღამის გათევა! შამოეშვით!

სასწაული მოხდა! არასოდეს არ გვეყოფოდა ძალა, რომ ყინულში ამოგვექრა ქარისაგან დაცული თავშესაფარი. ტერაი უყოყმანოდ ხტება ნაპრალში. ხმამალალი „ჩამოდით!“ გვაუწყებს მის მშვიდობით დაშვებას.

ჩემი რიგიც დგება. ვცურდები ქვევით — ნამდვილი ბობსლეია! მივქრი ათი მეტრის სიგრძის გვირაბში, დიდი სისწრაფით ვეშვები ქვაბულში და ვებერტყები მის ფსკერზე, თოკის გამოკვრით ვანიშნებ რებიუფას, რომ შეუძლია დაეშვას.

ქვაბულში საშინლად ცივა. იგი ნესტიანია, კედლები იცრემლებიან. ერთიმეორეს მიკრულნი, გაპირვებით ვთავსდებით ახალ თოვლზე, რომლითაც დაფარულია ფსკერი. ქერზე ლოლუები ჰკიდია. ვტეხთ რამდენიმეს და ამით შცირეოდნად ვადიდებთ თავისუფალ სივრცეს თავზემთ. ვწოვთ ყინულის ნატეხებს: დიდი ხანია, აღარაფერი დაგვიღევია.

ასეთია ჩვენი ამაღამდელი თავშესაფარი.

ყოველ შემთხვევაში, აქ ქარი ვერ მოგვიდგება და ტემპერატურაც ბევრად არ დაიწევს. განსაკუთრებით სინესტე გვაწუხებს. რამდენადაც შესაძლებელია, ვეწყობით სიბნელეში. როგორც ყოველ ღამის სათევზე, ფეხთ ვიხდით: ასე რომ არ მოვიქცეთ, ერთმანეთზე მიჰყლებილი თითები, უმაღვე მოგვეყინება. ტერაი შლის საძილე ტომარას და შედარებით მოხერხებულად ეწყობა. ჩვენ კი ტანთ ვიცვამთ. რაც კი რამ თბილი გაგვაჩნია. თოვლს რომ არ შევებო, კინოაპარატზე ვჯდები.

ვეკრობით ერთმანეთს და ვცდილობთ, გამოვნახოთ ისეთი მდგომარეობა, რომ ჩვენი სხეულების სითბო უდანაკლისოდ შევიწარჩუნოთ. მაინც განუწყვეტლივ ვმოძრაობთ.

ვსხედვართ ხმაამოულებლივ. გულჩათხრობილნი. მოძრაობა უფრო ნაკლებ ძალას მოითხოვს, ვიდრე ლაპარაკი. ტერაი ლაშენალს ფეხებს უზელს. რებიუფა გრძნობს, რომ მასაც ეყინება ფეხები, მაგრამ იმდენი ძალა შესწევს, რომ თვითონვე დაიზილოს. მე ვზივარ, უძრავად, გაზინდებული. ხელ-ფეხი კვლავ მეყინება, მაგრამ რა ვიღონო? მორგვივით დახვეული, ვცდილობ არ ვიფიქრო ტკივილზე, არ ვიფიქრო დროის სელაზე, მინდა დავივიწყო სიცხე, რომელიც მუხანათურად აღწევს სხეულის თითოეულ უჯრედში და შეგრძნების უნარს უკარგავს მას.

ტერაი უზიარებს ლაშენალს თავის საძილე ტომარას. იგი ღარავს მეგობრის ტერფებსა და ხელის მტევნებს ძვირფას ბუმბულში და თან არ წყვეტს ზელას.

„ყოველ შემთხვევაში, ამაზე უფრო მაინც აღარ მოეყინება“, — ფიქრობს იგი.

ერთი ოდნავი მოძრაობა აწუხებს ყველა დანარჩენს, გაკვირვებით მიგნებული მდგომარეობა გამუდმებით იცვლება. ისევ თავიდან უნდა დავიწყოთ. ყველაფერი ეს როგორღაც გვიფანტავს მძიმე ფიქრებს. რებიუფა ფესებს უჩივის და დაჟინებით განაგრძობს მათ ზელას. ისიც ტერაისავით ფიქრობს:

„როგორმე ხვალამდე გავძლოთ და ყველაფერი გაირკვევა!“

მაგრამ მან მშვენივრად იცის, რომ ეს „გაირკვევა“ დიდი კითხვის ნიშნის ქვეშაა.

ამაღელვებელი მზრუნველობით ცდილობს ტერაი, მეც გამოიზიაროს საძილე ტომრის ნაწილი. იგი ხედავს ჩემს მძიმე მდგომარეობას და სვდება. თუ რატომ ვზივარ ასე მშვიდად და მდუმარედ. მას ესმის, რომ მე უკვე დავყარე ფარ-ხმალი. ლიონელი მთელი ორი საათია, მიზელს ფეხებს, თუმცა მას ამ დროს თვითონაც ემუქრება მოყინვა, მაგრამ იგი ამაზე არ ფიქრობს. მისი კეთილშობილებით აღფრთოვანება სიმამაცეს მანიჭებს. ის იმდენს აკეთებს ჩემთვის სიცოცხლის შესანარჩუნებლად, რომ ბრძოლაზე ხელის აღება, ჩემი მხრივ, უმადურობა იქნებოდა.

ასე მგონია, გულიც კი ყინულად მექცა, მიკვირს, რომ ტივილს არა ვგრძნობ. ჩემში თითქოს ატროფირებულია ყველაფერი ნივთიერი. ცნობიერება ნათელია და, ამავე დროს, რაღაც ბედნიერი სიმშვიდის მდგომარეობაში ვიმყოფები. ჩემში კიდევ ბეუტავს სიცოცხლის ნაპერწკალი, მაგრამ სულ უფრო და უფრო მკრთალად. უკვე აღარ ვაქცევ ყურადღებას ტერაის თავდაუზოგავ მზრუნველობას. მგონია, რომ მალე დადგება ჩემი აღსარული. განა ეს ქვაბული ყველაზე უმშვენიერესი აკლდამა არაა? სიკვდილი არ მაშინებს, არ იწვევს ჩემში არავეთარ სინანულს. მე ვუღიმი მას. ასე გარინდებული ვართ მრავალი საათის განმავლობაში:

— გათენდა, — ჩაიბუტბუტა ვილაცამ.

ამ ახალმა ამბავმა ჩემი ამხანაგები ოდნავ გამოაცოცხლა.

„ზიკვირს, არ მეგონა, რომ დღის სინათლე ასეთ სიღრმეზე ჩამოაღწევდა.“

— გასვლისთვის ძალიან ადრეა! — შენიშნა რებიუფამ.

ქვაბულში ავისმომასწავებელი ბინდია ჩამოწოლილი. ბუნდოვნად შეგიძლიათ გაარჩიოთ თავების მოხაზულობა.

ჩვენამდე აღწევს ხანგრძლივი, შიშინის მსგავსი, უცნაური, შორეული ხმა. იგი სულ ძლიერდება, ახლოვდება... უეცრად თავზე გვეყრება, მბრმავეებს ახალი თოვლის ზევი. იგი ავსებს ქვაბულს, აღწევს ტანსაცმელში. თავს მუხლებში ვმალავ და ხელებს ვიფარებ. თოვლი სულ მოდის და მოდის... სამარისებური სიჩუმე სუფევს.

მთლიანად ქვეშ ვერ მოგვიყოლა, მაგრამ მთელი ჩვენი ბარგი დაფარა თოვლმა. ვდგებით, ვცდილობთ თავით ყინულის ქერს არ მივეჩახოთ და ვიბერტყებით. თითქმის ფეხშიშველა ვდგავართ თოვლში. უპირველეს ყოვლისა, ტანსაცმელი უნდა მოვძებნოთ.

რებიუფა და ტერაი იწყებენ ძებნას და ირკვევა, რომ ორივე დაბრმავებულია. გუშინ, დაშვებისას, მათ სათვალეები მოიხსნეს, შედეგებს დღეს იმკიან.

ლაშენალი ყველაზე უმალ წააწყდა წყვილ ფეხსაცმელს. სცადა მათი ჩაცმა. ეს რებიუფას ფეხსაცმელებია. რებიუფა ამ დროს ცდილობს ციცაბო გვირაბით ზევით აძვრომას.

— ჰეი, გასტონ! როგორი ამინდია? — უყვირის ტერაი.

— ვერაფერს ვხედავ. ძლიერი ქარია!..

ტერაიმ იპოვა თავისი ფეხსაცმელები და ხელის ცეცებითა და ლაშენალის დახმარებით იცვამს. ბისკანტი ნერვიული აღგზნებისას განსაცვიფრებელ მოუთმენლობას იჩენს, რაც მკვეთრ კონტრასტს წარმოადგენს ჩემს უმოძრაობასთან.

ტერაი თავის მხრივ ყინულის გვირაბში მიცოცავს ქშენითა და გინებით. ბოლოს აძვრა ზედაპირზე. სადაც მძაფრი ქარი შეეგება სისინით. ქარი ძვალ-რბილში ატანს და სახეს უშოლტავს.

„ცუდი ამინდია, — გამიელვა თავში, — ეს უკვე აღსასრულია, დავიღუპებით... აქედან ველარ გავაღწევთ!“

ქვაბულის სიღრმეში ორნი განვაგრძობთ ფეხსაცმელების ძებნას. ლაშენალი გაათრებით ჩიჩქნის წერაყინით. მე გაცი-

ლებით უფრო მშვიდად ვარ და ვცდილობ მეთოდურად ვიმოქმედო. ნელნელა ვპოულობთ თოვლში წრიაპს, წერაყინს, მაგრამ ფეხსაცმელები არ არის და არა!

მაშ ასე, ეს ქვაბული ჩვენთვის უკანასკნელი თავშესაფარი იქნება!

ადგილი არ გვეყოფნის. ოთხად მოკაკულნი ერთმანეთს ფეხებში ვედებით. ბოლოს ლაშენალმა გადაწყვიტა ფეხშიშველა აძვრეს. ის საშინელი ყვირილით მიჰყვება თოკს. ცდილობს როგორმე მოედვას, გაიქედოს და ფეხის თითებით თოვლიან კედელს ფხაქნის. ზემოდან ტერაი ეწევა მთელი ძალით: მე ვხედავ, როგორ ადის ლაშენალი და ბოლოს უჩინარდება. როცა იგი ზედაპირზე აცოცდა, თვალწინ მოწმენდილი ცა გადაეშალა. გიჟივით წინ და უკან დარბოდა გახარებული და ყვიროდა:

— კარგი ამინდია, კარგი ამინდია!

მე ხელახლა ვქექავ ქვაბულს, რაღაც უნდა დამიჯდეს, უნდა ვიპოვო ფეხსაცმელები, სხვანაირად მე და ლაშენალი განწირულები ვართ. ვეცემი ოთხზე, ვქექავ თოვლს. შიშველი ხელებითა და ფეხებით ვურევ მას ყველა მიმართულებით, იმ იმედით, რომ რაიმე მაგარს წავაწყდები. სხვაზე აღარაფერზე ვფიქრობ. ახლა მე მხოლოდ ცხოველი ვარ, რომელიც სიცოცხლისათვის იბრძვის.

ვიპოვე ცალი ფეხსაცმელი! მეორე მასზე მიბმული უნდა იყოს, წყვილია, ძლივს!

დაჟინებით, ჭიუტად განვაგრძობ ძებნას და ბოლოს მთელი ქვაბული რომ გადავქექე, უკანასკნელი წყვილიც ვიპოვე. ფორთაპარატი კი ვერა და ვერ აღმოვაჩინე და მძიმე გულისტკივილით შევწყვიტე ძებნა. ფეხსაცმელების ჩაცმაზე ლაპარაკიც ზედმეტია: ხელის მტევნები თითქოს ხისაა, თითები არ მემორჩილება. ფეხები ძალზე შეშუპებული მაქვს, მათზე ფეხსაცმელი არ ჩაიცმება! ძლივს ვაბამ თოვლზე ფეხსაცმელებს და ვყვირი:

— ლიონელ!.. ფეხსაცმელები!

პასუხი არ ისმის, თუმცა, ცხადია, გაიგონეს, რადგან ფეხსაცმელები ზევით მიცურავენ. მალე თოკი უკანვე ეშვება: ახლა ჩემი რიგია. რის ვაივაგლახით ვიხვევ მას გარშემო და რა-

დგანაც საიმედო კვანძის შეკვრა არ შემოიძლია, უამრავ პატარა-პატარა კვანძებს ვკრავ. იმედი მაქვს, ეს საკმარისი იქნება, ჩემს წონას გაუძლოს. დაყვირებისათვის ძალა აღარ მეყო, თოკს გამოვკარი და ტერაიმ გამიგო.

პირველი ნაბიჯისთანავე ფეხით მიხდება საფეხურის გამოკვეთა თითებისათვის. უფრო ზევით ალბათ შესაძლებელი იქნება გაქედვა და ასვლა უფრო გამიადვილდება. რამდენიმე მეტრს რომ ავცდი, ვცადე კედელში ჩამერკო გაქვავებული ხელის მტევნები და ტერაფები. არც ხელები იხრება, არც ფეხები, ეს კი ძალიან მიშლის ასვლას.

ძლივს ვახერხებ გაქედვას. ტერაი ისეთი ძალით მეწევა, რომ შეიძლება გავიგუდო. რამდენჯერმე ვწყდები: ვებლაუქები, ვიკედები და ყოველთვის როგორღაც ვახერხებ თავის შემაგრებას. გული ლამის ამოვარდეს საგულედან და იძულებული ვარ, გაეჩერდე. ენერჯის ახალი შემატება საშუალებას მაძლევს ფოფხვით ავალწიო ზევით, ფეხებზე ვეჭიდები გაწამებულ ტერაის და ვძვრები გარეთ. ტერაი ჩემს გვერდითაა. ჩაეჭურჩულებ:

— ლიონელ! ვკედები!..

იგი ხელს მაშველებს და მეხმარება ნაპრალიდან ამოდრო-მაში. ახლა ლაშენალსა და რებიუფასთან უნდა მივიდე, რომლებიც სხედან თოვლზე ჩვენგან რამდენიმე ნაბიჯის დაშორებით. როგორც კი ლიონელი ხელს მიშვებს, ვეცემი თოვლზე და ოთხზე მივფორთხავ.

საუცხოო ამინდია. გუშინ დიდი თოვლი მოვიდა და მწვერვალი გაბრწყინებულია. ესოდენ ლამაზი იგი არასდროს ყოფილა! ჩენი უკანასკნელი დღე შესანიშნავი იქნება!

რებიუფა და ტერაი სრულიად დაბრმავდნენ. ტერაი წამდა-უწუმ ბორძიკობს და მე მიხდება მისი წაყვანა. არც რებიუფას შეუშლია დამოუკიდებლად თუნდაც ერთი ნაბიჯის გადადგმა. საშინელია სიბრმავე, ხიფათი ყოველ ნაბიჯზე გიდარაჯებს. ლაშენალს მოყინული აქვს ფეხები და თავს ვერ ეუფლება. მისი ქცევა შიშს გვინერგავს, მას უეცრად ისეთი აზრები მოსდის თავში, გეგონება ბოდავსო:

— მე შენ გეუბნები, უნდა დავეშვათ!.. აქეთ, ქვემოთ...

— შენ ზომ ფეხშიშველი ხარ!

• ღ ნუ სწუხხარ!

— ხომ არ შეიშალე?.. აქეთ-კი არა... მარცხნივ!

იგი უკვე აღდა და სურს დაეშვას ფერდობზე პირდაპირ ქვევით. ტერაი აჩერებს მას და ხელის ცეცებით ფეხსაცმელუბის ჩაცმას შეცლის.

მე თითქოს სიზმარში ვარ. ვგრძნობ, სიკვდილი ახლოსაა. რა მშვენიერი სიკვდილია მთამსვლელისათვის! როგორ ესადაგება იგი ჩვენი სულების მფლობელ კეთილშობილურ გატაცებას! მე მადლობელი ვარ მწვერვალისა იმისათვის, რომ ის დღეს ასე მშვენიერია. მისი მღუმარება ტაძრის სიღიადეს მაგონებს. სრულიადაც არ ვიტანჯები და არცა ვღელავ. საშინელია ჩემი სიმშვიდე. ტერაი ბარბაცით მიახლოვდება. მე ვეუბნები:

— ჩემთვის ყველაფერი გათავებულია! წადით, თქვენ კიდევ გაქვთ შესაძლებლობა, უნდა გამოიყენოთ იგი... იარეთ მარცხნივ. გზა იქით არის!

ამ სიტყვების შემდეგ უკეთ ვგრძნობ თავს. მე კარგად ვარ. მაგრამ ტერაი ასე არ ფიქრობს.

— ჩვენ დაგეხმარებით... თუ აქედან გავალწიეთ, მაშასადამე, შენც გადარჩები!

ამ დროს ლაშენალის ყვირილი მოისმის:

— გვიშველეთ!.. გვიშველეთ!

მას აშკარად აღარ ესმის, რას აკეთებს. იქნებ კიდევაც ესმის? მხოლოდ იმასლა შეუძლია ახლა მეორე ბანაკის დანახვა, ხომ შეიძლება გაიგონონ მისი ყვირილი.

ეს სასოწარკვეთილების ყვირილია. ის ტრაგიკულად მაგონებს მონბლანის მასივზე მთამსვლელთა მიერ მოცემულ უბედურების სიგნალებს, რომელთა შველას მე ვლამობდი ოდესღაც. ახლა ჩვენი რიგია... მე ამას მეტად მწვავედ განვიცდი: დიახ, ჩვენ ჰეშმარიტად უბედურებაში ჩავცვივდით!

მე ვუერთებ ჩემს ხმას:

— ერთი... ორი... სამი... გვიშველეთ!

— ერთი... ორი... სამი... გვიშველეთ!

ვცდილობთ ვიყვიროთ ერთად, მაგრამ ამოდ. საეჭვოა, რომ ჩვენი ხმა რამდენიმე მეტრს იქით მიდიოდეს, მე უფრო ვჩურჩულებ, ვიდრე ვყვირი.

ტერაი მეუბნება ფეხსაცმელები ჩაიცვიო. ხელები გაქვა-  
ვებული მაქვს, ვერ შევძლებ. რეზიუფა და ტერაი ვერაფერს  
ხედავენ; არა მგონია, მათ შეძლონ ჩემი დახმარება.

— მომეშველე, ფეხსაცმელები ჩავიცვა, — ვეუბნები ლა-  
შენალს.

— შენ რა; კკუაზე შეიშალე? უნდა დავეშვათ!..

იგი არასწორი გზით პირდაპირ ქვევით მიექანება. სრულე-  
ბით არა მწყენია — მომხდარმა ამბებმა და სიმაღლემ ძლიერ  
ემოქმედეს მის გონებაზე.

ტერაიმ ხელი სტაცა დანას. თავისი გაქვავებული თითებით  
მოსინჯა ფეხსაცმელი და ყელი ჩაუჭრა. ახლა შეიძლება მისი  
ჩაცმა. რამდენიმე უნაყოფო ცდის ჩატარება მიხდება, რადგან  
ამოცანა არცთუ ისე ადვილია. მალე სევდა მეუფლება. რად  
უნდა ვიტანჯო, როცა, სულ ერთია, აქ დარჩენა მიწერია? მაგ-  
რამ ტერაი მთელი ძალით ეწევა. ბოლოს რამდენიმე კავის გა-  
მოტოვებით კრავს ზონრით ამ ვეებერთელა ფეხსაცმელებს.  
მე მზადა ვარ, მაგრამ როგორ შევძლებ სიარულს, როცა არც  
ფეხები იღუნება და არც ხელები?

— მარცხნივ, ლიონელ!

— სისულელეს სუ რომავ, მორის, — მეუბნება ლაშენა-  
ლი, — უნდა წავიღეთ მარჯვნივ და პირდაპირ ქვევით!

ტერაი შეფიქრიალებულია ამ ერთიმეორის საწინააღმდე-  
გო მითითებებით. იგი ჩემსავით კედს არ იხრის და განაგრძობს  
ბრძოლას, მაგრამ რის გაკეთება შეიძლება ამ წუთში? სამი ამ-  
ხანაგი დაობს სწორი გზის შერჩევაზე.

თოვლზე ვზივარ. გონება თანდათანობით მეზინდება. რად  
შევებრძოლო? მოხდეს, რაც მოსახდენია! ტენში ზმანე-  
ბასავით წარმოისახა: დაჩრდილული ფერდობები, მშვიდი ბი-  
ლიკები... ფისის სურნელება... რა კარგია! მე ვკვდები ჩემს  
მთებში... მე არაფერს ვგრძნობ, ყველაფერი გაიყინა ჩემში...

— ა-ა!.. ა-ა!..

ეს რა არის? სიკვდილისწინა ხრიალი? თუ მოწოდება?  
მთელ ძალას ვიკრებ, რომ დავიყვირო: „აქეთ მოდიან!“  
ამხანაგებმა გაიგონეს ჩემი ხმა, ისინი სიხარულისაგან ყვი-  
რიან.

ზღაპრული მოვლენა! შაცი!.. ეს ხომ შაცია!..

ჩვენგან ორასიოდე მეტრზე, წელამდე ახალ თოვლში ჩაფლული, ფერდობზე გემივით მოცურავს მარსელ შაცი.

უცილობლად ღონიერი და მძლავრი მხსნელის მოჩვენებაა! შე მისგან ყოველივეს მოველი. უღრმესი შეძრწუნება გადავიტანე. უკვე სიკვდილის კლანკებში ვიყავი და მივენდე მას. ახლა სიცოცხლეს ვუბრუნდები, მინდა ვიცოცხლო! ჩემში მკვეთრი გარდატეხა ხდება... არა, ჯერ კიდევ არ არის ყველაფერი დაკარგული!

იგი გვიახლოვდება... თვალს ვერ ვაშორებ... ოცი მეტრი... ათი... იგი მოდის ჩემთან... რატომ? ის ჩემად იხრება, მკერდში მიხუტებს. მკოცნის!.. მისი ცხელი სუნთქვა სიცოცხლეს მიბრუნებს...

თითის განძრევაც კი არ შემიძლია, მარმარილოსავით ვარ გაქვავებული. მღელვარებისაგან გული ლამის არის ბუდიდან ამომიფრინდეს. თვალები კი მშრალია.

— თქვენ შესანიშნავი გამარჯვება მოიპოვეთ! — მეუბნება შაცი.

---



**ს** ან გონს მოვდივარ, ხან ისევ ვკარგავ ცნობიერებას. უცნაური შეგრძნება მაქვს, თითქოს თვალები მინისა გამიხდა. დედობრივი მზრუნველობით მიბამს შაცი თავის თოკზე. ჩემი ამხანაგები სიხარულისაგან ყვირიან. მოწმენდილი ცა დიდი სიმაღლეებისათვის დამახასიათებელი მუქი ლურჯი ფერისაა, ისე მუქი, რომ თითქმის ვარსკვლავები ჩანან. ჩვენ ვბანაობთ მზის მცხუნვარე სხივებში. შაცი მეუბნება:

— მორის, გეთაყვა, ვიაროთ ნელ-ნელა!

მისი ხმა სინაზითაა გამსქვალული. მაღლიერების გრძნობით ვემორჩილები. მისივე დახმარებით ვახერხებ ადგომას და როგორღაც, წონასწორობის შენარჩუნებას. შაცი ნელა მეწვევა თავისკენ. და ასე მივიწვევთ წინ. ისეთი გრძნობა მაქვს, თითქოს თოვლს ოჩოფხებებით სწორი და მაგარი ორი უცხო საგნის მეშვეობით ვეხები: ესენი ჩემი ფეხებია...

სხვებს უკვე ველარ ვხედავ. მობრუნებისა მეშინია, რომ წონასწორობა არ დავკარგო.

თოვლის ბრკვევიალი მაბრმავებს. ორასი მეტრიც არ გავვივლია, რომ ყინულის კედლის შემოვლის შემდეგ კარავს წავაწყდით. თურმე ღამე ბანაკიდან ორას მეტრზე გვითევია!

დაგვინახა თუ არა, კუზი ადგა, გულითადად მომეხვია და დამკოცნა. ტერაი გაეშურა კარავში ფეხსაცმელების გასახდელად. მასაც ფეხის თითები აქვს წაყინული. უწყალოდ იზელს და ურტყამს მათ.

ჩემში კვლავ იფეთქა სიცოცხლის წყურვილმა. ვცდილობ, ფხიზლად შევაფასო მდგომარეობა. მცირეოდენი რესურსები გაგვაჩნია, უნდა შევძლოთ მისი გამოყენება. ერთადერთი მხსნელი უღოა. მხოლოდ მას ძალუძს ჩვენი ხელ-ფეხის გადარჩენა. მე აღფრთოვანებით ვღებულობ შაცის წინადადებას: დაუყოვნებლივ დავეშვათ შერპების მიერ ახლად გამართულ ქვედა მეთხე ბანაკში.

ტერაის კარავში დარჩენა უნდა. სასოწარკვეთით ირტყამს ტერფებზე და ყვირის:

— ხვალ ამოდით ჩემს წასაყვანად. სიკვდილი მიჩვენია ჩანმრთელობის დაკარგვას!

რებიუფთასაც დამზრალი აქვს ფეხები, მაგრამ ის ამჯობინებს დაუყოვნებლივ დაეშვას და, რაც შეიძლება ჩქარა მიიღწიოს უღომდე. იგი იწყებს დაშვებას კუზისა და ლაშენალთან ერთად. შაცი კვლავ განაგრძობს ჩემზე მზრუნველობას, რისთვისაც უსაზღვროდ ადლობელი ვარ მისი. იგი იღებს თოკს ხელში და მეგობრულად წინ მიბიძგებს.

ერთბაშად ძალიან ციცაბო კალთა დაიწყო. თოვლის თხელი ფენა ყინულზე ნახევრად გაძლღვალა და ფეხს ვეღარ ვიკიდებ. ხშირად ვწყდები, მაგრამ, შაცი ყოველთვის მაჩერებს დაქიმულ თოკზე.

უფრო ქვევით, ფერდობზე განიერი ნაკვალევი მოჩანს. ეტყობა აქედან ჩვენი ამხანაგები პირდაპირ ჩასრიალდნენ მეთხე ბანაკისაკენ და ზეავი გამოიწვიეს, რომელმაც ჩაწმინდა კალთა. ამან გაარბო. ულა უიმისოდაც საკმაოდ ძნელი დაშვება. ბანაკში უმალვე მომცვიდნენ შერპები, რომლებიც ზეავით დაფარული კარვების ამოთხრით იყვნენ გართულნი. მათ შემოსედვაში იმდენი სიკეთე და თანაგრძნობაა, რომ პირველად ახლა შევიგნე, რამდენად სავალალო იყო ჩემი მდგომარეობა. კუთხეში ლაშენალი იზელს ფეხებს, ხოლო პანზი დროდადრო ამხნეებს მას და არწმუნებს, რომ დოქტორი-საპიბი აუცილებლად მოარჩენს.

მე ვაჩქარებ ხალხს, მთავარი მიზანია — სასწრაფოდ დავეშვათ. ჩანდაბას საჭურველი! უნდა დაეტოვოთ მწვერვალი მუსონის შემდგომ შემოტევამდე.

დაშვებულთა ბედს ორიოდ საათი წყვეტს. მე, ლაშენა-

ლსა და რებიუფას. აუცილებლად ვინმე უნდა გაგვყვეს. ვირჩევ აილასა და სარკეს. ვცდილობ, აუხსნა შერპებს, რომ მათ ძალიან მოკლე თოკით უნდა დამაზღვიონ. ლაშენალსა და რებიუფას, არ ვიცი რატომ, თოკში ჩაბმა არ სურთ.

ვიღრე ჩვენ ვეშვებით, შაცი, ანგ-თარკე და პანზი ზევით მიდიან, ტერაის ჩამოსაყვანად. შაცი ყოჩალია, სხვებს მცირეოდენი ინიციატივის გამოძღვენების უნარიც არა აქვთ.

ძნელი აღმართის ავლის შემდეგ მან შიადწია ტერაიმდე: — შეგიძლია, მოემზადო, მალე წავალთ, — ეუბნება იგი. — ფეხები მირჩება, — უპასუხებს ტერაი, რომელიც ახლა უფრო დამშვიდებულია.

— მე ნაპრალისაკენ გავივლი... მორისმა აპარატი ვერ ნახა. იქ კი ყველა ზემოთ გადაღებული ფოტოფირებია!

ტერაი არაფერს ამბობს, აზროვნება დაქვეითებული აქვს მხოლოდ რამდენიმე დღის შემდეგ შევაფასებთ ჩვენ შაცის გამირობას. მან დიდხანს ქეჩა თოვლი ქვაბულის ფსკერზე. ტერაი დელავს... ბოლოს შაცი დაბრუნდა და თან მოიტანა ფოტოაპარატი, რომელშიც მწვერვალზე გადაღებული ფირებია. მან იპოვა აგრეთვე ჩემი წერაყინი და სხვა ნივთები. მაგრამ კინო-აპარატი მაინც ვერ ამოთხარა. ამგვარად ფილმი თავდება 7 000 მეტრის სიმაღლეზე გადაღებული კადრებით.

დავიწყეთ დაშვება. ანგ-თარკეს გასაოცრად უჭირავს თავი. იგი მიდის წინ და კრის მოხერხებულ საფეხურებს ტერაისათვის. შაცი ყველაზე ბოლოს ეშვება და საიმედოდ აზღვევს მთელ ჯგუფს.

პირველი ჯგუფი, რომელშიც მე ვარ, მეტისმეტად ნელა ეშვება. თოვლი რბილია და მუხლებამდე ვეფლობით. ლაშენალი სულ უფრო უარესად ხდება. იგი ხშირად ჩერდება, ფეხებს უჩივის. რებიუფა რამდენიმე მეტრზე მომყვება.

უჩვეულო სიციხე გვაშინებს. მეშინია, სწორედ აქ არ დამთავრდეს ანაპურნის ისტორია. ამბობენ, მთამსვლელები შეეჭვსე გრძნობას ფლობენ, რომელიც წინასწარ აცნობებს მათ საშიშროების მოახლოებას. ახლა მე მთელი ჩემი ძრსებით ვგრძნობ ამ საშიშროებას. თითქოს რაღაც უჩვეულო რამ ხდება ატმოსფეროში. წინააღმდეგობა ძლიერ თოვდა, ახლა კი სიციხე ალღობს ამ კოლოსალურ თოვლის მასას, რომ-

მელიც მზადაა ჩამოზვავდეს. ევროპაში არაფერს არ შეუძლია წარმოდგენა მოგვეცეს ასეთი ზვავიზის სიმძლავრეზე. მათ არაფერი არა აქვთ საერთო ალპების ზვავებთან. ესენი მოდიან რამდენიმე კილომეტრიანი ფრონტით, ხოლო წინ მოუძღვის ყველარის აღმგველი დამკვრელი ტალღა.

თოვლის ანარეკლი სხივები ისე ძლიერია, რომ უსათვალოდ თვალის გახელა შეუძლებელია. მწვერვალი ესოდენ დიადი ჯერ არასოდეს ყოფილა როგორც ამ უქიღურესი საფრთხის წუთებში. საბედნიეროდ, ჩვენ საკმაოდ შორსა ვართ ერთმანეთი-საგან: საფრთხეც რამდენადმე ნაკლებია.

შერბებს გზა დავიწყებით, წამდაუწყებლად გავდივარ წინ დიდი გაჭირვებით და ვეშვები თოკის მთელ სიგრძეზე მოხერხებულ ადგილამდე. წრიაპები არა მაქვს. წერაყინის ხელში დაქერა არ ძალმიძს. როგორც მე მეჩვენება, მეტისმეტად ნელა ვეშვებით. ნერვები მეშლება, რომ შერბები ასეთი ზოზინები, ზედმეტად ფრთხილნი და, ამავე დროს, ესოდენ მერყევენი არიან. ნამდვილად კი მშვენივრად მოდიან, მაგრამ მე მოუთმენლობით ვიწვი და არ შემძლია მიუდგომლად შეეაფასო მათი შესაძლებლობანი.

ლაშენალი ძალიან ჩამორჩა. ყოველთვის, როდესაც უკან ვიხედები, მას ფერდობზე მჭდომს ვხედავ. თუმცა ისე ძლიერად არა, როგორც რებიუფამ და ტერაიმ, მაგრამ მანაც დაიწვა თვალები და ეს ხელს უშლის უყოყმანოდ შეარჩიოს გზა. რებიუფა ალაღბებულზე მოძრაობს. სახეზე ტანჯვა აქვს აღბეჭდილი. მიუხედავად ამისა, იგი ჭიუტად მიიწევს წინ. კულუარი ყოველგვარი შემთხვევების გარეშე გავიარეთ და მიხარია, რომ ეს საშიში უბანი უკან დარჩა.

მზე ზენიტშია. საუცხოო ამინდია, ფერები — გასაოცარი.

უეცრად შერბების ფეხქვეშ ნაპრალი გაჩნდა, გამოიყო კალთის კოლოსალური მონაკვეთი, ნაპრალი კიდევ უფრო გაგრძელდა და გაგანიერდა. თავში უცნაურმა აზრმა გამიელვა: გავიქცე აღმა ფერდობზე, მივალწიო საიმედო თოვლამდე... უცებ რალაც არაადამიანურმა ძალამ ამიტაცა. შერბები გაქრნენ მხედველობიდან. თავდაყირა მივექანები... ვერაფერს ვხედავ... ვეჭახები თავით ყინულს... ყოველი ღონით ვცდილობ, მაგრამ სუნთქვა არ ძალმიძს. მკვეთრი დარტყმა მარცხენა

ბარძაყზე მწვავე ტკივილს მაყენებს. მუყაოს ჯამბაზივით ყირაზე გადავდივარ... თვალწინ, მოკიაფე თოვლში, ელვასავით დამაბრმავებლად ბრწყინავს მზე... თოკი, რომელიც მაერთებს სარკესა და აილასთან, კისერზე მიჭერს. სადაცაა დამახრჩობენ შერპები, რომელნიც უფრო ქვემოთ მიგორავენ, კალთაზე-ტკივილის ატანა აღარ შემიძლია.. სული მეხუთება! განუწყვეტლივ ვეჩახები ყინულს, რომელიც ერთი სერაკიდან ძეორისაკენ მისვრის... თოვლი მახრჩობს... უეცრად თოკი მკვეთრად დაიჭიმა და შეეჩერდი. საბ-ლოოდ ჯერ გონს ვერ მოვსულვარ და ვიწყებ უნებ-ლიეთ შარდვას.

ვახელ თვალებს. თავდაყირა ვკიდივარ. თოკი მოდებული მაქვს კისერზე და მარცხენა ფეხზე. დაკიდებული ვარ უფსკრულის თავზე, რომელიდაც ყინულის ხვრელში. განზე ვწევ იდაყვებს,



ვცდილობ შევწყვიტო აუტანელი ქანაობა, რომელიც ერთი კედლიდან მეორისაკენ მისვრის. ჩემს ქვემოთ კულუარის ქვედა კალთა მოჩანს. სუნთქვა აღმიდგა, რა ბედნიერებაა, რომ თოკმა გამიძლო!

აუცილებლად უნდა გავაღწიო აქედან. ხელ-ფეხს ველარა ვგრძნობ, მაგრამ შეიძლება კედლის მცირეოდენ უსწორმასწორობათა გამოყენება, სადაც ლანჩის კიდე მოთავსდება. რამდენიმე მკვეთრი გაკვრით ვითავისუფლებ მარცხენა ფეხს თოკისაგან. დიდი გაჭირვებით ვახერხებ შებრუნებას და ავდივარ რამდენიმე მეტრზე. არაქათგამოლეული ყოველი მოძრაობის შემდეგ ვჩერდები. ერთი წუთის შემდეგ შესაძლოა სულ მოვწყდე და ყველაფერი გათავდება.

კიდევ ერთი შეუპოვარი შეტევა: კიდევ რამდენიმე სანტი-  
მეტრი! ვეწვევი თოქს... ვგრძნობ მეორე ბოლოში რაღაც  
რბილს, ალბათ შერპების სხეულებია. ვყვირი... მაგრამ ძალზე  
სუსტად...

პასუხად სამარისებური სიჩუმეა.

გასტონი სადღაა?

რაღაც ჩრდილი დამეცა, თითქოს ღრუბელმა გადაიარაო.  
ინსტინქტურად ავიხედე ზევით... სასწაულია!

ორი შეშინებული შავი სახე მკაფიოდ გამოიკვეთა მტრე-  
ლისფერი ცის ფონზე: აილა და სარკე!

შერპები ჯანსაღი და უვნებელნი არიან, ჩემ შველას აპი-  
რებენ. მე მცირეოდენი რჩევის მიცემაც არ ძალმიძს მათთვის.  
აილა უჩინარდება, სარკე რჩება ხვრელის თავზე. ძალიან  
ფრთხილად ეწევიან თოქს, რომ არაფერი მატყინონ. მათი სიმ-  
ტკიცე და ძალა მეც მამხსევებს. ბოლოს ამოვძვერი ხვრელი-  
დან და დავეცი თოვლზე.

საბედნიეროდ, ვარდნის დროს თურმე მე და შერპებმა გა-  
ვანონასწორეთ ერთმანეთი. თოკი გაიჰვდა ყინულის პატარა  
თხემზე და ჩვენ მის ორივე მხარეს დავეკიდეთ. შემთხვევა  
რომ არა, კიდევ ხუთას მეტრზე ვიფრენდით. ჩვენს ირგვლივ  
ყველაფერი გადაუბრუნებია ზეავს. სად არის რებიუფა? სა-  
ზარელმა შიშმა შემიაპყრო. იგი ჩაბმული არ იყო... თავი ავწიე  
და ჩვენგან ასიოდე მეტრზე რებიუფა დავინახე.

— ყველაფერი რიგზეა! — ყვირის იგი.

გულზე მომეშვა, მაგრამ პასუხის მიცემა არ ძალმიძს. ვწე-  
ვარ თოვლზე ნახევრად უგონოდ და უაზროდ შევცქერი გა-  
რემომცველ ქაოსს.

ჩვენ ას ორმოცდაათ მეტრზე მეტი გვიფრენია. აქ დარჩე-  
ნა ძალზე სახიფათოა! მეორე ზეავი რომ წამოვიდეს? შერ-  
პებს ვეუბნები:

— Now... Doctor Sahib... Quick, very quick!!

ვცდილობ ხელის მოძრაობით ავუხსნა, ვუჩვენო, რომ და-

---

<sup>1</sup> ახლა... დოქტორ-საკიბი... ჩქარა, ძალიან ჩქარა!

ლიან საიმედოდ უნდა დამიჭირონ. ვიგრძენი, რომ მარცხენა ხელი დამიზიანებია, ვერ ვანძრევ, ვერც ვხრი იდაყვში. მოტეხილობაა? შესაძლოა, მოგვიანებით გამოჩნდება! ახლა კი ჩქარა უდოსაკენ!

რებიუფა იწყებს დაშვებას. იგი მიაბიჯებს ხელის ცეცებით და ძალიან ნელა. მის შეხედვაზე გული მეკუმშება. ისიც ზევა-თან ერთად მიჰქროდა და ალბათ სახით ყინულს მიეჯახა, ტუჩები დასისხლიანებული აქვს. სათვალე დაუკარგავს. მეც დამეკარგა სათვალე და იძულებულნი ვართ თვალდახუჭულებმა ვიაროთ. აილას აღმოაჩნდა წყვილი სათადარიგო სათვალე, რომელიც სწორედ საუკეთესოდ მომერგო. სარკემ უყოყმანოდ მისცა თავისი სათვალე რებიუფას.

ერთი წამის დაკარგვაც არ შეიძლება. სასწრაფოდ ქვევით! შერპები მეხმარებიან წამოდგომაში. გაჭირვებით მივიწივ და ძლივს ვინარჩუნებ წონასწორობას. ბოლოს შერპები ხედებიან, რომ უნდა დამაზღვიონ. გვერდს ვუვლით უბანს, სადაც ზეაუმა ჩაიარა. მალე ისევ ჩნდება ნაკვალევი.

ჩვენ წინ პირველი კედელია. როგორ დავეშვათ მასზე? ხელმეორედ ვთხოვ შერპებს, რაც შეიძლება კარგად დამაზღვიონ:

– Take me up strongly because...!

– Yes, Sir, — ბეჯითი მოწაფეებით მიპასუხებენ ისინი.

მივიღივარ პალომდე. აქედან კედლის გასწვრივ დაკიდებულია თოკი. მას უნდა მოვეჭიდო, სხვა გამოსავალი არაა. მძიმე განსაცდელია! გახევებული თითებით ვკაწრავ ყინულის კედელს. დაბუყებული ხელებით წვრილი თოკის დაჭერა არ ძალმიძს. ვცდილობ მოვიხვიო იგი ხელის მტევნებზე. მაგრამ ორივე დასიებულია, რამდენიმე ადგილას კანი დამსკდარა. ტყავის ვეებერთელა ნაფლეთები მძვრება და თოკს ეკრობა. ხორცი შიშვლდება. მაინც უნდა განვაგრძოთ. შუა გზაზე ხომ ვერ გავჩერდებით!

– Ail! Pay Attention!.. Pay Attention!..<sup>2</sup>

ხელის მტევნების გასათავისუფლებლად თოკს ვუშვებ წინამხარზე და ამგვარად ხტომა-ხტომით ვეშვები. ბოლოს ვბტე-

<sup>1</sup> დამიჭირეთ უფრო მაგრად, თორემ...

<sup>2</sup> აილა! ყურადღება! ყურადღება!

ბი, დაახლოებით ერთი მეტრის სიმაღლიდან. თოკი მიგრებს წინა მხარსა და მაჯას. მკვეთრი დახტომა გავლენას ახდენს ბარძაყებზე. უცნაური ტკაცანი მაიძულებს ვიფიქრო, რომ რაღაც მოვიტეხე. ალბათ მოყინულობის გამო ვერა ვგრძნობ ტკივილს.

უკან რებიუთა და შერპები მომყვებიან და განვაგრძობთ დაშვებას. გზა დაუსრულებლად, ხოლო პლატო და მეორე ბანაკი წარმოუდგენლად შორს მეჩვენებიან. ჩემი ძალები ამოიწურა, ყოველ წუთს მზადა ვარ დავნებდე, რისთვისღა ვიბრძოლო? ახლა ჩემთვის ყველაფერი გათავებულია. სინდისი დამშვიდებული მაქვს, ყველანი გადარჩნენ. უჩემოდაც ჩავლენ... ვხედავ შორს... შორს, ქვემოთ, კარვებია... ვიკრებ უკანასკნელ ძალ-ღონეს. კიდევ საათი, მხოლოდ ერთი საათი! ვაძლევ ჩემს თავს ამ ვადას, ხოლო შემდეგ, სადაც არ უნდა ვიყო, დავწვები თოვლზე ბედნიერი, ყველა საზრუნავისაგან თავისუფალი და მშვიდად მივიძინებ.

ეს გადაწყვეტილება მამხნევებს. შეუჩერებლივ მივსრიალებ. ასეთ ფერდობზე შერპები გაქირვებით მამაგრებენ. ეს სასწაული ყოველ წამს მეორდება. ნაკვალევი უფსკრულის თავზე წყდება... მეორე ყველაზე დიდ კედელზე თოკია დაკიდებული. ვცდილობ შევურიგდე გარდაუვალს, მაგრამ წარმოდგენაც კი არ შემიძლია, როგორ დავეშვები. ვიხდი ხელთათმანს ცალ ხელზე და წითელი აბრეშუმის შარფს მეორეზე. ამჯერად ყველაფერს ჩავდივარ ფსონში — მით უარესი თითებისათვის!

ვტოვებ სარკესა და აილას იმ ადგილზე, საიდანაც, ჩვეულებრივ, მე ვაზღვევდი მათ. ორივეს ერთად, ერთიმეორეზე მიბჯენილებს უჭირავს დამზღვევი თოკი. ვცდილობ ხელი ჩავავლო დაკიდებულ თოკს. არავითარი დაზოგვა! ვათავსებ მას ცერსა და საჩვენებელ თითს შორის... ორივე ხელიდან სისხლი მდის. ვიწყებ დაშვებას. მაშინვე მტანჯველი ალტერნატივა წარმოიშვება: თუ თოკი გავუშვი, ყველანი ქვევით ჩავცვივდებით, თუ დავიკირე, რალა დარჩება ჩემი ხელებიდან? მაინც ვიჭერ!

თითოეული სანტიმეტრი აუტანელ ტკივილს მაყენებს, მაგრამ მტკიცედ გადავწყვიტე, ანგარიში არ გავუწიო. ჩემი ხელი-



ბის შესახებ დაობა გონებას მიმღვრევს. გაშიშვლებული ხორცი ღია წითელი ფერისაა, თოკი სულ მთლად გასისხლიანებულია. ვცდილობ, მთლიანად არ მოვგლიჯო კანის ნაფლეთები: წარსულში მომხდარმა უბედურმა შემთხვევებმა მასწავლა, რომ საჭიროა ამ ნაფლეთების გულმოდგინედ მოფრთხილება, კრილობა უფრო ჩქარა შეუძება. ვცდილობ, შეძლებისდაგვარად, დავიცვა ხელები, რისთვისაც თავს ვიმუხრუქებ მუცლით, მხრებით, ყველა შესაძლებელი საყრდენი წერტილებით. როდისღა მოელება ბოლო ამ წამებას?

ვალწევ ყინულის ლავგარდანამდე, რომლის კიდე მე თვითონ მოვჩეხე წერაყინით, ასელის დროს. ვაქნევ ფეხებს და ვცდილობ მოვსინჯო მოედანი. აფსუს! ირგვლივ ყინულია. თოვლის ფიფქიც არსადა ჩანს. ჭერ ვერ მივწვდი მოედანს. სასოწარკვეთილი ხმამაღლა ვეძახი შერბებს:

– Quick... Aila... Sarki!..

დამზღვევი თოკი უფრო ჩქარა ეშვება და ხახუნი ძლიერდება.

ხელები საშინელ მდგომარეობაში მაქვს. მგონია, რომ ხორცი მთლად ამძვრალია. ბოლოს ფეხით რაღაც დაბრკოლებას წავაწყდი: ეს ნაპრალია! აჰა, მაინც ჩამოვალწიე! ახლა კვლავ დამზღვევ თოკზე უნდა ჩავცოცდე, სულ სამი მეტრია, მაგრამ რა ძნელი!.. ახლა კი მორჩა!.. წელამდე თოვლში ჩაფლული ვწვევარ გაწამებული და არ ვფიქრობ დროის სვლაზე.

რებიუფა და შერბები უკვე მოვიდნენ ჩემთან. ოღნავ ავწიე ქუთუთოები და მეორე ბანაკის კარებთან მოძრავი შავი წერტილები დავლანდე. სარკემ ორი შერპი დამანახა, რომლებიც ჩვენს შესახვედრად ამოდიან: თუმცა ჭერ შორს არიან, მაგრამ მათი დანახვა მაინც მამხნევებს.

დროდადრო ადგომა და თოვლის დაბერტყვა მიხდება. მოძრაობა სულ უფრო და უფრო მტანჯველია, მგონია, რომ მოყინულობამ უკვე იდაყვებსა და კანკებს მიადწია. თუმცა მოღრუბლული ამინდია, მაგრამ სარკე სათვალეს მიკეთებს და მარჯვენა ხელზე ხელთათმანს მაცემევს. მარცხენა ხელი ისე დამახინჯებული მაქვს, რომ მის დანახვაზე სარკე ცუდად ხდება და ჩქარობს შემოახვიოს ჩემი წითელი აბრეშუმის შარფი.

განვაგრძობთ კომპარულ დაშვებას. ყოველი ნაბიჯი უკა-

ნასკნელი მგონია. ჩვენს გვერდით ნისლი მიჰქრის. დროდადრო მის სარკმლებში ქვემოდან მომავალი შერპების სილუეტები მოჩანან. აი, მათ მიაღწიეს ზევის კონუსის ძირამდე, მაგრამ რატომ გაჩერდნენ? მე ხელახლა ვვარდები სასოწარკვეთილებაში.

ისევ თოვს. წინ კიდევ გრძელი სავალი გვაქვს ძნელი კალთით, არცთუ ისე საიმედოდ დაზღვეულთ. კონუსი ორმოცდაათ მეტრზეა. შერპები სწრაფად გვიახლოვდებიან. უკვე ვცნობ ფუთარკესა და ანგავას. მათ ეშინიათ, რაიმე სამწუხარო ამბები არ გაიგონონ. ანგავა ალბათ თავის ძმებზე — აილასა და პანზიზე ღელავდა. აილა ჩვენთანაა. მას შეუძლია თავისი თვალთ იხილოს იგი სალ-სალამათი. პანზი სადღაა?

შორიდანვე შევეხმიანეთ ერთმანეთს და როცა მოვიდნენ, მათ თითქმის უკვე ყველაფერი იცოდნენ. შევებით ამოვისუნთქე, განუზომელი სიმძიმე მომეხსნა, ისეთი სიმძიმე, რომელიც ასე მეგონა, სადაცაა გამსრესს-მეთქი. ფუთარკე ჩემ გვერდითაა. სინაზითა და თანაგრძნობით სავსე ღიმილით შემომცქერის. ვინ უწოდა მათ „პრიმიტიული ადამიანები?“ ვინა თქვა, რომ ცხოვრების მძიმე პირობებმა სიბრალულის გრძნობა ჩაუკლავ მათ? შერპები მორბიან ჩემთან, იხსნიან ზურგჩანთებს, ხსნიან მათარებს...

თუნდაც ორი ყლუპი, მეტი არა! რამდენი ხანია, ამაზე ვოცნებობდი!

ფუთარკე თვალს ავლებს ჩემს ხელებს და დაბნეულად არიდებს მზერას. უსაზღვროდ დანადვლიანებული ჩურჩულებს:

— საბრალო ბარა-საჰიბი!

შერპების მოსვლა მხნეობას მმატებს.

ახლა მეორე ბანაკი უკვე შორს აღარაა. ფუთარკე ხელს წამაშველებს, ხოლო ანგავა ორივეს დაგვაზღვევს.

ფუთარკე ჩემზე დაბალია, ვხვევ კისერზე ხელს და მის მხრებზე დაყრდნობილი მაგრად ვეკრობი. მისი სიახლოვე შევბას მგვრის, მისი სხეულის სითბო ძალას მმატებს.

მოდრაობის კოორდინაცია დარღვეულია, მივდივარ არათანაბარი ნაბიჯით და სულ უფრო და უფრო ვაწვეები ფუთარკეს. მეყოფა კი ძალა, თუნდაც მისი დახმარებით ბოლომდე მო-

ვადწიო? ვიკრებ ნებისყოფის უკანასკნელ ნაშთებს. ვემუდარები ფუთარკეს, დამეხმაროს. ის მხსნის სათვალეს: ახლა უკეთ ვხედავ. კიდევ რამდენიმე ნაბიჯი... უკანასკნელი...



მარსელ იშაკმა, რომელიც ორი დღის განმავლობაში დურბინდით თვალს გვადევნებდა მეორე ბანაკიდან, გულმოდგინედ ჩაიწერა თავისი დაკვირვებანი. აი, რამდენიმე ამონაწერი მისი დღიურიდან:

შაბათი, 8 ივნისი!—მეორე ბანაკი: უღო და ნუაელი გადიან 9 საათზე;<sup>2</sup> 10 საათსა და 30 წუთზე ნუაელი უკან ბრუნდება. შესაძლოა, ჟანგბადის გამოყენებამ ვერ გაამართლა მოლოდინი? ნაკლები ხომ არაა მიწოდება ნილაბში<sup>3</sup> უღო და სამი შერპი ძალიან ნელა აღიან კონუსზე.

ამ დროს მე დამალობანას ვეთამაშები ღრუბლებს: ვაკვირდები მათ თეოდოლიტით და დურბინდით, თვალს ვადევნებ „ნამგლის“ სერაკების ზემოთ მყოფ წყვილებს. ესენია ლიონელი და რებიუფა, შემდეგ კი კუზი და შატი.

მორისი არ ჩანს. ის ალბათ სადმე მწვერვალისწინა კალთებზეა. ისინი უფრო დამრეცია და აქედან არ ჩანს. ძლიერი მიწისპირა ქარია. მაგრამ ამჟამად მორისი უკვე ახლო უნდა იყოს მწვერვალთან. შესაძლოა კიდევაც...

კვირა, 4 ივნისი. მოღრუბლულია. შუალამისას ხოშკაკალა წამოუშინა, მერე თოვა დაიწყო. ჩრდილოეთის ძლიერმა ქარმა დაუბერა. ანაპურნა ნისლში გაუჩინარდა. დავიღალე. შიშმა შემიპყრო, ნეტავ რა შეემთხვათ ჩვენებს?

შუადღემდე უკვე ოცი სანტიმეტრი ახალი თოვლი დადო. წამდაუწუმ ზვავები მოდის. ირგვლივ არაფერი ჩანს.

<sup>1</sup> ამ დღიით მე და ლაშენალი მეხუთე ბანაკიდან მწვერვალ ანაპურნას მიმართულებით გავდიოდით.

<sup>2</sup> უღოსა და ნუაელს განზრახული ჰქონდათ ასულიყვნენ მესამე ბანაკში და იქ, გასტონისა და ლიონელის მიერ წაღებულის ნაცვლად, კარვები გაემართათ. უღოსათვის ეს ასევე იყო ჟანგბადის გამოყენების ეფექტიანობის მნიშვნელოვანი გამოცდა.

16 საათზე შემოგვესმა ხმები. ასიოდე მეტრზე ბანაკის ქვემოთ გამოჩნდა ოთხი სილუეტი: უდო და სამი შერპი. ალბათ ისინი წელამდე ეფლობიან თოვლში. რა შეგვიძლია გავაკეთოთ მათთვის? წყალი მაინც უნდა გავუთბოთ.

მესამე ბანაკს მათ მიაღწიეს გუშინ 19 საათზე. დღეს უდო მთელი დილა კარავში იჯდა. 13 საათისათვის ამინდი გაუარესდა. აჯიბამ უთხრა უდოს:

— ეს მუსონია, თუ აქ დავრჩით, სიკვდილი მოგველის!

ორშაბათი, 5 ივნისი. ნეტავი იმაზე უკეთ დამთავრდება თუ არა ეს დღე, ვიდრე დაიწყო? რამდენი მღელვარება განვიცადეთ!... იყო წუთი, როდესაც მეჩვენებოდა, რომ რვა კაციდან, რომლებმაც 30 მარტს ლე-ბურჟე დავტოვეთ, მხოლოდ მე და უდო დავრჩებოდით ცოცხალი!

6 საათზე მომესმა ყვირილი და კარვიდან გამოვედი: მრისხანე ღრუბელთა შორის მზე ამოდის. არაფერი ჩანს. ვუბრუნდები ჩემს საძილე ტომარას, მაგრამ იმწამსვე მკაფიოდ მესმის ორი მოწოდება: დურბინდით ყინულოვან კალთაზე ორი კაცი მოჩანს. ისინი მეოთხე ბანაკის სიმაღლეზე არიან, მაგრამ გაცილებით უფრო მარცხნივ. თითქმის განუწყვეტლივ ყვირიან და ხელებს იქნევენ. ვინ არიან? უდო ამბობს, რომ კუზი და შაცი არიან. მათი უძრავობა, განსაკუთრებით ერთი მათგანისა, გვაშფოთებს. ალბათ ფეხები აქვთ მოყინული. რისილა იმედი აქვთ?.. ჩვეულებრივ პირობებში, კარგ ამინდში, მათთან მისაღწევად საჭიროა არანაკლებ ათი საათისა. ახლა კი მუსონი განუწყვეტლივ გვიტევს... ღრმა თოვლია... ყვირილი არ წყდება, საქმე ცუდადაა. სადღაა დანარჩენი რვა? უფრო ახლოს მწვერვალთან? მეოთხე ბანაკში ახლა ალბათ ყველაფერი რიგზე არ არის, მაგრამ რატომ არ ეშვებიან მესამე ბანაკში?

8 საათი: უდო მაშველ რაზმს ამზადებს. ყინულის პალოები და სხვა საჭურველი არა გვაქვს საკმარისი. ნუაელი და აჯიბა მიდიან პირველ ბანაკში (საჭურველის შესავსებად და დეაქტონდუბისათვის). შერპები ძალიან ლელავენ: სამნი ერთი ოჯახიდან არიან: პანზი, აილა და ანგავა.

8 საათი და 30 წუთი: ყვირილი გრძელდება. ყოველშემ-

თხვევისათვის თოვლზე ვწერ ასოებს „Vu“<sup>1</sup>. რამდენიმე წუთის შემდეგ ერთი კაცი სწრაფად მიდის სერაკებისაკენ, რომლების ქვემოთ მეოთხე ბანაკი უნდა იმყოფებოდეს. ჰორიზონტალით სამას მეტრზე მიახლოებისას იგი ჩერდება, აძლევს სიგნალებს და უკანვე ბრუნდება. დანარჩენები თითქოს განსაკუთრებული სიძნელის გარეშე, დგებიან და მიდიან მეოთხე ბანაკზე გავლით. ახლა ისინი ორნი კი არა, ოთხნი არიან.

ამრიგად, იქ სულ ოთხნი არიან, მეხუთე კი ისაა, ვინც გამოეგება, ამას მიუმატეთ ამ უკანასკნელის ამხანაგი, თუ ამხანაგები! მეოთხე ბანაკის ადგილმდებარეობა „ნამგლის“ ძაბრთან უკეთესადაა დაცული და აქედან სწრაფად შეიძლება დაშვება მესამე ან მეორე ბანაკში. ზევეებიც სწორედ ახლა შეწყდა.

**9 საათი და 30 წუთი:** მოჩანს ნუაელი, მან მიაღწია პირველ ბანაკს.

**10 საათი:** ბოლოს „ნამგლის“ ძაბრში გამოჩნდა სამი კაცი, ისინი მესამე ბანაკისაკენ ეშვებიან (ერთი საჭიბი და ორი შერპია?) დასავლეთის ქარია. რაღაც სასწაულით კიდევ გრძელდება კარგი ამინდი. ანაპურნამ ჩამოიბერტყა ღრუბლები. ოღონდაც ასეთი ამინდი იქნებოდეს!

**11 საათი:** გამოჩნდა ორი კაცი, რომლებიც სწრაფად ეშვებიან პირველი ჯგუფის ნაკვალევზე. ჩაუბმელნი არიან, ალბათ საჭიბებია. თუ ასეთი სიჩქარით იარეს, საღამომდე აქ იქნებიან. ბოლოს და ბოლოს ყველაფერს გავიგებ!..

**11 საათი და 15 წუთი:** ვიღაც გამოჩნდა სწორედ იმ ადგილას, სადაც დილით დავინახეთ მეხუთე ბანაკისაკენ მიმავალი კაცი. იგი გაჩერდა და აშკარად ზევით იყურება. ეს რამდენადმე კარგი ნიშანია, რადგან ცხადია, ეს კაცი მეოთხე ბანაკში მარტოკა არ არის. ამგვარად, ის და მისი (ნავარაუდევო) ამხანაგი ეს უკვე ორია. სამი და ორი — ხუთი კაცი ეშვება, სულ კი შვიდია. ათიდან — შვიდი. თითქოს სადღაც უფრო მაღლა კიდევ ერთი ჩაბმა უნდა იყოს.

**12 საათი და 20 წუთი:** თვალს ვადევნებ ოთხკაციან ჯგუფს, რომელიც ტრავერსით გადადის მეტად ციცაბო კალთაზე მესამე ბანაკის ზემოთ. ერთი ჩამორჩენილი მარტოკა მისდევს მათ.

<sup>1</sup> დავინახეთ.



შემდეგ ძალიან მალა, კიდევ ერთი, რომელიც ეს-ეს არის გამოვიდა. მეოთხე ბანაკიდან და ძალიან ჩქარა ეშვება: იქნებ ეს ერთი იმათგანია, ვისაც მე ცოტა ხნის წინ ვხედავდი? უეცრად, მათ ფეხებქვეშ, ვინც მესამე ბანაკს უახლოვდებოდა, ვულკანის ამოხეთქვის მსგავსად თოვლის ღრუბელი ჩაიქცა. აღამიანები უწესრიგოდ, ყირამალა გადადიან და მიჰქრიან ფერდობზე. ზოგი ქვემოთ მიექანება: თოვლზე უძრავად წევს სამი კაცი, ის, ვინც ყველაზე ქვემოთაა (ორმოც მეტრზე ჩაიქროლა!), ადგა და აღმა გაემართა ფერდობზე, შემდეგ გამოჩნდა კიდევ ორი, როცა მათ ასვლა დაიწყეს, უკან მეოთხეც გამოჩნდა... მადლობა ღმერთს, ყველა ცოცხალია!

ჩვენი შერკები მიხვდნენ, რაც მოხდა. ანგავა და ფუთარკე გადიან შესახვედრად, რათა სათადარიგო წერაყინები და სათვალეები მიაშველონ მათ — ვარდნის დროს დაკარგულების ნაცვლად. დაზარალებულნი განაგრძობენ დაშვებას, 15 საათზე ზვავის კონუსის ზედა ნაწილში ისინი ხვდებიან ორ შერკს. ძლივს! მალე ყველაფერს გავიგებთ!

\* \* \*

მეორე ბანაკის კარგები სულ ახლოსაა... იშაკი, ნუაელი და ულო ჩვენკენ მოეშურებიან. მოთმინება არ მყოფნის, სანამ ვაუწყებლდე მათ სასიხარულო ამბავს. აღელვებით ვუყვირი:

— ანაპურნიდან ვბრუნდებით... გუშინწინ მე და ლაშენალი მწვერვალზე ვიყავით!

და მცირე პაუზის შემდეგ:

— ხელ-ფეხი მაქვს მოყინული..

ყველანი მეხმარებიან, იშაკი რალაცას მაწვდის, ნუაელი ხელს მკიდებს, ულო უკვე მსინჯავს...

<sup>1</sup> სინამდვილეში — ას ორმოცდაათი მეტრი.

ჩემი როლი დამთავრდა, ჩვენ მივალწიეთ წარმატებას და ვიცი, რომ ყველა ამხანაგი მალე აქ იქნება.

გადავრჩით! ანაპურნა დავიპყარით და დავეშვიტ. ახლა ინიციატივა თავის თავზე უნდა აიღონ ჩემმა ამხანაგებმა და პირველ რიგში, უდომ, რომელზეც ვამყარებთ მთელ იმედებს. მთლიანად მათ ხელთა ვარ. ვენდობი მეგობრების ერთგულებას. ჩემთვის ახლა მნიშვნელობა აქვს მხოლოდ ჩვენს მიერ მოპოვებულ გამარჯვებას, რომელიც სამუდამოდ დარჩება ჩვენს გულებში, როგორც გაცისკროვნებული სიხარული და უზომო ნუგეში.

ახლა სხვებმა უნდა ითავონ შინდაბრუნების ორგანიზება და ჩავეყვანონ საფრანგეთის მიწაზე.

ამხანაგები ფუსფუსებენ ჩემს ირგვლივ. მხდიან ხელთათმანებს, საშტორამო ტანსაცმელს, მაწვენენ ჩემთვის მომზადებულ კარავში. ყველაფერი ეს სავსებით მაკმაყოფილებს. ასეთი ცხოვრება ხანგრძლივი არ იქნება, მაგრამ ამჟამად იგი სასიამოვნო და მოხერხებულაა. მიუხედავად ამინდის გაუარესებისა, მალე გამოჩნდნენ დანარჩენებიც. ჯერ მოდის რებიუფა მას მოყინული აქვს ფეხის თითები და ძალიან უჭირს მოძრაობა. მისი დასისხლიანებული ტუჩები და გაწამებული სახე მძიმე შთაბეჭდილებას ახდენს. ჩემსავით მასაც სასწრაფოდ ხდიან და პირველი დახმარების აღმოჩენამდე კარავში აწვენენ.

ლაშენალი ჯერ კიდევ შორსაა. როგორ შეძლო გატანჯულმა, დაბრმავებულმა, მოყინული ფეხებით მძიმე და სახიფათო გზის გამოვლა? დაშვებისას მას დაეწია კუზი, რომელიც წაებმარა სიარულში, ლაშენალი დაჭდა და სრიალით გადადიოდა პატარა ნაპრალებზე. კუზი, თვითონ საშინლად დაქანცული, მაინც დიდ დახმარებას უწევდა მას.

მათ სულ ახლოს მოჰყვება ლიონელი. ტერაი ჩაბმულია ჯერ კიდევ ძალიან ღონიერ შაცთან. პატარა ჯგუფი ბანაკს უახლოვდება. წინ ლიონელია.

მარსელ იშაკი მიდის მის შესახვედრად დიდი კონუსისაკენ. ტერაის გამოჩენა დრამატიზმითაა აღსავსე. სრულიად დაბრმავებული, მთლიანად ანგ-თარკეზე დანდობილი მოდის. გრძელწვერმოშვებული სახე ტკივილისაგან დამანქვია და დამახინჯე-

ბია. ეს ძლიერი ადამიანი, ეს ვაჟკაცი ძლივს ადგამს ფეხს და  
შახის:

— მაგრამ მე კიდევ ბევრი ძალა მაქვს. რომ ვხედავდე,  
თვითონ ჩამოვიდოდი.

ნუაელი და უდო შეძრწუნებულნი არიან მისი შესახედაო-  
ბით. ყოველთვის ესოდენ ძლიერი, როგორი გატანჯული და  
უმწეოა იგი ახლა! ეს საშინელი სანახაობა სულს უფორიაქებს  
შათ.

ტერაის მოსვლისთანავე ერთიმეორის მიყოლებით მო-  
დიან შაცი, კუზი და, ბოლოს, ლაშენალი. უკანასკნელი თით-  
ქმის მოაქვს ორ შერპს. იგი უწესრიგოდ ისვრის წინ ფეხებს  
და შორიდან ისეთ შთაბეჭდილებას ქმნის, გეგონება სიცარიე-  
ლეში პედლებს ატრიალებსო. უკან გადაგდებული თავი შეხ-  
ვეული აქვს. არაადამიანური ტანჯვისა და უსაზღვრო დაღლი-  
ლობისაგან სახე დამახინჯებია. საეჭვოა, რომ მას კიდევ ერთ  
ხაათზე მეტი გაეძლო. მანაც ჩემსავით თავის თავს მოკლე ვა-  
და დაუნიშნა და ეს დაეხმარა მას მიზნამდე მიეღწია. მიუხე-  
დავად ყველაფრისა, ჩვენი ბისკანტი პოულობს ძალას, რომ  
უთხრას იშაკს:

— გსურს იხილო, როგორ ჩამოდის ჰიმალაიდან შამონელი  
მეგზური?

პასუხის ნაცვლად მარსელ იშაკი აწვდის მას აღრენალინით  
გაუღენთილ შაქრის ნატეხს. ტერაი ეძებს კარავს ცხვირწინ, ოც  
სანტიმეტრზე. გული გტკივა, როცა უყურებ, როგორ იწვდის  
იგი ხელებს დაბრკოლებათა მოსასინჯად. მას ეხმარებიან, აწ-  
ვენენ, ლაშენალიც იშოტება გასაბერ ლეიბზე.

---



## უკან გაშვება

ქ ხლა უკვე ყველანი ჩამოვიდნენ და მეორე ბანაკში შეიკრიბნენ. მაგრამ, რა მდგომარეობაში! ინიციატივა ახლა უდოს ეკუთვნის. იგი სახელდახლოდ გვსინჯავს. იმ საშინელების ხილვით, რასაც ჩვენ წარმოვადგენთ, მის სახეზე ხან მეგობრის სასოწარკვეთილება ისახება, ხან კი უწყალო გულგრილობა ქირურგისა.

პირველად მე მსინჯავს. ხელებსა და ფეხებს, მაჯებსა და მუხლებს ზემოთაც კი ველარაფერს ვგრძნობ. ჩემი ხელები საშინელი შესახედავია: კანი თითქმის აღარ შემრჩენია, ხოლო, რაც დარჩენილა, ისიც შავ ნაფლეთებად ჰკიდია. თითები დასიებული და დაღრეცილია. არც ფეხები მაქვს უკეთეს დღეში. ფეხისგულები მოყავისფრო-იისფერია და სრულიად გახვეებული. მე მეშინოდა, რომ ხელი, რომელიც ასე ძალიან მტკიოდა, მოტეხილი მექნებოდა, მაგრამ მგონი სერიოზული არაფერია. კისერიც მთელი მიჩანს.

მღელვარებით ველოდები უდოს პირველ შთაბეჭდილებას.

— რას იტყვი, უდო? — ვეკითხები მას და მზადა ვარ ყველაზე ცუდი ამბის მოსასმენად.

— მეტად სერიოზულადაა საქმე. ხელ-ფეხზე ალბათ ზოგი რამის ამპუტაცია მოგვიხდება. ჭერჭეროებით უფრო გარკვეულად ვერაფერს გეტყვი.

— გაქვს იმედი, რომ რაიმეს გადამიჩინე?

— დარწმუნებული ვარ, მოვახერხებ რამეს. ყველაფერს გავაკეთებ, რაც კი შესაძლებელია.

ეს არცთუ ისე მამხნევებს. აღარ მეეჭვება, რომ ხელ-ფეხის ამპუტაცია დამპირდება.

უღო სისხლის წნევას მიზომავს. მგონია, ცოტა შეშფოთებულია. არც მარჯვენა ხელში, არც მარცხენაში წნევა არ იზომება. ისრის ოდნავი რხევა გვიჩვენებს, რომ ფეხებში სისხლის სუსტი მიმოქცევა შემორჩენილა.

ოფთალმიის ასაცილებლად უღო თვალებს მიხვევს და მეუბნება:

— ლაშენალი უნდა გავსინჯო. ახლავე დავბრუნდები და ნემსებს გაგიკეთებ. ომის დროს მე მიხდებოდა ამისი კეთება ეს ერთადერთი საშუალებაა, რომელიც მოყინულობას შველის.

ლაშენალი ცოტა უკეთეს მდგომარეობაშია. ხელები არ დაზიანებია, ფეხებზე კი მხოლოდ თითები აქვს გაშავებული, თუმცა ავბედითი ლაქები ქუსლებზედაც გაუჩნდა. მოსალოდნელია, რომ იგი ცერებს დაკარგავს, მაგრამ ეს არ შეუშლის ხელს ალპინიზმს მისდიოს და კვლავაც იმეგზუროს.

რებიუფა ყველაზე კარგად არის. მისი ფეხები ჩვეულებრივი ფერისაა. თითებზე ორი პატარა ნაცრისფერი ლაქა აქვს მხოლოდ. მთელი საათის განმავლობაში იშაკი უხელს ფეხებს და რებიუფაც უკეთ ზღება. თვალეში კიდევ სტკივა, მაგრამ ორიოდ დღეში გაუვლის.

ტერაის არაფერი დაშავებია, მაგრამ რებიუფასავით მასაც ოფთალმია აწუხებს — ხანმოკლე, მაგრამ მეტად მტკივნეული აუადმყოფობა. კუზი ძალიან სუსტადაა და, ცხადია, ვერ შეძლებს დახმარებას.

ასეთია საქმის ვითარება.

ნელ-ნელა ღამდება. უღომ მოამზადა თავისი იარაღები, სანიტრებად იშაკი და შაცი მოიწვია და მეორე ბანაკი ჰოსპიტლად გადაიქცა. სიცივეში, ყოველად შეუფერებელ პირობებში, ზვავთა განუწყვეტელ გრიალში, ეს ადამიანები გვიან ღამემდეგ ებრძვიან თავიანთი მეგობრების გადსასარჩენად. პატარა ნათურებით შეიარაღებულნი გადაადონ კარავიდან კარავში და პირველ დახმარებას უწევენ მათ. 6 000 მეტრის სიმაღლეზე მიკ-

რული ჩვენი ბანაკი მხოლოდ პატარა წერტილია, რომელიც მსოფლიოს ერთ-ერთი უმაღლესი მწვერვალის კალთებზეა მიკარგული.

უღო უკვე მზადაა არტერიული გადასხმების ჩასატარებლად. რთული ოპერაციაა. ლამბის სუსტ შუქზე, ნახევრად სიბნელეში, იშაკი ცდილობს, რამდენადაც ეს შესაძლებელია, შპრიცების გასტერილებას ეთერის საშუალებით. ვიდრე საქმეს შეუდგებოდეს, უღო მიხსნის:

— ბარძაყისა და მხრის არტერიებში ნოვოკაინი უნდა შეგიყვანო.

თვალეზახვეული ვერაფერს ვხედავ, ამიტომ უღო თითოთ ეხება იმ ადგილებს, სადაც ნემსი უნდა შეიყვანოს: საზარდულის მიდამოსა და იდაყვის მოსახრელში.

— ცოლდე, გეტყინება. იქნებ ერთბაშად ვერ მოვხვდე საჭირო ადგილზე, მაგრამ არავითარ შემთხვევაში არ უნდა გაინჯარე, განსაკუთრებით მაშინ, როცა არტერიაში მოვხვდები.

ეს სამზადისი სრულიადაც არ მამშვიდებს. ნემსებისა ყოველთვის მეშინოდა ხოლმე. მიუხედავად ამისა, ვიცი, მისი გაეთება აუცილებელია, რადგან ეს ერთადერთი გამოსავალია.

— კეთილი, ვეუბნები უღოს, — მხოლოდ წინასწარ გამაფრთხილე, როცა ჩხვლეტას დაიპირებ.

შესაძლოა, ჩემს ახლანდელ მდგომარეობაში, ვერც კი ვიგრძნო განსაკუთრებული ტკივილი. მესმის ჩურჩული, უღოს აინტერესებს გაიგოს ყველაფერი მზადაა თუ არა. იშაკი უპასუხებს:

— ყველაფერი რიგზეა, მოგაწოდო?

უღო თითებს აყოლებს ჩემს კანზე. მწვავე ტკივილს ვგრძნობ. საზარდული და ფეხები მოცახცახებს. რაც შემიძლია, ვცდილობ თავის შეკავებას. უღო ხელახლა იწყებს ცდას, რადგან არტერია სხლტება ნემსიდან. კიდევ მჩხვლეტს და მთელი ტანით ვიკრუნჩხები. დაძაბული ვარ, თუმცა მოდუნებაა საჭირო და ვგრძნობ, რომ ნერვები მალაქობენ.

— ცოტა ფრთხილად! — ვეღარ ვიკავებ თავს.

უღო თავიდან იწყებს: სისხლი მეტისმეტად სქელია და ნემსში დედღება.

— ბადაგივით შავი სისხლი გაქვს, — განცვიფრებით ამბობს იგი.

ძლივს! ამჯერად ცდა წარმატებით დაგვირგვინდა, მიუხედავად ჩემი გოდებისა, რაც, კარგად მესმის, კიდეც უფრო ართულებდა პროცედურას.

ახლა ნემსი საჭირო აღვიღებთ:

— ნუ ინძრევი! — მიყვირის უღო და იშაკს ეუბნება:

— მოიტა!

იშაკი აწვდის შპრიცს. ვგრძნობ, როგორ მოძრაობს ნემსი ჩემს სხეულში და სითხე არტერიისში შედის.

ჩემს სიცოცხლეში ვერასოდეს წარმოვიდგენდი, რომ ასეთი უზომო ტკივილის ატანა შეიძლებოდა. მთელი ძალ-ღონით ვცდილობ, თრთოლვისაგან თავი შევიკავო, რადგან ეს აუცილებელია, ოპერაციის წარმატებით ჩატარებისათვის. სითხე კვლავ მიედინება სხეულში.

— გრძნობ სითბოს? — ნაწყვეტ-ნაწყვეტად მეკითხება უღო შპრიცის გამოცვლისას.

კვლავ ისხმება სითხე. კბილს კბილზე ვაჭერ.

— გრძნობ სითბოს? — დაყინებით იმეორებს უღო. — როგორც ჩანს, ამ გარემოებას გადამწყვეტი მნიშვნელობა აქვს, მე კი მაინც ვერაფერს ვგრძნობ. რამდენჯერმე ცარიელდება შპრიცი, ივსება და ისევ იცლება.

— აბა, ახლა გრძნობ რაიმეს?

— თითქოს ცოტა დამთბა, მაგრამ სულ ოდნავ.

იქნებ ეს თვითშთაგონებაა?

ნემსს მკვეთრად მაძრობენ. იშაკი ასტერილებს ინსტრუმენტებს, მე ვსარგებლობ მოკლე შესვენებით.

— საშინლად მტკივნეულია, — ვეუბნები უღოს, თითქოს თვითონ არ იცოდეს.

— ვიცი, მაგრამ უნდა განვაგრძოთ.

მთელი პროცედურა მეორდება ახლა მეორე ფეხზე. ნერვები მთლად აწეწილი მაქვს. ეს წარმოუდგენელი დაძაბულობა მაუძღურებს. კვლავ ნემსს მიკეთებენ, ვყვორი და ვტირი. ამაოდ ვცდილობ, არ ვიმოძრაო.

თვალეში ახვეული მაქვს, ვერაფერს ვხედავ. ჩემს ახლოს

რომ მეგობრების სახეებს ვხედავდე, იქნებ ტკივილი შემიმსუბუქდებოდა. მაგრამ სიბნელეში, საშინელ წყვილადში ვარ ჩაფლული და თუ არ ჩემშივე, ნუგეშის ძებნა არსაით შეიძლება.

უკვე გვიანაა. ყველა დაიქანცა.

დღესათვის საკმარისია. სასწრაფო დახმარების რაზმი ლაშენალის კარვისაკენ გაემართა. შესაძლოა, მან უფრო ვაჟკაცურად გადაიტანოს ეს ტკივილი.

ბოლოს, გაურკვეველ ხმაურზე ვხვდები, რომ პროცედურა დამთავრდა. ლაშენალს, მგონი, იგი უფრო ჩქარა ჩაუტარეს. ტერაის ლაშენალის კარავში ძინავს, ხოლო კუზისა და შაცს — რეზოფასთან, რომელიც მთელი ღამე კვნესის და ბოდავს:

— ფეხები!.. ჩემი ფეხები!..

უღო ჩემ გვერდით წვება. თუ რაიმე მოხდა, ის აქვე იქნება...

შეორე დღეს საბოლოოდ ვიღებთ მთელი ბანაკის ევაკუაციის გეგმას: სამ ავადმყოფს მარხილით წაიყვანენ, ორს — სხვისი დახმარებით შეუძლია სიარული, ხოლო ოთხი სავსებით ჯანსაღია. ჩვენ მოგვიხდება ყინვარზე კილომეტრების გავლა, კლდოვანი კედლებიდან დაშვება, დაუსრულებელი მორენებისა და ქვანაშალების შემოვლა ან გადაკვეთა, მდინარეზე გადასვლა და 4000 მეტრიანი უღელტეხილის გადალახვა — და ყველაფერი ეს მუსონის დროს!

დღეს 6 ივნისია და იშაკი შეფიქრიანებულია: მას მოაგონდა ტილმანის ექსპედიცია ნანდა-დევოზე, რომელიც სამი კვირით დაყოვნდა მძაფრი მუსონური თავსხმების შედეგად მდინარეთა აღიდების გამო. მივასწრებთ კი განდაკის ველამდე, სადაც უფრო ნაკლები დაბრკოლებები გადაგველოდება? ერთ კვირაში მალალმთიანეთიდან უნდა გავალწიოთ. კუზი მალე საბოლოოდ გამოკეთდება, ტერაი ოფთალმიისაგან განიკურნება და რეზიუფა თვითონ შეძლებს სიარულს. მაგრამ არის ორი სერიოზული ავადმყოფი, რომელთა წაყვანა მზიდავებს საკუთარი ზურგით მოუხდებათ მთავარ ველამდე, ძალზე მძიმე პირობებში.

— თვალებს არ ვუჭერებ, — ამბობს იშაკი, — მაგრამ დღეს კეშმარიტად მშვენიერი ამინდია.

პირველი ბანაკიდან მივიღეთ წამლები, რომელსაც მოუთმენლად ელოდა უდო. იგი პირველად მე მსინჯავს. კარგი შედეგია: გადასხმებმა თავისი საქმე გააკეთა და კიდურებში სიზო დამიბრუნდა. უდო მიხვევს ხელებს, თუმცა ნამდვილ ტკივილს არ ვგრძნობ, მაგრამ თითებს მცირეოდენი მგრძნობელობა მაინც დაუბრუნდა. სულ ერთსა და იგივეს ვეკითხები უდოს:

— რა შემოჩება?

— გარკვევით თქმა არ შემიძლია, მდგომარეობა ჯერ საცლებით ნათელი არ არის, მაგრამ იმედი მაქვს, მოვახერხებ რამდენიმე სანტიმეტრის მოგებას. ვფიქრობ, რომ ხელების ხმარებას შეძლებ. რა თქმა უნდა, — იგი წამით მერყეობს, — მომიხდება თითოეული თითის ერთი ან ორი ფალანგის წართმევა, მაგრამ, ცერების ნაწილის შენარჩუნება თუ მაინც მოხერხდა, საგნების ხელის მოჭერას შეძლებ. ეს კი მთავარია.

ვერაფერი ნუგეშია, თუმცა ჯერ კიდევ გუშინ გაცილებით უარეს შედეგს მოველოდი. ჩემთვის ეს მოასწავებს მრავალი გეგმის დამსხვრევას, ახალ ცხოვრებას, შესაძლოა, ახალ შეხედულებებს სამყაროზე... ყველაფერი იცვლება და მე არ მყოფნის არც ძალა, არც ნებისყოფა, მომავალზე ვიფიქრო.

დიდად ვაფასებ უდოს ვაუკაცობას და მადლიერი ვარ იმასათვის, რომ იგი დაუფარავად მელაპარაკება ამპუტაციაზე, მეპყრობა, როგორც აღამიანსა და მეგობარს. არაჰოდეს დავივიწყებ მის გამბედაობასა და პირდაპირობას.

გადასხმები, რომელმაც ამდენი სარგებლობა მომიტანა, აუცილებლად უნდა განმეორდეს. ვიცი, ამჯერად პროცედურა უფრო მტანჯველი იქნება და ეს აზრი მაძრწუნებს. მრცხენია, რომ ვამბობ, მაგრამ მეშინია, თუმცა რამდენი აღამიანისათვის გაუკეთებიათ ასეთი ნემსები. ამჯერად ნოვოკაინი კი არა, აცეტოლპოლინი უნდა შემიყვანონ, რომლის რაჰდენიმე ამპულა პირველი ბანაკიდან ამოიტანეს. ტერაი შემოდის კარავში და ჩემ გვერდით დგება. ვერც ის მხედავს — თვალახვეულია და ხელმოუკიდებლად სიარული არ შეუძლია.

ვიდრე იშაკი და უდო ნემსებს, ეთერსა და ამბულებს ამზადებენ, მე ვცდილობ, გონებით წარმოვიდგინო ტერაის სახის ნაკეთები, ხელს ვუსვამ სახეზე და ჩავჩურჩულებ:

— როგორი წამებაა! — და ვევედრები:

— დარჩი ჩემთან.

— ნუ სწუხხარ, — მეუბნება იგი.

— ნემსის გაკეთების წინ უდო გამაფრთხილებს... ამის შემდეგ ჩემი განძრევა არ შეიძლება, რაც შეიძლება მაგრად უნდა დამიჭირო.

იმედი მაქვს, ტერაის სიახლოვე ძალას მომცემს, რომ ეს მძიმე წუთები გადავიტანო. უდო ფეხებიდან იწყებს. გუშინდელივით აუტანელი ტკივილები მაქვს. ვყვირი და ვტირი ტერაის ხელში. იგი მთელი ძალ-ღონით მაკავებს. მეჩვენება, თითქოს ფეხზე ცეცხლი მიკიდია. ან უეცრად მდულარე ერბოში ჩამაყოფინეს. უდო აღფრთოვანებისაგან ცას ეწევა. და მის სიხარულს სხვებიც იზიარებენ. მართალია, ვიტანჯები, მაგრამ ეს ხომ იმას მოასწავებს, რომ მკურნალობა წარმატებით მიჰდინარეობს. ეს მეც მამხნევებს და, ბოლოს, მეოთხე ნემსის შემდეგ აუცილებელი 100 კუბ. სანტიმეტრი შეეყვანილია.

— ახლა ხელები, — მიცხადებს უდო.

პროცედურას დასასრული არ უჩანს. მე მთლად გაწამებულნი ვარ, მაგრამ, სამაგიეროდ, მარჯვენა ხელის მგრძნობიარობა გარკვეულად გაუმჯობესდა. უდო ბობოქრობს: ნემსები ან ძალიან მსხვილია, ან მეტისმეტად მოკლე, მეტისმეტად წვრილი ან მეტისმეტად გრძელი. არც ერთი არ უდგება და ეს ყოველთვის ახალ ჩხვლეტას მოითხოვს. ისევ ვლმუი ძალლივით, რომელიც სიკვდილს მოახლოებას გრძნობს.

— უფრო მაგრად დამიჭირო, — ქვითინით ვემუდარები ტერაის, რომელიც უამოსოდაც მთლად დაძაბულია. რაც შეიძლება, თავს ძალას ვატან, რომ არ ვითრთოლო, მაგრამ უდო მაინც უკმაყოფილოა:

— ნუ ინძრევი, ეშმაკმა წაგიღოს! იმდენს გჩხვლეტ, რამდენიც საჭიროა, ვიდრე არ მოვხვდები.

— მაპატიე, ყველაფერს გავაყეთებ, რაც შემიძლია, ნუ გეშინია, ავიტან.

ვაწვდი ხელს ახალი ცდისათვის. როცა ნემსი არტერიაში ხვდება, იგი ეცობა, შიგ სქელი სისხლი დედდება. იდაყვის მოსახრელიდან დაწყებული უღო თანდათან ზევით და ზევით, მხრისაკენ იწევს, რომ სულ ერთსა და იმავე ადგილზე არ უჩხელიტოს. ორჯერ ნემსი ნერვში მოხვდა: უკვე ტირილიც აღარ შემიძლია და მხოლოდ გულამოსკვნით ვსლუკუნებ. რა არა-ადამიანური წამებაა! ველარაფერს ვუხერხებ ჩემს თავს. ერთ წამით უღო ჩერდება.

— ყველაფერი რიგზე იქნება, — მეუბნება იშაკი.

— მოითმინე, მორის, — ჩამჩურჩულებს ტერაი, — მალე ყველაფერი დამთავრდება. ვიცი, ეს საშინელებაა, მაგრამ მე აქა ვარ, შენ გვერდით!

ღიახ, იგი ჩემ გვერდითაა. ის რომ არა, ნამდვილად ვერ გავუძლებდი ყოველივე ამას. ადამიანი, რომელსაც, ჩვეულებრივ, პირქუშად ვთვლიდით, მხოლოდ იმიტომ, რომ ძლიერი იყო, რომლის სული მოჩვენებითი უხეშობის ნილაბქვეშ იფარებოდა, ისეთი სიყვარულითა და სინაზით მეპყრობა, მსგავსი არასოდეს შემხვედრია. მე ვეხუტები მას სახით. იგი მეხვევა კისერზე.

— განაჯრძე, აბა დაიწყე, რა!

— ძალიან მოკლეა და წვრილი! — ყვირის უღო.

მას მოთმინება ეკარგება. ინსტრუმენტებთან დაკავშირებულ მთელ ამ დავიდარაბას ღონემიხდილობამდე მიეყავარ. ნეტავი ვიცოდე, შეძლებდნენ თუ არა კლინიკაში ასეთივე ნემსის პირველი ცდისთანავე გაკეთებას?

რამდენიმე საათის შემდეგ, ოცდამეთხუთმეტე ცდაზე, პროცედურა წარმატებით დამთავრდა. მიუხედავად საშინელი ტკივილისა, არ გავნძრეულვარ, ვიდრე შპრიცი არ დაცარიელდა. უღო ოსტატურად ცვლის შპრიცს არტერიიდან ნემსის გამოუღებლად. მეორე შპრიცის დაცლის შემდეგ მე ვგრძნობ. როგორ ვრცელდება სხეულში სითბო. უღო ზეიმობს. მაგრამ მალე ეს შეგრძნება აუტანელი ხდება. უფრო მეტად მტკივნეულია, ვიდრე ფეხებში ნემსის გაკეთების დროს. მე ვყვირი დასასოწარკვეთილი ვეკრობი ტერაის, თუმცა ხელი კვლავინდებურად სწორად მიჭირავს და ვცდილობ ადგილიდან არ დავი-



ძრა. ვგრძნობ, როგორ მაძრობენ ნემსს და ხელზე ბამბას მადებენ.

— მარჯვენა ხელს მოვრჩით. ახლა მარცხენა!

უდომ არტერია ვერ მონახა. ამან საგონებელში ჩააგდო. ვუხსნი, რომ ახალგაზრდობაში სერიოზულად დაგიზიანე ეს ხელი. ახლა ყველაფერი გასაგებია: აი, რატომ ვერ შეძლო მან სისხლის წნევის გაზომვა და პულსის პოვნა. არტერია გადაადგილებულია, ამიტომ იდაყვში ნემსის შეყვანა შეუძლებელია, მოგვიხდება მისი გაკეთება მხარში, ეს კი გაცილებით უფრო რთულია. სიმწრით ვიფიქრებ იმას, რაც მარჯვენა ხელს გადახდა! მესხეთე თუ შეეჭვსე ცდისას უდომ უეცრად დაიყვირა:

— ვიპოვე!

სრულიად უძრავად ვწევარ. მას შპრიცი შპრიცზე შეჰყავს. შემდეგ უდომ ამიხსნა, რომ იგი ნერვულ კვანძში ნოვოკაინის შეყვანას აპირებს, ამისათვის აუცილებელია გრძელი ნემსი, რომელიც პლევრის არეში კისრიდან უნდა შეიყვანოს. ცუდად ვხდები! ეს უკვე მეტიმეტია. საათობით ვიტანდი ამ წამებას და მეტისათვის უკვე ძალა აღარ შემწევს. მაგრამ უდომ დროს არ კარგავს. ნემსი მზადა აქვს და კისერს მისინჯავს.

— იცი, ეს საკმაოდ რთული საქმეა: ნემსი უნდა შეიყვანო გარკვეული მიმართულებით, შემდეგ, როცა დაბრკოლებას წააწყდები, გასწიო იგი მარცხნივ და შეგიძლია დაჩუმუნებული იყო, რომ საჭირო ადგილზე მოხვდი.

— როცა ჩხვლეტას დამიპირებ, გამაფრთხილე!

წუთიერი ღუმლის შემდეგ მესმის, რაღაცას ანძრევენ!

— ვიწყებ! — აცხადებს უდომ.

რაც შემიძლია, ვიკავებ თავს. გადაწყვეტილი მაქვს — უძრავად ვიწვე. ნემსი შედის სხეულში ჩანს, ძალიან გრძელია. იგი ეხება მგრძნობიარე ადგილს და ტკივილისაგან ვყვირი. ტერაი კვლავ მაკავებს. ახლა უდომ ცდილობს ნერვულ კვანძში მოხედეს. ვგრძნობ, როგორ შედის ნემსი კიდევ უფრო ღრმად მოხვდა! პირველი ცდისთანავე! ალბათ სითხე უკვე შედის, მაგრამ მე ვერაფერს ვგრძნობ.

— კიდევ დიდხანს ვაგრძელებ? — ვეკითხები უდომს ოდნავ გასაგონად.

— თითქმის მთავრდება, — მიპასუხებს იგი ჩახლეჩილი ზმით. ოცი კუბურია დარჩენილი.

ვგრძნობ, როგორ მაძრობენ ამ საშინელ ნემსს. ყველაფერი დამთავრდა და შემძლია დავისვენო. უღო ძალზე კმაყოფილია. თითქმის მთელი დღე იმუშავა, სამაგიეროდ, მან გააკეთა ყველაფერი, რაც უნდოდა. ჩემს სიცოცხლეში არასდროს განმიცდია ასეთი ტანჯვა, მაგრამ, თუ ხელ-ფეხი გადამირჩა, ეს უღოს შეუპოვრობის წყალობით მოხდება. იშაკი ეხმარება მას იარაღების შეგროვებაში, რათა ლაშენალის კარავში წაიღონ. ამ მომენტში უღო კმაყოფილია ჩემი საერთო მდგომარეობით, მაგრამ როგორ გადაიტანს ჩემი ორგანიზმი საერთო მოყინულობას?

ბანაკი სულ უფრო და უფრო ემსგავსება ჰოსპიტალს: თითოეულის ფიჭვი და მოქმედება ავადმყოფთა მდგომარეობით განისაზღვრება. ყველას თვალები უღოსკენაა მიპყრობილი. ახლა იგი ჩვენთვის თითქმის ღმერთია.

ამავე დღეს დაიწყო წარმოუდგენლად ძნელი მუშაობა ავადმყოფთა გადასაყვანად, რომელიც დამთავრდება მხოლოდ ექვსი კვირის განმავლობაში, კოჭისპირულ წვიმაში, ციცაბო და სახიფათო ფერღობებით ხანგრძლივი და მტანჯველი უკანდახევის შემდეგ. ეს გადასვლა, რომლის დროს ავადმყოფები უბრუნდებიან სიცოცხლეს, სამუდამოდ დარჩება უდიდესი გმირობის მაგალითად, რომელიც პატივს სძლებს ექსპედიციის ყველა წევრს.

ჩვენს განკარგულებაშია ორ თხილამურზე დამაგრებულა ზემსუბუქი მარხილი. შერაპები, ბუნებრივია, არ იცნობენ ამ მოწყობილობას, ამიტომ უღომ და იშაკმა გადაწყვიტეს, რებიუფათი დაიწყონ, რომელიც დანარჩენებზე უკეთ გრძნობს თავს.

ხელმძღვანელობა შაცმა იკისრა, მან მოათავსა ოთხი შერაპი მარხილის გარშემო ასო V-ის მაგვარად და ორ საათსა და 30 წუთზე პროცესია დაიძრა. რებიუფა კარგად არის შეფუთული, იგი მაგრად მიაბეს მარხილზე. თუ ვინიცობაა, გადაბრუნდა, არ გადმოვარდება.

სალამოს შერპები დაბრუნდნენ და მოგვიტანეს შაცის ბა-  
რათი.

იგი გვიჩვენებს, რომ დაშვებაზე ექვსი კაცი გამოვიყენოთ-  
ამასობაში უდომ ყველა თავის პაციენტს ნემსი გაუკეთა  
და მთელი სალამო შეხვევებს მონადომა. შუალამემდე ამინდა  
გაუარესდა. ისევ ბარდნა დაიწყო. ჩემი ამხანაგები შეშფოთ-  
დნენ და გადაწყვიტეს, დანარჩენი დაშვებულები დაუშვან,  
რომ შემდეგ მეტისმეტად გვიან არ იქნეს.

საბედნიეროდ, დილით ისევ გამოიღარა. პირველად მე მი-  
წევს დაშვება. გასვლის წინ უდო მისინჯავს ხელ-ფეხს და სახ-  
ვევებს მიცვლის. ძალიან კმაყოფილია „გასაოცარი გაუმჯობე-  
სებით“. მე მაცმევენ, მაწვენენ საძილე ტომარაში და მდებენ  
მარხილზე. სახვევი ხედვას მიშლის. ვგრძნობ კი, რომ თბილა,  
ჩანს კარგი ამინდია. მაინც არაჰასიამოვნოა დაშვება, როცა  
არ იცი, რა ხდება შენს ირგვლივ.

ანგ-თარკე მეთაურობს შერპებს. მიხარია, რომ იშაკი მომ-  
ყვება. თუ რაიმე დამკვირდა, მართო არ ვიქნები. გულის სიღრ-  
მეში მეშინია ამ დაშვებისა, განსაკუთრებით კი კლდეებზე  
გადასვლისა. რით გათავდება ყველაფერი? მაგრამ შერპები —  
ქკვიანი ბიჭები არიან, მათ არ სჭირდებათ რისაშე ორჯერ ახს-  
ნა. უფრო გვიან, უკვე ბანაკში, იშაკმა გამოთქვა თავისი აღ-  
ფრთოვანება:

— საფრანგეთშიც კი ძნელი იქნებოდა ასეთი გუნდის გამო-  
ნახვა, — ამბობს იგი, — ყველანი ეწყობოდნენ, როგორც შეეძ-  
ლოთ და ყოველი მოძრაობა ურთიერთ შეთანხმებული ჰქონ-  
დათ.

რამდენიმე გაკვრის შემდეგ მარხილი დაიძრა. ძალზე სუს-  
ტადა ვარ და ცოტა ყურს დამაკლდა, მაგრამ ვცნობ უდოს-  
ხმას, რომელიც ალპინისტთა ტრადიციის თანახმად გზას გვი-  
ლოცავს.

— მშვიდობით დაშვებას გისურვებთ!

ის, რა თქმა უნდა, ახლა ხელს გვიქნევს; რაც კი რამ ტან-  
საცმელი მქონდა, ზედ მაცვია და მთლად ოფლში ვცურავ, ალ-  
ბათ მზე აცხუნებს. ზოგჯერ ზურგით თოვლს ვეხები. იშაკი წამ-  
დაუწუმ მიახლოვდება და გამომელაპარაკება ხოლმე; მსიამოვ-

ნებს მისი ხმის გაგონება და სიახლოვე. ფერდობი უეცრად უფრო ციცაბო ხდება და, მოუხედავად იმისა, რომ თოკებით მიცავენ, მაინც მივსრიალებ. სრიალის დასამუხრუჭებლად შერპები გადაბრუნებული ასო V-ის მაგვარად ეწყობიან. დიდ კლდოვან უბანთან მივედი. რამდენადაც მახსოვს, აქ დიდი დაქანებაა. იშაკმა წერაყინი ჩაარკო ჩემს შესაკავებლად.

ისმის ყრუ ექო — ეს სერაკებია; უნდა ვიჩქაროთ, რადგან ყოველ წუთს მოსალოდნელია მათი ჩამონგრევა. ვალწევთ კლდეებამდე. როგორ ახერხებენ შერპები აქ მოძრაობას, ჩემთვის სამარადისო ამოცანად დარჩება. კედელი ძალზე დაქანებულია, მაგრამ მე პირდაპირ მარხილით მივყავარ მათ. შემდეგ იშაკი მეუბნებოდა, — შენ რომ დანახვა შეგძლებოდა, ვერ აიტანდი ამ სანახაობასო: თითქმის აკრობატული ნომრები, წარმოუდგენლად ძნელი ცოცვა. მესმის, თუ რა შვებით ამოისუნთქეს. — როგორც იქნა! ალბათ ყინვარამდე მივალწიეთ. მარხილი უბრუნდება პორიზონტალურ მდგომარეობას; რამდენიმე წუთს ვისვენებთ. შემდეგ როგორც შეჩვენება, ჩქარი ტემპით განვაგრძობთ გზას. წარმოდგენილი მაქვს, როგორ მიქრინან შერპები თოვლზე, დაჭიმულ თოკში ჩაბმულნი, თუმცა, რა თქმა უნდა, ეს მხოლოდ ფანტაზიაა. შემდეგ სიჩქარე ნელდება — პირველი ბანაკის მორენასთან მივედი.

მცირე ხნით მარტო ვრჩები. შერპები დგამენ დიდ კარავს, სადაც რამდენიმე წუთის შემდეგ უნდა გადამიყვანონ. იშაკი ჩემს გვერდით თავსდება. ამიერიდან დღისით და ღამით განუყრელნი ვართ: იგი ჩემთან ერთად ცხოვრობს კარავში და ძმასავით მივლის. დაშვებას 2 საათი და 20 წუთი დასჭირდა. შერპებმა სასწაულები გვიჩვენეს. რა გვეშველებოდა უიმათოდ?

იშაკი მოკლედ მიაშობს, რა ხდება ირგვლივ. რა საშინელებაა სიბრმავე. რალაც ნივთივით ვგრძნობ თავს. ვიცი, რომ ოფთალმია მე უფრო მსუბუქად მაქვს, ვიდრე სხვებს და წამდაუწუმ ვთხოვ მომხსნან სახვევი, მაგრამ მე მხოლოდ ნივთი ვარ და ხმის უფლება არა მაქვს. თუმცა ღრუბლიანი ამინდია და ხოშკაყალა მოდის, — შერპები შაცთან და ნუაელთან ერთად მეორე ბანაკში ბრუნდებიან ლაშენალის წამოსაყვანად. დაახლოებით სამ საათზე თოვას იწყებს. კარავში მარტოკა დავრჩი ჩემს ფიჭრებთან და მოვიწყინე. დროდადრო ყინულის

მტვრევის მკახე ხმაური არღვევს მყუდროებას. ეს ხმაური ერთგვარ შიშსა მგვრის — ნეტავი სად დადგეს კარავი? ერთბაშად რომ ნაპრალი გაიხსნას? მერე თვითონვე მრცხვენია ამ ბავშვური შიშისა — მრავალი წლის გამოცდილების მქონე მთამსვლელმა ხომ მშვენივრად უნდა იცოდეს, რომ ნაპრალი ერთ წაშში არ იხსნება!

ერთადერთი ჯანსაღი საპიბი, იშაკი თვალყურს ადევნებს პირველი ბანაკის მოწყობას. მას ძლიერ გაუკვირდა, როცა დღის ბოლოს, დაახლოებით 5 საათზე, ნისლიდან გამოჩნდნენ ნუაელი და შერპები, რომლებსაც ლაშენალი მოჰყავდათ. ყველანი თოვლით არიან შეფიფქულნი. ამჯერად შერპებმა დაშვებას მხოლოდ 1 საათი და 45 წუთი მოანდომეს — მათ ძნელი დღე ჰქონდათ და ძალზე მოქანცულნი არიან. წუწუნებენ: საჭმელი საკმარისი არაა, საჭურვლის ნაწილი მესამე და მეოთხე ბანაკებში დარჩა. ეს განსაკუთრებით აწუხებთ მათ, რადგან ჰიმალაის ექსპედიციებში, საერთოდ, მიღებულია, რომ შერპების პირადი საჭურველი მათვე რჩებათ ჯილდოს სახით. ისინი მწარედ ნანობენ მთელი ამ ქონების დაკარგვას, და ანგთარკე არ მალავს თავის განზრახვას, უნდა ხელახლა ავიდეს მესამე ბანაკში.

უხუმობ ანგ-თარკეს და ვაფრთხილებ, რომ ყველას ეკრძალება ვინც არ უნდა იყოს, მეორე ბანაკის ზევით ასვლა. ამავე დროს ვეუბნები, რომ ძალიან კმაყოფილი ვარ მისი ხელქვეითი შერპების მუშაობით. დაე, ტანსაცმელზე ნუ იღარდებენ — ყველა მათგანი უხე გასამრჯელოს მიიღებს. ანგ-თარკე კმაყოფილი მშორდება და მიდის, რათა დანარჩენებსაც აუწყოს ეს სასოამოვნო ამბავი.

ბანაკში გაცხოველებული საქმიანობაა; ლაშენალს, რაც შეიძლება, მოხერხებულად ათავსებენ. კარვები თითქოს ჯაღოქრულად მრავლდებიან. ბანაკი, რომელიც პატარა სოფელს გვაგონებს, ყინულის მაღალი კედლის ფუძესთან მოთავსდა.

მეორე დილით მოიწმინდა, მაგრამ 11 საათისათვის ისევ აირია ღრუბლები და მალე თოვაც დაიწყო. უღო ჯერ არ ჩამოსულა მეორე ბანაკიდან. ზვავების გრიალი უფრო ხშირად მესმის, ვიდრე ოდესმე: ეს შემადიწუნებელი კონცერტი ნერვებზე მოქმედებს. იშაკი ოხუნჯობს:



— აჰა, აი, საბარ-  
გოც 3 საათსა და 37  
წუთზე. აი, კიდევ 4 სა-  
ათის ექსპრესი.

მან შესძლო გავე-  
ლიმებიანე.

ბოლოს, დაახლოებით შუადღისას, იშაკმა კოგრიტიო დაი-  
ნახა, რომ მეორე ბანაკში უკანასკნელი კარვები მოხსნეს და  
ნაშუადღევს ჩვენი ექიმის გამოჩნდა, დატვირთული შერკების  
თანხლებით. ჯერ ზურგჩანთა არც კი მოეხსნა, რომ დაშაგებუ-  
ლთა ამბავი იკითხა — რა ცვლილება მოხდა გუშინდელს აქ-  
ეთ?

გარკვეულად უკეთესი მდგომარეობაა. რებიუფას უკვე შე-  
უძლია სიარული, ოფთალმიამაც თითქმის გაუარა. რაც შეეხება  
ლაშენალს, მას აღუდგა სისხლის მიმოქცევა ფეხებში. მგრძნო-  
ბიარობა ყველგან დაუბრუნდა, გარდა თითებისა. შავი ლაქე-

ბისაგან ტერფებზე ალბათ ნაწიბურები დარჩება. ჩემი მდგომარეობაც შესამჩნევად გაუჭკობესდა და უდო არ მალავს თავის კმაყოფილებას, თუმცა იგი ჩემთან გულახდილად ლაპარაკობს. ვერასოდეს წარმოიდგენს, როგორ ამიჩუყა გული მისმა გულახდილობამ.

— მე ვფიქრობ, მარცხენა ხელის მტევნის ნახევრად ამპუტაცია მოგვიხდება, მაგრამ, იმედი მაქვს მარჯვენაზე უკანასკნელი ფალანგების გადარჩენა მოხერხდება. თუ ყველაფერმა კარგად ჩაიარა, შენ არც თუ ისე ცუდი ხელები გექნება. ფეხებზე კი, სამწუხაროდ, შესაძლოა ყველა თითის მოკვეთა მოგვიხდეს, მაგრამ ეს ხელს არ შეგიშლის სიარულში. რასაკვირველია პირველ ხანებში ცოტა გაგიჭირდება, მაგრამ შეეჩვევი, აი ნახე...

მე მზარავს ფიქრი იმაზე, თუ რა მომივიდოდა, რომ უდოს ასე სწრაფად და ენერგიულად არ გაეკეთებინა ჩემთვის ნეკსები. შესაძლოა, მათი ეფექტი ჯერ კიდევ არაა მთლიანად გამოვლენილი. საჭირო იქნება ჯერ კიდევ რამდენიმე სეანსი: არ ვიცი, ავიტან კი ამასთან დაკავშირებულ კოლოსალურ დამაბულობას? ყოველ შემთხვევაში, მე მინდა მთლიანად გამოვიყენო ეს შესვენება და საზეიმოდ ვიღღესასწაულო ჩვენი წარმატება... გამარჯვების შემდეგ ექსპედიციის წევრებმა პირველად მოვიყარეთ თავი და ავადმყოფთა მდგომარეობა შესაძლებლობას გვაძლევს პატარა დღესასწაული მოვაწყოთ. ვიკრიბებით ქათმის უელეს ერთადერთი ქილის ირგვლივ და ვხსნივთ სანუკვარი შამპანურის ბოთლს. მშობლიური საფრანგეთის ღვინობის მირთმევის მსურველნი იბედაც საცმოდ არიან, მაგრამ მე მინდა, რომ შერბებმაც ასე თუ ისე მონაწილეობა მიიღონ საერთო სიხარულში. ვიწვევ ანგ-თარკეს და მასთან ერთად გამარჯვების საღღერძელს ვსუამთ. იშაკი გამოთქვამს ჩვენს აზრებს:

— მძიმედ დაზარალდით, მაგრამ გამარჯვება თქვენ დაგრჩებათ!

ყოველივე ამის მიუხედავად, კარავში მხიარული განწყობილებაა. ვწერთ დეპეშას, რომელიც გაეგზავნება დევის შემდეგ ფოსტასთან ერთად: „საფრანგეთის 1950 წლის ექსპედი-

ციამ ჰიმალაიში, გაიმარჯვა წრტ ანაპურნა დაპყრობილია  
1950 წლის 3 ივნისს. წრტ.

ე რ ც ო გ ი

ზეიმის დამთავრებისთანავე უღო ნემსების კეთებას მიწყებს. ფეხებზე სწრაფად ახერხებს ამას, შემდეგ იწყებს ხელელებზე; მე უკვე ვიცი, რომ ეს ყველაზე უფრო აუტანელი იქნება. მთელი საათის განმავლობაში — ყველა ცდამ უშედეგოდ ჩაიარა. დღე იღევა და უღო უკიდურესად გაღიზიანებულია.

— ნუ ინძრევი! — მისაყვედურებს იგი.

— ნუ აქცევ ყურადღებას ჩემს ყვირილს... განაგრძე... აკეთე, რაც საჭიროა.

ტერაი მოდის ჩემთან. ვიკრუნჩხები ტკივილისაგან, მაგრამ იგი მაინც მიჰქერს.

— მოითმინე! ნუ ინძრევი, ნუ ინძრევი, მოროს!

— ეს შეუძლებელია! — ყვირის უღო, — საკმარისია მოვსინჯო არტერია, რომ სისხლი დედდება. არაფერი გამოვა!

მისი სიტყვები სასოწარკვეთილებამ გამოიწვია. ნამღვილად კი ერთი წუთითაც არ უფიქრია ცდების შეწყვეტა, — ისევე, როგორც მე. მიუხედავად აუტანელი ტკივილისა, ყვირილი, რომელიც უღოს სამოქმედო კარვიდან აღწევს, ყველას აძრწუნებს. შერპები დუმან. იქნებ ისინი თავიანთი ბარა-საპიზისათვის ლოცულობენ? მე ისე გულამოსკვნით ვქვეითინებ, რომ არ შემიძლია შეჩერება. განუწყვეტლოვ კრუნჩხვები მომდის.

ბოლოს, ხანმოკლე შესვენების შემდეგ, გვიან საღამოთი, დაახლოებით ათ საათზე, პროცედურა წარმატებით დამთავრდა. უკვე ბნელოდა, როცა იშაკმა უღოს შპრიცები გადასცამთელი კარავი სისხლითაა მოთხვრილი, იშაკი და უღო გადიან. ტერაი უსაზღვრო სიძაზით მანუგეშებს, მაგრამ არასოდეს ჩემს სიცოცხლეში ასე უბედურად არ მიგრძენია თავი. გატანჯულ და გაწამებულ ჩემს ორგანიზმს, წინააღმდეგობის გაწევის უნარი აღარ გააჩნია. ტერაი ისევ მეხვევა:

— აი, ნახავ, ყველაფერი კარგად იქნება.

— ოჰ, მეგობარო, ჩემთვის ყველაფერი გათავებულა. მეტის ატანა აღარ შემიძლია!



— სიცოცხლე არ არის გათავებული, — დაყინებით ამბობს იგი, — შენ კვლავ იხილავ საფრანგეთს, შამონს...

— დიახ, შესაძლოა, მაგრამ მთებში ველარ ვივლი.

გულში ჩამარხული აზრი წამომცდა. ტერაიმ გამიგო და მეც გზა მივეცი ჩემს სასოწარკვეთილებას:

— არა, ამიერიდან ვერასოდეს შევძლებ ცოცვას, — ახლა უკვე ველარ ავალ ეიგერზე,<sup>1</sup> ლიონელ, მე კი როგორ ვოცნებობდი!

ქვითინი მახრჩობს. ჩვენი სახეები ერთმანეთს ეხება, მე ვგრძნობ მის ცრემლებს — ისიც ტირის. იგი ერთადერთია, ვისაც შეუძლია მთელი სიღრმით გაიგოს, თუ რა ტრაგედიაა ეს ჩემთვის, ვხედავ, რომ ეს მასაც უიმედოდ მიაჩნია.

— რა თქმა უნდა, ეიგერი... მაგრამ მე დარწმუნებული ვარ, რომ შენ ისევ შესძლებ მთებში დაბრუნებას.. და ძალიან გაუბედავად დასძენს:

— არა წინანდებურად, რა თქმა უნდა...

— წინანდელი არასოდეს დაბრუნდება. ხომ ხედავ, ლიონელ, ისე სიარულს რასაკვირველია ვერ შევძლებ, როგორც წინათ, მაგრამ, თუ მე საერთოდ შევძლებ ცოცვას, — ეს უკვე ბევრს ნიშნავს. მთები ჩემთვის ყველაფერია — მე იქ ჩემი ცხოვრების სატეატროსო დღეები გავატარე... დაე, ვერ შევძლო ეფექტური, სახელგანთქმული ასვლები, მე მინდა თუნდაც სულ ჩვეულებრივ მარშრუტებზე დავტყებ მთებით.

— შენ დაბრუნდები, აი ნახავ, კარგად მესმის შენი...

— მაგრამ მთები კიდევ არ არის ყველაფერი, ცხოვრებაში კიდევ ბევრი რამ არის საინტერესო. — ნეტავ რა მომელის?

— გარწმუნებ, შეეგუები...

ცოტა დუმილის შემდეგ მეუბნება:

— ახლა გირჩევნია წამოწვე.

ტერაი ისეთი ნაზი მზრუნველობით მაწვენს, რომ სასწაულს ახერხებს: მე თავს ვინუგეშებ და ვმშვიდდები.

უკანასკნელად მაკვირდება, რათა დარწმუნდეს, რომ კარგად ვარ და ნელ-ნელა მიდის. როგორი მეგობარი შევიძინე!

---

<sup>1</sup> მწვერვალ ეიგერის ჩრდილოეთ კედლით ასვლა კლასიკური და მეტად რთული ასვლაა ალპებში.

მეორე დილით უდო, თვალეზზე სახვევეებს მხსნის. რა კარგია კვლავ იხილო გარემო, ვრწმუნდები, რომ მშვენიერი ამინდია. კვითხულობ დღეს რა რიცხვია-მეთქი. — რამდენიმე გავლილი დღე ერთ გრძელ ღამესავით გაჭიანურდა.

— პარასკევი, 9 ივნისი, — აშობს იშაკი.

ლაშენალს საბაზო ბანაკში დასაშვებად აშზადებენ. მას წაიყვანენ „კაკოლეთი“ — უზეში, პრიმიტიული მოწყობილობით, რომელსაც დიდად არასდროს ვენდობოდი. ლაშენალს, პირიქით, არაფერი აქვს გადაყვანის ასეთი საშუალების საწინააღმდეგო. იგი შეჩვეულია ამ მოწყობილობას: მისი შემწეობით თვითონაც არაერთხელ გადაუყვანია დაშავებული. თუმცა მოგვიანებით მისი ენთუზიაზმი, რამდენადმე შენეულდა. მალე იგათავისი შერპებიანად, კუზისა და ნუაელის თანხლებით, მიემგზავრება. ფეხები გადმოკიდებული აქვს და ტკივილებისაგან კენესის. შუადღისას შერპები, კუზისთან ერთად, უკანვე ბრუნდებიან: დაშვებამ ორი საათი წაიღო. რებიუფამ და ლაშენალმა მგზავრობა მშვიდობით გადაიტანეს.

სანამ მე ვისვენებ, სხვები ბარგს ფუთავენ. მეორე დღეს გასვლის წინ უდო მსინჯავს. კარგი შთაბეჭდილება დადასტურდა: აცეტილპოლინის ინექციებმა, რომლებიც ესოდენ აუტანელ ტკივილს მაყენებდნენ, ორივე ხელ-ფეხის ნაწილი მაინც გადამირჩინეს. აჯიბა, სარკე, ფუთარკე და პანდი აპირებენ რიგობით მატარონ „კაკოლეთი“.

გზა კარგად არის მონიშნული, ქვეები არაა და მივდივართ, როგორც ბილიკზე. მე მზიდავზე ვარ მიწოლილი, საშინლად ვინჯლრევი ყოველ ნაბიჯზე. მოკრუნჩხული ორივე ხელით ვებლაუქები მზიდავს კისერზე, რომ არ ჩავვარდე და ამავე დროს ვცდილობ, ხელი არ შევუშალო მას. მკაფიოდ ვგრძნობ მის თითოეულ გაუბედავ ნაბიჯს. აჯიბასა და პანდისაც რამდენჯერმე დაუსხლტათ ფეხი და მეც ინსტინქტურად გავიწოდე ხელი, დამავიწყდა, რომ არ შემეძლო მისი მოხმარება. კულუარებში უფრო მშვიდად ვგრძნობ თავს, ვიდრე ციკაბო კლდოვან ფილებზე, სადაც მზიდავი შესაძლოა ჩავარდეს; ყოველ წამს მემინია ხელებით ან ფეხებით კლდეს არ მივედო.

— სარკე! ფრთხილად!.. ფრთხილად! — ასჯერ ვიმეორებ ამ სიტყვას, რომელიც მუდარაში გადადის.

ძნელ ადგილებზე შერპები ერთობლივად მოქმედებენ: ერთი თვალს ადევნებს, რომ მზიდავი სწორად ადგამდეს ფეხს, ხოლო მეორე, ხელს ჰკიდებს მას და ეხმარება წონასწორობის დაცვაში. უამრავი დაბრკოლება გადავლახეთ და, ბოლოს, კლდეები უკან მოვიტოვეთ. წინ საბაზო ბანაკი გამოჩნდა.

ასე მგონია, დაშვება დაუსრულებლად გრძელდებოდა, ნამდვილად კი მას მხოლოდ ორსაათნახევარი დასჭირდა და ყოველგვარი ხიფათის გარეშე ჩაიარა. ახლა უკვე საბაზო ბანაკში, წინათ არნახული საქმიანობა გაჩაღდა.

უეცრად, კარავში, სადაც მე ეს-ეს არის მომათავსეს, იშაკი შემოვარდა ყვირილით:

— მზიდავები! მზიდავები მოვიდნენ!

---

დგილობრივი მცხოვრებნი, რომელთა უმრავლესობას ჩვენ უკვე ვიცნობთ, პატარ-პატარა ჯგუფებად მოდიან. რაღაც სასწაულით ისინი დანიშნულ ვადაზე მოუდნენ, რომელზეც ორი კვირის წინათ შევეთანხმდით.

იშაკი არ ფარავს თავის სიხარულს.

იგი სწრაფად ამყარებს კავშირს — ახლოვდება მეტეოცნობების გადმოცემის დრო.

ბიულეტენი, რომელსაც საგანგებოდ ჩვენთვის გადმოსცემენ, გვაფრთხილებს, რომ მუსონი გვიახლოვდება:

„ლაპარაკობს დელი 60,48 მ ტალღაზე. გადმოგცემთ ამინდის სპეციალურ ცნობებს საფრანგეთის ექსპედიციისათვის ნეპალში. მუსონი, რომელიც გავრცელდა ჰიმალაის მთელ აღმოსავლეთ ნაწილში, თქვენს რაიონს 10 ივნისისათვის მოაღწევს. წნევა გორაკებში 960 მილიბარია. ვიმეორებ: თქვენ ეს-ეს არის მოისმინეთ სპეციალური ცნობები...“

მამასადამე, უკანასკნელი დღეების განმავლობაში მძვინვარე ქარიშხალი, რომელმაც ესოდენ გაართულა ექსპედიციის მდგომარეობა, სხვა არაფერი ყოფილა, თუ არა წინამორბედი იმ გიგანტური ტალღისა, ყოველწლიურად ამ დროს, მთელ აზიას რომ მოიცავს ხოლმე. კოკისპირული წვიმები, მთებში რამდენიმე საათის განმავლობაში ნამდვილ წარღვნად იქცევა ხოლმე და წალეკვას უქადის მთელ ინდოეთს. ხვალ ცა პირს

წახსნის, მაგრამ ახლა, როცა უკვე გამოვალწიეთ მთებიდან, ამ ცნობას საკმაოდ მშვიდად ვხედებით.

მზიდავი გვაწვდის კარავში ქალაღდის ნაჭერს — ეს შაცის ბართია. ის დაწინაურდა, მირისტი-კპოლაზე უფრო მოხერხებული გადასასვლელის მოსაძებნად. შაცი გვწერს, მხოლოდ ნახევარ დღეში წყალმა ერთიორად მოიმატაო.

რაც შეიძლება, ჩქარა უნდა დაეტოვოთ ეს ხეობა, თორემ შესაძლოა ვეებერთელა ხაფანგში აღმოვჩნდეთ.

თუმცა ყველა დღეს, მაგრამ თითოეული ჩვენგანი ნანდა დღეიზე მომხდარ ამბავს იგონებს.

მეორე დღით, როგორც ვვარაუდობდით, მართლაც გაავდარდა გადაუღებელი თავსხმაა. შერპები ფაცაფუცით ხსნიან ბანაკს. გასვლის წინ განკარგულებას ვაძლევთ, რომ მთელი სურსათ-სანოვაგე, რომლის წადებაც არ შეგვიძლია, მზიდავებს დაურიგონ. ისინი სიხარულით მისცივიდნენ სარკესა და ანგთარკეს მიერ გადმოსროლილ კონსერვის ქილებს. მართლაცდა მოულოდნელი ბაკშიშია! უღო კი, პირიქით, აუცილებელი მასალების ნაკლებობას განიცდის. ამასთან ერთად ბედი არ გეწყოლობს: ნემსები იკარგება, შპრიცები ტყდება. უღო კი განაგრძობს ბრძოლას ჩემს უჩინარ არტერიებთან.

სერიოზული მდგომარეობაა: აცეტილპოლინის სულ ორა ამჟულაა დარჩენილი. უღო მე და ლაშენალს გვიკეთებს თითო ნემსს ხელებში და მარჯვენა ფეხში... უნდა შევეწყვიტოთ! ამ ცნობას, რომელმაც ესოდენ შეაშფოთა ყველა, მე გულგრილად შევხვდი. ვწევარ მომაკვდავივით, უკიდურესად აღზნებული და მხოლოდ იმაზე ვფიქრობ, რომ ეს პროცედურები ჩემთვის წარმოუდგენელი წამება იყო.

სანამ ანგ-თარკეს ხელმძღვანელობით ბანაკიდან უკანასკნელი ბარგი იგზავნება, ლაშენალის დაშვებასაც იწყებენ. რამდენიმე მეტრის გავლის შემდეგ მზიდავებმა სცადეს საკაცის მაგიერ მარხილის გამოყენება, მაგრამ ამაოდ.

უღო გზავნის კაცს კაკოლეს მოსატანად.

— უნდა გავალწიოთ აქედან, რადაც არ უნდა დაგვიჯდეს, მტკიცედ ამბობს იგი.

გასტუმრების წინ უღო ლაშენალს მორფს უკეთებს.

ჩემთვის პოულობენ მოწნულ კალათას. შერპები ფეხებით მჩრიან საძილე ტომარაში, რომელშიც ჩაფენილია „სპილოს ფეხი“.

ყველაფერი ერთიანად დასველდა. გარემომცველი კედლებიდან ზვავების გუგუნე მოისმის, რომელიც უერთდება წვიმის მიერ წამოღეკილ ქვათაცვენის განუწყვეტელ გრიალს. მზიდავები შიშველი ფეხებით ტალახში ეფლობიან. ირგვლივ კლდეები ინგრევა. სწორედ ასე მქონდა წარმოადგენილი კატასტროფის შემდეგ ზოგიერთ გადარჩენილთა უკანდახვევა: უწესრიგო, პანიკური უკუქცევა.

უდოს, ტერაის, კუზის, იშაკის, სარკეს, ორი დაშავებულისა და რვა მზიდავისაგან შემდგარი ჯგუფი მეტისმეტად ნელა მიიწვეს წინ. შეშფოთებულნი ვართ: მივალწევთ თუ არა საღამომდე დანიშნულ ადგილს? იმის მიხედვით, თუ რამდენი დრო მოვანდომეთ აქ ამოსვლას, ეს სავსებით შესაძლებელია და ადვილიც კი, მაგრამ ამაში უკვე ექვი გვეპარება როცა ვხედავთ, თუ როგორ წელში წყდებიან მზიდავები ავადმყოფთა სიმძიმითა და წამდაუწუმ ფეხი უსხლტებათ მორენაზე, სადაც თითოეული ნაბიჯის გადადგმა პრობლემაა.

დრო მიდის, ღრუბლები მიმოიფანტა, წვიმაც შეწყდა მცირე ხნით. არ გვეოფნის ელექტრო-ფარნები და სურსათი: ანგთარკემ არ იცოდა ჩვენი გასაჭირი და არ უზრუნველყო ზურგში არავითარი მარაგი. ამიტომ სარკეს ვგზავნით წინდაწინ და ბარათს ვატანთ.

ჩვენ მიკარგულნი ვართ ამ უხალისო, უფერულ და უკიდვგანო ადგილას. მორენის ქვები ეკლიანი მცენარეულობით გარშემორტყმულმა უზარმაზარმა ლოდებმა შეცვალა. ეს კიდევ უფრო აძნელებს წინსვლას. მზიდავები განსაკუთრებულ სიმაბაცეს იჩენენ. არავინ არ წუწუნებს. დაბნელდა. სამი პატარა ფარანი, რომელიც ბარგში აღმოჩნდა, ძალიან გამოგვადგა. საჭიბებს მიჰყავთ მზიდავები ნისლსა და წვიმაში, რომელიც კიდევ უფრო მეტი ძალით განახლდა. უკვე მეცხრე საათზე ყველანი გაწამებულები და სრულიად იმედდაკარგულები, მოლიბულო ბუხრით აკრობატული დაშვების შემდეგ რომელიც სასწაულით გავიარეთ, დასასვენებლად შევჩერდით.

მე და ლაშენალი კლდოვანი ფარდულის ქვეშ მოგვათავსეს. ამხანაგების გადაწყვეტილებით, ამ საღამოს ჩვენ უფრო შორს ვეღარ წავალთ. ტერაი ჩვენთან რჩება, ხოლო კუზი, იშაკი და უდო სასწრაფოდ მიდიან ბანაკში. მცირეოდენი მანძილის გავლის შემდეგ ისინი შეხვდნენ ქვემოდან მომავალ სარკესა და ფუთარკეს, რომლებსაც ერთი, ერთადერთი ყავიანი მათარა მოჰქონდათ. სარკე ჩვენთან გამოგზავნეს, ხოლო ფუთარკე თან გაიყოლეს და ერთი საათის შემდეგ მიაღწიეს ბანაკს. მათ აცნობეს შაცსა და ნუაელს, რომ ღამით ორი ავადმყოფის ზიდვა, ესოდენ საშიშ ადგილებში შეუძლებელია, ჩვენი საცოდავი ღამის სათევიც აუწერეს. შაცმა უყოყმანოდ გადაწყვიტა, დაუყოვნებლივ ამოეტანა ჩვენთვის სურსათი და საჭურველი. მას თან გამოჰყვა დავატონდუპიც. მიუხედავად იმისა, რომ ტერაი ყოველი ღონით ცდილობს გაგვაშხნოს, ჩვენს ფარდულში მაინც უღიმღამო ატმოსფეროა. ლაშენალი ჯერ კიდევ მორფის გავლენას განიცდის, მაგრამ მე გაშმაგებული ვარ, რომ ორ ნაბიჯზე მღებარე ბანაკამდე ვერ მივალწიეთ.

როცა უკვე აღარავის ველოდით, შაცი წამოგვადგა თავს. სახეზე წურწურით ჩამოსდის წყალი და ღიმილით აცხადებს, საძილე ტომრები, ბუმბულის ქურთუკები, თბილი ტანსაცმელი და სურსათი მოგიტანეთო. მეტი რაღა გინდა! მალე პრიმუსის სასიამოვნო გუგუნის გაისმა. არც ერთს დილიდან პირში ხემსი არ ჩაგვსვლია და გახსნილი კონსერვების სუნზე ტერაის ნერწყვი მოსდის. ამასობაში დავატონდუპმა ლეიბები გაბერა და, რადგან საკმელი არ მიზიდავდა, ნეტარებით გავიშორტე.

მთელი ღამე კოკისპირულად წვიმდა, ვერ დავიძინე. საშინლად მციოდა, სულ კბილს კბილზე მაცემინებდა. ვიტანჯებოდა და, უნდა გამოვტყდე, მეშინოდა კიდევ, ძალიან მეშინოდა.

დილით თითქოს გაუმჯობესდა ამინდი. ღრუბლები შეთხელდა: ნაფლეთები კედლების გასწვრივ მიემართებიან და მალლა-მალლა იწევენ. შამონში ეს კარგი ამინდის მომასწავებელი იქნებოდა.

მოწულ კალათში უკანვე ჩაძვრომა არცთუ ისე სასიამოვნოა. ლაშენალსაც არაფრად ეპიტნავა ისევ კაკოლუში დაბრუ-

ნება. გვეჩქარება ბანაკამდე მისვლა და წამდაუწუმ ერთსა და იმავეს ვკითხულობ:

— კიდევ ვერ მივედიო?

პატარა ბავშვივით მამშვიდებენ:

— კიდევ ხუთი წუთი მოითმინე და...

ბოლოს პატარა მოედანი დავინახეთ. გამოჩნდა ყვითლად მოკიაფე კარების სახურავები.

როცა ბანაკამდე მივალწიეთ, სადაც იშაკი, ნუაელი და უდო დაგვხვდნენ, ცა მოიწმინდა.

მაგრამ უსიამოვნებანი ჯერ არ დამთავრებულა: შაცის აგებულ ხიდი ამ საღამომდე თუ გაძლებს. იგი წყლის ზედაპირიდან მხოლოდ ოცდაათ სანტიმეტრზეა, და ყოველი შემთხვევისათვის, აუცილებელია მისი გამაგრება, სანამ ბარგის გადატანასა და დაშავებულთა გადაყვანას შეუდგებიან.

არც ერთ მზიდავს არ უნდა ჩვენი გადაყვანის გულისთვის ხიფათში თავის ჩაგდება, შერპებსაც კი ეშინიათ და ცხარედ კამათობენ. ბოლოს, აჯობა ბედავს, ხოლო დანარჩენები ხიდის ორივე მხარეზე დგებიან მის დასახმარებლად. კარავში ვწევარ და მესმის, როგორ გადაჰყავთ ლაშენალი. შემდეგ აჯობა დბრუნდა, შემისვა ზურგზე და მტკიცე ნაბიჯით გაემართა ხილისაკენ. ხიდი ლიანებით შეკრული ექვსიოდე მორისაგან შედგება და ძლივძლივობითაა მიმაგრებული ნაპირებზე. ბობოქარი წყალი ხიდს დროდადრო თავზე ევლება. მდინარის ზედაპირთან წვრილი შხეფების ნისლი დგას. მზიდავებს ფეხები დაუსველდათ. სულ ადვილად შეიძლება დაცურდნენ. იმდენად უმწეოდ ვგრძნობ თავს, რომ მინდა თვალები დავხუჭო, მაგრამ ეს ჩემს ძალ-ღონეს აღემატება: ვხედავ, რომ აჯობას ძალიან ფრთხილად მივყავარ და მაინც ჩავჩურჩულე ყურში:

— Slowly, Adjibal!

შეძლებს თუ არა იგი წონასწორობის შენარჩუნებას ამ მორყეულ, მოლიპულ ბოჯირზე? უდო თვალყურს გვადევნებს და ცდილობს მდელვარება დამალოს. სურს გაგვაძხნოს, მაგრამ ღიმილი ნაძალადევი გამოუდის. როგორც კი ფეხი შევდგით ხიდზე, ჩემთვის იმწამსვე ნათელი გახდა ჩვენი მდგომარე-

1 ნუ ჩქარობ, აჯობა!



ობის მთელი უსუსურობა. აჭიბა ყოველ მოძრაობას ანგარიშობს და ძალზე ფრთხილად მიაბიჯებს.

— Slowly, Adjibal

წყალი გამშაგებით მიქუხს და ისეთ მორევებს ქმნის, მართო შეხედვაზეც თავბრუ მეხვევა. გაღმა გასული შერაპები უკვე შორს აღარ არიან. მეშინია, მეორე ნაპირთან მიახლოებისას აჭიბამ ნაბიჯს არ აუჩქაროს და ისევ უგონოდ ჩაეჭურჩულებ:

— Slowly, Adjibal

კიდევ რამდენიმე სანტიმეტრიც და ხელს გვიწვდიან, გვეხმარებიან, გადაეყავართ... გათავდა!.. შევებით ამოვისუნთქე, მაგრამ ამავე დროს გაკირვებით ვიკავებ თავს, რომ არ ავკვითინდე — უცილობელი ნერვული რეაქციაა ასეთი განსაცდელის შემდეგ.

აჭიბამ მაშინვე წამიყვანა და კარავში დამაბინავა, სანამ დანარჩენები აჩქარებით გადმოდინან მდინარეზე, რომელშიც წყალი თვალდათვალ მატულობს. მზიდავები რიგში ჩამწყრივდნენ გადმოსასვლელთან. ორი საათის შემდეგ ყველაფერი დამთავრდა. ახლა ექსპედიცია აღარ აღმოჩნდება ანაპურნის მასივის ხაფანგში... ხვალ დილამდე ხილს მოგლევს ბობოქარი ნაკადი.

უღო სასწრაფოდ გვსინჯავს. იგი შიშობს, რომ წინა დამის სიცივე და სინესტე ზიანს მოგვაყენებდა. მართლაც, ლაშენალს ფეხები ძალიან დაუსივდა. მისი მდგომარეობა გაუარესდა, ხოლო მე, ჩვენი უხერხული დამისთევისას, უფრო მეტად მარჯვენა ხელი დამიზიანდა. ცოტა ადრე უღო მიმტკიცებდა, თითების მხოლოდ ბოლო ფალანგების ამპუტაცია მოგვიხდებოდა, ახლა კი ამბობს. რომ ორი ფალანგის მოკვეთა მაინც იქნებოდა საჭირო. ყოველივე ეს ძალზე მალონებს.

ყველანი დიდ კარავში შევიჯრიბეთ სასაუზმოდ. შაცი, რომელიც გუშინ მირისტის ხეობის დაზვერვაზე იყო წასული, ამბობს, ამ ხეობით ბაგლუნგამდე და განდაკის ხეობამდე ვერაფრით ვერ გავალთო.

ეს გზა გრძელ შემოსავლელს აგვაცილებდა, მაგრამ იგა გაუვალია: რამდენიმე კილომეტრის მანძილზე გიგანტური კედლები შეეუღლად ეშვებიან მდინარეში და, ამგვარად, ჩვენ ერთბაშად მოგვიხდებოდა აცოცება ერთ-ერთ თხემზე, ესე ავა

იმ გზის გავლა, რომელიც გაიარეს ჩვენმა ამხანაგებმა 27 აპრილს.

გადავწყვიტეთ, საგანგებოდ გავგზავნოთ პანზი ნიუ-დელიში, რამდენიმე დღის წინათ დაწერილი დეპეშების გასაგზავნად.

ლაპარაკში თითქმის არ ვღებულობ მონაწილეობას. როცა ჩემგან ყურადღებას არ მოითხოვენ, ვთვლემ და აწმყოზე არ ვფიქრობ. სულ უფრო და უფრო ვსუსტდები და მაშინებს შემდგომი გზა.

ახალი გასინჯვის შემდეგ უღო აღიარებს, რომ დიდი არაა დაზიანებული და ძნელია წინასწარ განსაზღვრა, როგორ წარიმართება საქმე. ნახევრად თვალეზიანებული ვუსმენ, იშაკს რომ უხსნის, როგორ ხდება მშრალი განგრენის აიროვანში გადასვლა, რომელიც მოითხოვს სასწრაფო და მნიშვნელოვან ამპუტაციას. იშაკს ყრუანტელი უვლის ტანში იმის გაგონებაზე, რომ ტოქსინებს, რომლებიც აღწევენ სხეულის დაზიანებული ნაწილიდან ცოცხალ ქსოვილში, შეუძლიათ გავრცელდნენ მთელ ორგანიზმში და სისხლის საერთო მოწამვლა გამოიწვიონ. ზოგჯერ ისინი თავს იყრიან რომელიმე ერთ ორგანოში, მაგალითად, ღვიძლში: უფრო ხშირად ეს ხდება ანტიბიოტიკების, ვთქვათ, პენიცილინის შეყვანის შემდეგ.

ამასობაში ტერაი თვითონვე ამზადებს ოსტატურად ისეთ კავისებურ დასაჯდომს, როგორსაც ხმარობენ ხოლმე ალპებში დაშავებულთა გადასაყვანად. მას აკეთებენ ერთიმეორეზე მავთულით გადაბმული ჯოხებისაგან, ამგვარად, ავადმყოფის ფეხები მთელი ტანის დონეზე რჩება და ძირითადი უხერხულობა, რომელიც დაშავებულს ტკივილს აყენებს, აცილებულია. შერპები აკეთებენ ზუსტად ასეთსავე მოწყობილობას ჩემთვის. წვიმა საშინლად უბრაახუნებს კარვებზე. ნეტავ როდემდე გაუძლებენ ისინი ასეთ „დაბომბვას?“

მძიმე ღამის შემდეგ, ნელ-ნელა გონს მოვდივარ. ამინდა გაუმჯობესებულა. ნეტავი საღამომდე მაინც გასტანდეს ასე! დღეს 3700 მეტრიდან 4600 მეტრის სიმაღლემდე უნდა ავიდეთ მეტისმეტად ციცაბო კალთებით. ამასთან, ვიცი, რომ „27

აპრილის უღელტეხილამდე“ ვერ ვიპოვით ღამის გასათევ-ად-  
გოლს.

ჯოველ შემთხვევაში, ჩვენ არც თუ ისე ცუდი სავარძლები  
ჯვავქვს. ტერაის გამოიმგონებლობის წყალობით, მე და ლაშენ-  
ნალს უკვე აღარ გვაშინებს მომავალ მგზავრობაზე ფიქრი.

მზიდავები თანაბარზომიერად იღებენ სიმაღლეს, თუმცა  
ბილიკი არა ჩანს. ზოგჯერ კალთა იმდენად ციცაბოა, რომ სა-  
ჭირო ხდება მიწაში საფეხურების ამოჭრა. ისინი ისწრაფვიან  
დაღამებამდე მიაღწიონ დანიშნულ ადგილს და გმირულად მი-  
იკვლევენ გზას სქელ ნისლში, რაც არარეალურ, ფანტასტიკურ  
სანახაობას წარმოადგენს. ჩრდილები ჩნდებიან და უჩინარდე-  
ბიან... სილუეტები ნისლში ინთქმებიან. ნჯღრევა რომ არა, რო-  
მელიც უსაზღვრო ტყვილს იწვევს მთელს სხეულში, ეს მოგ-  
ზაურობა, შესაძლოა სიზმარი მგონებოდა, ადამიანები მოჩვე-  
ნებები. მთელი ძალ-ღონით ვცდილობ უგონოდ გარიხდულა  
დავრჩე. ლაშენალს მზიდავის ზურგზე სძინავს. შეენატრი, ნე-  
ტავი როგორ ახერხებს ამას?

შუადღემდე რაზმის ძირითადი ნაწილი ბალახოვანი კულუ-  
არებით აღის და აღწევს იმ ადგილს, სადაც ასვლის დროს შაც-  
მა საფრანგეთის ალპინისტური კლუბის ალაში დატოვა. მზიდა-  
ვებს აქ უნდათ ღამის გათევა და გვარწმუნებენ, რომ უფრო  
ზევით, ღამისთევისათვის შესაფერი მოედანი არ იქნება. იშაკსა  
და უდოს თავი ისე უჭირავთ, თითქოს არ ესმით. ისინი დაშა-  
ვებულთ წინ გზავნიან, თვითონ კი შერპებთან ერთად მიდიან...  
მზიდავები იძულებულნი არიან, გაპყვნენ მათ. იწყება უსას-  
რულოდ გრძელი ტრავერსი „27 აპრილის უღელტეხილისაკენ“.

ათი მეტრის მიღმა აღარაფერი ჩანს. მზიდავები მწკრივად  
მიდიან. სანამ ბარჯაკიდებულნი მოძრაობენ, მათ არ სცივათ,  
გაჩერდებიან თუ არა, კბილებს აკაწყაწებენ: მათი ერთადერთა  
ტანსაცმელი პატარა საბანია. ვცდილობ შევეგუო ჩემი მზიდა-  
ვის რიტმს. მაგრამ იგი წამდაუწუმ არღვევს ჩემს გაანგარიშე-  
ბებს, რადგან ძნელსაველ ადგილებზე ხან უკლებს ნაბიჯს, ხან  
უმატებს. უნებურად ვიწვდი ხელებს, თითქოს ვცდილობ და-  
ვეხმარო, ან თავი დავიფარო ბიძგებისაგან. შორს, ქვემოთ,  
ამ ქოჯახეთური ხეობის სიღრმეში, მირისტი ღრიალებს.

დღის ბოლოს მივალწიეთ მწყემსების ღამის სათევ პატარა მოედანს, რომელიც ერთადერთი სწორი ადგილია „27 აპრილის ულელტეხილამდე“. ამ საღამოსვე ულელტეხილამდე მისვლაზე ლაპარაკიც ზედმეტია. კანონიერება მოითხოვს, რომ ამაღამ აქ დავჩნეთ. ჩემი თხოვნაა, მომათავსონ კარავში, სადაც უძრავად წოლა შემეძლება.

პირქუში განთიადია. გავდივართ კოკისპირულ წვიმაში. ოციოდე მეტრის იქით აღარაფერი ჩანს. დღეს უნდა განვაგრძოთ ტრავერსი, რაც უამრავი ნაკადის გადაკვეთას მოითხოვს. ეს ადვილი როდი იქნება.

მძიმე დღე მომელის. ნათლად ვგრძნობ, რომ ჩემი მდგომარეობა უარესდება. აღარაფრის ძალა აღარ შემწევს, სრულიად მოქანცული ვარ.

შაცი ცდილობს გამამხნეოს და მარწმუნებს, რომ თხემი უკვე ახლოსაა. შემდეგ მოისმის საზეიმო შეძახილი. ეს იშაკია. მისი ხმა ძლივს მესმის, თუმცა ჩემგან სულ რამდენიმე მეტრზეა.

— მორის, შენ უკვე კრიშნას მხარეზე ხარ!

მე არა ვგრძნობ განსაკუთრებულ სიხარულს, თუმცა მნიშვნელოვანი მომენტია. იშაკთან ახლოს გავლისას ვხედავ, რომ ის კინოაპარატს ატრიალებს. ეს საქმიანობა მე უაზრობად მეჩვენება, — ალბათ არაფერი გამოვა, ფერადი ფილმისთვის, როგორც არაერთხელ უთქვამს იშაკს, სინათლეა აუცილებელი, აქ კი საკმარისი სინათლე არ არის.

ულელტეხილისაკენ ვიწყებთ დაშვებას. მზიდავებს ყოველ ნაბიჯზე უსხლტებათ ფეხი. ფერდობზე მკვეთრი ნჯღრევა აუტანელ ტკივილებს მაყენებს. ძნელი დასაჯერებელია, მაგრამ წვიმა სულ უფრო ძლიერდება. ნისლში ვცდილობთ ვიპოვოთ სწორი ადგილი ბანაკისათვის. ვიღრე ჩემი ამხანაგები მოედანს ეძებენ, მზიდავები განავრძობენ დაშვებას თხემის უნაგირასაკენ, სადაც ნიში დგას.

არაფერი მესმის: აკი გადაეწყვიტეთ, ულელტეხილზე გავჩერებულოყავით. წინმავლებმა, ცხადია, ივარაუდეს, რომ ტყის კიდემდე მივალწევდით. იქამდე ორი საათის სავალია. მათ დაავიწყდათ დანარჩენები. მე პროტესტს ვაცხადებ. წინსვლა უგუ-

ნურებაა. გარდა ამისა, ვგრძნობ, რომ ორი საათი ველარ გავუძლებ ამ წამებას. ძალა აღარა მაქვს, ასე მგონია, სადაცაა მოვკვდები. ნეტა დამღონ სადმე, რომ არ გავინძრე.

ვემუდარები იშაკს, შეაჩეროს რაზმი და დააბრუნოს პატარა მოედანზე, რომელიც ეს-ეს არის გამოვიარეთ. ძალიან უხალისოდ ბრუნდება ავანგარდი. ამასობაში შერბები სველ მიწაზე კარვებს დგამენ.

წინ გვაქვს უკანასკნელი ძნელი დღე: შაძიუ-ეპოლასთან 2000 მეტრზე უნდა დავეშვათ და მწყემსების ბანაკამდე მივალწიოთ. ნეტა თუ გავლენ ამ წარმოდგენლად ციკაბო კალთებზე მზიდავები, განსაკუთრებით ისინი, ვინც დამავებულებს წაიყვანს? სწორედ გზის დასაწყისშივე, თხემის უნაგირას მიღმა, ნიშთან, ერთ მზიდავთაგანს ფეხი დაუსხლტა: იგი ორმოცდაათ მეტრზე ჩაკოტრიალდა, სადაცაა კილომეტრზე ქვევით დაეშვება, პირდაპირ მდინარეში... არა! იგი რალაცას ჩაებლაუქა, იქვე გაიშოტა. ტვირთი, რომელიც მას მიჰქონდა, ჩაგორდა ფერდობზე, როგორც კონტეინერი. აი, ის აბტა, შემოსწერა განიერი რკალი და უფსკრულში გაუჩინარდა. მზიდავი იოლად გადაჩჩა. იგი ადგა და მოვიდა ჩვენთან. ეს ტუკუჩიდან გამოსული ტიბეტელია.



უეცრად საშინელი ყვირილი მოისმა. არ დამინახავს, რა მოხდა, მაგრამ შეძახილებით მივხვდი, რომ ვეებერთელა ქვა მოწყდა კულუარში, ლაშენალის ზემოთ, იქვე მდგომმა ტერაიმ მოახერხა ხელი ეკრა მისთვის, მაგრამ ქვა ცხვირში მოხვდა ლაშენალის მზიდავს. იგი დაეცა და ვერ შეძლო სახის დაცვა, რადგან ხელები საშტორმო ქურთუქის ჯიბეებში ჰქონდა ჩაყოფილი. სახეზე დიდი ნაჭდევი დააჩნდა და მთლად სისხლშია მოთხვრილი. არცთუ ისე გამამხნევებელი დასაწყისია.

იშაკი, რებიუფა და შაცი დიდი ბალახოვანი კულუარით ეშვებიან. ეს ზაზუნების სამყოფელია, რომელიც რებიუფამ აღმოაჩინა ასულის დროს. ისინი ჩერდებიან პირველ ხეებთან, ხოლო დანაკეები ფრთხილად მიჰყვებიან მათ ნაკვალევს. იმის გამოსარკვევად, თუ ვისი იყო შაძიუ-კპოლაში ჩავარდნილი ტვირთი, გადაწყვიტეს, მზიდავები რომ მოვლენ, ბარგი თანმიმდევრობით შეამოწმონ.

— ჩემი უნდა იყოს, — ამბობს შაცი, — მე კი, ჩემს სიკოცხლეში პირველად განზრახ ჩავჩხირე შიგ საფულე და ავტოკალამი.

შაცი აცქერდება ერთ მზიდავთაგანს... იგი იღებს ზედა ტვირთს და გახარებული პოულობს მის ქვეშ თავის ზურგჩანთას.

— ეჭვი არ არის, — ამბობს იშაკი, რომელიც გამორიცხვის მეთოდით ხელმძღვანელობს, — რა თქმა უნდა, გასტონის ზურგჩანთაა.

რებიუფა ენთუზიაზმის გარეშე აღიქვამს ამ ახალ ამბავს. უკან გამომგზავრებაც ტანჯვას მისთვის: მოყინული ფეხები ჯერ კიდევ ახსენებენ თავს. მე ვხედავ, რა წაღვლიანად ზის იგი და ცდილობს გაიხსენოს, რა დაჰკარგა. უეცრად იშაკს გონება გაუნათდა:

— გასტონ, ნახე, რაზე ზიხარ!

იგი თვალისდახამხამებაში წამოხტა და წაიკითხა ზურგჩანთაზე: „გ. რებიუფა“.

ყველაფერი ისე დამთავრდა, როგორც ზღაპარშია ხოლმე: ჩავარდნილი ზურგჩანთა ერთადერთია, რომელსაც მფლობელი არ ჰყავდა, მასში იყო სათადარიგო ტანსაცმელი...

შევდივართ არაჩვეულებრივად ხშირ, გაუვალ ტყეში. მიეჩანალებოდა წყალქვეშა სამეფოში, ნესტიან, არაჯანსაღ ჭუნგლებში, სადაც ყოველ წუთს უნდა ელოდე საზიზღარი ურჩხულების გამოჩენას. ასვლის დროს სწორად აქ ვნახეთ ისეთი საუცხოო წითელი ფერის ვიგანტური დეკა.

შევდივართ ყვავილების ბუნებრივი თაღის, სახელგანთქმული „ტრიუმფალური თაღის“ ქვეშ.

წინმავალი მზიდავები შეჩერდნენ. რატომაც არა? საერთო შესვენება და მალე კოცონებიც აგიზგიზდნენ.

უღოს აზრით, გზის უძნელესი უბანი წინ არის. ამიტომ მას სურს, რაღაც არ უნდა დაგვიჯდეს, წინსვლა განვაგრძოთ. იგი მორთისა და სპარტო-ქაფურის ახალ ნემსებს მიიკეთებს. იმდენად გამხდარი ვარ, რომ ნემსების გაკეთება მწვავე ტკივილს მაყენებს, რომელიღაც წამში გონებას ვკარგავ. შერაპები და მზიდავები ყველანი მე შემომცქერიან, ალბათ რა სანახავი ვარ! მათ თვალებში სულ სხვანაირი გამომეტყველებაა, რომელიც წინათ არ მინახავს. სიბრალულია ეს, სევდა თუ თანაგრძნობით აღსავესე გულგრილობა? გასვლის წინ შერაპებმა მუხლებზე დამიდეს ულამაზესი ყვავილების წინული. ამ ყურადღებამ ძალზე ამიჩუყა გული. ამიერიდან მთელი ამ გრძელი გზის მანძილზე, მცირეოდენი შესაძლებლობისასაც კი, შერაპებს არ ავიწყდებათ ჩემთვის ყვავილების მოტანა.

ვიწყებთ დაშვებას მკვდარ ჭუნგლებში. შერაპები წინ მიდიან. თავისი კუკრების<sup>1</sup> ძლიერი მოქნევით ჰრიალ ბამბუკის ლეროებსა და ტოტებს, რომლებიც გზას გვიღობავენ. მიწა სველია, ფეხი უსხლტებათ — არა მგონია ერთი მაინც დარჩენილიყოს ამ დღეს, რომ არ დაცემულიყოს; კუზი, იშაკი, უღო, შაკი და ტერაი წინ მიდიან დაზვერვაზე. ნუაელი გეგმის თანახმად, ერთი დღის სავალით ყოველთვის წინაა, ხოლო რებიუფა ჩემთან და ლაშენალთან რჩება. უღოს ნემსები ფრიად ეფექტური აღმოჩნდა: ძალზე გაწამებული ვარ, მაგრამ უკვე აღარ ვგრძნობ ისეთ ტკივილს და ნახევრად თვალდახუჭული მეტწილად ვთვლემ. ლაშენალი კვალდაკვალ მომყვება. უკანასკნელი მონაკვეთი მდინარემდე განსაკუთრებით ციცაბოა. ჩემი ფიქ-

<sup>1</sup> მოღუნული ხანჯალი, ნეპალის ეროვნული იარაღია.

რით, ათასიდან მხოლოდ ერთი შესაძლებლობა მაქვს, რომ ცოცხალმა ჩავალწიო. ფაქტიურად თითქმის შვეული ფერდობია, ხოლო ვიწრო ბილიკი კუთხით ჰკვეთს მას. მზიდავები ბილიკის გასწვრივ წამოზრდილ ხეებს ეჭიდებიან.

ჩემმა მზიდავმა აღარ იცის, რა ქნას: ველარც წინ მიდის და ველარც უკან. ბოლოს იგი მუცლით ეკერის კედელს და გვერდულად მიიწევს წინ. ჩემი ჩასაჯდომი პირდაპირ უფსკრულის თავზე ჰკიდია. შერპები წამდაუწუმ არკობენ წერაყინებს სველ მიწაში და შეუპოვრად აწვებიან, რომ დაეხმარონ ჩემს მზიდავს. სულ უმნიშვნელო შენჯღრევასაც კი მწვავედ ვგრძნობ. შეძრწუნებული ვუყურებ ჩემს ქვემოთ მჩქეფარე შაძიუ-კპოლას, რომელშიც ყოველ წუთს შეიძლება ჩავვარდე, თუ მზიდავს ფეხი დაუცდა, ველარაფერი გვიშველის. იქნებ მზიდავმა კიდევ მოახერხოს შეჩერება, მაგრამ რა მიხსნის მე? უკვე აღარ შემწევს ძალა შიშთან საბრძოლველად. ახლა უკვე ვიცი, რა არის ნამდვილი შიში. ლაშენალიც ასევეა დაშინებული. საბედნიეროდ, მას ხელები თავისუფალი აქვს და დროდადრო შეუძლია მოიხმაროს. თითოეული ინაბიჯი მიზანს გვაახლოებს და შვებას გვანიჭებს. მაგრამ დაპასრულის წინ თურმე უკანასკნელი განსაცდელი მოგველოდა. ისედაც ძლივს შესამჩნევი ბილიკი ექვსიოდე მეტრის მანძილზე სრულიად აღარა ჩანს. კლდის გასწვრივ პატარა ინაპრალი იხვევა, რომელშიც ზოგჯერ ხერხდება ფეხის შეყოფა. ჩემი მზიდავი უდიდეს სიმამაკეს ამჟღავნებს და განაგრძობს წინსვლას. ვერაფრით ვერ გამომიტქვამს ჩემი აღფრთოვანება ამ ადამიანებით, რომლებიც უღრტვინველად ასრულებენ ესოდენ სახიფათო სამუშაოს. უმნიშვნელო ოღროჩოღროებზე ხელჩავლებული იგი მიდის წინ გვერდულად, სხეები კი ეხმარებიან, რომ ფეხი საიმედოდ დაადგას.

როგორც იქნა, მივალწიეთ შაძიუ-კპოლას. ფონით გადასვლა მოგვიხდება ამ ნაკადზე, რომელიც მუსონური წვიმების შედეგად აღიდებულა. ჩემს შემდეგ ლაშენალმა ფამოიარა სახიფათო მონაკვეთი. მიუხედავად იმისა, რომ ძალიან ეშინოდა, მგონია, მოერია თავისთავს, მაშინ, როდესაც მე საცოდავი დაერდომილი ვარ და მეტი არაფერი. ერთმანეთის მხარდამხარ მდგომი



და ხელიხელჩაკიდებული მზიდავები წარმატებით ებრძვიან ნაკადის ძალას. ავდივართ ასიოდე მეტრზე. ბარდნარი საამო სურნელებას აფრქვევს. იქ, მოშორებით, მწყემსების ლამის სათევი ადგილი მოჩანს.

სანამ უკანასკნელ ძალას მობიკრეფდნენ, მზიდავები შეჩერდნენ, მაგრამ რამდენიმე წუთის შემდეგ ვთხოვე ჩემს მზიდავს. რაც შეიძლება ჩქარა მივეყვანე ბანაკამდე. მგონია, რომ კლდოვანი კედლის ძირთან მან სწორი მიმართულება ვერ აირჩია — აქეთკენ გადმოხვლისას ეს კალთა ტრავერსით გავიარეთ — თუმცა ჩვენი შერაბები მტკიცედ მიაბიჯებენ. ისეთ ციცაბო ბალახოვან ფერდობზე გავედით, რომ იძულებული ვართ ყინულზე სვლის ტექნიკა გამოვიყენოთ. შერაბები არ დრკებიან, განვაგრძობთ გზას და ნამდვილ ცოცვაზე გადავდივართ. ამას კი ველარ ვუძღებ და იშაკს ვეძახი, მოგვეშველოს, თორემ მოწყვდებით. მაგრამ მზიდავები ჯოტობენ. ახლა ჩვენ ვერტიკალური კედლის თავზე გადმოკიდებული ლავგარდანის ქვეშა ვართ. კლდეები დაშლილია. კლდიდან ერთ მეტრზე დაშორებული მზიდავის ზურგზე ვზივარ და ფხედავ ჩემს ქვემოთ ხეობის მთელ სიღრმეს. შერაბები ღელავენ. მეუბნებიან, რომ მზიდავს არ შეუძლია უკან მობრუნება. იგი წინ უნდა მიდიოდეს. მეტის ატანა არ ძალმიძს და შეველას ვითხოვ... მაგრამ მე უკვე დიდი ხანია ბედი მწყალობს.

რამდენიმე ნაბიჯის შემდეგ სიარული გვიადვილდება, ისეე ბალახზე გავდივართ და ვპოულობთ ბილიკს, რომლითაც თავიდანვე უნდა გვევლო. ლაშენალი ითვალისწინებს ჩემს გამოცდილებას და ამ გზას ირჩევს. ბანაკში სწორედ იმ დროს მივედით, როცა წვიმამ გადაიღო.

კარავში რაკი მოვხვდი, აღარაფერი აღარ მინდა, გარდა სიმშვიდისა და მოსვენებისა... ლაპარაკისათვის ძლივს მყოფნის ძალა, მაგრამ მაინც ჩავჩურჩულებ უდოს, რომ მთავარი სიძნელე უკანაა დარჩენილი — ლეტემდე კარგი ბილიკია. მახსენდება ფოთლოვანი ტყეები სოფლის ახლოს და გრანიტის ლოდებით მოფენილი ლამაზი მდელოები, რომლებიც შამონის ველს მაგონებდნენ. უკან გამობრუნებისას ეს ჭალა მთელ მანძილზე სტუმართმოყვარედ და პოეზიით აღსავსე თავშესაფრად მეჩვენ-

ნებოდა! ოჰ, რა კარგი იქნებოდა, აქ რომ მეტხანს დარჩენა შეგვძლებოდა! აშხანაგები მეთანხვებიან. ბოლოს და ბოლოს უაზრობაა ყველანი ტუტუჩაში წავიდეთ, რაკი მაინც ლეტეზე დაბრუნება მოგვიხდება. ამ ტყეებში რეორგანიზაციას გავუკეთებთ მთელს ექსპედიციას, ვიდრე ინდოეთის საზღვრისაკენ ნეპალის ველებზე ხანგრძლივ მოგზაურობას შევუდგებოდეთ.

— სად არის ჩემი წერაყინი? — ვეკითხები შატს.

ჩემთვის ამას დიდი მნიშვნელობა აქვს. ვინაიდან ლაშენალმა დაკარგა თავისი, ჩემი წერაყინი ერთადერთია, რომელმაც ანაპურნის მწვერვალი მოიარა. იგი არავის უნახავს საბაზო ბანაკიდან. შეცი ათვალეერებს შერაბების ყველა წერაყინს, მაგრამ ჩემსას ვერ პოულობს. მე ღრმად განვიცდი ამ დანაკარგს. თავისთავად წერაყინი დიდ ღირებულებას არ წარმოადგენს, მაგრამ განზრახული მქონდა, რომ დაბრუნებისას იგი საფრანგეთის ალპინისტური კლუბისათვის გადამეცა.<sup>1</sup>

დღეს მოკლე სავალი გვაქვს: უდოს მიაჩნია, რომ ლეტეჟა კალას შუადღემდე მივალწევთ. აჩქარება არ არის აუცილებელი და შეგვიძლია დავტკბეთ მზის სხივებით, რომელიც თითქოს სასწაულით მოგვევლინა. მზიდავები მიღიან, შემდეგ კი ჩვენც ვტოვებთ მწყემსების ბანაკს.

ყველანი ერთად მივდივართ ჩოიაში, სადაც აღფრთოვანებით გვხვდებიან. ადვილობრივი მკვიდრნი თავქუდმოგლეჯილნი მორბიან ჩვენთან და ცნობისმოყვარედ შესცქერიან დაშავებულთ. დავატონდუბს აქ განცდილი სიამოვნების მარტო მოგონებითაც კი ალბათ ნერწყვი უშრება... ანგ-თარკე ვრცლად უხსნის იშაკსა და უდოს, თუ რა დიდებული იქნება ეს ადგილი ბანაკისათვის. აქ არის წყალიც, ტყეც და საჭმელიც...

— Good place!<sup>2</sup> — დაუინებით იმეორებს ჩვენი სირდარი.

ჩოიაში ჩანავიც არ არის ცუდი...

მაგრამ საჭიბებს თითქოს არ ესმით. წინ!

რაზმი უხალისოდ დაიძრა და მალე კრიშნა-განდაკის ნაპირებთან მივედით. მისი გამჭვირვალე სუფთა წყალი ამღვრეულა და გაჭუქყიანებულა. იგი საშინელი ხმაურით ბობოქრობს

<sup>1</sup> წერაყინი იპოვეს ორი დღის შემდეგ.

<sup>2</sup> კარგი ადგილია!

და ქაფდება. გავედით ხიდზე ყოველგვარი შემთხვევების გარეშე და ერთი საათის სიარულის შემდეგ, როგორც იქნა, მივალწიეთ შესვენების ადგილს, რომელზედაც დიდხანს ვოცნებობდი.

შევარჩიეთ გრანიტის სამი უზარმაზარი ლოდით შემოფარგლული მწვანით მოსილი დიდი მოედანი. გარს გვარტყია ნაზი მწვანე რბილწიწვიანი ხეები. გრილი და მშვიდი ადგილია! ქარი აქანავებს ხეთა ტოტებს და თვალებს რომ ვხუჭავ, მგონია ისევ შამონში ვარ.

შერბები, სადაც მოსწონთ, იქ დგამენ კარებს. მზე აცხუნებს და უდო პირდაპირ ღია ცისქვეშ გვსინჯავს. მე ფეხის დაჩირქება დამეწყო და ხელებიც საშინელ მდგომარეობაში მაქვს. პაერში მეტად საზიზღარი, გულისამრევი სუნი დგას. ყველა სახევეი ჩირქითაა გაქლენთილი. უდო იყენებს ბანდების უკანასკნელ მარაგს—მან იცის, რომ ტუკუჩიდან ახალი პარტია მოვა. მთელი ამ ხნის განმავლობაში იგი პირველად იღებს ხელში მაკრატელს და იწყებს „კანის მოცლას“, ე. ი. მკედარი ქსოვილის მოცილებას. ფეხებში არ ვგრძნობ განსაკუთრებულ ტკივილს, მაგრამ ხელები იმდენად მგრძნობიარეა, რომ ოდნავ შეხებაზეც კი უნებლიეთ ვყვირი. ველარ ვუძღვებ, აღარ შემიძლია მეტი ბრძოლა. უდო თავს მანებებს და კრილობებს ქრომისმქავა სინდიყს უსვამს.

— იწეჭი აქ, ვიდრე მე ლაშენალს მოვეუვლი, — მეუბნება იგი.

ლაშენალი უკეთესადაა. მან კარგად აიტანა ეს მტანჯველი მგზავრობა და ახლა, ბარში, იგი მშვენიერ გუნებაზეა. შესანიშნავი მადაც არ ღალატობს.

შუადღისას იშაკი, უდო და შაცი ტუკუჩაში წავიღნენ, სადაც მათ სიხარულით შეხვდნენ ნუაელი და ე. ბ. რანა. განლაგდნენ იქ შემორჩენილ მცირეოდენ კარვებში და საღამოთი კარგა ხანს ისაუბრეს. საუბარი არც თუ ისე ხალისიანი იყო, ვინაიდან იგი უმთავრესად ავადმყოფთა მდგომარეობას შეეხებოდა. უდოს მიაჩნია, რომ მე უეჭველად უნდა გამიკეთდეს ოპერაცია ინდოეთის საზღვართან მისვლამდე (ე. ი. ივლისის პირველ ნახევრამდე).

მეორე დღეს ბანაკი საბოლოოდ მოიხსნა. ირგვლივ მზიდ-  
ვები და ბავშვები გვახვევია. მთელი საათობით ჩაცუცქულნი  
უთვალთვალევენ კონსერვის ქილებსა და რძის ძველ ტუბებს.  
ნუაელი თვალყურს ადევნებს მზიდაევებთან ანგარიშსწორებას:  
უხვად არიგებენ რუპიებს. საღამომდე უდო ამთავრებს მზადე-  
ბას და მიემგზავრება უკანვე ლეტეში თავის პაციენტებთან.

24 საათში ყველაფერი მზადაა. ჩემს ამხანაგებს შეუძლიათ  
დატოვონ სოფელი, სადაც ესოდენ გულთბილად მიგვიღეს და  
გემასპინძლობდნენ თითქმის ორი თვის განმავლობაში. მზიდა-  
ევები და ადგილობრივი მცხოვრებნი საპიბებს ხანგრძლივი შე-  
ძახილებით აცილებენ. ეს გამოთხოვებაა! 4 საათისათვის ყვე-  
ლანი ლეტეში დაბრუნდნენ.

ავადმყოფების მდგომარეობა, განსაკუთრებით ჩემი, საფრ-  
თხეშია. წინააღმდეგობა დაბრუნებული უდოც აღიარებს, რომ  
მდგომარეობა კრიტიკულია.

დილიდანვე იგი ოპერაციებს აკეთებს. განაახლა მტანჯველი  
ნემსების კეთება. მე სულ უფრო საცოდავი სანახავი ვარ. ოცი  
კილოგრამის დაკარგვის შემდეგ მეტისმეტად გავხდი. ციებ-  
ცხელებამაც დაბრია ხელი. ამ საღამოს 40,9°C სიცხე მაქვს!

— 39°C, — თვალისდაუხამხამებლად აცხადებს იშაკი.

ჩემზე აღარაფერი მოქმედებს და მეტწილად უგრძობ, კო-  
მატოზურ მდგომარეობაში ვარ.

— პენიცილინის გაძლიერებული დოზები! — გაისმის უდ-  
ოს ბრძანება.

თვალეები თავისით მეხუჭება... ნისლიდან ლანდები გამოდი-  
ან... ისინი სულ უფრო მიახლოვდებიან... იხრებიან ჩემს თავ-  
თან... უხმაუროდ უჩინარდებიან.

სიჩუმე ლოდევით მაწვება.

ტკივილი მიუყრდა. მეგობრები მდუმარედ მივლიან. მუშაო-  
ბა დამთავრდა. გონება გამინათდა. დარჩენილ ძალ-ლონეს ვიკ-  
რებ და ჩემს უკანასკნელ გრძელ ლოცვაში, სიკვდილს ვემუ-  
დარები, ჩქარა მომხედოს.

სიცოცხლისათვის ბრძოლის სურვილი დაკვარა.

დავნებდი — ეს მდგომარეობა უკიდურესი დამცირებაა

ადამიანისათვის, რომლის მამოძრავებელი ძალა ყოველთვის სიამაყე იყო.

ახლაც არც კითხვებისა და არც საყვედურების დრო არ არის.

სიკვდილი! მე პირდაპირ თვალეზში ვუცქერ მას!

სასოწარკვეთით ვუხმობ მოვიდეს!

უეცრად თვალწინ წარმომიდგება ადამიანთა ცხოვრება. ის, ვინც სამუდამოდ მიდის, მარტო არ არის. მე მთები მიცავს. მე არნახული ჰორიზონტები მეხსნება. იქ ჩემს ფერხთა ქვეშ, ამ ვრცელ ველეზზე, მილიონობით ადამიანი მიჰყვება ბედს.

მომაკვდავნი ზებუნებრივ ძალას ფლობენ. არაჩვეულებრივი ინტუიცია პიროვნებას მთელ სამყაროსთან აიგივებს. მწვერვალი ესაუბრება თხემზე მოსისინე ან ფოთლებთან მოთამაშე ქარს.

ყველაფერი კარგად იქნება. მე აქ დაერჩები სამუდამოდ, რამდენიმე ქვა და ჯვარი დაამშვენებს ჩემს საფლავს.

ჩემი წერაყინი მომცეს.

ნიავის მსუბუქი ქროლა ნაზია და სურნელოვანი.

ჩემი მეგობრები მიდიან. მათ იციან, რომ ახლა სამშვიდობოსა ვარ.

გავყურებ, როგორ მშორდებიან ისინი ნელი, სევდიანი ნაბიჯებით.

პროცესია ვიწრო ბილიკზე გაიქიმა. ისინი ბარისაკენ და მშვენიერი ჰორიზონტებისაკენ მიდიან.

ღუმელია...



ეს სუბუქი ტკივილის დროსაც კი ვყვირი: იშაკმა ეს-ეს არის გამიკეთა თავისი პირველი ნემსი და საშინლად აღელვებულია. გადაუღებლად წვიმს... ნაღვლიანი გარემოა გასვლისათვის.

ვიდრე გასვლის ბრძანებას გაცემდა, უღო მერყეობდა, მაგრამ დღეს უკვე 19 ივნისია და დროა გავემგზავროთ.

მე და ლაშენალი ე. ბ. რანას გაკეთებულ საკაცებზე ვწევართ. სანამ ისევ გავირინდებოდე, გრძნობამორეული, უკანასკნელად ვავლებ თვალს ქალას.

რაზმი დაიძრა. რეზიუფას ცხენი უშოვია და დანავარდობს ჩვენს გარშემო. ფონით გავდივართ დჰაულაგირიდან მოვარდნილ ნაკადში.

მზიდავები მხარდამხარ დგებიან, რათა ებრძოლონ დინებას, ტრუსებისამარა დარჩენილი იშაკი და უღო, მედიდურად მიაბიჯებენ. ამ უკანასკნელი ამბების შემდეგ ისინი ჩამოთხელდნენ და ახლა მოხდენილი ტანადობის კაბუკებად გამოიყურებიან.

დანაში რომ მივედით, პირველად ვიგრძენით, რომ მალალი მთები უკან დარჩა: სიმინდის ყანები, ბანანები, სიცხე — ეს უკვე ბარისაკენ დაბრუნებაა.

მიუხედავად იმისა, რაც თავს გადაგვხდა, მაინც გული გვწყდება, რომ სამუდამოდ ვტოვებთ ამ მხარეს, სადაც ესოდენ მღელვარე დღეები გადავიტანეთ.

მზიდავები თანდათანობით გვტოვებენ. მიუხედავად ხვეწნისა, პანდიც კი უარს აცხადებს უფრო შორს წამოსვლაზე.

მას არ მოსწონს ბარის ჰავა. ტანზე ღვარღვართ ჩამოსდის ოფლი.

20 ივნისს, ნაშუადღევს კარგ ბილიკს დავადექით. მზე, დიდი ხანია არ გამოჩენილა, ახლა კი რამდენიმე წუთით გამო-ბრწყინდა. სასაუზმოდ უზარმაზარი ბანანების ქვეშ გავჩერ-დით. ჩემთვის ეს წამებაა: ჰამაზე ფიქრიც კი ზიზღსა მგვრის. უღო ჯალათი გახდა — იგი მაიძულებს ვჰამო და სხვებიც ცდი-ლობენ რაიმე გადამაყლაპონ.

იშაკი და უღო ყოველნაირ ხერხს მიმართავენ: ხან მარ-წმუნებენ, ხან მეხვეწებიან, ბოლოს მოთმინებიდან გამოსულ-ნი, მუქარაზე გადადიან:

— ასეთი რეჟიმით რამდენიმე დღესაც კი ვერ გაატან.

მათ არ იციან, რომ მე სულაც არ მალეღვებს ეს მათი და-საბუთება! როდესაც ისინი თავს ანებებენ ამაო რწმუნებას, უღო მიახლოვდება და მოურიღებლად, უბრალოდ, მიბრძანებს. შევჰამო, რასაც მაძლევენ.

აუცილებლად უნდა მოუთავო ხელი ამ თირკმლებს. ერთი წუთის შემდეგ დავბრუნდები და ვნახავ, შეჰამე თუ არა. ხომ არ გინდა, რომ ძალით გადაგაყლაპონ!

სარკე ჰრის საზიზღარი შესახედაობის თირკმლებს და და-ნის წვერით მაწოდებს. გაუთავებლად ვღეჰავ ბავშვივით... გა-დაყლაპვა შეუძლებელია! არა და სადაცაა დაბრუნდება! ყვე-ლაზე მეტად იმისი მეშინია. ძლივს გადავყლაპე ნაჰერი, ზედ-ყელზე მადგას და ასე მგონია ამწუთას ამომალებინებს. დას-წყევლოს ეშმაკმა, კიდევ რამდენი უნდა გადავყლაპო! უღო მკაცრი გამომეტყველებით დაბრუნდა.

— არასერიოზულად იქცევი, მორის!

მერე მიუბრუნდა სარკეს და უბრძანა — განაგრძეო.

და ასე ყოველთვის.

ბანანების ქვეშ გრილა. მიმზიდველი, მსუქანი ვარიებო უშიშრად დანავარდობენ ჩვენს ახლოს. რომ შეიძლებოდეს ერთი მათგანის შეჰმა, ეს ბევრად უფრო სასიამოვნო იქნებო-და, ვიდრე მაგარი ცხვრის ხორცი, რომლის სუნიც კი გულს შირევს. გლეხი მზადაა მოგვყიდოს ერთი, იმ პირობით, თუ ჩვენ თვითონ დავიჰერთ. ძლივს ასწრებს დასტურის მოცემას, რომ ჟ. ბ. რანა იღებს თოფს და ესვრის. შუაზე გაგლეჯილი წი-

წილა, თავის სიცოცხლეს ქვაბში ამთავრებს. ანგ-თარკეს ტრიუმფით მოაქვს იგი ჩემთან: ძლივს რაღაცის ჰამა მოვისურვე!

ჩემი დანელი მზიდავები ზებუნებრივი ოსტატები არიან. -ოთხ კაცს ბუმბულივით მსუბუქად მივყავარ. ერთი მათგანი, ორმოცდაათიოდე წლის ცალთვალა მზიდავი მეტად გულისამაჩუყებელ მზრუნველობას იჩენს ჩემდამი. ყოველ შესვენებაზე მამშვიდებს, რომ გზა მათ კარგად იციან და სავალიც ცოტალა დარჩენილი.

მათი ძალ-ღონისა და სიმარდის რწმენა მამხნევებს: ერთ-მა მზიდავმაც რომ წაიბოროძიკოს, ან მე ან ლაშენალი შეიძლება ასეულ მეტრზე გადავიჩეხოთ. ზოგჯერ საკაცე გვერდზე იხრება და, რომ არ გადმოვცურდე, სასოწარკვეთილი ვებჯინები მას მუხლებითა და იდაყვებით. როცა ამას ვერ ვახერხებ, მშველელს ვუხმობ. მოირბენს ხოლმე ერთ-ერთი შერპი და ხელს შემაშველებს.

ეს მღელვარება ძალიან მოქმედებს ჩემზე და ვთხოვ, ერთ-ერთი შერპი მუღმივ თან მახლდეს. ეს დაავალეს სარკეს, რომელიც ბოლომდე ჩემთან დარჩა. ის მაწოდებს ხოლმე ცივ წყალსა და ბანანებს, მეხმარება ჰამის დროს და ყოველი შესვენებასას ლეიბს მიბერავს, რომ ქვებმა არ შემაწუხონ. ისე გამხდარი ვარ, რომ მცირეოდენი უსწორმასწორობაც ტკივილს მაყენებს.

ერთი ღამე ბანდუნგთან გავათიეთ, უზარმაზარი ჩანჩქერის ახლოს. კოკისპირულად წვიმდა. ჩემს კარავში მწოლარე, ძლივს ვგრძნობდი მუსონის შეტევას და ვცდილობდი დამეძინა. მაგონდებოდა ჩვენი კოშმარული დაშვება. მე ვფიქრობ შეუძლებელია ესოდენ ხანგრძლივი გოლგოთის ატანა. ჩემი სახვევების სუნი ალბათ ყველას ზიზღსა ჰგვრიდა. მაგრამ არავის დაუჩივლია. თვითონ კი ხშირად თითქმის გონებას ვკარგავდი.

იშაკს ჩემ გვერდით ეძინა. ბოლოს მეც ჩამთვლიმა. შუადამისას უეცრად გამეღვიძა. წყვდიადია. ზებუნებრივი ძალა მაიძულებს წამოვიწიო. მძიმე სევდა გულს მიკუმშავს. „არყოფნის“ გრძნობა მიპყრობს, მეჩვენება, რომ ამწუთას მოვკვდები. ყურებში გამაყრუებელი რეკვა მესმის განუწყვეტლივ.



ჩემდაუნებურად დავიყვირე: „სადა ვარ?“ სინათლე აანთეს. შევებით ამოვისუნთქე თავი რომ კარავში ვიგრძენი და მომაგონდა, ექსპედიციის წევრი ვარ. იშაკი შეშფოთდა:

— ეშმაკმა დალახვროს, რა მოხდა?

ვცადე ამეხსნა ჩემს მიერ ახლახან განცდილი „არყოფნის“ საშინელი შეგრძნება.

— ალბათ კოშმარი იყო, — მითხრა მან.

სინათლე აღარ ჩააქრო და აღერსიანად მელაპარაკა, ვიდრე სრულიად არ დაემშვიდდი.

მეორე დილით, უპირველეს ყოვლისა, უდოს ვუამბე ამის შესახებ. მან ამიხსნა, რომ მორფი ზოგჯერ იწვევს ასეთ რეაქციას. ამიერიდან უქვე ველარ გავბედავ მის მილებას. მირჩევენია, ყველაზე საშინელი ტკივილი ავიტანო, ვიდრე ასეთ ფასად შემემსუბუქდეს.

ბენის მახლობლად გავიგეთ, რომ იქ ქოლერა მძვინვარებდა. იძულებული ვართ, სოფელს გვერდი ავუაროთ და გავიდეთ ბობოქარ, აულაგმავ მდინარე განდაკის ხიდზე. ეს ხიდიკი, რომლის სიგრძე 60 მეტრს აღემატება და მდინარის დონიდან 15 მეტრის სიმაღლეზეა გაბმული, ძალიან გვალეღვებს: იგი გაკეთებულია ორი გრძელი ჯაჭვისა და დაქანგული, გაბრუდებული რკინის წნელებისაგან, რომელიც ამაგრებს ძველ, დამპალ ფიცრებს. ხიდი მთლიანად ირყევა, რაც, შესაძლოა, საბედისწერო გახდეს ჩვენთვის. კაკოლეს გამოყენება დაგვიკრძალავს! პირველად გადადის ლაშენალი. იგი რამდენიმე მეტრის გავლასაც ვერ ასწრებს, რომ საშინელ ყვირილს იწყებს. შერპები ეხმარებიან აჯიბას, რომელსაც ლაშენალი გადაჰყავს, წნელებს განზე სწევენ, რომ დაშავებულის ფეხები არ წამოედოს. როდესაც ჩემი რიგი დგება, ვცდილობ ვაჟაკურად ავიტანო ეს განსაცდელი, მაგრამ, მიუხედავად იმისა, რომ შერპები წნელებს მარიდებენ და აჯიბაც, რაც შეუძლია, ფრთხილად მიდის, ქანაობა მაინც გულს მირევს. მეორე ნაპირზე ვუერთდები ლაშენალს და ორივენი ვტირით, გაცეცებული მზიდავების თვალწინ.

ჟ. ბ. რანა ფიქრობს თავისი ცხენი ცურვით გაუშვას. აბამენ ერთმანეთზე რამდენიმე ნეილონის თოკს და მეორე ნაპირიდან ყველა მას ეწევა. უბედური ცხოველი გრძნობს საში-

შროებას და გმირულად უძალიანდება, მაგრამ მალე მდინარეში აღმოჩნდა და მაშინვე გაუჩინარდა ტალღებში. თოქს მთელი ძალით ექაჩებიან. დროდადრო მოჩანს ყურები, ფეხი ან გვერდი... მგონია, სადაცაა ლეშს გამოათრევენ. სრულიადაც არა! ნაპირიდან რამდენიმე მეტრზე თავი გამოჩნდა, შერე ცხენი ნელა ამოვიდა ნაპირზე და ოლიმპიური სიმშვიდით გამოეპართა ჩვენკენ.

უკვე გვიანაა. ბანაკს მდინარის ახლოს ვშლით. მაგრამ ამ მხარეზეც ქოლერა მძვინვარებს და მეორე დღით, მორიგი „კანის მოცლის“ მტანჭველი პროცედურის შემდეგ სასწრაფოდ ვტოვებთ ამ არაჯანსაღ რაიონს.

ყოველდღე თავსხმაა და სალამოობით, როდესაც თავშესაფრის ძებნა გვიხდება, ვწყევლით და ვკრულავთ ყველაფერს ქვეყანაზე. ჩვენ გვესაჭიროება სახლი, სადაც ყველას ერთად შეგვეძლება ყოფნა, სადაც საკმარისი ადგილი გვექნება ბარგის გადასარჩევად და საბოლოოდ დავალწევთ თავს კოკისპირული წვიმის გამაღიზიანებელ ხმაურსა და კარვებზე რახარუხს. პატარა სოფელ კუსმაში მისვლისას დიდ გასაჭირში ჩავცვივდით. აქ არც ერთი შესაფერისი სახლი არ აღმოჩნდა. მიემართეთ „ხელისუფალთ“ და წაგვიყვანეს... პაგოდაში! თავისუფლად მოვეწყვეთ და მალე ამ წმინდა ადგილიდან, რომელსაც ცხადია უკვე აღარაფრისთვის იყენებენ, ისეთი სიმღერების საშინელი კაკოფონია მოისმა, ქალიშვილების ყურებს არ გაეგონებოდა.

ექსპედიციის წევრთა ერთი ნაწილი ანგარიშს უსწორებს იმ მზიდავებს, რომლებიც დანაში ბრუნდებიან. თანსინგში გადასასვლელად კი ახალ მზიდავებს კრებენ. შაცი აგროვებს საჭურველს და ამოწმებს ტვირთს. კუზი, რომელიც ერთსულოვნად აირჩიეს მზარეულად, ყველა ღია კონტეინერში ყოფს ცხვირს.

ყველაფერი გაურკვეველია, არც კი ვიცით, ვიშოვით თუ არა იმდენ მზიდავს, რომ მეორე დღეს გავიდეთ. გვითხრეს. ზუთი დღის სავალიაო დარჩენილი, სინამდვილეში კი ათ დღეზე მეტი დაგვჭირდა.

ტერაი, რომელსაც ჩვეულებრივ, ფუსფუსი უყვარს, გაე-

რეკას მიპირებს. ის იყო დამიწყო, რომ იქვე, სულ ახლოდან ხმამაღალი ყვირილი მოისმა:

— შეხედეთ, შეხედეთ! — იძახის აღგზნებული კუზი, — რამოდენა ობობაა.

— ასეთი გიგანტი ჩემს დღეში არ მინახავს!

-- ფრთხილად!

კუზი, რომელსაც გუშინწინ მორიელმა უკბინა, წინდახედულად უკან იხევს.

— საოცარია, — ამბობს იშაკი, — აუცილებლად უნდა დავიჭიროთ და შევიწინაოთ. მომავალ ჰიმალაელებს ვაჩვენებთ...

— ერთი წუთით, — ამბობს უდო და ხელის ფათურით ეძებს ქლორეთილის ამპულას, რომელსაც იგი ცხენის საანესთეზიოდ იყენებდა ხოლმე.

— აჰა, დაიჭირე! ამის დახმარებით შეგიძლია აღვილად და უმტკივნეულოდ გაისტუმრო იგი საიჭიოსი იშაკი ამპულის ქნევით მისდევს ობობას, რომელიც ვეება, ოცდაათსანტიმეტრიან ნახტომებს აკეთებს და, ბოლოს, სადღაც ხვრელში იშალება. სწორედ იმ დროს, როცა მისი მღვეარი უკვე მზად იყო ხელი აედო თავის განზრახვაზე, ობობა ისევ გამოჩნდა ბალახში.

— ახლა კი ველარსად წამიხვალ!

გადაასხეს თუ არა ქლორეთილი, ობობა გაქვავდა. რამდენიმე წუთის შემდეგ კი ქინძისთავებზე ჯვარცმული ობობა, უკვე კოლოფში იდო. მისი ტანის დიამეტრი 25 მილიმეტრია, ხოლო გაშლილი თათების სიგანე ათ სანტიმეტრს აღემატება.

მეორე დღეს თითქმის ორმოცდაათი პაციენტი ელოდება „დოქტორ საპიბს“. მათ სხვადასხვანაირი ავადმყოფობა — ძირითადად ფლეგმონები და გამოუცნობი ციებ-ციხელებები აქვთ. ყველა პაციენტის გასინჯვა ბევრ დროს მოითხოვს, ბევრ მედიკამენტს და, რაც მთავარია, უსაზღვრო მოთმინებას უდოს მხრივ.

მან შეადგინა სტანდარტული კითხვების სია:

1. რამდენი წლისა ხართ?
2. კარგად გძინავთ თუ არა ღამლამობით?
3. როგორი მადა გაქვთ?

4. სად გტკივათ?

5. ხომ არ გახველებთ?

ეს კითხვები ჩაიბარა ნუაელმა, რომელმაც რამდენიმე პინდური სიტყვის დახმარებით თარგმნა იგი ინგლისურად ე. ბ. რანასათვის, ხოლო ე. ბ. რანა თავის მხრივ თარგმნის გურკალზე. პასუხები ამავე გზით უბრუნდებათ უკანვე და ამდენი შუალედური ინსტანციის შემდეგ, ცოტა არ იყოს, უცნაურ სახესღებულობენ. შერპები სიცილით იხოცებიან. მათ ესმით ლაპარაკის მხოლოდ ნაწილი — უკანასკნელი ნაწყვეტი, რომელიც იწყება პინდურზე, გრძელდება გურკალზე და შემდეგ ისევ პინდურზე გადადის. ამასობაში აზრი სრულიად იცვლება.

უღო უდიდესი პრესტიჟით სარგებლობს. ხალხი შორიდან მოდის მასთან, რადგან იგი თითქმის ღმერთკაცად ჰყავთ მიჩნეული. ჩვენ გვზიბლავს საოცარი გულუბრყვილობა ამ ადამიანებისა, რომლებიც თავის ჯანმრთელობას და ზოგჯერ სიცოცხლესაც კი ანდობენ სრულიად უცნობ ადამიანს. თავის სიცოცხლესი მათ პირველად სინჯავს ნამდვილი ექიმი. ჩვეულებრივ, როცა ავად ხდებიან, მათ მკურნალობს სოფლის ექიმბაში ანუ ე. წ. „განმკურნავი“.



რელიგიური ადამ-წესებით შებოჭილი პაციენტები, ყოველთვის როდი არიან დამყოლნი. როცა უდო მათ ხელს. ახლებს, ისინი იკრუნჩხებიან, სახეს მანჭავენ. ყველაზე ძნელია ქალების გასინჯვა. ისინი მეტისმეტად მორცხვები არიან, არაფრის გულისთვის ხელის შეხების ნებას არ იძლევიან და მით უმეტეს გახდაზე არ თანხმდებიან უდოს. ერთხელ უდომ მოახერხა ნეპალელი ქალიშვილისათვის ძონძების გახდა. როცა ის ნახევრად გახდილი იყო, სარკე, რომელიც ეხმარებოდა უდოს, მორიდებით გავიდა კარვიდან. თვითონ ქალიშვილი მეტზე არ დათანხმდა. ყველას წამლები უნდა მისცეს. როცა ეს შესაძლებელია, უდო აკმაყოფილებს მათ. სხვა შემთხვევაში იგი არიგებს უვნებელ აბებს, რომლებიც უმთავრესად ფსიქოლოგიურ ზემოქმედებას ახდენენ. მაგრამ როგორ ხმარობენ ისინი წამლებს? თვალისდაუხამხამებლად ყლაპავენ დამწვრობისაგან დასაცავ კრემს და მეგობრულად უცვლიან ერთმანეთს წამლებს, რომლებიც განკუთვნილია სრულიად სხვადასხვა დაავადებისათვის. ყოველ შემთხვევაში, ისინი ვაჟკაცურად იტანენ რაგინდარა ქირურგიულ ოპერაციას.

ერთხელ მოვიდა უბედური ახალგაზრდა, რომელსაც ძაჯის ორმაგი ღია მოტეხილობა ჰქონდა. ჩირქის მასიდან ძვალი გამოსჩროდა, მკლავი გასივებოდა, ხელის მტევანი კი უზომოდ შეშუპებოდა. ძალიან ცუდად ჰქონდა საქმე. თარგმნის იმავე რთული პროცესის საშუალებით, უდომ გაარკვია, რომ უბედურება ორი კვირის წინათ მომხდარა.

იგი უხსნის მშობლებს, რომ მათი შვილის გადარჩენის ერთადერთი გზა ხელის მოკვეთაა. ისინი უარს ამბობენ და თხოვენ, რომ მათ მხოლოდ შეხვევა სურთ. რა გაეწყობა. უდო უკეთებს პაციენტს მორფს, შემდეგ ცდილობს ძვლების ჩაგდებას თავ-თავის ადგილზე: ძლივძლივობით ახერხებს ამას და ბოლოს თაბაშირში უდებს ხელს.

— მერე რალა ეშველება? — მღელვარებით ვეკითხები უდოს. სახვევებს ვერაფერს გამოუცვლის, რამდენიმე დღის შემდეგ კი ისევ დაუჩირქდება.

— რა გაეწყობა. ალბათ ორი კვირის შემდეგ იგი მოკვდება. მის სიტყვებში ისეთი ფატალიზმი ჟღერს, რომ ჟრუანტელი მივლის ტანში. უდო მაინც მართალია, ჩვენ არ შეგვიძლია

ვიმსჯელოთ აქ ისე, როგორც ევროპაში — ჩვენს ირგვლივ ჯერ კადევ შუა საუკუნეებია. მე ვფიქრობ ამ უბედურ ადამიანებზე, რომელთაც არ ძალუძთ ეპიდემიისაგან თავის დახსნა: აქ არც ექიმებია, არც ვაქცინები. ასეთ ქვეყნებში სიკვდილი ადვილად იკვლევს გზას. სიკვდილიანობაც მაღალია... ჩვენი ხანგრძლივი მგზავრობის განმავლობაში ხშირად შეგვხვდრია სამგლოვიარო პროცესიები. მე და ლაშენალს არცთუ ისე დიდ სიამოვნებას გვანიჭებდა დამკრძალავი საკაცების მზერა. რომლებიც ძალიან ჰგვანან ჩვენს საკაცებს. მიცვალებულები გახვეულნი არიან უცნაური ფერის სუდარებში. წინ მიუძღვიან საყვირით, რომლის ექო დიდხანს გაისმის მთებში. გარდაცვალებულთა ნათესავები და მეგობრები მღუმარედ მიდიან, მაგრამ განსაკუთრებულ მწუხარებას არ ამჟღავნებენ. სიკვდილი მათთვის მხოლოდ და მხოლოდ გარდამავალი ეტაპია. მასში არაფერია სამწუხარო: ადამიანი ხომ ისევ აღდგება სხვა უფრო ძრულყოფილ ფორმებში. გვამებს კრიშნა-განდაკის ნაპირებზე მარხავენ და მუსონური ნიაღვრები მიაქანებენ მათ ქვევით, წმინდა განგისაკენ.

უღო ყოველდღე უვლის ექსპედიციის ავადმყოფ წევრებს. იგი გამუდმებით დარბის თავის წამლებიანი ყუთისათვის. ეს ყუთი ან ძალიან წინაა და უნდა დავეწიოთ, ან შორსაა ზურგში და იძულებულნი ვართ, დიდხანს ვუცადოთ. მაგრამ არც მე, არც ლაშენალი, ჩვეულებრივ, არ ვჩქარობთ ხოლმე ჩვენი მეგობრის ნახვას მუშაობის დროს. თანდათანობით შესამჩნევი ხდება პენიცილინის დიდი დოზების გავლენა: კიებ-ცხელება სუსტდება და სისხლის საერთო მოწამვლის აჩრდილი უკან იხევს. მე უკვე ვლაპარაკობ და გარესამყაროთ დაინტერესებას ვამჟღავნებ.

ერთხელ, პატარა მწვანე მინდორზე პუტლიკეტეში, უღომ, როგორც ყოველთვის, ჩემგან დაიწყო:

— ნუ ყვირი ასე, — მთხოვს იგი.

— უღო, გეთაყვა, ფრთხილად!

— რაც შემძლია, ვფრთხილობ. მოამზადეთ! აბა, გეტყინა?

კბილს კბილზე ვაჭერ, მთელ ნებისყოფას ვძაბავ, რომ ტკივილი ავიტანო:

— ყველაფერი რიგზეა, არც კი მიგრძენია.

— ჩინებულისა, — ამბობს უღო. — მაკრატელი.

— ა-ა... ა!...

ტკივილი მთელ ტანში მივლის. უღო აცხადებს:

— პირველი ამპუტაცია! ნეკი!

შევეკრთი. ნეკი არცთუ ისე აუცილებელია, მაგრამ მაინც შენანება! პირველი ამპუტაცია! თვალებზე ცრემლები მადგება. უღო მაწვდის მოჭრილ თითს.

— იქნებ გინდა სახსოვრად წაიღო?

— ....!

— იცი, მისი შენახვა შეიძლება! მაგრამ რალაც შენ არ ამქლავნებ განსაკუთრებულ ენთუზიაზმს!

— რა ოხრად მინდა შევიინახო შავი, სრულიად დამპალი ნეკი... არავითარი აზრი არა აქვს!

უღო დაუდევრად ისვრის „სუვენირს“ კონტეინერის საჭურავზე და მეუბნება:

— კარგია, სანტიმენტალური არა ხარ!

საზღვარი ცოცხალ და მკვდარ ქსოვილთა შორის ახლა მკაფიოდ ჩანს. უღოს უჭირავს რასპატორი<sup>1</sup> და ყოველდღიურად ერთ-ორ ფალანგს ვკარგავ ხელ-ფეხზე. ყველაფერი ეს უნარკოზოდ კეთდება, ღია ცის ქვეშ, როცა ხერხდება და როგორც ხერხდება.

უღო ზოგჯერ ოპერაციებს ადგილობრივ საცხოვრებელ ბინაში აკეთებს, ხან გზის პირას, მტვერში. ზოგჯერ იგი მუშაობს ბრინჯის ჭაობების გვერდით, მიუხედავად სინესტისა და წურბელებისა, შუა მინდორში, წვიმაში, ქოლგის ქვეშ თავშეფარებული, რომელიც აკანკალებული ხელით უჭირავს ე. ბ. რანას.

უღო სულმოუთქმელად წმენდს, კრის, გვიხვევს. ოპერაციის დროს, როდესაც ჩვენ ამ სატანჯველს ვითმენთ, როცა ირგვლივ გულისამრევი სუნი დგას, ბანდებში გამონაჟონ წაჟონ ჩირქს, სისხლსა და კრილობებს უამრავი ბუზი ეხვევა, უცნაურია, მაგრამ ხშირად თავშესაქცევი ინციდენტების მოწმენი ვხდებით.

<sup>1</sup> საფხეკისმაგვარი ქირურგიული იარაღი, რომელსაც ხმარობენ ძვლების საფხეკად და ცოცხალი ქსოვილის მკვდრისაგან მოსაშორებლად.

ახლა, პირველი მუსონური წვიმების შემდეგ, ბრინჯის გადარგვის დროა. ყველა, ვისაც კი მუშაობა შეუძლია, ბრინჯის ყანებშია გასული. ექსპედიციისათვის მზიდავების შოვნა შეუძლებელი ხდება. ჩემი ამხანაგები ძალზე შემფოთებულნი არიან: რაღაც არ უნდა დაგვიჩდეს, უნდა გავალწიოთ აქედან. უღო სთხოვს ჟ. ბ. რანას, ისარგებლოს თავისი ავტორიტეტით და გამოიყენოს უკიდურესი ზომები მზიდავების შესაქრებად. აგონებს აგრეთვე, რომ ჩვენ მაჰარაჯა გვიწევს მფარველობას, რომელიც არ დაუშვებს ჩვენს დაყოვნებას ამ ქვეყნის დატოვების მომენტში. ჟ. ბ. ყველაფერს აკეთებს, რაც კი შეუძლია, მაგრამ უშედეგოდ.

ჩვენ თანდათანობით გავგულქვავდით. უმაღლეს გასამრჯელოსაც აღარ ვიშურებთ, მაგრამ მალე ნათელი ხდება, რომ, რაც უფრო შორს შევდივართ ინტენსიური მიწათმოქმედების რაიონში, მით უფრო გასაჭირში ვცვივდებით, ვიდრე საბოლოოდ ჩიხში არ ვემწყვდევით.

მიუხედავად იმისა, რომ არ გვსურს უხეშ ზომებს მივმართოთ, ჩემი მეგობრები იძულებულნი არიან, გამოიყენონ „ნებაყოფლობითი შეკრების“ სისტემა. მეთოდი მარტივია: უნდა „აიყვანო“ ადამიანი იქ, სადაც წააწყდები. სტაცო ხელი და ნაზად წამოჰკიდო ზურგზე ტვირთი ან საკაცე ჩაბარო. რამდენიმე წუთს მზიდავები უარობენ, მაგრამ მერე ყველაფერი ღიმილით თავდება. ისინი იღებენ საკმაო რუპიებს, იმისათვის, რომ გაუქარწყლოს ზოგს სინანული, ხოლო სხვებს—სინდისის ქენჯნა. შერპებმა სრულყოფილად აითვისეს ეს ოპერაცია და მე ვფიქრობ, ჩვენი ექსპედიცია პირველად არაა ჰიმალაიში, რომელმაც ეს მეთოდი გამოიყენა. ისინი მიამიტურად დასეირნობენ სოფელ-სოფელ ცხვირაწეული და მზად არიან ბარგის ზიდვის შემძლე პირველსავე შეჩხვედრზე მიიტანონ იერიში.

სოფელ გარომბორეს ცენტრში, პატარა სახლის ფარდულში ვწევარ ქირურგიული პროცედურებისაგან ღონემიხდილი. უკვე რამდენიმე ამპუტაცია გადავიტანე. გულგრილად ვუტყერ გამოცოცხლებულ ცენტრალურ ქვით მოკირწყლულ ქუჩას. შერპები „სანადიროდ“ გავიდნენ... მათ წაჰყვა მზიდავი, რომელიც ტუჟუჩის სუბამ დაგვიტმო. წინაღლით მან მომიტანა



საუცხოოდ მოქედელი ვერცხლის ხმალი. მიიღო მონაწილეობა „ნადირობაში“. მას მკვექარე ხმა აქვს და ყველაზე ხმამაღლა ყვირის.

უეცრად მეზობელი შესახვევიდან გამოჩნდნენ: სარკე, ანგ-თარკე და აჯიბა, თან კინწისკვრით მოჰყავთ ოთხი გლეხი. მათ არაფერი ესმით. თვალისდახამხამებაში ჩამოვართვით ყველა იარაღი და ცოტაოდენი „მეგობრული“ შთაგონების შემდეგ ისინი მზიდავებად გარდაიქმნენ.

ერთიმეორის მიყოლებით მოდიან „მოხალისეები“ ბრძოლის ველზე. თავგამეტებით ვაგროვებთ მზიდავებს.

წვიმაში მივდივართ მწყრივად გაქიმული... უცებ შერბებმა მეთევზე დაინახეს. დღე იწურება. ირგვლივ უჩრვეულო სიმშვიდე და სიწყნარება. მეთევზე შინ ბრუნდება და ნელა მიაბიჯებს ჩვენ წინ, თან სავსე ბადე მიაქვს. აჯიბამ იდაყვით უბიძგა ფუთარკესა და სარკეს და ფეხაკრფით მიეპარა მას. ზანმოკლე შეტაკების დროს ბადე, ანკესი და სხვა მოწყობილობა აქეთ-იქით მიმოიფანტა. რამდენიმე წამის შემდეგ „პატიმარს“ უკვე უჭირავს ჩემი საკაცის ტარი და მიაბიჯებს თავის ახალ კოლეგებთან ფეხაწყობილი. საბრალო მეთევზე! შერბები ალერსიანად უხსნიან, რომ მას თანსინგამდე მოუხდება ჩასვლა და რომ კომპენსაციის სახით საკმაო რუპიებს მიიღებს. მეთევზე ტირის, გვემუდარება... მაგრამ, რადგან სხვა გზა არა აქვს, ყველაფერი ღიმილით თავდება. „შაინც რა მოხერხებული ოინი მიყვეს!“ — ფიქრობს ალბათ გუხნებაში.

მსგავსი სცენები თითქმის ყოველდღიურად მეორდება, რადგან ყოველდღე ბევრი მზიდავი უარს აცხადებს გამომუშავებულ რუპიებზე და გარბის.

კრიტიკული მდგომარეობა შეიქმნა. ექსპედიცია მიმოფანტულია რამდენიმე სოფელში და ზოგჯერ მოწინავე რაზმი და ზურგი ორი დღის სავალზეა დაშორებული ერთმანეთისაგან. ზოგიერთი ჭგუფი უკაცრიელ ადგილებში გაიჩხირა, სადაც მზიდავთა კვალსაც ვერ იპოვნენ.

29 ივნისს დარჯილინგში შემოწმებისას აღმოჩნდა, რომ 25 მზიდავი გვაკლდა. საშინელი ამინდია. აი, უკვე ორი თუ სამი დღეა, რომ ვიღაც გურკი, ყოფილი უნტერ-ოფიცერი, რომელიც საუცხოო ქუდით კოპწიაობს, უმიზნოდ დაეხეტება

ექსპედიციის ირგვლივ. მის საუბრებს მზიდავებთან ყოველთვის დეზერტირობა მოსდევს... იგი შფოთს თესავს. იშაკი და უღო მოვიდნენ ჩვენთან:

— თუ ის ჭაბუკი ასეთ ცუდ გავლენას ახდენს მზიდავებზე, ალბათ რაიმე ავტორიტეტით სარგებლობს.

— შესაძლებელია, მაგრამ თუ მან ასე განაგრძო, ჩვენ ხარერივით<sup>1</sup> დაგვემართება, — უპასუხებს უღო.

— იქნებ მოველაპარაკოთ და მისი გავლენით ვისარგებლოთ? — წინადადება შემოაქვს იშაკს. რატომ არ უნდა დავიქირაოთ იგი და გამოვიყენოთ მზიდავების მოსაგროვებლად?

ამგვარად, ვქირაობთ მას ათ რუბიად დღეში. მაგრამ ჩვენი „შენაძენი“ არცთუ ისე სრულყოფილია. მას მეზობელ სუბებზე გავლენის მოხდენით მართლაც შეუძლია მზიდავების შეკრება, მაგრამ, სამაგიეროდ, უზომო მიდრეკილება აქვს ჩანგისა და ნეპალელი ლამაზმანებისადმი. საღამოობით მისი თაოსნობით გატაცებით ასრულებენ ველურ ცეკვებს, რაც გვიან ღამემდე გრძელდება. დილით კი ჩვენი სერჟანტი — შემკრები თვალებამღვრეული, მოქანცული ავადმყოფივით ცხადდება.

მიუხედავად ამისა, იგი თავს იკავებს და მალე მოხალისე მზიდავების საქებრად მიეშურება.

მრავალი დღე მოვანდომეთ ამ განსაცვიფრებელი ქვეყნის გავლას, ნეპალის მაღალმთიანეთის ხეობებიდან ბარად ჩამოსვლამდე. მთელი კვირის მანძილზე კრიშნა-განდაკის გასწვრივ მივდიოდით კუსმამდე, მერე კი იძულებული გავხდით, შეგვეცვალა ჩვენს მიერ არჩეული გზა. ეს ვეება მდინარე ისე აღიდებულა, რომ მისი გადალახვა ძალზე საშიშია, თუ საერთოდ შევძელით. ამიტომ კუსმაში ვტოვებთ განდაკს და ვკვეთთ მაღალ ბორცვებს, რათა გავიდეთ ანდი-კპოლას აუზში, რომელიც განდაკის პარალელურად მიედინება. მის ნაპირებზე ჯერ კიდევ შეიძლება გავლა. თანსინგში ისევ ძველ გზას დავუბრუნდებით.

ექსპედიცია უგზო-უკვლოდ, უხალისოდ მოხეტიალე ღონემიხდილი ხალხის გროვად იქცა. ერთადერთი სურვილი გვასულდგმულებს: რაც შეიძლება ჩქარა მივალწიოთ ინდოეთს.

1. ხარერი იყო გერმანიის ექსპედიციის მონაწილე.

დაუსრულებელი დაშვება რამდენიმე ხეობით უწყვეტ წვიმაში, ან მუსონურ ნესტიან სიციხეში, დამლუპველ გავლენას ახდენს ყველაზე. ჩემს ამხანაგებს ძალა გამოეცალათ. ისინი საცოდავად მიჩანჩალებენ ბრინჯის ყანების დაბალი ღობეების გასწვრივ, ხმაამოუღებლად მოძრაობენ, უაზროდ გამოიყურებიან და აღარაფერი არ აინტერესებთ.

კუზი და ტერაი ყველაზე ბოლოს მოდიან. ნუაელი წინ არის. როცა საზღვართან მივალთ, იგი გორაკებში წავა, რათა უზრუნველყოს ინდოეთის რკინიგზით ჩვენი უკან გამგზავრება. რაზმის ცენტრში ვართ: მე, ულო, იშაკი, ლაშენალი, რებიუფა და შაცი. ლაშენალი დღითიდღე სულ უფრო ნერვიულობს. ოდნავ შეფერხებას მოთმინებიდან გამოჰყავს და კრულავს შიდავებს.

გაჩერებების დროს ზოგჯერ მე მის გვერდით მოვხვდები ხოლმე. იგი კითხულობს ექსპედიციის ერთადერთ დეტექტივს. კითხულობს პატარ-პატარა ნაწილებად, რათა სიამოვნება გაიხანგრძლივოს. რამდენადაც ვხვდები, ეს არის მოთხრობა ვილაც უთავო კაცზე. მხოლოდ ამას მოვკარი ყური.

— ეშმაკმა იცის, რამდენ დროს კვარავთ ტყუილუბრალოდ!

— ცოტა მოთმინება იქონიე, ბისკანტ. ეს ყველაფერი არცთუ ისე მარტივია. გაიხსენე „ნებაყოფლობითი შეგროვების“ პრინციპი!

— აი, ე. პ.! არ გეჩვენება, რომ მას შეეძლო ცოტა მეტი სიმკვირცხლე გამოეჩინა?

— ანეთი მძიმე გადასვლის შემდეგ ეს პაპანაქება ყველაზე მოქმედებს, რა გგონია!

— ოჰ, ეშმაკმა დალახეროს! — აფეთქდა ლაშენალი, — მე უბრალოდ შეხედვაც აღარ წემიძლია ამ ახალგაზრდებისა, მუდამდღე ჩვენს ირგვლივ რომ დახეტიალებენ, ხელებს აქნევენ და რაღაც გაუგებარს ყვირიან, თან ერთ დაწყევლილ სიტყვასაც ვერ გააჩვენებ მათ ლაპარაკში. ხელს რომ დაუქნევ აქ მოდიო, ბარგს მიწაზე აგდებენ! წყალს თხოვ და ბანანები მოაქვთ. ოჰ, ჩემო შამონის სახლო, ჩემო ცოლ-შვილო!

არცთუ ისე დიდი მანძილი დაგერჩა გასავლელი. თანსინგის შემდეგ სულ ორი დღის სავალია ინდოეთამდე. ახლა

უკვე დღეები კი არა, საათები შეგვიძლია ვითვალთ. ერთადერთი, რაზედაც მე ვოცნებობ, ეს არის კარგი საავადმყოფო, თანამედროვე საოპერაციოთი, უამრავი მედიკამენტითა და ბანდებით, რომ განუღმეპით მიცვალონ... რაც მთავარია — ბევრი ბამბა!

საქმე ისაა, რომ უკანასკნელ ხანებში ძალიან ცოტა ბამბა შემოგვრჩა, მიუხედავად იმისა, რომ უღო ყველა ოდნავ გამოსადეგ ნაფლეთს იყენებს. სამედიცინო სპირტი გათავდა და ნემსების სადღეზინფექციოდ ჩემს ოდეკოლონს ხმარობს.

მადლობა ღმერთს, რომ ჩვენი ესკულაპი ჩვენთანაა, — მადლიერებით ამბობს ლაშენალი, — მე უბრალოდ, ვერ წარმომიდგენია, რა უნდა გვექნა უიმისოდ!

— შენ კი უეჭველად ამქვეყნად აღარ იქნებოდი! მაგრამ ხომ არ გგონია, რომ მას შეეძლო ოდნავ... უფრო რბილი ყოფილიყო? ეშმაკმა წაიღოს, რა ჯოჯოხეთურ ტკივილებს მაყენებს ზოგჯერ! იცი რა, ამ ქირურგებს ფეხებზე ჰკიდიათ, ნარკოზის გავლენის ქვეშაა ავადმყოფი თუ არა, არხეინად ჭრიან, ჩხვლეტენ, კუწავენ. ვაი ჩვენი ბრალი!

რა დუეტი ავაწყვეთ! მაინც რა სასიამოვნოა ხანდახან ჩივილი!

---

ესპედიცია თანდათანობით ეჩვევა ამ მოხეტიალე ცხოვრებას, რომელსაც ვეწვევით მრავალი კვირის განმავლობაში. ზოგჯერ გავდივართ ბრინჯის ყანების გამყოფი დაბალი მოლიპული კედლებით, მაგრამ საკაცეები მეტისმეტად განიერია და პირდაპირ ყანებზე უხდებათ მათი ტარება. მაგონდება, როგორ მყავდნენ წარმოდგენილნი ბავშვობაში საშუალო საუკუნეების ფეოდალები, რომლებიც პირადი სიამოვნებისათვის მომწიფებულ ყანებს ფეხით თელავდნენ. ბილიკებზე ჩამწკრივებულნი უცნაურად აშოლტილ სიმინდის ყანებს შუა მივდივართ. მცენარეები ერთი მეტრით უფრო მაღალია ჩვენზე.

შესვენების დროს მზიდავეები ჩვენს ირგვლივ ჩაცუკქდებიან ხოლმე და რიგრიგობით ეწვევიან ერთსა და იმავე სიგარეტს. რელიგია უკრძალავს მათ ტუჩები შეახონ სხვის მოწეულ სიგარეტს, მაგრამ ისინი ახერხებენ ამ დაბრკოლების დაძლევას: სიგარეტის ბოლოს მჭიდროდ იჭერენ ცერსა და საჩვენებელ თითს შუა. ამ მილის მსგავს ნახვრეტზე მიჭერილი ტუჩებით შეისუნთქავენ კვამლს და ამგვარად, ქალაღის შეუხებლად ღებულობენ უწყინარ სიამოვნებას.

თანსინგთან მიახლოებისას ამინდი გაუმჯობესდა. ახლა უწყალოდ გვაცხუნებს მზე. ბუზები გუნდ-გუნდად ირევიან ჩემს ჩირქით გაყდენთილ სახვევებზე და ვერაფერს ვუხერხებ მათ.

ვიდაც ბრამინი მომიახლოვდა და რალაც გრძელი თხოვნით მომმართა. დაუფიქრებლად ვუპასუხე: „Atcha! Atcha!“ რამდენადაც გავიგე. იგი თავისთავს მზის თაყვანისმცემელს უწოდებს — არც თუ ისე შესაფერი მომენტიცა ასეთი აღიარებისათვის: გუნებაში ვფიქრობ, ჯანდაბას იქით წასულხართ შენც და შენი მზეც-მეთქი!

მაგრამ იგი განუწყვეტლივ ხელებს იქნევს და განაგრძობს რატრატს. მე ეს მღლის და დაბნეულად ვუმზერ განახლებულ, წვიმით განბანილ ცას. უეცრად ჩემი ყურადღება მიიპყრო ერთ-მა საგანმა. თუ არა ვცდები, ეს ქოლგაა, რომელიც იღლიაში ამოუჩრია ბრამინს...

ახლა კი დავინტერესდი მისი ლაპარაკით და რამდენიმე წამში გავაგებინე, რომ ქოლგა ძალზე სასარგებლო იქნებოდა ჩემთვის. საუბარს სასიამოვნო ჩრდილში განვაგრძობთ: მან გაშალა ქოლგა, მომიჩრდილა და მსუბუქი ჩოროთით გამოჰყვა საკაცებებს

ორ საათში მივედით ადგილზე. იმ დროს, როცა სარკე მაიძულებს, ბანანები შეეკვამო, ჩვენამდე აღწევს საპროტესტო ხმები — ეს ანგ-თარკეა, რომელიც მოუჩრიდებლად აძევებს ბრამინს.

ვეკითხები ჩვენს სირდარს:

— რა მოხდა?

იგი მიხსნის, როგორც შეუძლია:

— ბარა-საჰიბ, ის ამბობს, რომ ბევრი იმუშავა და ძალიან რომ ოთხი რუპია გადაუხადონ დღეში. აბა, სად არის მისი ტვირთი, რა გააკეთა?

როცა დაინახა, რომ მე ჩავერიე საქმეში, ბრამინი მომიახლოვდა და რალაც გაუგებარი ბუტბუტი დაიწყო. ანგ-თარკე განაგრძობს:

— ბარა-საჰიბ, ამბობს, რომ ბევრი იმუშავა და ძალიან დაიღალა, ამიტომ გასამრჯელო უნდა გადაუხადოთ.

— Give him two rupes!<sup>1</sup>

მწარე იმედგაცრუება!

<sup>1</sup>. შეეცი მას ორი რუპია.

ვუახლოვდებით თანსინგს და შეიძლება იმედი ვიქონიოთ, რომ მზიდავები აღარ გაიქცევიან. ყველა მათგანი ოცნებობს „დიდ ქალაქამდე“ მივიდეს და მხნედ მიაბიჯებს.

— პანზი?!

— შეუძლებელია!

პანზი, რომელსაც დიდი ხანია დავმორდით და, რომელზედაც უკვე ვწუხდით, გვიახლოვდება. მშვიდად, ჩვეული სასიამოვნო ღიმილით, თითქოს ეს-ესაა წავიდა და ახლა უკან ბრუნდებაო.

ყველანი სიხარულით ხედებიან და ესალმებიან ამ შესანიშნავ შერპს, რომელმაც ცხრამეტი დღე იარა და მხოლოდ ერთხელ, 48 საათით გაჩერდა დელიში.

— ფოსტა! — ერთხმად იძახიან ყველანი.

— ფოსტა?!

ეს წარმოუდგენელია. მთელი ამ ხნის მანძილზე ჩვენ პირველად მივიღებთ ახალ ცნობებს საფრანგეთიდან! წერილები ჩამოარიგეს და ყველამ ცხვირი ქალაქებში ჩარგო.

— ჩემი მეუღლე მთლად ჭანსალად ვერ უნდა იყოს, — გამანდო იშაკმა. უკანასკნელი წერილი დიდი ხნის წინათაა დაწერილი. ნეტავი როგორ არის ახლა?

— ჰეი, მისმინეთ! ერთი ექსპედიცია კიდევ ეწყობა კიმალაიში! ახალი ამბავი გაკვირვებას იწვევს.

— აი, ეს მესმის!

— ბევრნი არიან?

— მერე საით აპირებენ?

გაჩაღდა კითხვა-პასუხების ჯვარედინი ცეცხლი. ყველამ ვერ მიიღო კარგი ცნობები. ექსპედიციის ზოგიერთი მონაწილე შეფიქრიანებულია და შეწუხებული.

შორს მწვანე გორაკი გამოჩნდა. სარკე თითით გვიჩვენებს:

— ტანსინგია, ბარა-საპიბ, ტანსინგი!

ნუთუ დასასრულია?

მეორე დღეს, ძლიერი კოკისპირული წვიმის შემდეგ, საშინლად ატალახებული, დახრამული ბილიკის მიუხედავად, მზიდავები კი არ მიდიან, თითქოს მიფრინავენ. ტანსინგი სულ რაშიდენიმე ასეულ მეტრზეა, ჩვენ უკვე გარეუბანში ვართ. ისევ პატარა სახლები, ჭრელი და ცნობისმოყვარე ხალხი. გავ-

ცდით ქალაქს და ბოლოს გავედით ვრცელ ვაკე მოედანზე და დავბანაკდით. ტერაი აღფრთოვანებით ეზიდება ბარგს და ხმამაღლა, გაბძობით ღიღინებს (კარგი ნიშანია) მისთვის ცნობილ ერთადერთ სიმღერას:

— *Au son joyeux des balalaikas...*<sup>1</sup>

ყველანი გულარხეინად არიან.

კონტრასტისათვის, უღო ნასადილევს აკეთებს ოპერაციას. ამასთან ერთად მე ვკარგავ უკანასკნელ ცერს ფეხებზე და შარჯენა ხელის ცერს.

ისევ წვიმას იწყებს. კარავში მაწვენიენ. ერთ საათზე მეტია შეძრწუნებული ვისმენ ლაშენალის ყვირილს, რომელსაც პირველ ამპუტაციებს უკეთებენ. მისი ტანჯვა საშინლად მოქმედებს ჩემზე, განსაკუთრებით, როდესაც მესმის მისი საპროტესტო „არა! არა!“, თითქოს ვერ ურიგდება იმის დაკარგვას, რაც მისთვის ესოდენ ძვირფასია.

მეორე დღეს ბანაკში მოვიდნენ „ხელისუფალნი“. გუბერნატორი, რომელმაც ჩემზე საუკეთესო შთაბეჭდილება მოახდინა, მგონია, რომ კარგი თვალით გვიყურებს. რატომ არ უნდა დაგვხმაროს მზიდავები? იგი გვპირდება, რომ დაუყოვნებლივ მოაგვარებს ყველაფერს. დღეს 4 ივლისის დილაა: რამდენიმე საათის შემდეგ მზიდავები ჩვენს განკარგულებაში იქნებიან — რა შევბაა!

ჟ. ბ.-ს მისია ზეგ თავდება ბუტვალში. მაგრამ მე მინდა, რომ იგი კატმანდუმდე გაგვყვეს. უეჭველად ჩვენი გამოგვადგება, მაგრამ, რაც მთავარია, ეს იქნება მისთვის დამსახურებული ჯილდო. ჟ. ბ. დასთანხმდა ჩვენს წინადადებას და დავგვიპირდა, მაჰარაჯას ახლავე მოველაპარაკებო. რამდენიმე საათის შემდეგ იგი სახეგაბრწყინებული შემოიქრა კარავში და მოგვახარა, რომ მაჰარაჯამ ნება დართო, დედაქალაქში გამოგვეყოლოდა.

ჩვენი მოგზაურობის საბოლოო ეტაპის წინ, სანამ ბუტვალისაკენ გასამგზავრებლად ვემზადებით, მინდა ცოტათი მაინც მოვიწესრიგო თავი. ვთხოვ, დალაქი მიშოვონ, ვინაიდან წვერი ძველი წინასწარმეტყველივით მომეზარდა. ჟ. ბ.-ს შიკრიკი

1. „ბალალაიკების მხიარულ ხმებზე...“



ბულ ციხესიმაგრეში. ნებალელები, როგორც ჩანს, ძალიან თავისთავზე ღებულობს ყველაფრის მოგვარებას. მალე მან ერთი ნებალელი კაცი მოიყვანა. შიშით ვადევნებ თვალს მის მოახლოებას, ამავე დროს, აღფრთოვანებული წინასწარ ვტკბები, როგორი სინაზით დაიწყებს სამართებელი ჩემს კანზე სრიალს. მოაქვთ წყალი და დალაქი იწყებს ჩემს გასაპენას. იგი უცნაურ რაღაცას მისვამს სახეზე, არც საპნავს და არც ქაფდება. მერე ენერგიულად მიზეღს სახეს. საკმაოდ მტკივნეული მასაჟია!

— ბეშთარი, ბეშთარი! — ვემუდარები.

მაგრამ იგი კვლავ გულმოდგინედ განაგრძობს თავის საქმეს, მალე ყველაფერი მზადაა გაპარსვისათვის. დალაქმა ამოქექა თავისი ყუთი და იქიდან რაღაც საექვო შესახედაობის იარაღი ამოიღო. ეს არის ბამბუკის ორ წნელს შუა გაჭედილი ძალიან მოკლე, პატარა ფოლადის პირი. არ მომწონს, მაგრამ რაღა დროს! დალაქი იწყებს „პარსვას“. მაგრამ სამართებლის პირი მხოლოდ სწევს ბალანს, დალაქი კი გულმოდგინედ, ღერა-ღერა თითებით აძრობს მათ. ჩემი ყვირილი ცას სწვდება... ის კი ბუზღუნებს და ჩემს პროტესტს არავითარ ყურადღებას არ აქცევს.



უღო თავს ყოფს კარავში. სახეზე თითქმის საზეიმო გამომეტყველება ასახვია.

— მირჩევნია, კიდევ ერთი ამბუტაცია გადავიტანო, ვყვირი მე, — ვიღრე ამ „დალაქმა“ მომკლას!

ერთი საათის ბრძოლის შემდეგ ჩემი ლოყები და ნიკაპი ასე თუ ისე ნორმალურ იერს ღებულობს. ახლა — უღვაშები! განსაკუთრებით ვზრუნავ მის ფორმაზე. იგი შეუდგა საქმეს და ამჯერად, ვგრძნობ, რომ სამართებლის პირი ნამდვილად ჭრის.



ვკუმავ ტუჩებს — უღვა-  
შების კვალიც აღარ დამ-  
რჩა! პროცედურა დამთა-  
ვრებულია.

ლაშენალს პირველ  
ჯგუფთან ერთად ისტუმ-  
რებენ ბუტვალში. ჯგუფს  
რებიუფა ხელმძღვანე-

ლობს. მეორეს მივყვები. ჩვენს ირგვლივ ისეთი სიმწვანეა, ვე-  
ლარც კი ვცნობ გზას, რომელიც სამი თვის წინათ გამოვთარეთ.  
საღამოთი რომელიდაც ბორცვის მწვერვალს მივალწიეთ. იშაკი  
ჩემ გვერდითაა.

— შეხედე, მორის! — მეუბნება იგი და შერბებს სთხოვს  
ისე მოაბრუნონ ჩემი საკაცე, რომ შემეძლოს ვუმზირო ქვე-  
ყანას, რომელსაც ვტოვებთ. ამ წუთში ყველაფერი რაღაც ბუნ-  
დოვანი სევდით სუნთქავს. საიდან წარმოიშვა ეს გრძნობა:  
მაღალმთიანი ველების, ჰორიზონტზე ხილული გრანდიოზული  
მწვერვალების ნახვით, თუ ჩვენი, თითქმის დაუჯერებელი,  
ბრძოლის მოგონებით? თუ ეს იმიტომ ხდება, რომ რეალობა  
შეუმჩნევლად გადადის ოცნებაში? მე და იშაკი ვლუმვართ.

რამდენიმე წუთის შემდეგ ისევ გარესამყაროს დავუ-  
ბრუნდებით.

ამაღელვებელი ეპოპეა, რომელმაც ამ მთებთან დაგვაკავ-  
შირა, მალე წარსულს ჩაბარდება. მზიდავები ემზადებიან

ჩემს ასაწევად: გრძელმა პროცესიამ გზა უნდა განაგრძოს. ვცდილობ იდაყვებით შევეხო სახეს. მეჩვენება, რომ იგი სულ დანაოჭებული მაქვს. ალბათ სრულიად გავქალარავდი... გული საგულეში აღარ მეტევა და პირს ვიბრუნებ. მღუმარედ მივემართებით ღამის გასათევი ადგილის საძებრად.

მეორე დღეს, ბუტვალში მისვლის წინ, გორაკპურიდან დაბრუნებული ნუაელი მოვიდა.

— პელოუ, ყმაწვილებო! — შორიდანვე შეგვეხმაურა იგი და მალე შემოგვიერთდა.

— როგორა ხარ? რა ამბავია ინდოეთში, ცხელა?

— გული შეგიღონდება, ნამდვილი აბანოა!

ნუაელმა გვაცნობა, რომ ვაგონები იქნება ნაუტანვას სადგურზე 6 ივლისს, ესე იგი ხვალ. წუთის დაკარგვაც კი არ შეიძლება. ძლიერ ელვა-ქუხილსა და კოკისპირულ წვიმაში მივალწიეთ ჩვენს ძველ ბანაკს ბუტვალში, სადაც მივეუსწარით ლაშენალს. მხოლოდ იმას, ვინც თვით იტანჯება, შეუძლია გაიგოს სხვისი ტანჯვა. აი, უკვე რამდენიმე დღეა ლაშენალი დიდი მოთმინებითა და განსაცვიფრებელი ხელოვნებით მიცვლის ჩირქით გაუღენთილ სახვევებს. დღის ბოლო განკუთვნილია ოპერაციებისათვის. რამდენჯერმე თითქმის ვკარგავთ გრძნობას.

მთელი ბარგი შეკრულია, მაგრამ საქმე ისაა, ვიშოვით თუ არა ხვალისათვის სატვირთო მანქანებს, რომ ინდოეთის რკინიგზის ხაზამდე მიგვიყვანოს დილის ათი საათისათვის. ვთხოვ ე. ბ.-ს გააკეთოს ყველაფერი, რაც კი შეუძლია. იგი დაუყოვნებლივ გაემგზავრა. შუალამისას უღრან, ნესტიან ჯუნგლებზე უნდა გაიაროს, რათა ბეტსარამდე მიაღწიოს. 6 ივნისს, დილით, საბარგო მანქანები მოვიდნენ. ეს ე. ბ.-ს ტრიუმფია და მხურვალედ ვულოცავ მას. მზიდავებს ანგარიში გავუსწორეთ და ნაუტანვისაკენ გავემგზავრეთ. ჯუნგლები სავსეა მაიმუნებით. ჩვენი გამოჩენა მათ სულაც არ ეუცხოებათ. ერთ სატვირთო მანქანას კამერა უსკდება, ჩვენსას კი ბენზინი გაუთავდა. მაგრამ ყველაფერი რიგზეა: წყობილებიდან გამოსული ორი მანქანიდან შეიძლება გაკეთდეს ერთი მოქმედი.

ბოლოს, მივედით ნაუტანვაში და მოვთავსდით ორ ვაგონ-

ში, რომლებიც ნამდვილ სასახლეებად მოგვეჩვენა. ნაშუადღევს მთელი ბარგი დატვირთეს და მატარებელი გორაკპური-საკენ გაემართა. ნაირ-ნაირი გეგმები გვესახება. ყველა ოცნებობს, რაც შეიძლება ჩქარა დაბრუნდეს საფრანგეთში. ექსპედიციის წევრები, რომლებიც სამი თვის მანძილზე განსაკუთრებულ ვაჟკაცობასა და მოთმინებას ამჟღავნებდნენ, ახლა ყველაფრისათვის მზად არიან, ოღონდ ერთი დღე-ღამე მოიგონ. მაგრამ ძნელია სრულიად სხვადასხვა სურვილების შეთავსება. მე განზრახული მაქვს, რაღაც არ უნდა დამიჯდეს, შევასრულო ის დაპირება, რომელიც მივეცი ექსპედიციის დაწყების წინ და ვეწვიო ნებალის მაპარაჯას. კატმანდუში უღო გამოძყვება. ჩვენთან ერთად წამოვლენ აკრეთვე იშაკი და ნუაელი. ღანარჩენები გაემგზავრებიან დელიში და რამდენიმე დღე დაგიღოდებიან. ლაშენალი კი, პაპანაქებისაგან თავისდასაღწევად ერთ-ერთ მაღალმთიან კურორტზე, მაგალითად, მუსორში წაეა.

სანამ ამ გეგმებს იხილავენ, უღო თავისი ჩვეული საქმიანობითაა დატვირთული. მაკრატლით ხელში, იგი „წმენდს“ ხელებს და ფეხებს, მიუხედავად იმისა, რომ ჩრდილში 45°C სიცხეა და ქინკლის ურდოები მოსვენებას არ გვაძლევენ. ვუალოვდებით გორაკპურს. ასლა ლაშენალის რიგია.

ორი საათის შემდეგ ექსპედიცია გაიყოფა და იგი პითქმის მთელი კვირა მოკლებული იქნება ჩვენი ექიმის სზრუნველობას.

აუტანლად ვინჯლრევით. რა ძნელია უღოსათვის ოპერაციების კეთება: ამპუტაციისათვის იგი გაჩერებებით სარგებლობს. გადასარბენზე კი საოპერაციო ინსტრუმენტებს აშნადებენ: ხსნიან ბანდებს, ალაგებენ ყველა აუცილებელ ნივთს. ამზადებენ წამლებს, მაკრატლებიც მზად უჭირავთ, რომ უღომ მატარებლის გაჩერებისთანავე შეძლოს მუშაობის დაწყება.

— აბა, ბისკანტ, შენი რიგია! — აჩქარებს უღო. — სარკე!

ლაშენალმა წინდახედულად თვითონვე მოიხსნა ბანდები და სამსხვერპლოდ გამზადებული აწვდის „ჯალათს“ ფეხს. გორაკპურის წინა სადგურზე მან დაკარგა მარჯვენა ფეხის ორი თითი. ღანარჩენ სამს ბოლო მოეღება თვით გორაკპურში.

— ფრთხილად, უღო, გეთაყვა, უფრო ფრთხილად!

— გეფიცები, ბისკანტ, ყველაფერს ვაკეთებ, რაც კი შემიძლია. თავს ზევით ძალა არ აღის!

— აბა, ჩქარა!

ლაშენალს ფეხი ორივე ხელით უჭირავს. თვალები თითქმის გადმოცვენაზე აქვს. იგი ემუდარება უდოს, შემობრალეო.

— გორაკპურია, — ამბობს შაცი, — ჩამოვედით!

მატარებელი ანელებს სვლას. კუზი, რებიუფა, შაცი და რამდენიმე შერპი ემზადებიან საბარგო ვაგონებში შესახტომად. საჭიროა, მთელი საჭურველი სასწრაფოდ გადაიტვირთოს იმ ვაგონებში, რომლებიც მიბმულია ლაკანაუსაკენ გამსვლელ მატარებელზე, და ერთ საათში დაიძვრის.

უდო ოფლად იღვრება. იგი განუწყვეტლივ ჭრის და ჭრის. ბისკანტის გოდებას ყურადღებას არ აქცევს — ნახევარი საათიღაა დარჩენილი, ერთი თითი კი ისევ მოსაკვეთია. ამჯერად მაკრატელი მეტისმეტად დიდია.

— ჩქარა, მატა, პატარა მაკრატელი! — ამ დროს მატარებელი უეცრად გაჩერდა. დალახვროს ეშმაკმა, მაკრატელი კარის ღრიჭოში ჩავარდა. უდო მოთმინებიდან გამოვიდა.

— შე ჭერ ამითი განვაგრძობ, შენ კი სცადე, იქნებ ამოიღო.

— არაფერი გამოვა, უზარმაზარ კარს ერთ წუთში როგორ მოხსნი ანჯამებიდან!

— ჯანდაბას! ამითი განვაგრძობ!

ეს სულაც არ მოსწონს ლაშენალს, მაგრამ, მეტი გზა არაა, ცერს ბოლო უნდა მოეღოს...

— არ მინდა! ფრთხილად, ფრთხილად! — ჭვითინებს იგი. კარებს ადგილობრივი მკვიდრნი მოუახლოვდნენ.

— გასწით აქედან! — ღრიალებს უდო. მათ სიტყვები არ ესმით, მაგრამ ემორჩილებიან და ეს კი მთავარია.

— ნუ, უდო, ნუ, გეთაყვა, — ამჯერად უდოს მოთმინება ეკარგება. იგი ჩერდება და უცქერის ლაშენალს.

— ბოლოს და ბოლოს, ეს უკვე მეტისმეტია! შენ შეგეძლო, უფრო დამყოლი ყოფილიყავი.

ლაშენალი კარგავს მკვერმეტყველების უნარს. „უფრო დამყოლი რომ ვყოფილიყავი, — ფიქრობს იგი გუნებაში, — უდო ალბათ ორივე ხელ-ფეხს მომკვეთდა“.

ბაქანზე ისეთი ჯგლეთაა, ვერ გაივლი.

— სარკე! — ეძახის უღო და გაურკვეველად აქნევს ხელს, რითაც ანიშნებს „აქაურობა მიალაგეო“.

საზიზღარი სუნი ადგილობრივ მკვიდრთაც კი აფრთხობს. სარკე და ფუთარკე შეუდგნენ საქმეს: ფართოდ აღებენ კარებს და სახელდახელოდ გაკეთებული ცოცხით ჰგვიან ყველაფერს, რაც იატაკზე ყრია. ნაგავში ბლომად გამოჩანს სხვადასხვა ზომის თითები, რომლებიც ზედ ბაქანზე ცვივა განცვიფრებულ ადგილობრივთა ფეხქვეშ. რამდენიმე წამის შემდეგ მატარებელი გადის.

როგორც კი შეხვევა დამთავრდა, ტერაიმ სტაცა ხელი ლაშენალს და წაიყვანა.

ძლივს მოვასწართ გამომშვიდობება:

— ნახვამდის, ბისკანტ, ყოჩაღად იყავი! დელიმდე!

გაისმა სტვენა. მატარებელმა გაიწია და ხმაურში დაიძრა. მივცურავთ აუარება ხალხის გვერდით. ძლივს მოვკარი თვალი ტერაის, რომელიც გამოთხოვებისას წყვილ სამთო ფეხსაცმელს გვიქნევდა.

ბორბლების რიტმული მღერა ძილს მგვრის. ვოცნებობ ამ შორეულ დედაქალაქზე, ქალაქზე „ათას ერთი ღამიდან“, საითკენაც ახლა მივემგზავრებით.

ნდოეთის O. T. P. კომპანიის მატარებელი მთელი სისწრაფით მიჰქრის. მე იშაკი, ნუაელი და უღო ხმაამოუღებლივ ვწევართ კუპეს გრძელ საწოლებზე. ჩვენამდე აღწევს ვენტილატორიდან მონადენი და გამაგრილებელი ჰაერის ნაკადი. აზრები მიფრინავენ. ლამდება.

განგის ვაკეებზე ოცდაოთხსაათიანი კომფორტული მგზავრობის შემდეგ ჩავდივართ რაქსაულში. აქ გადის ინდოეთისა და ნეპალის საზღვარი. სარკე და პანზი კატმანდუმდე მოგვყვებიან. მათი ხელმძღვანელობით ჩვენი ბარგი სწრაფად გადაიტვირთა ნეპალის ვაგზალზე. ანაპურნის შემდეგ სარკე ერთი ნაბიჯითაც არ მომშორებია. სამუშაო თავსაყრელად ჰქონდა. მე ხშირად ვიგონებ მის უმაგალითო, ოცდათექვსმეტსაათიან გადასვლას. სწორედ ამან გადაწყვიტა ექსპედიციის ბედი. კატმანდუ ეს მისი ოცნების ქალაქია, ზღაპრული მოჩვენებაა, რომლის შესახებ იგი ოცნებასაც ვერ ბედავდა. მან ნამდვილად დაიმსახურა ეს ჯილდო ისევე, როგორც ჰიმალაის დიდი ექსპედიციების ვეტერანმა პანზიმ, რომლის თავდადება და გულკეთილობა ესოდენ მიმზიდველია. სირდარმა ანგ-თარკემ ვერ შეძლო ჩვენთან შემოერთება: მის სამშობლოში დიდი წყალდიდობა მოხდა და ძალიან წუხდა თავის მრავალრიცხოვან ოჯახზე, მთხოვა გამეშვა და პირდაპირ დარჯილინგში გამეგზავრა. გორაკპურში გამომშვიდობება განსაკუთრებით გულისამაჩუყებელი იყო. გამომუშავებული თანხის გარდა შერკებმა მიიღეს უხვი ბაკშიში და მთელი პირადი საჭურველი, რო-

მელიც მათთვის დიდ ღირებულებას წარმოადგენდა. ასეთი საჭურველი ევროპაშიც კი ულტრათანამედროვედ ითვლება. შერაბები რიგრიგობით მოდიოდნენ ჩემთან გამოსამშვიდობებლად და ინდოელთა ჩვეულების მიხედვით, ხელებს ერთმანეთზე ატყუებდნენ. ზოგი, მაგალითად ფუთარკე, ნელა მესალმებოდა, პატივისცემის ნიშნად, შემდეგ ხელით შემეხებოდა და შუბლს ტანსაცმელზე მომადებდა. თუმცა კი კმაყოფილნი იყვნენ, რომ ექსპედიციიდან გათავისუფლდნენ, რომელიც დიდხანს ემახსოვრებათ, მაგრამ სახეებზე წრფელი სევდა ჰქონდათ აღბეჭდილი.

მაპარაჯას მიერ გამოგზავნილ ოფიცერს დავალებული აქვს, თვალყური ადევნოს, რომ ჩვენ უზრუნველყოფილნი ვიქნეთ ყველაფრით, რაც აუცილებელია და დაგვეხმაროს კატმანდუმდე მისვლაში. არასიასამოვნო ამბავია: მატარებელი ზვალამდე არ გავა. იმედი გაგვიცრუვდა, მაგრამ სრულიადაც არ გაგვეკვირვებია: ნებალში სულ სამი ორთქლმავალია საბედნიეროდ, სამი მოკავშირე ოფიცრის, ნუაელის, ე. ბ. რანასი და ნებალელი ოფიცრის მონდომების წყალობით მოლოდინის ვადა შემცირდა და დღეს, ღამის სამ საათზე გავა საბარგო მატარებელი. მას მიაბამენ საგანგებოდ ჩვენთვის ვაგონ-ლუქსს. საგარეო საქმეთა მინისტრი და მაპარაჯას ღვიძლი შვილი გენერალი ბიჟაია აგზავნის ტელეგრაფით მიწერილობას, რომ ეს ვაგონი ჩვენს განკარგულებაში გადმოგვცენ.

ღამით, ჭრიჭინებისა და სხვა მწერების მომაბეზრებელი აკომპანემენტის ქვეშ საუცხოო კუბეში ვთავსდებით. ამხანაგებს უკვე მაგრად სძინავთ, როდესაც მატარებელი ნელა გადის სადგურიდან. ისე საშინლად ინჯღრევა, რომ მეშინია ლოგინიდან არ გადმოვვარდე. ლიანდაგის სიგანე სულ 60 სანტიმეტრია! ნამცეცა ვაგონი წონასწორობის სასწაულებს გვიჩვენებს. გასწვრივი და გარდიგარდმო რხევისაგან გული მერევა. მთელი ღამე თვალი არ მომიხუჭავს. ჩვენ მივდივართ უღრან, ნესტიან ჭუნგლებზე.

დილით მივალწიეთ ბოლო სადგურს. მაპარაჯას ოფიცერი უხვი საუზმით გაგვიმასპინძლდა. ვაგზლის ახლოს მანქანები ვვიცილიან: ჩვენთვის ავტობუსი, ხოლო საჭურველისათვის საბარგო შევროლე. მე წინა ადგილზე მსვამენ. ერთ თვეზე მე-



ტია, არ ვყოფილვარ ამ მდგომარეობაში, მაგრამ იმდენად გავხდი, რომ ჩემთვის დათმობილი კომფორტის ჯეროვნად შეფასების თავიც აღარა მაქვს. ოცდაათი კილომეტრი ბიძებედამდე შეიძლებოდა დაგვეფარა რამდენიმე წუთში. ჩვენ კი ამ გზას ორ საათზე მეტი მოვანდომეთ. თუმცა ვიწრო, მაგრამ საკმაოდ კარგი გზაა. მრავალრიცხოვან მთის მდინარეებზე გადებულია სტანდარტული მზა ხიდები. ეს გზა ერთადერთია ნეპალში. იქაური მკვიდრნი ძალიან ამაყობენ ამ გზით. იგი კატმანდუში მიმავალ მნიშვნელოვან სასიცოცხლო მაგისტრალს წარმოადგენს.

თანდათანობით ვიღებთ სიმაღლეს. დროდადრო გვხვდება სერპანტინები. საბარგო მანქანა კვალდაკვალ მოგვყვება. მასზე მოკალათებული შერპები აღტაცებულნი არიან. ადგილობრივი სახლების უმეტესობა გადახურულია ტალღოვანი თუნუქით. ეს მართლაც რომ ყველაზე უფრო უმსგავსო საჩუქართაგანია დასავლეთის ცივილიზაციისა ადგილობრივი მოსახლეობისათვის. 11 საათზე ჩავდივართ ბიმპედში, სადაც უნდა დაგვხვდეს ცხენები და „დენდი“.<sup>1</sup> გზა აქ თავდება და კატმანდუმდე მისვლა, სადაც საღამომდე უნდა ვიყოთ, ავტომანქანისათვის გაუვალი მთის ბილიკით მოგვიხდება.

ჩვენს მოვლაში უდოს მტკივნეული ძირმაგარები გაუჩნდა და, ჩემსავით იაიცი „დენდის“ ირჩევს თავისთვის. ბილიკი ხვეულებად მიჰყვება ზევით ციცაბო კალთას.

საოცრად მარჯვე მზიდავეები სიარულის დროს ტემპის შეუწელებლად ენაცვლებიან ერთმანეთს და სრულიად არ მანჯღრევენ. მგზავრობა მთელ დღეს გრძელდება. „დენდი“ ჩემთვის მეტისმეტად პატარაა. იძულებული ვარ თითქმის ორად მოვიკაკვო და ყოველნაირად გაგულრთხილდე ჩემს სახვევებს. დიდხანს ასე დარჩენა შეუძლებელია. „გაპაპჩნევებლად“ უდო მიკეთებს სოლიუქაფურის ნემსებს. გზის გასწვრივ მიმოფანტულია „რესტაუზები“, მაპარაჯას მიერ მოწვეული სტუმრების დასასვენებლად განკუთვნილი შენობები. დღის პირველ საათზე ავდივართ გურკების შენაერთის მიერ დაკავე-

<sup>1</sup> დენდი -- დასაჯდომი საკაცე, რომლითაც დაშავებული გადაჰყავთ.

ამაყობენ ვობანის<sup>1</sup> სტილით ნაგები სიმაგრით. სიმაგრის ზემოთ რესტ-ჰაუზში მსუბუქი საუზმის შემდეგ ჩვენ ისევ გზას გავუღდექით, რადგან, კატმანდუმდე კიდევ შორსაა და ორი უღელტეხილი გვაქვს გადასავლელი.

ჩემი მდგომარეობა აუტანელი ხდება. არის მხოლოდ ერთი გამოსავალი, რომელიც ლეტეს შავბნელ დღეებში ვცადე — გავირინდო, გავშეშდე, აწმყოზე არ ვიფიქრო. დავივიწყო ტანჯვა და ტკივილი. თითქოს უკვე გვიანდება. 2000 მეტრიანი უღელტეხილიდან ჰორიზონტი იშლება. ვხედავ აუარება ტროსს, რომლებიც ჰკვეთენ ხეობას. საბაგირო გზაა? შეუძლებელია დიახ, ეს თურმე მსოფლიოში უგრძესი საბაგირო გზაა: მისი სიგრძე 30 კილომეტრს აღემატება და მომსახურებას უწევს კატმანდუსა და მის გარეუბნებს, ესე იგი, 150 ათასზე მეტ მცხოვრებს.

ჩემი ამხანაგები მარდი ცხენებით წინ წავიდნენ. დაგვიბრდნენ სამანქანო გზის დასაწყისთან დაგიცდითო. საიდან არის აქ სამანქანო გზა?! გაოცებული დავრჩი, როცა გავიგე, რომ კატმანდუმდე მანქანით ვიმგზავრებთ. როგორ შეიძლებოდა აქ ავტომანქანა მოხვედრილიყო? რა თქმა უნდა, ამ ვიწრო ბილიკზე ვერ აიყვანდნენ, ჩვენც გაჭირვებით მივდივართ!

ნაწყვეტ-ნაწყვეტ ვახერხებ მცირეოდენი ცნობების მიღებას.

— მზიდავებმა ამოიტანეს?

და უდოსკენ მივბრუნდი:

— მაშასადამე, მანქანას ამ ბილიკზე მიაგორებდნენ? სისულელეა, შეხედე, როგორი ციცაბოა! ზოგ ადგილას ორი კაციც ვერ გაივლის ერთად. აი, თუნდაც ახლა! ჩვენ ეს-ეს არის გამოვედით ლითონის პატარა ხიდზე, რომლის სიგანე მეტრნახევარს არ აღემატება.

— მანქანას ისინი კი არ აწვებიან... მათ იგი ხელით მოაქვთ ხოლმე.

— დაუჯერებელია! ამბობენ, სატვირთო მანქანებიც კი არისო. მაგრამ ორი 2000 მეტრიანი უღელტეხილი?

<sup>1</sup> ვობანი — სახელოვანი ფრანგი სამხედრო ინჟინერი.

ჩემმა თანამოსაუბრეებმა ამიხსნეს:

— თვლებმოხსნილ მანქანას დგამენ დიდ სადგარზე, რომელიც 50-70 კაცს მიაქვს. ბილიკის დიდი ნაწილი მდინარეთა კალაპოტებზე გადის, სადაც მზიდავები ფეხშიშველა მიდიან, ორ უღელტეხილზე გადასვლის თავიდან აცილება შეუძლებელია, ამიტომ იმ ადგილებში ბილიკი გაათართოეს და მოსახვევები ისე ციცაბო აღარ არის. ამ მძიმე შრომის გასაადვილებლად მზიდავები მღერიან ხოლმე რიტმულ სიმღერებს. ამგვარად შეძლეს კატმანდუში თითქმის ოცი კილომეტრის მანძილზე კარგი გზების გაყვანა, რომელზეც ახლა ასეული მანქანა დაქრის.

ლამდება. მზიდავები მთელი დღე შეუსვენებლად შოდინდნენ და ახლა გაჭირვებით აღიან უღელტეხილზე. ამბობენ, რომ აქედან მოჩანს ჰიმალაის მთაგრეხილის უდიდესი ნაწილი. ხოლო ქვემოთ, ცნობილი ნეპალის ველის შესართავის მიღმა, კატმანდუს ვაკეზე, გაშლილია ამ ქვეყნის ისტორიული ციხესიმაგრე, რომელიც ასეულ პაგოდას, ტაძარსა და სასახლეს შეიცავს. ეს ალბათ გასაოცარი სანახაობაა. სამწუხაროდ, როცა უღელტეხილს ვალწევთ, ირგვლივ უკუნეთი სუფევს, ამასთან ცა მოღრუბლულია. საკვირველია, როგორ ახერხებენ მზიდავები ასეთ სიბნელეში გზის გაგნებას! გაჩერებაზე ლაპარაკიც ზედმეტია, თუმცა ისე დავიღალე, რომ მზადა ვარ სული ღმერთს მივაბარო. ჩემი პოზა კაცს წარმოუდგენს ლუდოვიკო XI-ის დროინდელ რკინის გალიებს.

შორს ელექტრონათურები კიაფობენ! მეორე დღეს გავიგე, რომ მდინარე ბრამატზე აგებულია ელექტროსადგური. დრო გადის, სინათლეები მეტისმეტად ნელა გვიახლოვდებიან. გვიან ღამით მძინარე სოფლებზე მივდივართ. როდისღა გათავდება ყოველივე ეს? მე უკვე კვნესის ძალაც აღარა მაქვს.

დაახლოებით შუალამისას ერთ პატარა სოფელს მივალწიეთ. ირგვლივ უნმაუროდ მოძრაობენ რაღაც ჩრდილები: ვგრძნობ, ეს გზის დასასრულია, მართლაც შორიახლოს გვიცდის ადამისდროინდელი ამერიკული ავტომანქანა. უნდა გავუსწოროთ ანგარიში მზიდავებს და გადავტვირთოთ საქურველი სატვირთო მანქანაზე.

მე და უღო ჩავსხედით მანქანაში. იქვე გამოირკვა, რომ

22. მ. ვრცოვა

ერთი კამერა გამსკდარა. თხუთმეტი წუთი საბურავის გამოცვლას სჭირდება. ამასობაში გაავდარდა. წავედით. წვიმა საშინელმა ელვა-ქუხილმა შეცვალა. ძარაზე ისეთი რახარუხი გააქვს კოკისპირულ წვიმას, გეგონება დოღზე უბრაახუნებენო. ცუდი გზაა. რესორიც გატეხილია.

ლამის პირველ საათზე შევდივართ მაპარაჯას „რესტპაუზში“. შესასვლელთან, ხეივანზე, სალუტს გვაძლევს შეიარაღებული გურკი. ისმის შეძახილები... ჩვენ გველოდებიან. იშაკი, ნუაელი და ე. ბ. შემოგვეგებნენ. დიდად გამახარა აგრეთვე ჩვენი წარმომადგენლობის მრჩევლის კრისტიან ბელის ნახვამ, რომელიც ამჟამად საფრანგეთის საქმეების რწმუნებულის მოვალეობას ასრულებს ინდოეთსა და ნეპალში. ჩვენი ელჩი მ. დანიელ ლევი ამჟამად საფრანგეთშია და მისი აქ არყოფნის დროს კრისტიან ბელი ჩამოვიდა, რათა პირადად წარუდგინოს მაპარაჯას ექსპედიციის წევრები. ეს კარგი მეგობარი ყველა ჩვენს საქმიანობაში გარკვეულია, მაგრამ ჩემმა მდგომარეობამ მაინც ძალზე ააღელვა.

ძლივს, მრავალი თვის მანძილზე, პირველად დავისვენებ... აქ არის ავეჯი! მაგიდა, მაცივარი... ჩვენს განკარგულებაშია აბაზანა!.. მაგრამ ყოველივე ეს არაფერია იმასთან შედარებით, რაც მაგიდაზე გველოდება: ერთი ბოთლი ელზასის ღვინო! თავბრუ მეხვევა და უკვე მზადა ვარ, ბოროტად გამოვიყენო ეს ზღაპრული შესაძლებლობა; ამ დროს თავმომწონე დოღბანდიანი მეტრდოტელები ისეთი ცერემონიით მისხამენ ძვირფას სითხეს, რომ მე ძალაუნებურად ვუბრუნდები კარგი ტონის წესებს. სასიამოვნო სიურპრიზია: ნამდვილ ლოგინში ჩავწვები. აქ დარჩენას 11 ივლისის ჩათვლით ვაპირებთ. ჩემთვის ეს ნიშნავს სამი დღის სრულ დასვენებას და კარგ კვებას, ჩემი ამხანაგებისათვის — სამ დღეს ამ ზღაპრული სატახტო ქალაქის დასათვალიერებლად.

კატმანდუ — მთელი ნეპალის სიცოცხლის ცენტრია, ამ ქვეყნის აკვანია. ჩემი ამხანაგები ქალაქში წასასვლელად ემზადებიან. წასვლის წინ უღო „კანს მაკლის“ ოთხივე კრილობიდან და მთხოვს, რამდენიმე საათს შეუხვევლად მქონდეს. მაგრამ ეს ადვილი როდია! ვერაფერს მივეკარები, ხელფეხაწეული უნდა ვიწვე და გულმოდგინედ ვიგერიო ბუზები და კო-

ლოები. ასეთ ვითარებაში დრო ნელა გადის და გარდა ამისა, ძალიან მეშინია ამ მწერების, რომლებიც ყოველგვარი სენის მატარებლები არიან. ვეება, წითელლიპიანი ბუზები წებოვანი სალბუნივით ეკრობიან იარებზე და მათი გარეევა ყოველ ღონეს აღემატება. ჩემი შიში გამართლდა: დელიში, სახვევის გამოცვლის დროს უდომ აღმოაჩინა, რომ ფეხის კრილობაში მატლები დაფუთფუთებდნენ. როგორც კი მათ ქირურგის პინცეტს მიუახლოებდა, ისინი მაშინვე უჩინარდებოდნენ სიღრმეში. სანამ პარიზამდე ჩავიდოდით, წინდის საქსოვი ჩხირისოდენები გახდნენ, წონით არაანაკლები 200 გრამისა. შევძრწუნდი! იმაზე ფიქრმა, რომ არაფერმა დამინდო, სასოწარკვეთილებამში ჩამაგდო. ეს საშინელი სანახაობა სამუდამოდ შეიჭრა ჩემს მესხიერებაში, მიუხედავად უდოს მანუგეშებელი მტკიცებისა, რომ მატლები ყველა თანამედროვე წაშალზე უკეთესად წმენდენ იარებს. ამბობენ, ზოგჯერ საგანგებოდ ასენიანებენ კრილობებს მატლებითო.

ჩემი ამხანაგები მოხიბლულნი არიან თავისი ექსკურსიით. მოასწრეს დაეთვალეირებინათ ხეზე ამოკვეთილი ჩუქურთმებით შემკული უამრავი პაგოდა, განსაკუთრებით ორიგინალური პატარა ქანდაკებები, რომლებიც გვაუწყებენ, რომ ნეპალს ხელოვნების აყვავება განუცდია.

მეორე დღეს დიდი ღურბარისათვის<sup>1</sup> ვემზადებით. ნუაელი გვიხსნის ცერემონიის წესრიგს, რომელიც დღის ბოლოს სასახლეში შედგება. ჯერ იქნება ოფიციალური ნაწილი, შემდეგ კი მიღება უფრო ინტიმურ ვითარებაში მოხდება. ყველანი ვღელავთ. ამ დიდ ღურბარზე ლაპარაკით უკვე დიდი ხანია გამოგვიჭედეს ყურები. უპირველეს ყოვლისა, აუცილებელია პუნქტუალური იყო. ერთი წუთით არც ადრე, არც გვიან. ეთიკეტი მკაცრად უნდა დავიცვათ. ქრისტიან ბელის გარდა, რომელიც წარმომადგენლობის მრჩევლის მუნდირში იქნება გამოწყობილი, ყველანი ყბადაღებულ თეთრ სმოკინგებში უნდა შევიმოსოთ, რომლებსაც პარიზიდან მოვათრევთ. მთამსვლელები მოგზაურებიდან, რამდენიმე წუთში უნდა გარდავიქმნათ მალა-

1. ნეპალში საზეიმო აღიენცია მეფესთან.

ლი საზოგადოების ადამიანებად, კიდევ მეტი — სამეფო კარის ადამიანებად.

— ჩემი შარვალი დაჰმუქუნულია, — ჩივის უღო.

— გააუთოებინე, — ეუბნება იშაკი. — ოჰ, დასწყევლოს ეშმაკმა, ჩემს სიცოცხლეში ვერ შევიკრავ ამ საკინძებს.

— მე მზადა ვარ! — ყვირის ჩვენი დიპლომატი ნუაელი.

ჩემს ირგვლივ პარიკმახერი ფუსფუსებს, ამჯერად უფრო თავაზიანი ვიდრე თანსინგში. იგი ახერხებს ჩემს გაპარსვას უვნებლად — როგორც ჩანს, უდიდესი ოსტატია, ვინაიდან ჩემი სახიდან მხოლოდ ძვალი და ტყავია დარჩენილი.

დანიშნულ საათზე ორი ვეებერთელა მანქანით შევდივართ სასახლის გალავანში. ცხაურიან ალაყაფთან სალუტს გვაძლევენ გურკები. ფრანგული სტილის საუცხოო ხეივნის მიღმა ტბაა. ნელა ვუვლით გარშემო.

ჭენებით გვიახლოვდება ცხენოსანთა რაზმის მთელი შენაერთი. წითელ ტანსაცმელში გამოწყობილი გრძელულვაშებიანი მხედრები შუბებით არიან შეიარაღებულნი. შევედით მოცემენტებულ მოედანზე და მაპარაჯის სასახლის წინ გავჩერდით. ჩემი მეგობრები სწრაფად გადმოვიდნენ მანქანიდან და განკარგულება გასცეს, რომ საკაცე მოიტანონ ჩემთვის. ჭარისკაცები მორბიან და ეხმარებიან ჩემს გადმოყვანაში. ავდივართ კიბეზე. თეთრ მუნდირში გამოწყობილი უამრავი არაჩვეულებრივი ორდენებითა და უიშვიათესი ძვირფასეულობით შემკული მისი უმაღლესობა მაპარაჯა ნეპალისა, მოდის ჩვენს შესახვედრად. მის თავსამკაულს ამშვენებენ მომსხო ძვირფასი თვლები, რომელთა შორის გამოირჩევა ფენომენური ბრილიანტი. მისი დიამეტრი ათიოდე სანტიმეტრია. იმპერატორ ფრანციოსების სტილზე დაყენებული ულვაშები მაპარაჯას გარეგნობას კიდევ უფრო მეტ სიდიადეს ანიჭებს.

იგი მოდის ჩემთან კეთილი გამომეტყველებით. მის გამოხედვაში მამობრივი გულთბილობა გამოკრთის. მოწიწებით ვესალმები მას ინდური მანერით — ერთმანეთზე ვადებ ჩემს შეხვეულ ხელებს. იგი გვეუბნება, რომ მოხარულია მიგვიღოს სასახლეში, ბედნიერია, — მოგვილოცოს მე და ჩემს ამხანაგებს. მასთან ერთად ავიარეთ კიბე და შევედით ვეებერთელა გაჩირაღდნებულ დარბაზში. ირგვლივ მეფის დიდებულები

ტრიალებენ, ხალხი გზას გვაძლევს გასავლელად. მაპარაჯამ გასცა ბრძანება, ჩემი საკაცე იმგვარად დადგან, რომ კარგად ვხედავდე მთელ ცერემონიას. გაკვირვებით ვუმზერ ირგვლივ მყოფთ, ყველას ისეთივე თეთრი მუნდირი აცვია, როგორც მაპარაჯას, თუმცა ნაკლებ მდიდრული. თვალისმომკრელად ელვარებენ ზურმუხტები, ბრილიანტები, ლალები. რაღაც უცნაურია, რომ ჩვენს საუკუნეში კიდევ არსებობს ასეთი საა-რაკო განძეულობა.

რადგან დანიშნულ დროზე რამდენიმე წუთით ადრე მივედი, მე მოვასწრებ უფროს-უმცროსობის მიხედვით რიგზე ჩამწკრივებული ტახტის მემკვიდრე უფლისწულების კარგად შეთვალეირებას. ისინი დაახლოებით თხუთმეტნი არიან. სხედან მღუმარედ, გაუნძრევლად.

მაპარაჯას ოფიციალური პოსტი — პრემიერ-მინისტრის თანამდებობა გადაეცემა მის ძმებს ან შვილებს მემკვიდრეობით, მეტად მკაცრი წესების შესაბამისად. ნეპალის მეფე თითქმის არასოდეს ეჩვენება თავის ქვეშევრდომთ. იგი ახორციელებს სულიერ ძალაუფლებას. მარჯვნივ, რანგის მკაცრი დაცვით სხედან ისეთივე ბრჭყვიალა ჩუნდირებში გამოწყობილი უფლისწულები, შემდეგ მინისტრები, არმიის უმაღლესი ოფიცრები — ერთი სიტყვით, ნეპალის ყველა დიდგვაროვანი და წარჩინებული პირები.

ჩემს გვერდით იშაკი ზის. იგი ჩამჩურჩულებს:

— თავბრუდამხვევია! შენ როგორ გრძნობ თავს?

— საშინლად... მე მგონია, დიდხანს ვერ გავუძლებ.

მართლაც, საკმარისი იყო მიმელო ვერტიკალური მდგომარეობა, რომ სახვევებში ჩირქმა იწყო გამოყოფნა. იშაკიც გაჭირვებულ მდგომარეობაშია: ეთიკეტი აქ მეტად მკაცრია, — მგონი ყველაზე მკაცრი მსოფლიოში, და პიროვნება, რომელიც სასახლეში მიღების ღირსადაა მიჩნეული, არ შეიძლება ფოტოგრაფის მოვალეობას ასრულებდეს, მაგრამ ამ ქვეყანაში ფოტოგრაფია უდიდესი პოპულარობით სარგებლობს და დამსწრენი ეთიკეტის დარღვევას თვალს არიდებენ. დროგამოშვებით მაგნიუმი ინთება: იშაკი ნელ-ნელა იღებს სურათებს. შემდეგ იგი ისევ „მოწვეული“ ხდება. სასახლის ოფიციალური ფოტოგრაფები ვეება შტატივებიან აპარატებთან ცოდვილობენ,

რომლებსაც ისე გულმოდგინედ აყენებენ, თითქოს ეშინიათ, რომ წარუმატებლობის შემთხვევაში თავებს მოჰკვეთენ.

იშაკს ქედმაღლურად უყურებენ. „ვიღაც მოყვარულია... — ფიქრობენ ისინი, — ხომ არ შეიძლება სურათი ფრენისა გადაიღო!“

ქრისტიან ბელი დგება და ინგლისურ ენაზე სიტყვით მიმართავს მაჰარაჯას, საფრანგეთის სახელით მადლობას უხდის მას, რომ ნება დაგვრთო ნეპალის ნახვისა.

— ადამიანის მიერ დაპყრობილი უმაღლესი მწვერვალი ნეპალში მდებარეობს, — ამბობს იგი...

მერე მადლობის ნიშნად, პრეზიდენტის სახელით, მაჰარაჯას უძღვნის თანამედროვე სტილით ნაქარგ ობიუსონის ნახელავ კედლის ხალს, მაგრამ ნეპალში გამოყენებითი ხელოვნების ეს სახე ცნობილი არაა და როცა ქრისტიან ბელი უხსნის, რომ ეს ხალიჩა იატაკზე დასაფენი კი არა ნაქარგის სახეა, რომელსაც სურათის მსგავსად კედლების შესამკობად იყენებენ, ყველა გაკვირვებულია. დუმილს აღფრთოვანების ჩურჩული არღვევს.

კვლავ სიჩუმე დამკვიდრდა. შემდეგ მაჰარაჯა ადგა და ჩვენი ელჩის საპასუხოდ აღნიშნა, რომ მოხარული იყო, მოეცა ნებართვა, რომელიც ჩვენ საუკეთესოდ გამოვიყენეთ. ეს აქტი, რომელიც ქვეშაბრითად განსაკუთრებულ ხასიათს ატარებს, გვიჩვენებს, თუ როგორ მიისწრაფვის მაჰარაჯა, ხელი შეუწყოს საფრანგეთისა და ნეპალის მეგობრული ურთიერთობის განმტკიცებას, რომელიც დამყარდა ოდესღაც მამამისისა და სანსკრიტის სპეციალისტის, საფრანგეთის უდიდესი მეცნიერის სილვენ ლევის დიდი მეცადინეობის შედეგად.

სანამ ის ლაპარაკობდა, მემკვიდრე უფლისწულები ერთმანეთს გადახედავდნენ ხოლმე და შეუმჩნევლად საათზე იყურებოდნენ. სულ რამდენიმე წამიღა დარჩა: ნუთუ ეთიკეტი დაირღვევა? არა! მაჰარაჯა ამთავრებს. კიდევ რამდენიმე თავზიანი სიტყვა და ცერემონია დამთავრებულია. დიდებულები, თითქოს ჯადოსნურმა ქარმა წამოუქროლაო, ერთბაშად გაუჩინარდნენ.

რამდენიმე წუთის შემდეგ დაიწყება მიღების ნახევარდღიური ნაწილი. ზოგი უკვე ჩვეულებრივ ფორმაში



დაბრუნდა: შავი მუნდირით, გაკრეკილი ბეწვის ქუდით, ხოლო ორდენების მაგიერ მხოლოდ გურკების ნიშანი უკეთიათ: ორი გადაჯვარედინებული ოქროს ხმალი. ხელახლა გამოჩნდა მაჰარაჯა. ამჯერად მას მკერდზე მხოლოდ ერთი — საპატიო ლეგიონის ჯვრის ორდენი აქვს. საერთო საუბრის ტონიც შეიცვალა: ჩემი ამხანაგები ესაუბრებიან მინისტრებსა და უფლისწულებს, რომლებიც ტკბებიან დიდ მაგიდაზე გადაფენილი ნაჭარგით. მაჰარაჯა მოდის ჩემთან და რემდენიმე წუთის განმავლობაში მეგობრულად ვსაუბრობთ.

ვეუბნები მას, თუ როგორი სიმპათიითა ვარ განწყობილი მისი სამშობლოსადმი, რომელიც არცთუ ისე ცნობილია დასავლეთში, იმ საუკეთესო შთაბეჭდილებაზე, რომელიც დასტოვა ჩვენზე, თანმშლებმა ოფიცერმა ე. ბ. რანამ. ე. ბ.-ს დაუყოვნებლივ მიანიჭეს ლეიტენანტობა, ჯამაგირი კი გაუორკეცეს! იგი მეტად აღელვებული, კარგა დიდი მანძილიდან უხდის მადლობას და ორად მოხრილი ჩვენთვის უკვე ცნობილი უცნაური თავის დაკვრით მძიმედ ესალმება მაჰარაჯას.

როგორც ისტორია გვიჩვენებს, ამ მკაცრ მეომრებს ნაზი გრძნობებისადმი მიდრეკილება თითქოს არ უნდა ჰქონოდათ, ამიტომ განცვიფრებული ვარ, რომ ასეთ ყურადღებას, ამდენ გულკეთილობას იჩენენ ჩემს მიმართ. უეცრად დუმილი ჩამოვარდა: შემოდინ ვიღაც უცხო პირები, რომლებსაც მოწიწებით მოაქვთ რაღაც კოლოფები. რაშია საქმე? მაჰარაჯა დგება. მე გადამიყვანეს უზარმაზარი დარბაზის შუაგულში. გარს გვარტყია სამეფოს კარი. აქვე ესწრებიან ინგლისისა და ინდოეთის ახლახან ჩამოსული ელჩებიც თავიანთი ატაშეებით.

მაჰარაჯა საზეიმოდ ხსნის კოლოფებს და განმარტავს, რომ მეფე შეუძლოდა, ამიტომ მას დაეჯალა გადმომცეს ნეპალის უმადლესი ორდენი, სახელდობრ, „გურკების გმირული მარჯვენა“, რომლითაც აჯილდოვებს ომში გამოჩენილი სიმამაცისათვის მხოლოდ ნეპალის არმიის ჯარისკაცებსა და ოფიცერებს.

დიდი მღელვარებით წარმოთქვა მან უბრალო სიტყვები:

— თქვენ განსაკუთრებული ვაჟკაცობა გამოიჩინეთ და მოგესალმებით როგორც მამაც ადამიანს.

ვერავითარი ჯილდო ვერ ამალეღვებდა ამაზე მეტად — მა-  
მაცი გურკი მებრძოლებისათვის გამიზნულ ორდენზე მეტად.  
თითქმის გულწასული ვზივარ ჩემს საკაცზე და ვცდილობ  
შევაკოწიწო რამდენიმე სიტყვა საპასუხოდ. მადლობას ვწი-  
რავ ამ მოულოდნელი ჯილდოსათვის და დავსძენ, რომ ჩემი  
სახით დაჯილდოებულია მთელი ექსპედიცია. მაჰარაჯა მილო-  
ცავს. შემდეგ გვერდით ჩამიარეს მემკვიდრე უფლისწულებმა,  
მინისტრებმა, დიპლომატებმა. განუწყვეტლივ ისმის: „Con-  
gratulations!“<sup>1</sup>

თანდათან მთელი საზოგადოება პატარ-პატარა ჯგუფებად  
დაიყო. დროდადრო ჩემთან მოდიან მაჰარაჯა და მისი ვაჟი  
გენერალი ბიჟაია, რომ გაიგონ, თუ როგორ გუნებაზე ვარ.  
მეკითხებიან მარადთოვლიან სამყაროზე. მათ აინტერესებთ და  
აღელვებთ ანაპურნის ისტორია. ამიერიდან იმედი მექნება,  
თუ რაიმე უბედურება მოხდა, ჩვენ, საღმრთო კანონების დამ-  
რღვევთ, დანაშაულად არ ჩაგვითვლიან.

წასვლის დროა. სრულიად ღონემიხდილი ვარ... ვალი  
ბოლომდეა მოხდილი. ჩემს ამხანაგებს ეს კარგად ესმით და  
ვეთხოვებით მასპინძლებს. მისი უმაღლესობა თავისი შვილისა  
და სხვა დიდებულების თანხლებით ზეიმით გვააცილებს გრან-  
დიოზულ კიბემდე. მოთმინება არ მყოფნის, ვიდრე დაეწვებო-  
დე, მაგრამ საფუხურებზე დაშვება რომ დავიწყეთ, უეცრად ნა-  
წყვეტ-ნაწყვეტი ბრძანება გაისმა: ნელა მომავალი მანქანები  
გაჩერდნენ.

მოისმის მუსიკის ხმა. ყველა „სმენაზე“ დგება. უკანასკ-  
ნელი აკორდისთანავე მივუბრუნდი საგარეო საქმეთა მი-  
ნისტრს და მინდა ვუთხრა, რომ ვასიამოვნო: „რა თავაზიანობაა  
თქვენის მხრივ ამ მელოდიის ჩვენთვის შესრულება!“ კიდევ  
კარგი, რომ პირის გაღებასაც ვერ ვასწრებ. მინისტრი იხრება  
ჩემკენ და მეკითხება:

— როგორ მოგეწონათ ჩვენი ნაციონალური ჰიმნი?

— დიდებულია! და განსაკუთრებით გულში ჩამწვდომია  
ჩვენთვის, ფრანგებისათვის...

ამ დროს მოისმის მარსელიოზა, განცვიფრებულნი და  
აღელვებულნი ვართ ჩვენი სამშობლოდან ესოდენ დაშორე-

<sup>1</sup>. გილოცავთ!

ბულ ქვეყანაში მშობლიური ჰიმნის გაგონებით. ცხადია, რომ მის შესრულებას ხანგრძლივი მზადება დასჭირდა.

დუმილი ჩამოვარდა. მაპარაჯა გვემშვიდობება. მოწიწებით ვუხრით თავს და ვსხდებით მანქანებში. კვლავ გაისმის წყვეტილი ბრძანება და ისევ მარსელიოზას ხმები იღვრება. მანქანები ნელა დაიძრნენ.

სადამოს ჩემი ამხანაგები ინგლისის საელჩოში ვახშობენ და უგზავნიან უსტარს ტილმანს, რომელიც ამჟამად მანანგოტის რაიონშია. მეორე დღეს დამსახურებული დასვენებას შემდეგ მივემგზავრებით ერთ-ერთი ყოფილი დედაქალაქის ბაგდაონის დასათვალთვრებლად, სადაც ვნახულობთ ინდუსურ პაგოდებს, რომლებიც გვაოცებს თავისი მდიდრულობით.

კატმანდუს ცენტრში, მოედანზე, ტაძრის ახლოს, ვტყუებით ქალ-ღმერთ კალის ქანდაკებით. ჩემი ამხანაგები მიდიან სვაიაამბსუნატას განთქმული ბუდისტური „სტუპი“-ს<sup>1</sup> დასათვალთვრებლად, რომლის თავზე ამართულია ლითონის კონცენტრული სალტეებისაგან გაკეთებული კოშკი.

მეორე დღეს, 12 ივლისს, ყველანი მივემგზავრებით. ტრადიციის თანახმად, თითოეულ ჩვენგანს კისერზე ჰკიდებენ სურნელოვანი ყვავილების გვირგვინს.

ვტოვებთ რესტჰაუსს. მაპარაჯამ იზრუნა იმაზე, რომ უკან დაბრუნება გაშიადვილოს. მაწვენიენ მოხერხებულ. საკაცზე, რომელიც მიაქვს რვა კაცს. მალე იწყება უკვე ჩვევად ქცეული ნჯღრევა; ბილიკი მიემართება უღელტეხილისაკენ.

ჟ. ბ. მოგვეყვება პირველ სერპანტინამდე. იგი პატიოსნად გვემსახურებოდა და პირადი მაჯლოგრების ნიშნად ვუძღვნი მას ჩემს რევოლვერს, რომელიც არ მომიშორებია ომიანობის წლებში. ამ ქვეყანაში ამ იარაღს არ იცნობენ და ჟ. ბ. ძალიან გულაჩვილებულია საჩუქრით, რომელიც მუდამ მოაგონებს ჩვენს თავვადსაგალს.

მას უმძიმს ჩვენთან განშორება. მღელვარებით მემშვიდობება. რამდენიმე ხანს მოჰყვება საკაცებს და მერე თანდა-

<sup>1</sup> საფლავის მონუმენტი, რომელშიც ინახება ბუდას ნეშტი, ან რელიქვიები, ან უბრალოდ ძველი.

თანობით უკან რჩება. ბილიკი ბორცვზე აღის. მალე იგი ჭუნ-  
გლებში დაიკარგება... ყვავილწუნულები საამურ სურნელებას  
აფრქვევენ... ე. ბ.-ს სახეზე უსაზღვრო სევდაა აღბეჭდილი და  
მზით დამწვარ ლოყებზე ცრემლები ჩამოსდის.

მზერა შორეულ მოციხფრო მწვერვალებისაკენ გადამაქვს:  
აქ თავი მოუყრია მსოფლიოს ყველა ბუმბერაზს. თავისი  
ბრჭყვიალა მწვერვალები ცისკენ მიუბჟყრიათ, თითქოს გაყინუ-  
ლანო სასოწარკვეთილი ვედრებისას.

ამხანაგებმა შორს გაგვისწრეს. საკაცის თანაბარი რხევა  
მწყვეტს ზღაპრულ სანახაობას, რომელიც მალე მხოლოდ მო-  
გონებად დაგვრჩება.

საამოდ ვთვლემ და ვცდილობ ოცნებით წარმოვიდგინო  
პირველი შეხვედრა თვითმფრინავში ცივილიზებულ სამყაროს-  
თან, ნათესავებთან და მეგობრებთან, ორლის აეროდრომზე  
რომ გველოდებიან...

თუმცა კი შეუძლებელია წარმოდგენა იმ საშინელი მღე-  
ლვარებისა, რომლის განცდა სინამდვილეში მომელის, იმ  
ძლიერი ნერვიული აფორიაქებისა, რომელსაც ბედი მიმზა-  
დებს. ამ ოპერაციებმა ღია ცის ქვეშ, ამ გულისამრევმა სასა-  
კლაომ, თანდათან დააჩლუნგეს ჩვენი გრძნობები. მთლიანად  
უკვე ვეღარ შევიგრძნობთ მთელ საშინელებას: უსარგებლო  
ხარახურასავით გადაყრილი მოკვეთილი თითები, იარებიდან  
მომდინარე სისხლი, ჩირქის აუტანელი სუნი — ყოველივე ეს  
უკვე არავითარ შთაბეჭდილებას აღარ ახდენს ჩვენზე.

დაფრენის წინ, რა თქმა უნდა, მე და ლაშენალი „ჩამოს-  
ვლის“ აღსანიშნავად ლამაზ სახვევებს გავიკეთებთ, მაგრამ  
პირველ წამებშივე ყველა ეს მეგობრული, სიბრალოლით  
აღსავსე მზერა თვალისდახამხამებაში ჩამოგლეჯს გულმოდგი-  
ნედ მომზადებულ ნიღაბს.

ჩვენ შესაბრალისი არაფერი გვაქვს... და მაინც ეს ცრემ-  
ლიანი თვალები, ეს დაბნეული გამოხედვა, უხეშად, სასტი-  
კად გამახსენებენ სინამდვილეს. უცნაური ნუგეშისცემაა, რო-  
მელიც თვალს აგიხელს მწუხარებაზე...

საკაცე მარწევს, მე კი ვფიქრობ ჩვენი ეპოპეის დაგვირ-  
გვინებაზე, ჩვენს მოულოდნელ გამარჯვებაზე. იდეალზე ლა-  
პარაკობენ ყოველთვის, როგორც მიზანზე, რომლისკენაც

ადამიანი მარად ისწრაფვის და რომელსაც ვერასდროს აღწევს.

თითოეული ჩვენთაგანისათვის ანაპურნა — ეს მიღწეული იდეალია. ჰაბუკობისას ჩვენ არ გვალეღვებდა არც ფანტასტიკური მოთხრობები, არც თანამედროვე ომების სისხლისმღვრელი ბრძოლები, რომლებიც ასაზრდოებენ ბავშვის ფანტაზიას. მთები იყო ჩვენი ბუნებრივი ასპარეზი, სადაც სიკვდილსიცოცხლის საზღვარზე მოვიპოვეთ თავისუფლება, რომლისკენაც შეუგნებლად მივილტვოდით, და რომელიც ლუკმაპურივით გვესაჭიროებოდა.

მთები უხვად გვასაჩუქრებდნენ თავისი მშვენიებით. ჩვენ ბავშვური გულუბრყვილობით ვიხიბლებოდით მათით და თავიანს ვცემდით მათ.

ანაპურნა საუნჯესავით დარჩება ჩვენს მოგონებებში მთელი ცხოვრების მანძილზე. ამ აზრით ვშლით ახალ ფურცელს... იწყება ახალი ცხოვრება!

სხვა ანაპურნებიც ბევრია ადამიანის ცხოვრებაში!..



ბუნებაზე ადამიანის ბრწყინვალე გამარჯვების დამადასტურებელი დრამატიზმით აღსავსე ფურცლები გვაიძულებენ ვინაროთ და ვიტანჯოთ ამ განსაცვიფრებელი მოთხრობის გმირებთან ერთად.

ამ წიგნს წაიკითხავენ საბჭოთა მკითხველების ფართო წრეები, რომლებიც, შესაძლოა, არ იცნობენ ალპინიზმს, სპორტის ამ ვაჟკაცურ და კეთილშობილურ სახეს, როდესაც ადამიანი თამამად ებმება უთანასწორო ბრძოლაში ყოვლისშემძლე და მკაცრ ბუნებასთან გრანდიოზულ არენაზე, უმაღლეს მწვერვალთა შორის, თოვლისა და ყინულის სამეფოში. ამ წიგნს სარბად წაიკითხავენ ჩვენი სამშობლოს მრავალრიცხოვანი მთამსვლელებიც, გამბედავი ახალგაზრდობა, უკვე დაავადებული „მთის ავადმყოფობით“, რომელმაც შეიყვარა „მამაცთა სპორტი“ და გატაცებით იპყრობს მრისხანე მწვერვალებს.

თითოეული ჩვენგანი ჯეროვნად აფასებს ფრანგი ალპინისტების ვაჟკაცობასა და გმირობას. ამავე დროს, ამ წიგნის წაკითხვისას საბჭოთა ალპინისტი ვერ შეძლებს თავი დაადწიოს გულნაკლულობის ბუნდოვან გრძნობას. აქ რაღაც სხვა ამბავია! რაღაც არ ეთანხმება იმ პრინციპებსა და მიზანდასახულობას, იმ წესებს, რომლებიც განაგებენ საბჭოთა ალპინიზმის განვითარებას და რომლითაც ხელმძღვანელობს ჩვენი ახალგაზრდა მთამსვლელი, თავისი პირველი ნაბიჯებიდანვე მთაში.

თუ თავს დავადწევთ წიგნის გმირებისადმი სავსებით გასაგები მღელვარებისა და სიმპათიის გრძნობას და ობიექტურად გავაანალიზებთ საფრანგეთის 1950 წლის ექსპედიციის მომზადებასა და ჩატარებას, უთუოდ ყურადღებას მიიქცევს ზოგიერთი მომენტი, რომელიც არ შეიძლება შეფასდეს სხვანაირად, თუ არა, როგორც ორგანიზაციული და ტაქტიკური შეცდომები.

პირველ ყოვლისა, შეცდომას წარმოადგენდა თვით მწვერვალის არჩევა ასვლის ობიექტად. დჰაულაგირისა

და ანაპურნის რაიონი იმ დროისათვის სრულიად გამოუკვლეველი იყო. მისასვლელეზსაც კი არ იცნობდნენ ხოლო მწვერვალზე ასავლელ გზებსა და ნოსალოდნელ დაბრკოლებებზე ლაპარაკიც ზედმეტია.

ექსპედიციას მიზნად ჰქონდა დასახული რვაათასიანის დაპყრობა, თუ დაპულაგირის არა, ანაპურნისა მაინც, მაშინ, როდესაც პირველი ექსპედიცია ასეთ გამოუკვლეველ რაიონში მხოლოდ სადაზვერვო ხასიათისა უნდა იყოს. მართლაც, დროის უნეტესი ნაწილი დაიხარჯა მისასვლელების ძებნაზე, მრავალრიცხოვან დაზვერვებზე. თვით ასვლისათვის კი ორიოდე დღეა დარჩა. სწორედ ამ გარემოებამ თავისი დაღი დაასვა ექსპედიციის მთელ მსვლელობას. „ჩქარა, ჩქარა, უფრო ჩქარა! მუსონი გვიახლოვდება!“ ამის შედეგად — არავითარი კარგად მოწყობილი შუალედური ბანაკები არ იმართება. ერთი-ორი კარავი, ისიც უსურსათოდ, არასაკმარისი საჭურველი — ეს ხომ ნამდვილი ჰიმალაური ბანაკი არაა!

გადამწყვეტი იერიშისათვის თითქმის ყველა მთამსვლელი გადაიღალა და მწყობრიდან გამოვიდა. მხოლოდ ერცოგსა და ლაშენალს შეეძლოთ მოიერიშე წყვილის შედგენა. საიერიშო ბანაკი მოწყობილი იყო ძალიან დაბლა, ხოლო კიდევ ერთი ბანაკის მოსაწყობად დრო აღარ დარჩა.

საჭურვლის ხარისხს უდიდესი ყურადღება ჰქონდა დათმობილი, მიუხედავად ამისა, ფრანგების ფეხსაცმელი ასეთ სიმადლებზე ასვლისათვის შეუფერებელი აღმოჩნდა. „ვიბრამის“ ძირებიანი, ჩვეულებრივი სამთო ფეხსაცმელი, მხოლოდ ფეტრით ოდნავ დამთბარი, ბუნებრივია, ამ შემთხვევაში გამოუსადეგარი იყო. არა თუ მძიმედ დაშავებულთ — ერცოგსა და ლაშენალს, არამედ ექსპედიციის დანარჩენ წევრებსაც (ტერაის, რებიუფას, შაცს, კუზის), სციოდათ ფეხებზე და ეშინოდათ მოყინვისა.

შედარებისათვის მოგაგონებთ, რომ ინგლისის 1953 წ. ევერესტის ექსპედიციის მზადების დროს, სამალაღმთო

ფეხსაცმელის დამზადებაზე მუშაობდა ოცდაათზე მეტი სსვადანსვა ფირმა და სამეცნიერო-კვლევითი ლაბორატორია. ამის შედეგად, 1953 წელს, ინგლისელ ალპინისტთაგან არაზინ არ უჩიოდა სიცივეს, თუმცა ჰაერის ტემპერატურა გაცილებით უფრო დაბალი იყო, ვიდრე 1950 წელს ანაპურნაზე.

საფრანგეთის ექსპედიციის ნაკლს წარმოადგენდა, აგრეთვე ბანაკთა შორის რადიოკავშირის უქონლობა. ულტრამოკლეტალიანი რადიოსადგურები, რომლის შესახებ ერცოგი თავის მოთხრობის პირველ თავებში წერს, შემდგომში ან წყობიდან გამოვიდნენ ან უბრალოდ არ მიქონდათ მწვერვალზე სიმძიმის გამო. და რომ ტერაი და რებიუფა საკუთარი ინიციატივით არ ასულიყვნენ 3 ივნისს V ბანაკში, ყოველ იჭვს გარეშეა, ერცოგი და ლაშენალი, მეორე დღეს უკვე აღარ იქნებოდნენ ცოცხალი. მაშინ, როდესაც ორმხრივი რადიოკავშირის არსებობის შემთხვევაში (რაც ადვილად ღამყარდებოდა, რადგან ყველა ბანაკი პირდაპირი ცუდვის არეში იყო) დახმარება გაცილებით უფრო ადრე მოუსწრებდათ და ყველაფერი, ალბათ, მშვიდობით დამთავრდებოდა.

თუმცა უნდა ითქვას, რომ რადიოკავშირის უგულებელყოფა ზედა ბანაკებში — საერთო მოვლენაა ყველა საზღვარგარეთელი ექსპედიციებისათვის. ეს მით უმეტეს ძნელი ასახსნელია, რომ უკვე დიდი ხანია არსებობს ნახევარგამტარებიანი ჩინებული ულტრამოკლეტალიანი სადგურები, რომელთა წონა ბატარეებისადა, 300-400 გრამს არ აღემატება.

აუცილებელია შევჩერდეთ ასვლის ზოგიერთ ტექნიკურ მომენტებზე, რომლებსაც შეუძლიათ გაოცება გამოიწვიონ საბჭოთა მთამსვლელებში. თოკი — ხიაფთის თავიდან აცილების მძლავრი საშუალებაა ასვლების დროს. სწორად ორგანიზებული დაზღვევის დროს, მოწყვეტის შესაძლებლობა პრაქტიკულად შეიძლება გამოირიცხოს. მაგრამ ჩვენ ვხედავთ, რომ მწვერვალის გადამწყვეტი იერიშის დროს ერცოგი და ლაშენალი უთოკოდ წავიდნენ, თუმცა გზა მარტივი არ იყო და ჩა-



სავარდნი ადგილებიც ხვდებოდათ. ურთიერთ ჩაუბმელი ამხელელები კი უკვე აღარ წარმოადგენდნენ ერთიან ჯგუფს, ამიტომ დაშვების დროს ერთმანეთი დაჰკარგეს და ლაშენალის დაცურება ფერდობზე მხოლოდ შემთხვევის წყალობით არ დამთავრდა კატასტროფით. დაზღვევის შეუფასებლობის მსგავსი შემთხვევები მოხდა აგრეთვე, ექსპედიციის უფრო ადრეულ ეტაპებზე, მაგალითად, დჰულაგირის აღმოსავლეთ ყინვარზე, ანაპურნის ჩრდილო-დასავლეთ წიბოზე და სხვ.

საჭიროა აგრეთვე მოვიხსენიოთ. საბჭოთა მკითხველისათვის უცხო ტონი, რომელიც თითქოს შეუმჩნეველია, მაგრამ მაინც გამოსჭვივის მოთხრობიდან, როცა ლაპარაკია ნეპალის ან ინდოეთის მკვიდრთა შესახებ. ერცოგი, როგორც სხვა ევროპელი ალპინისტები, ღირსეულად აფასებს შერპების მაღალ მორალურ და ფიზიკურ თვისებებს, საქვეყნოდ აცხადებს მათ ასვლის დროს თანასწორუფლებიან ამხანაგებად. და მაინც შერპი მისთვის, პირველ ყოვლისა მსახურია, რომელიც ჯამაგირს იღებს და მოვალეა ემსახუროს თავის საძიებებს.

ჩვენ ვფიქრობთ, რომ 1950 წ. ექსპედიციის ორგანიზაციისა და ჩატარებისადმი გონივრული კრიტიკული მიდგომით, სრულიადაც არ ვამცირებთ ფრანგი მთამსვლელების ბრწყინვალე გამარჯვებას, მათ განსაკუთრებულ ვაჟაკობას, მაღალ ოსტატობას, ერთსულოვნებას და ამხანაგობის გრძნობას.

ამავე დროს ვიმედოვნებთ, რომ ასეთი კრიტიკა დაგვეხმარება ვუპასუხოთ ზოგიერთ კითხვაზე, რომელიც, შესაძლოა, წამოეჭრას მკითხველს, და გაფუფანტოთ ეჭვები ახალგაზრდა მთამსვლელებს, რომლებიც წაიკითხავენ ამ წარმტაც მოთხრობას.

სსრკ სპორტის ოსტატი ალპინიზმში

ბ. ბარფი

**Морис Эрцог  
Аннапурна**  
(На грузинском языке)  
Детюниздат Грузинской ССР  
«Накадули», Тбилиси, 1974

რედაქტორი მ. აბულაძე

გამომცემლობის რედაქტორი ნ. ქართველიშვილი,  
მხატვარი ლ. ფალინი, მხატვრული რედაქტორი  
გ. ლლონტი, ტექნიკური რედაქტორი ლ. ქვარცხავა,  
კონტროლიორ-კორექტორი დ. კალანდარიშვილი, კო-  
რექტორი მ. ლაღაძე, გამომშვები თ. ბულაძე.

გადაეცა ასაწყობად 23/IV-73 წ.; ხელმოწერილია და-  
საბეჭდად 22/III-74 წ.; ანაწყობის ზომა  $5\frac{1}{2} \times 9\frac{1}{4}$ ;  
ქალაქის ზომა  $84 \times 108\frac{1}{32}$ ; ნაბეჭდი თაბახი 9,24;  
სააღრიცხვო-საგამომცემლო თაბახი 16,67;  
ტირაჟი 20.000; შეკვ. № 2371;  
ფასი 94 კაპ.

გამომცემლობა „ნაკადული“, მარჯანიშვილის ქ. № 5.  
Изд-во «Накадули», ул. Марджанишвили № 5.

საქართველოს კბ ცკ-ის გამომცემლობის სტამბა,  
თბილისი, ლენინის ქ. 14  
Типография издательства ЦК КП Грузии,  
Тбилиси, ул. Ленина, 14.